

ARS SCIENDI

SIVE

LOGICA.

Nova Methodo disposita, &
novis præceptis Aucta.

Opera & Studio T. G. M. A.
V. D. M.



LONDINI,

Impressa Prostant Venum apud Guilielmum
Robinson Bibliopolam Oxonia. 1682.



6.8.8

Nobili & vere Generoso Juveni,
Domino Clotworthæo Skeffingtonio,
Magnificæ familiæ Massareniacæ heredi optimæ spei, ἐν-
νεσίῳ καὶ χαίρει.

CUM de tractu sequenti
typis mandando cogita-
rem, occasionem mihi obla-
tam sensi, officii testandi erga
aliquem eorum quibus arctius
devinctus sum. Cur autem
aliis omnibus te, in hoc nego-
tio prætulerim, rationes fue-
runt gravissimæ. Quanquam
metuendi causæ non deerant,
ne quod in hoc genere præstiti
meritis tuis minus respondeat.
Viliorem autem lucubrationem
personæ eximiæ dicare & le-
gendam offerre, non potest ab

A 3 injuria


injuria excusari, nisi animus
scribentis, defectus operis com-
pensare putetur. *Vilem* autem
merito dicerem, ob sermonis
& stili humilitatem, ut reliqua
omnia taceam : *lucubrationem*
vero, quia maxima ejus pars,
nocturna luce, (si ita loqui li-
ceat,) gravioribus interdium ne-
gotiis alio vocantibus, scripta
est. Verum cum libri non qui-
busvis nuncupandi sint, sed vel
iis, quorum nomina publicis
elogiis extare merentur ; vel
qui ex eorum lectione profice-
re possunt, (ut nihil dicam de
illis qui veritati patrocinentur,
cum quicquid hic dicitur in so-
lius rationis clientelam se dede-
re necesse sit,) neminem alium
familiarem habui, in quo am-
bo

bo ista concurrunt. Virtutes
tuas in tam tenella ætate prædi-
care, si esset facultas, animus
tamen non est. Has enim mal-
lem luce propria, quam mutu-
atitia splendere ; sicut & vere
splendere incipiunt, et nova
quotidie incrementa habituras
spero : nam agnitio quæ veri-
tatem rei ipsius non tantum non
superat, sed etiam multum ab-
est ut adæquet, ostentationi af-
finis videri non debuit. Alte-
rum vero quod attinet, licet
multa hujus generis optime ab
aliis conscripta jamdudum om-
nium manibus terantur, non
tamen desperabam fore ut ho-
rum etiam lectione aliquid
emolumenti ferres. Causam
etiam non minimam ipse de-

disti, cur opusculum hoc iudicii publici periculum experiretur. Quæ enim sparsim in aliò quodam magni simul & nullius nominis Autore, eo nempe qui *Artem cogitandi* compilavit, et contractius in scriptis legisti, hic collecta & accessu non exiguo aucta habes. Hoc etiam accedit, quod libellum hunc publici juris faciendo meæ etiam erga te gratitudinis & observantiæ testimonium ederem. Utque eo nomine gratus & acceptus tibi sit, quem, si votis hic quidquam præstari posset, vel tui unius causa multo elaboratiorem & utiliorem optarem, petit & expetit

Generositatis tuæ observantissimus

T. G.



A D

Lectorem.

MIrabuntur forte quidam, et indignabuntur alii, post tot Systemata, Compendia, Synopses, Institutiones, et si quæ alia sint nomina, quibus scripta logica venire solent, esse aliquem, præsertim nominis in orbe literario plane obscuri, qui aliquid

Ad Lectorem.

quid hujus generis evulgare præsumat. Sic enim actum agitur, et libri sine necessitate multiplicantur; quin & aliorum, de hoc Argumento industria superciliose contemnitur. Quam enim incredibile est, aliquid rectius, aut utilius, in hoc opusculo, præstitum esse, quam in aliis jam præstitum est? Equidem, quæ has aut similes accusationes repellat, apologiam operosam instituere, non satago. Nisi enim opus ipsum, se, apud æquos & peritos Scriptorum censores, defenderit, supervacanea erunt omnia verba mea quibus defensionem illius conarer. Solum igitur quid in eo a me revera præstitum est, ingenue & aperte exponam. Cum præter superiores Tractatus Logicos, (in quibus Systematæ

Ad Lectorem.

systemata Keckermanni & Institutiones Burgersdicii, præcipuos existimo,) duo alii nuper ad manus pervenerunt, Logica Johannis Claubergii, et Ars cogitandi gallice primum ab Autore anonymo conscripta, et ab alio quodam (qui nomen quidem supprimit, sed tersæ latinitatis & judicii limati visus est) eleganter versa; utrumque quidem optime de Logica & illius studiosis meritum esse censui; posteriorem quidem, quod plurima utiliter, præsertim in parte communi immutavit, quædam etiam nova adjecit; priorem, quod Hermeneuticam, Didacticam & Criticam addidit, quæ in superioribus systematis desiderabantur; neuter tamen per se, finem hujus Artis, æque

Ad Lectorem.

æque feliciter ac uterque simul, affecutus videretur : cum etiam plures ante annos, ab amico quodam, viro clarissimo, uti aliquid in hoc genere conscriberem, vel potius compilarem, rogarer, operæ pretium mihi facturus videbar, si utriusque tractatus medullam in unum colligerem, et nonnihil immutarem, ac pro mea tenuitate adjicerem. Posteriores etiam minus aptum tyronibus erudiendis ideo existimavi, partim quia Autor, cum pontificius esset, præcepta logica alicubi ad causam Antichristianam fulciendam inflexerat ; partim, quia multas digressiones immiscuit, et in exemplis longius excurrit, adeoque ad doctos potius oblectandos, quam discipulos instituendos, qui nuda, simplicia

Ad Lectorem.

plia & aperta præcepta requirunt, compositus sit. Posterior hic defectus in Claubergio etiam frequenter occurrit, in quo præcepta sæpe cum rationibus, limitationibus, continuatis, et prolixis, ita complentur, ut tyroni difficile sit ea distinguere. Ut nihil nunc dicam de incommoda prolixitate, et repetitionibus non paucis. An autem delectum meliorum recte fecerim, & additamenta mea necessaria sint, judicii lectoris periculum nunc subeundum est.

Causabuntur etiam nonnulli scripta istiusmodi a professione nostra esse aliena, et ab iis exarari debere qui se unice studio Philosophiæ addixerunt.

Ad Lectorem.

runt. Non diffiteor qui in studio illo quotidie versantur, instructiores ut plurimum esse posse, ad ejusmodi tractatus componendos & refingendos. Affirmo tamen nemini magis necessariam esse peritiam eorum quæ in Logica præcipua sunt, quam qui λόγον εμψυλον subministrant, λογικὴν λατρείαν hominibus commendant, et de λογῷ illo æterno qui caro factus est, et sanam mentem homini lapso restituit, ex officio differunt. Et licet qui professione tantum philosophi sunt, in aliis Philosophiæ partibus occulatiores esse possunt, aut debent, nulli tamen, qui circa cogitationes suas recte formandas & gubernandas exercetur, frequentior datur occasio observandi
quid

Ad Lectorem.

quid recta ratio, de norma & modo sciendi præscribit, quam qui in textus sacri *Analysi*, in controversiis de fide & Religione dijudicandis, et verum a falso, certum a dubio discernendo quotidie fere occupantur. Si igitur & hi, in *Logica*, quid rectum & obliquum, quid utile & inutile, quid magis minusve necessarium, non minus quam alii tenere possint, quid absurdi faciunt si homines suæ professionis, præsertim vero S. Ministerii candidatos, ad studium & intelligentiam hujus *Artis*, non tantum verbis, sed etiam opere hortentur, et eadem opera aliorum etiam commodo inserviant? Denique curiositatem eorum, quibus styli simplicitas displicebit;

Ad Lectorem.

cebit, non moror, sed in aliorum
judicio & approbatione acquiesco,
qui recte norint, omnia in hujus ge-
neris scripto nude & aperte esse
exponenda. Vale.

Errata. correctura sunt.

Pæmonitus sis Lector utincuriam Typothetarum
sponte tuâ corrigas ubi unâ tantum literâ se pro-
det; et sequentia errata sic emendes. pag. 21. lin.
22. post existentia scribe & non-existentia. pag. 177.
lin. 13. pro applicatio scribe explicatio. pag. 216.
l. penult. pro acceptione reponere exceptione. pag. 238.
lin. 28. mutes notum in ignotum. Vale.

A R S.

ARS SCIENDI SIVE LOGICA.

Prolegomena.

1. **L**ogica est ars, per quam dirigimur ad ratione nostra recte utendum, in cognitione rerum quaerenda.

Brevius, *Ars sciendi*. Ratione autem recte utimur, cum recte concipimus, et loquimur. Logica enim dicitur a voce λόγος, quæ tum rationem in mente residentem, tum sermonem ore formatum significat. Aliter Dialectica a διαλέγεσθαι, quasi *Ars differendi*, dicitur.

2. Conceptus est *Idea* rei in mente. Rem enim quodammodo repræsentat. Quatuor autem sunt genera conceptuum, sive operationum mentis nostræ, *Apprehensio simplex*, *Judicium*, *Discursus*. et *Dispositio*, sive *Methodus*. Quæ omnia aliquo modo per præcepta logicæ diriguntur.

B

3. Ap-

3. *Apprehensio* simplex est illa mentis operatio, per quam res, simplici modo, instar sensus externi, aut imaginationis, intuemur, nihil expresse de illis affirmando, vel negando: ut cum sigillatim concipimus *equum*, aut *cursum*.

4. *Judicium* est, quo statuimus aliquid alicui convenire, vel non convenire, affirmando scilicet, vel negando, ut *equum currere*, vel *non currere*.

5. *Discursus*, qui aliter *Argumentatio* dicitur, est per quem, unum judicium ex alio elicimus; sive unam veritatem, aut falsitatem ex alia colligimus: ut cum ex eo quod percipiamus *equum currere*, inferimus eum *pedes alternatim tollere & ponere*. Aut cum Cartesius primo statuit mundum esse indefinite extensum, indeque infert non posse simul esse plures mundos.

6. *Dispositio* denique, sive *Methodus*, est per quam judicia, et ratiocinationes nostras, eo ordine instituimus, qui rebus intelligendis, et memoria tenendis, maxime idoneus est.

7. Recte igitur ratione utimur cum recte apprehendimus, rectum judicium de rebus ferimus, firmas veritatum consequentias necitimus, et debito in judicando et ratiocinando, ordine progredimur.

8. *Objectum* logicæ *primarium* sunt quatuor istæ operationes mentis. Qui enim illas recte formare et gubernare noverit, facilius
Ser-

Sermonem externum recte instituet : et major est perfectio recte concipere, quam recte loqui.

9. De vocibus tamen et sermone externo tanquam *objecto secundario* agit logica. Hæc enim signa sunt, quibus conceptus nostros interpretamur. Non tamen Etymologiam aut Syntaxin orationis tradit ; hoc enim Grammaticæ munus est : Nec quantitatem seu numeros, ut Poetica : Nec ornatum, et *το μέδων*, ut Rhetorica ; sed eam ita seligere, et ordinare docet, quo res clare et distincte, ac secundum nudas et simplices naturas suas, audienti representare possit.

10. Ad logicam etiam pertinet *ordines* rerum generales, et *attributa* communissima proponere, et explicare. His enim ignoratis, nec fieri possunt opera quæ facienda præscribit, nec facta intelligi. Ordines vero rerum particulares, et attributa propria, reliquis disciplinis exquirenda relinquit.

11. Logicæ finis præcipuus est, ut, in cognoscendo, et differendo, facilius et certius procedamus. Per naturam quidem omnes homines ratione utuntur : et multi perfectius qui logicæ imperiti sunt, quam qui eam didicerunt. Unde scientiæ acquisitio non tam huic arti debetur, quam felicitati ingenii, ejusque usui sedulo et prudenti : Facit tamen, ut facultate, qua per naturam, experientiam, aut institutionem pollemus, facilius, et rectius

utamur. Hinc in ea, non scientia ipsa, sed modus sciendi quærendus est.

12. Deinde beneficio logicæ, certiores reddimur, nos ratione nostra recte uti: et errores in quos vel nosmet-ipsi, vel alij incidunt, facilius detegimus. Licet enim solo lumine naturali, vitium concipiendi et loquendi sæpe perspiciamus, in quo tamen illud situm sit, et quænam illius sit causa, et ratio, non statim indicare possumus. Quemadmodum illi, qui pingendi rudes sunt, imagine informi offendi possunt; in quo tamen manus pictoris aberraverit, ostendere nequeunt.

13. Est etiam utilitas quædam logicæ accidentaria, quatenus ex ea uberiores mentis nostræ notitiam consequimur: dum scilicet varios modos contemplamur, quibus in operationibus suis procedit.

14. Duo sunt mentis nostræ exercitia, quæ præceptis logicæ diriguntur, *Genesis* et *Analysis*. *Genesis* est thematis cujusslibet tractatio; id est, cognitionis inventio seu productio. *Thema* dicitur quicquid menti cognoscendum proponitur. *Analysis* est, tractationis jam factæ resolutio, sive singularum partium notatio.

15. Utraque duplex. Alia enim est *Genesis* per quam nosmetipsos, cognitionem acquirendo, instruimus, quæ *Genesis* absolute; alia per quam alios docemus, seu viva voce,

seu

feu scriptis, quæ *Didactica*, id est, *Ars docendi* dicitur.

16. *Analysis* itidem, alia est *pura*, in qua partes tractationis tantum resolvuntur. Alia quæ non solum istud præstat, sed etiam sensum Authoris, sicubi obscurus aut incertus sit, investigat, et exponit: quæ idcirco a numero quodam scriptore, *Hermeneutica*, id est, *Ars interpretandi* vocatur. Alia per quam examen eorum, quæ nobis aut aliis cogitata vel dicta sunt, instituimus, recta probantes, vitiosa & falsa rejicientes, quæ *Critica & Elementica* est.

17. Præcepta logicæ, alia Generalia sunt, quæ omnibus istis exercitiis dirigendis, communiter inserviunt: alia Specialia, quæ singulis accommodantur. Unde logicam dividimus in communem & specialem. Pars communis sex tractatus complectitur. Primus est de ordinibus rerum generalibus, et attributis communissimis. Secundus de vocibus, et Oratione. Tertius de Idæis simplicibus, et Apprehensione simplici dirigenda. Quartus de judicio, et propositione, Quintus de Discursu. Sextus de Dispositione, seu Methodo.

LOGICÆ Generalis.

C A P. I.

*Duo ordines Rerum, Substantia et
Modus Attributorum Divisiones
primæ.*

1. **A**D mentem dirigendam in profecutione Scientiæ primum præceptum generale est, *Res omnes & earum attributa, ad certos ordines reducere.* Quum enim cognitionis nostræ, directrix sit logica, consentaneum muneri isti est, ut quænam nobis cognoscenda sunt, summatim proponat. Deinde, sicut quædam sunt præcepta, quæ omnibus rebus, ita etiam, alia sunt, quæ huic & illi generi tractandis, destinantur. Illa autem intelligi nequeunt, nisi summa genera rerum præcognita sint. Per attributa etiam sua, unamquamque rem cognoscimus. Attributorum igitur loci communes notandi sunt, ut singulorum ad exemplar, singularum rerum

attributa, facilius inveniamus, aut certiores
simus nos invenisse.

2. *Ordines rerum duo sunt, unus Substantiarum, alter Modorum*, quæ Substantiis insunt. Substantia est res per se subsistens. Subsistere per se dicimus quod vel existit per essentiam, adeoque necessario, et semper fuit, et erit (qua ratione solus Deus per se subsistit;) vel, ut existat, solo influxu Dei conservante indiget; sic per se subsistunt angeli, homines, bestię, plantę, et omnes substantię creatę.

3. Modus est res substantiam aliquam essentialiter afficiens. Potest quidem una Substantia aliam afficere, verum non per se, seu per essentiam suam, ut Modus, sed unionis interventu. Unde Modus *per se*, nec existit unquam, nec existere potest, sed semper existit in Substantia aliqua à qua dependet.

4. Substantiarum duo sunt genera, *Spiritus*, et *Materia*. Spiritus est Substantia percipiens: Materia, perceptionis expers. Modi manifesti Spirituum sunt, *perceptio*, *appetitio*, *aversatio*, *aversionis*, et *habitus*. Materię vero, *Unio* & *Situs* partium, *figura*, *motus* & *quies*. Sed an omnes illi Materię proprii sint, ambigitur. Atque hæc in presenti, de ordinibus rerum generalibus, tenuisse sufficiat.

5. *Attributum* rei, est quicquid ipsi verè convenit: adeoque per quod res intelligitur,

et explicatur. Tunc enim rem percipimus, cum attributum aliquod illius tenemus, illiusque attributum esse novimus : et quamdiu ipsi nihil tribuimus, nisi ratio aliqua suprema ac simplicissima sit, ut res, aliquid, nonnihil, nullum de illa conceptum formamus, ne quidem apprehensionem Simplicem.

6. Res autem cui attributa conveniunt, quatenus ipsi conveniunt, *Subiectum* dicitur. Sic homo ad *animal*, *vivens*, *Substantiam*, *doctum*, *peccatorem*, &c. Subiectum est : hæc autem sunt hominis attributa. Utrumque, tum subiectum, tum attributum, *Terminus* dicitur ; habita scilicet, ratione propositionis, quam hinc inde, terminat. Item *thema incomplexum*, seu simplex, quia per se, nihil expresse affirmat, vel negat, ut propositio.

7. Potest unicum & idem, si ad diversa referatur, esse & subiectum, et attributum. Sunt enim omnes modi, attributa suarum Substantiarum ; habent tamen sua attributa, quorum respectu, subiecta sunt. Exempli gratia, *Figura* est attributum Substantiæ extensæ finitæ ; subiectum tamen eorum quæ de ipsa demonstrant Geometræ. Possunt etiam duo, alternis vicibus, esse subiectum & attributum ; ut *homo* & *ratione præditus*.

8. Nec tamen dantur attributa attributorum in infinitum : verum sunt termini notæ
nulli

nulli per se evidentes sive quæ nulla declaratione per attributa indigent, quippe per se simplicissimi, ut *aliquid, nonnihil, esse*.

9. Attributorum divisiones primæ, et maxime communes, sunt quæ sequuntur. Primo, alia sunt attributa *positiva*, quæ rem representant, ut habentem aliquid. Alia *negativa*, quæ rem representant, ut non habentem. Sic animatum, cum homini tribuitur, hominem representat, ut habentem vitam: at *inanimatum*, cum cadaveri, aut lapidi tribuitur, significat ea vita carere.

10. Attributa negativa sunt *infinita*. De qualibet enim re, negare possumus omnes alias, quæ sub conceptum nostrum cadere possunt, et omnia earum attributa propria. At positiva sunt *finita*, possuntque omnia, præsertim quæ rei declarandæ apta sunt, enumerari.

11. Ex attributis negativis, nonnulla sunt quæ omnem rem, sive (ut ita loquamur) omnem *realitatem* negant, ut *non-Ens imperceptibile*: alia aliquam tantum: ut *immateriale*, non negat, nisi materiam, et quæ ipsi propria sunt. Sola posteriora rebus explicandis, apta sunt.

12. Deinde, alia sunt pure negativa, quæ *puram negationem*, seu carentiam denotant. Pura autem carentia dicitur, quæ carentia est, et nihil aliud. Alia sunt *privativa*; quæ una cum carentia, capacitatem subjecti connotant,

notant, ad rem, quam negant, habendum. Sic *invisibile* est attributum mentis nostræ pure negativum : nihil enim aliud significat, quam quod mens non possit esse objectum visus : at *ignarum*, privativum est, et præter carentiam Scientiæ, potentiam receptivam illius in mente connotat.

13. Secundo, alia sunt attributa *simplicia* ; cum unum tantum alicui tribuitur ; ut homini, *Sentire, ratiocinari*. Alia *complexa* ; cum plura instar unius tribuuntur ; ut homini esse *animal ratione præditum* : Socrati esse *Ethnicum doctum*.

14. Tertio, alia sunt quæ, secundum id quod *proprie* significant, rebus conveniunt ; ut homini *ridere*, parti superiori animalis esse *caput* : alia secundum id quod *improprie* significant, quæ idcirco *Tropica* et *Analogica* vocantur : ut cum campo *risus* tribuitur, et origo fluminis, *caput* dicitur.

15. Quarto, alia sunt communia ; quæ pluribus rebus conveniunt ; ut Spiritui et materiæ *per se subsistere* : alia propria, quæ uni soli ; ut Spiritui *se movere*. Sed quod respectu unius proprium est, respectu aliorum est commune. Ut licet proprium Spiritui sit, *se movere*, commune tamen est menti humanæ, et angelo.

16. Ex attributis communibus, alia omnibus rebus, sine exceptione, aut omnibus rerum generibus, puta substantiæ, et modo conveniunt

niunt ; ut esse *unum*, *verum*, *bonum*, *sub-
jectum*, *adjunctum*, *causam*, *causatum*, *ge-
nus*, *speciem*, et istiusmodi. Quæ, quia
omnes ordines rerum pervagantur, *Tran-
scendentia* vocantur ; et *notiones secundæ*, quia
secundis cogitationibus a nobis apprehendun-
tur. Nam mens nostra, primo res singu-
lares percipit ; deinde, singularibus collatis,
secundum attributa communia, notiones uni-
versales format. Et universalibus rursus si-
militer collatis, universaliores, dum tandem
ad attributa universalissima seu suprema per-
veniat. Et talia sunt quæ in Logica propo-
nuntur & explicantur. Alia sunt attributa
singulis rerum generibus propria, quæ in infe-
rioribus disciplinis traduntur.

17. Plurimæ aliæ sunt divisiones attribu-
torum, quæ infra suis quæque locis occurrent.
Hic porro notandum est, easdem sæpe esse
divisiones rerum ac attributorum. Divi-
duntur enim res per attributa opposita. Un-
de hic dividi possent res in negativas, et po-
sitivas, simplices & compositas ; et negati-
væ in pure negativas, seu puras negationes,
et privativas, seu privationes : item in com-
munes & proprias. Sed ex divisionibus at-
tributorum præcedentibus satis intelligi pos-
sunt.

C A P. II.

Essentia & Accidens, Genus, Differentia, Species & Individuum.

1. **S**Equitur, ut de attributis rerum communissimis, singulatim dicamus. Est igitur primum omnium attributum cujusque rei, *habere aliquam Essentiam propriam*, sive realis illa sit, sive tantum intelligibilis. Ex hoc enim pendent reliqua omnia. Secundum sit, *habere aliquid additamenti*, vel *accessorium*; aut *additamento*, quod naturaliter admittit, aut exigit, *privari*; quod *accidens* dicitur. Duo ista, quia immediate opposita sunt, simul explicabimus. Nihil enim in ulla re cogitari potest, quod nec Essentia aut de essentia sit, nec accidens.

2. *Essentia* rei est *totum* illud, per quod res est, id quod est. Totum dico quia si minus toto sit, non dicitur essentia rei, sed aliquid *essentiale*, seu de Essentia. Aliter Essentia est totum, per quod res in proprio esse intrinsece constituitur. Sic *corpus, mens*, et utriusque *unio* simul, sunt essentia hominis. Per ea enim homo est homo. Quodvis autem ex illis separatim, est aliquid homini

mini essentialia, seu de illius essentia.

3. *Accidens* est, quod rei in esse suo jam constitutæ supervenit, et in esse perfecto permanenti decedit, aut decedere potest. Adeoque sine quo res est id quod est: Sive quod adest & abest, (successive scilicet) sine rei interitu, hoc est, salva rei essentia. Ut esse *divitem, pauperem, doctum, rudem, &c.* Sunt hominis accidentia. Hinc sequitur essentiam rei, *unicam* esse; accidentia esse multa.

4. Hinc oritur divisio attributorum maxime attendenda, in *Essentialia & Accidentaria*. Præcipua enim in rebus contemplandis, cura nostra esse debet, essentias, et attributa essentialia invenire, et ab accidentibus secernere. Sola enim accidentia nosse; est incortice hæerere, nec tam res ipsas, quam alias scire, quæ cum ipsis conjunctæ sunt.

5. Attributum essentialia est, sine quo res esse nequit, et idcirco negari nequit de re sine contradictione, hoc est, quin sequatur, rem non esse illam, quæ est. Attributum accidentale contra, abesse potest, a re, et de ea negari, sine contradictione. Sic *constare tribus lineis, et tribus angulis* sunt de essentia Trianguli: Quodvis enim horum si tollas, destruitur essentia & idæa trianguli. At quod lineæ istæ longiores, vel breviores sint, rectæ, vel curvæ, et quod omnes anguli sint acuti, aut unus sit rectus, vel obtusus
ista

ista, inquam, omnia, accidentia sunt trianguli.

6. Attributum essentialiale, vel est *commune*, vel *proprium*. Hanc distributionem ut intelligas, (quandoquidem, quod uni proprium est, aliis est commune, et vicissim) Notandum est, subjectum attributorum quorumcunque, vel esse *speciem*, vel *Individuum*. Species ita subjectum est, horum attributorum, ut plura sub se contineat quibus ipsa tribuitur. Ut, *homo*, *equus*, *arbor*. *Homo* enim ad *animal*, et *rationale*, est subjectum; ad hunc vero & illum hominem, est attributum. Hinc una & eadem species respectu diversorum est, et subijcibilis, et prædicabilis.

7. Individuum vero ita subjectum est, ut nullatenus attributum sit. Nulla enim sub se continet, quæ de ipso prædicari possunt. Unde & *Individuum* dicitur, non quia dividi nequit in plures res, sed quia dividi nequit in plura, de quibus possit affirmari. Sic *Socrates* est individuum humanum: *Gabriel* Angelorum, *Motus solis* est individuum motûs.

8. Jam vero ut proximam attributorum essentialium distributionem intelligas, sciendum est, individuorum creatorum nulla esse attributa essentialia propria, sed tantum accidentia. Quicquid enim est de essentia *Socratis*, ut hic homo est, de essentia etiam est hominum

minum reliquorum. Deitatis tamen gloriosæ, multa sunt attributa propria, ut infinitudo, æternitas, independentia, &c. cum tamen maxime individua & singularis sit.

9. Speciei attributa communia, *Generica* vocantur, propria vero, *differentiæ* perfectæ, et adequatæ. Et è communibus, quod habet se ad modum rei per se stantis, hoc est, concipitur ad modum substantiæ, siue re ipsa substantia sit, siue non, *Genus* vocatur. Ut *animal* ad hominem, color ad albedinem: Unde semper nomine substantivo, sicut & species, ac individuum, exprimitur. Quod vero concipitur ad modum rei adjacentis alteri, vocatur Differentia generica; modo, ut innuimus, attributum sit essenziale commune. Ut *Sensitivum*, et per se subsistere ad hominem.

10. Differentia perfecta & adequata est, quæ reciproce convenit speciei, eamque ab omnibus aliis distinguit. Cum differentia generica & genus ipsum, speciem cui tribuntur a quibusdam tantum, aut multis, vel plerisque distinguat, at non ab omnibus: Ut *sensitivum* ad animal; *ratione præditum*, ex vulgari sententia, ad hominem.

11. Attributum *reciprocum* vocamus, cum nihil continetur subsubiecto, cui attributum non convenit; et rursus nihil continetur sub attributo, cui subiectum non convenit. Sic *omne animal est sensitivum & omne sensitivum est*

est animal. Alexander Magnus fuit everfor regni Persici, et nullus alius. Non enim tantum generum & Specierum, sed etiam individuorum, sunt attributa reciproca.

12. In omni attributorum essentialium serie, quædam sunt *proxima*, reliqua *remota*. Ex remotis autem, id quod remotissimum est, *genus supremum*, reliqua genera & Species subalternæ vocantur, *ex. g. hæc sunt attributa essentialia hominis, animal, vivens, corporeum, Substantia, ens.* Et animal quidem, genus proximum est, Ens vero, vel, (ut alii volunt) substantia, est genus supremum, quod nullum habet genus superius: Reliqua sunt genera & species subalterna; hoc est, unumquodque respectu superioris, est species, respectu inferioris, est genus: Ut exempla jam data ostendunt. *Superius* autem dicitur, quod magis commune; *inferius* quod minus.

13. Similiter in quavis istiusmodi serie, si aliquod attributum designes, unum illius est subiectum *proximum*, reliqua, si modò alia fuerint; *remota*. Et ex remotis, individua sunt simpliciter ultima; ex illis vero quæ attributa esse possunt, *ultimum* est species infima: Ut in hac serie, *Ens, Substantia, corporeum, vivens, animal, homo, Socrates.* *Ens* est supremum attributum, proximum illius subiectum est *substantia*: reliqua sunt subiecta remota: Et ex illis *homo* est species infima

infima, *Socrates* denique est subiectum omnium simpliciter ultimum. Ejusmodi series subiectorum & attributorum, *linea categorica* a Peripateticis dicitur, et in omnibus rerum ordinibus, tam Substantiarum quam Modorum, reperitur.

14. Differentiæ duo munera sunt, *dividere Genus* in suas species, quæ ad minimum duæ sunt, quarum idcirco differentiæ sunt oppositæ, easque dissimiles reddunt; et *constituere speciem*, unâ cum genere. Species enim est quasi compositum quoddam ex genere & differentia propria. Genus autem omnes gradus essentia superiores continet. Et in illa compositione genus habet analogiam quandam ad materiam; differentia ad formam. Sicut enim Materia indifferens est ad plures formas, ita ratio generis ad plures differentias, quarum nullam determinate vel exigit, vel respuit. Hinc differentia extra conceptum generis est, et habet se ad ipsum instar accidentis. Hæc omnia, ut evidentiora evadant, alicui exemplorum, quæ supra adduximus, applicanda sunt.

15. E duabus differentiis idem genus dividendis, non necesse est utramque esse positivam. Ut enim duæ res essentiis differant, sufficit si alteri aliquid desit, quod in alterius essentia continetur. Sic different duæ lineæ inæquales, item spiritus & materia, in eorum hypothese qui extensionem non

materiæ propriam, sed utrique communem faciunt,) quod ille perceptivus sit, hæc minime.

16. Dividitur differentia essentialis in *Primam* & *Secundam*. Prima, quæ & nobilissima censetur, est illa a qua reliquæ dependent, ipsa vero a nullo pendet. Secunda est quæ pendet ab alia priori, scilicet, quæ causa seu ratio est, cur subiecto conveniat. Et peculiari applicatione vocis *Proprium*, *proprietas*, et *Affectio*, græcis *πάθος* dicitur. Sic *habere tres angulos*, est prima differentia trianguli: at quod tres illi anguli æquales sint duobus angulis rectis, proprium, seu proprietas dicitur. Et in Spiritu prima differentia est *virtus percipiendi*, ex qua fluit secunda, nempe, *virtus appetendi*; et ex hac rursus tertia, scilicet, *potentia se movendi*. Ideo enim appetit, quia percipit, et ideo se movet, quia appetit.

17. Ex his quæ hoc capite diximus, colligere licet duas proprietates terminorum simplicium, quæ ambæ termino communi, altera etiam singulari, seu individuo convenit, nempe, *extensionem* & *comprehensionem*. *Extensio* est collectio inferiorum, quæ sub termino communi continentur; *Comprehensio* est collectio omnium attributorum essentialium, quæ in idæa rei continentur. *Ex. g.* In extensione *animalis*, continentur *homo* & *bestia*, et omnia utriusque individua, hoc est

est omnia animalia. At in comprehensione illius, nihil horum continetur, sed *sensitivum*, *vivens*, *corporeum*, *substantia*, *ens*, et quæcunque in comprehensione horum omnium reperitur, hoc est omnia attributa essentialia.

18. Hic notabis, quo major est comprehensio, eo minorem esse extensionem; et quo minor est comprehensio, eo maiorem esse extensionem, et vicissim. Unde sequitur comprehensionem Individui esse maximam, cujus extensio nulla est: at generis supremi, sive attributi altissimi, extensionem esse maximam, comprehensionem vero minimam. Item maiorem esse comprehensionem Speciei infimæ, quam generis infimi, (*infimum* autem genus dicimus, quod non potest dividi in species subalternas, sed tantum in infimas,) extensionem vero minorem. In exemplis supra adductis, hujus rei veritatem experire.

19. Colligere etiam ex dictis licet, omnia attributa simplicia esse tria, *Genus*, *Differentiam*, et *Accidens*. Omnia enim attributa rerum, vel sunt essentialia, vel accidentaria. Et attributa essentialia, sunt genus, et differentia. Vulgaris vero logica attributorum simplicium quinque capita statuunt, *Genus*, *Speciem*, *Differentiam*, *Proprium* & *Accidens*: Quam recte vero istud fiet, in Elencticis disquiretur.

C A P. III.

Subiectum & Adjunctum.

1 **Q**uævis res, quatenus aliquid præter essentiam habet, aut aliquo quod exigit, privatur, *Subiectum* dicitur. Illud vero quod ipsi præter essentiam accedit, sicut & carentia illius quod exigit, *Adjunctum* appellatur. Estque nihil aliud quam ipsum accidens, de quo capite præcedenti diximus. Unde subiectum semper est essentia aliqua, sub ratione habentis, aut carentis. Et hinc sumere licet primam divisionem adjuncti, in positivum et negativum, seu privationem. Ipsæ enim privationes inter adjuncta recenseri solent.

2. Subiectum aliud est attributionis, seu prædicationis, cujus correlatum est attributum. Aliud receptionis cui adjunctum respondet. Differunt duo ista subiectorum genera, quod prius non distinguatur adæquate à suo attributo : posterius semper distinguatur adæquate a suo adjuncto. Nihil enim sui ipsius adjunctum est. *ex. g.* *Homo* est subiectum attributionis ad *dictum* : hoc enim non distinguitur adæquate ab homine : si quidem significat aliquid *habens doctrinam*, quod secundum id quod directe significat, est ipse homo.

As

At homo est subiectum recipiens respectu doctrinæ, et doctrina non est illius attributum sed adjunctum: et secundum totum quod significat, est diversum ab homine.

3 Subiectum sic acceptum, de quo nunc agitur, vel est *pure recipiens*, vel etiam *sustentans*. Subiectum pure recipiens dicitur, a quo adjunctum in esse suo non pendet. Sic *corpus humanum* subiectum animæ rationalis dicitur. Non enim pendet anima rationalis a corpore; sed separatim ab eo existit: *vestis* est adjunctum hominis, *arma* militis. Subiectum sustentans est, a quo essentialiter pendet adjunctum. Sic omnes substantiæ subiecta sunt suorum modorum, qui a substantiis essentialiter pendent.

4. Per analogiam quandam ad duo ista subiectorum genera, istud etiam subiectum recipiens dicitur, cum quo aliquid, quod extra conceptum essentiae est, coniungitur, licet ab eo distinctum realiter non sit. Sic *creatura* est subiectum ~~existentiæ~~ ^{ad: si non existentiæ}; et hæc sunt illius adjuncta: *Genus* est subiectum suarum differentiarum; ut animal rationis, et irrationalitatis; et hæc sunt illius adjuncta. Sed subiecta & adjuncta istiusmodi *Metaphysica*, aut *logica*, a multis dicuntur, nempe, in nostro modo concipiendi; ad differentiam subiectorum & adjunctorum quæ proprie talia sunt, et *Physica* vocantur, et semper realiter distinguuntur a se invicem. Concipimus

enim creaturam tota essentia sua constare, sive actu existat, sive non. Et concipimus essentiam generis separando ab illo quamlibet ex differentiis determinate: ut cum dicimus animal secundum se, et qua animal, nec esse rationale determinate, nec irrationale.

5. Adjunctum aliud est natura sua adjunctum; scilicet quod existere nequit, nisi in subiecto sustentante ut omnes modi substantiarum, et privationes; *ex. g. Iustitia & iniustitia, scientia & ignorantia*: aliud ex accidenti, et per aliud; nempe per unionem distinctam cum subiecto: sic una substantia est adjunctum alterius. *v. g. Mens, et vestis* sunt adjuncta corporis. Prius adjunctum *inherens*, posterius *adherens* dicitur. Prius subiecto convenit sine unione distincta: concipi enim nequit figuram aut motum inherere substantiæ figuratæ, aut motæ, per unionem distinctam: posterius vero per unionem, qui modus est, tum subiecti, tum adjuncti.

6. Unitur vero adjunctum istiusmodi cum subiecto, vel unione strictè dicta, quæ *Physica* vocatur, ut anima corpori: vel per contactum, ut vestis: vel per solam relationem: quo casu disjunctum est quoad locum a subiecto. Sic *opes* inter adjuncta hominis censentur.

7. Hinc statuere licet quænam ex adjunctis *interna* sint, quænam *externa*. Interna maxime proprie sunt quæ inhærentia dicuntur;

tur; Externa vero, quæ subiecto adsunt per contactum tantum, aut relationem. Quæ vero physica unione cohærent cum subiectis, ut pili & cornua corpori animalis, et mens respectu corporis, rectius adjuncta unita, quam vel interna vel externa dicuntur. Quandoque enim intra subiectum sunt quandoque extra, quandoque partim intra, partim extra.

8. Secundo adjunctum aliud est *commune* multis subiectis, nempe in specie sua; ut *albedo* chartæ, lacti, cygno: aliud uni *proprium*; ut Julio Cæsari, quod *primus Romanorum Imperator* fuerit, et Gallos subjugatos *Imperio Romano adjecerit*.

9. Tertio aliud *separabile* est a subiecto, per causas scilicet, naturales, aut artem humanam. Aliud *inseparabile*. Exemplum sunt obvia. Dico *per causas naturales*, vel *artem humanam*, quia absolute, et divinitus, omne adjunctum separari potest. Est enim extra essentiam subiecti: Unde abesse potest sine contradictione.

10. Quarto aliud est *necessarium*, quod subiectum ex ordine naturali exigit. Sic *sol*, *luna* & reliqua astra adjunctam habent rotunditatem. Aliud est *contingens* quod subiectum non exigit, ut *albedo* ad equum. Et hoc rursus vel *raro* convenit subiecto, ut homini sex digiti in altera manu; vel *Sæpe*, ut bovem esse nigrum; vel plane *indifferens* est

est ut conveniat vel non, ut alea ludentem vincere.

11. Ex adjunctis externis, quædam vocantur *circumstantiæ*; sed actionum præcipue humanarum adjuncta sunt; ut *Tempus*, quando, aut quamdiu aliquid actum est; *locus* in quo; *persona* a qua; *instrumenta* quibus; *modus* quo. Sed quænam inter circumstantias numeranda sunt, nondum consentiunt Philosophi. Eidem adjunctorum ordini accensentur *antecedentia*, *concomitantia* & *consequentia*, respectu temporis & loci.

12. Si igitur adjunctorum alia adjuncta sint, hoc est, si quod unius respectu adjunctum est, respectu alterius est subiectum; manifestum est, accidentia, quæ ipsa adjuncta sunt, habere suas essentias et rationem subiectorum ad sua adjuncta. Et de adjunctis adhærentibus nempe substantiis, dubitari nequit. Sed de modis substantiarum, præter actiones, idem nonnulli pronunciant. *Ex. g.* Celeritatem & tarditatem Modos, adeoque adjuncta motus statuunt, quas alii forte differentias facerent essentielles, seu específicas.

C A P. IV.

*Ens actu, et potestate, Non-Ens,
esse alicubi, et aliquando.*

1. **T***ertium* attributum omnium rerum commune est *posse existere*, cujus ratione *Entia realia* res vocantur. Posse autem existere, illa omnia putanda sunt, in quorum idæa seu essentia, nulla est repugnantia, sive contradictio. Hoc est ubi una pars essentiæ, alteram non evertit, sed omnes amicè consentiunt.

2. Quod non repugnat ut existat, vel jam actu existit, et est *Ens simpliciter*: vel tantum potest existere, estque *Ens potestate*, et secundum quid. Ultrique communis est non repugnantia existendi. Enti enim potestate aperte convenit. Sed & Enti existenti, seu actuali convenire, hinc concluditur, quod *actus non tollit potentiam*.

3. Quid sit esse vel existere, adeoque posse existere, per se manifestum est, nec definitione indiget. Sed distingui potest existentia in *Instantaneam*, per quam res pro parte tantum indivisibili temporis existere intelligitur; et *continuatam*, qua pro Parte divisibili existit.

existit. Et ejusmodi existentia *duratio* dicitur. Estque vel *finita* seu temporaria, vel infinita, seu æterna, sive a sola parte post, quomodo mentes nostræ infinitam durationem habituræ sunt, vel etiam a parte ante; quæ est duratio primæ Entis, nempe, Numinis divini.

4. Ens potestate, vel est *pure possibile*, quod nec existit, nec extitutum est, sed tantum potest existere, ut alius mundus; vel etiam *futurum*, scilicet, quod determinatur ad existendum, pro aliquo tempore sequenti. Ut resurrectio mortuorum, et iudicium extremum. Quod enim pure possibile est, indifferens etiam est ad existendum, vel non.

5. Enti opponitur *Non-Ens*, quod similiter ac Ens, vel est simpliciter tale, vel secundum quid. Non-Ens simpliciter est cui repugnat existere, quod *ἀδύνατον* *Impossibile* dicitur. Ex eo dignoscitur, quod talem essentiam intelligibilem habeat, cujus una pars alteram evertit, ut *Quadratum rotundum*, alius *Deus*. Non-Ens secundum quid est, quod actu quidem non existit, potest tamen existere; sive illa existendi potestas pura sit, sive cum determinatione ad existendum conjuncta: adeoque idem est cum possibili & futuro.

6. *Impossibile* aliud est absolute, et simpliciter tale, nempe, quod ex nulla hypothese possibili, potuit, aut potest existere; ut in exem-

exemplis proxime adductis. Aliud est Impossibile *secundum quid* tantum; scilicet vel *ex hypothesi*, quæ aliter esse potuit; Nempe si non sit futurum, cum futurum esse potuit, (*Ex. g. Ex hypothesi*, quod Deus alium mundum condere nolit, impossibile est alium mundum existere; non tamen simpliciter, sed tantum ex ista hypothesi:) vel *per causas creatas*; ut impossibile est angelum producere substantiam: vel *certo alicui ordini rerum*; ut impossibile est bestiam rotiocinari, percipere res Spirituales. Quod enim uni possibile est, alteri est impossibile.

7. Deinde aliud est *naturaliter* impossibile, scilicet, quod naturæ rei plane repugnat, aut virtutem naturalem plane superat: adeoque quod quis, quamvis maxime vellet, præstare nequit; ut hominem montes tollere, camelum per foramen acûs traducere: aliud *moraliter* quod creatura rationalis ob dispositionem animi optimam aut pravam præsertim voluntatis, præstare nequit: ut improbum quamdiu improbus est, bene agere; probum flagitiis se ipsum dedere.

8. Denique aliud est possibile, et impossibile, *in sensu composito*; ut possibile est sedentem. etiam dum sedet canere: at stare dum sedet, impossibile est. Aliud *in sensu diviso*: sic possibile est sedentem stare, hoc est, alio tempore, quam quo sedet, seu modo sessionis exuto.

9. Non

9. Non-Ens, prout conceptum aliquem nostrum terminat, *Ens-rationis* dicitur. Et idcirco definitur Ens Rationis quod *tantum existit objective* in mente : hoc est, mentis objectum est, seu ab ea apprehenditur, et percipitur. Hoc sensu nonnulli, sola illa quæ simpliciter impossibilia sunt, comprehendunt : ut *Chimera*, *Materia cogitans* : Alii etiam possibilia, ut *rosa in hyeme*, *mons aureus*.

10. Hinc *quartum* attributum omnibus rebus commune, *habere* aut *posse habere esse objectivum* ; hoc est, terminare aliquem actum potentiae cognoscitivæ, aut appetitivæ. Qua ratione res dicuntur imaginabiles, intelligibiles, appetibiles, aversabiles. Et hic est latissimus conceptus quem de rebus formamus : juxta quem distinguuntur in positivas, et negativas, existentes, possibiles, et impossibiles, imaginarias & reales. Unde *res* in latissima sua significatione est, quicquid *cogitari* aut *nominari potest* : cui opponitur Non-imaginabile, Imperceptibile, quod apprehendi nequit, nisi sub ratione communi non-imaginabilis, &c. seu ut loquuntur Scholæ in *actu signato*.

11. *Quintum* attributum commune est, *esse alicubi* : hoc est esse in aliqua parte spatii localis, quod omnes vel inviti apprehendunt, et infinitum ac plane immobile reperiunt. Quidnam vero istud sit, parum ne Non-Ens,

ac imaginarium, ut plerique statuunt, an extensio materiæ, ut Cartesius, an divina immensitas, ut alii, in Physiologia disquirendum est. Deo tamen proprium est esse ubique.

12. *Sextum* attributum est *esse aliquando*, seu coexistere alicui parti spatii temporalis, quod (ut locale,) omnes similiter agnoscunt; et semper fluere vel inveniunt, vel fingunt, per continuam successionem prioris, et posterioris. Huc etiam spectat *esse aliquamdiu*; quod idem est cum duratione de qua supra sectione 3. Sicut igitur esse alicubi omnes differentias loci, ita etiam esse aliquando omnes differentias temporis complectitur.

13. Duo ista attributa immediate & necessario sequuntur existentiam actualem; si enim res nullibi, aut nunquam est, ne quidem est. Nullibi igitur & nunquam esse, solis non-entibus conveniunt: nisi quod ens possibile alicubi & aliquando sit potestate. Actum enim nusquam est, nisi (ut dici solet,) in virtute suarum causarum: quo nihil aliud significatur, quam causas illius actu existere, vel omnes, vel saltem supremam, nempe, Deum.

C A P. V.

Identitas, Distinctio & Relatio.

1. **S**Eptimum attributum est, quo res *eadem est cum seipsa* : Octavum, quo *distincta est* ab omni alia. *Identitas* est per quam res per se spectata, sive ad se comparata seipsa dicitur, suamque ipsius habere naturam; *Distinctio* vero, per quam res ad aliam comparata, dicitur non esse illa, sed alia ab illa; adeoque aliam habere naturam, licet non necessario dissimilem. Possunt enim quæ distincta sunt, esse exacte seu in omnibus similia: ut *duæ lineæ æquales*, *duo ova ejusdem avis*. Quæ vero dissimilia sunt, *differre* dicuntur, quod plus importat quam simpliciter distingui.

2. *Identitas* igitur negationem mutationis innuit: et *Idem*, ac *immutatum* in essentia, et partibus principalibus, idem sunt. *Identitas* enim cum mutatione in accidentibus aliisque quæ in re, minus principalia sunt, consistere potest. Verum si res in *Essentia*, vel minimum mutetur, non est eadem sed alia. Unde *Essentia* rerum, ut numeri, *in indivisibili* consistere dicuntur.

3. *Idem*

3. Identitas, alia est *perfecta*, et absoluta, cum res nullam omnino mutationem subiit. hoc modo Deus semper idem est; nec enim novorum accidentium accessu aut recessu mutatur. Novæ enim relationes ad creaturas quas induit, mutationem non inferunt. Alia est *imperfecta*, cum aliquid de Essentia rei detractum est, modo pars minus principalis sit: sic domus eadem dicitur, si Muri remanserint; licet reliqua perierint. Vel cum, manente essentia, mutatio est in solis accidentibus. Sic *Socrates senex & puer, doctus & indoctus, sanus & ager*, idem dicitur, in essentia scilicet. Simpliciter enim Idem sub istis mutationibus esse nequit.

4. Deinde alia est *Identitas realis*, cum res vere & stricte illa ipsa est, quæ fuit: quæ ratione materia rerum corporearum, sub innumeris mutationibus, semper eadem est, in specie, et essentia. Alia *moralis*, cum diversitas, licet sit, non attenditur, aut ratio illius non habetur. Sic quæ in continuo fluxu sunt, eadem dicuntur, licet re vera sint diversa, ut *fluvii, flammæ, venti*.

5. Tertio, alia est *Identitas Individualis*, nempe, unius individui cum seipso; ut in prioribus exemplis. Alia, (quæ in Scholis *formalis* dicitur,) *Generica* vel *specificæ*; scilicet convenientia plurium specierum, aut individuorum, in natura communi. Quæ enim exacte conveniunt, *idem* dicuntur. Sic
omnes

omnes homines ejusdem naturæ esse dicimus, licet revera unusquisque propriam habeat naturam, a reliquis distinctam. Hæc de Identitate.

6. *Distinctio* triplex est, *realis*, *modalis* & *formalis* sive *rationis*. *Distinctio* realis dici potest, quæ non fingitur sed est in rebus ipsis. Sed sic omnes isti distinctionum ordines reales sunt. Verum *distinctio realis* hic dicitur, quæ est inter diversas res, quarum una non est modus alterius. Ut *inter* duas *substantias*, puta mentem & corpus in homine. Quæ enim distincta sunt, possunt esse unita. Deinde *inter* duos modos, sive diversarum substantiarum, sive ejusdem: ut *inter* figuram terræ, et motum solis: *inter* scientiam, et probitatem in Socrate. Denique *inter* unam aliquam *substantiam*, et *modum alterius*: ut *inter* corpus humanum, et figuram corporis equini. Quæ his modis distinguuntur, nullum eorum requiritur ut alterum existat. Excipe tamen distinctionem *inter* Deum & creaturam, et *inter* personas S. Sanctæ Trinitatis. Nec enim creatura existere potest sine creatore, quæ tamen ab eo maxime distinguitur. Nec Pater æternus absque Filio, et S. Sancto esse potest, nec vicissim: distinguuntur tamen distinctione reali, ut sacræ literæ probant.

7. *Distinctio Modalis* est *inter* substantiam, et quemlibet ex suis modis: ut *inter* ceram &

& imaginem ipsi impressam ; inter rem quæ movetur, et motum suum. Quæ sic distinguuntur, possunt quidem (in creatis) separari, nequeunt tamen ambo separatim existere : ut in datis exemplis patet. Deinde alterum potest concipi non concepto altero : sed non vicissim. Ut concipere possumus Ceram nihil cogitantes de effigie, quæ ei imprimitur : at concipere nequimus effigiem quin alicui substantiæ inhærere intelligamus.

8. *Distinctio Rationis* est inter rem & quodvis ex attributis suis essentialibus ; item inter attributa illa ad se invicem comparata, modo non designent partes rei realiter aut modaliter distinctas. Et ex eo oritur, quod una & eadem res, licet per se simplex, plurimas alias respiciat, quæ realiter distinctæ sunt, vel negationes earum connotet. Unde *distinctio Rationis* vocatur, non quasi a mente seu ratione nostra fieret, (sic enim non esset vera, sed ficta,) sed quia diversæ illæ habitudines & negationes, *Rationes* rerum vocantur. Ex. g. In Angelo *virtus intelligendi & volendi*, realiter, sunt ipsa entitas angeli, quæ tota est intellectiva, et volitiva. Distinguuntur autem per diversas habitudines, seu respectus ad operationes diversas, nempe ad actus intellectus, et voluntatis, quos entitas angeli connotat. Similiter duo ista attributa angeli, *Invisibilitas*, et *Impalpabilitas*, quæ
D
revera

revera sunt ipsa angeli entitas, distinguuntur per negationes rerum diversarum, nempe, visus & tactus, quas entitas angeli connotat.

9. Distinctio ista *formalis* dicitur, quia rationes istiusmodi ex quibus oritur, sunt veluti formæ quædam, seu modi rerum essentialia. Unde in Scholis formalitates appellantur. Dicitur etiam distinctio *virtualis*, quia diversa rei attributa essentialia, idem sæpe præstant quod diversæ entitates præstare solent. Adeoque sunt veluti perfectiones rerum diversarum in unum collectæ. Ut in anima rationali, virtus vegetandi, sentiendi, et intelligendi, quæ sigillatim in rebus realiter diversis reperiuntur, puta in planta, bestia, et angelo.

10. Distinctio realis maxima est, Modalis media, Rationis minima. In hoc tamen distinctio rationis, reali similis est, quod eorum, quæ per eam distinguuntur, alterum clare concipi potest altero non concepto. Modali vero dissimilis, cujus alterum membrum non potest clare concipi quin alterum confusè saltem concipiatur. Ut in angelo, concipere possumus invisibilitatem non concepta impalpabilitate: at modum concipere non possumus, quin confusè saltem concipiamus subiectum quod afficit.

11. Quævis ex his distinctionibus, rursus dividitur in *adequatam*, et *inadequatam*. Distinctio

Etio adæquata, hoc est *perfecta & totalis*, dicitur, cuius neutrum e membris alterum includit. Sive cuius membra prorsus distincta sunt. Inadæquata est, cuius alterum membrum alterum includit, sed non vicissim. Si enim membra reciproce se mutuo includerent, esset tum distinctio (quod dici solet) sine distinctione: id est, ficta, aut plane nulla. Sic in homine; *Mens & corpus* distinguuntur realiter-adequate, quia neutrum in alterius idæa includitur. At homo ipse distinguitur a *mente* sua, aut *corpore*, solum inadæquate, quia homo includit mentem, et corpus; at nec mens, nec corpus seorsim, hominem includit. Similiter inter *motum & rotunditatem* est distinctio adæquata; quia neutrum alterum includit: at inter *rotundum & rotunditatem*, rem motam, et motionem, distinctio est inadæquata, quia *rotundum* in idæa sua, *rotunditatem* includit: at *rotunditas* essentialiter quidem respicit id quod rotundum est, scilicet: subiectum rotunditatis, ipsum tamen in idæa sua non includit. Denique inter *virtutem intelligendi & volendi* in angelo distinctio est adæquata, licet rationis: at inter *virtutem intelligendi* aut *volendi & angelum ipsum*, solum inadæquata est.

12. *Nonum attributum* commune est, quod qualibet res ad quamlibet aliam, aliquo modo referatur, quod in abstracto, *Relatio, respectus*, græcis *ῥέσις*, *habitus* dicitur. Ver-

satur autem relatio omnis inter ea quæ aliquo modo distincta sunt. Idem enim ad seipsum, quia idem, referri nequit. Ex his autem, unum vocatur *subiectum* relationis, quia relatio concipitur in eo contineri; nempe illud quod respicit aliud, ut *pater* filium. Alterum vocatur *terminus*, scilicet, id quod alterum respicit; hoc est quod ab eo respicitur; ut *filius* a patre.

13. Cum autem omnis relatio mutua sit, sicut subiectum respicit terminum, ita rursus terminus subiectum; et ideo *correllatum* dicitur. Unde inter quævis duo relatorum, bina est relatio. Ut per unam relationem Pater filium respicit, per aliam filius patrem. Nec enim idem est esse Pater ac esse filius.

14. Quædam tamen simili plane ratione, se mutuo respiciunt, quæ ideo *Synonyma*, id est, ejusdem nominis sunt; et relata *equiparantiæ* vocantur: ut *simile*, *æquale*, *amicus*. Nam omne simile est simile alteri simili; et omne æquale habet coæquale: et amicus est amici (*ἄνθρωπος*) amicus. Alia dissimilibus relationibus ad se referuntur, et ideo *heteronyma*, diversi nominis sunt; et relata *disquiparantiæ* appellantur, ut pater et filius, Dominus & Servus.

15. Deinde quædam relata *per se*, seu per suas entitates, se mutuo respiciunt; ut duæ *albedines* per se similes sunt. Alia tertium quid requirunt, quod *Fundamentum* dicitur

citur, quo posito oritur, seu resultat relatio. Sic, ut inter virum & feminam, relationes Mariti et uxoris exsurgant, requiritur conjugium; et ut inter duos homines, relationes domini & servi oriantur, requiritur contractus, vel ut alter alterum emerit, aut bello ceperit, &c.

16. Eorum, quæ per se, ad se invicem referuntur, relationes *essentiales* sunt, et tolli nequeant manentibus subjectis. Sic *causa* essentialiter, ut causa, *causatum* respicit, *accidens subjectum*, &c. Et Deus per essentialitatem ad creaturas possibles refertur, et illæ rursus ad Deum. Relationes istiusmodi omnes ordines rerum percurrunt, et idcirco *transcendentales* appellantur. Quæ vero propter fundamentum aliquod ad se referuntur, modo id neutri essentialiter sit, accidentales sunt, ut relationes patris et filii, domini & servi.

17. Hinc sumere licet divisionem rerum in *absolutas* & *respectivas*, seu relatas. Respectivæ sunt, quas jam explicavimus. *Absolutæ* res dicuntur, non quæ omnis penitus relationis ad alias vacuæ sint, (nulla enim est res quæ ad aliquam aliam, sub aliqua ratione, non refertur,) sed quæ sub aliqua ratione ad nullam referuntur. Sic *existens*, et *Unum* termini absoluti sunt. Res enim ut existentes, et unæ, ad nullum referuntur: Deus est absolutus ab omni causa; Substantia absolvitur

a subjecto inhæſionis : Christus Salvator secundum naturam humanam, est ἀπατῶρ, secundum divinam ἀμνητῶρ.

C A P. VI.

Unum & unitas, singulare & universale.

1. **D***Ecimum attributum commune est Unitas, seu esse unum.* Unitas est, per quam res non est plura : adeoque in *negatione pluralitatis* consistit, Differt ab *unione*, quod unio solius rei compositæ ; unitas vero etiam rei simplicissimæ affectio sit. Differt *unum* ab *unico*, quod unicum omnia alia sui ordinis neget : ut *Deus* unicus dicitur, quia nullus est alius Deus : et *sol unicus* dicitur, quia non est alius Sol. At unus dicitur *Deus* quatenus ipse non est plures dii ; et Sol dicitur unus, quia ipse non est plures soles.

2. Unitati opponitur *multitudo*, seu pluralitas, quæ *numerus* dicitur. Is autem alius est definitus, cujus omnes partes, nempe unitates, aliquo modo designantur ; ut *binarius*, *ternarius*. Alius *indefinitus*, qui contra :

tra : ut *multi, pauci, aliquot*. Plurimæ aliæ sunt Numeri divisiones, quas tradunt Arithmetici.

3. Dividitur unum primo, in *singulare & universale* : et Unitas in *individualement & universalem*. Singulare dicitur, quod pluribus non inest per multiplicationem sui, adeoque quod vel pluribus non inest, vel si inest, non tamen in illis multiplicatur. Sic *Socrates* est homo singularis, quia nulli inest. Et *scientia Socratis* singularis est, quia soli Socrati inest. Et *Deitas*, licet pluribus personis inest, singularis tamen est, quia in illis non multiplicatur; sed una & eadem est in omnibus. Singulare aliter *individuum* dicitur, quia dividi nequit in plura ejusdem nominis & naturæ.

4. Distinguitur Individuum primo in *determinatum*, quod *signatum*; et *indeterminatum*, ac *Vagum*, quod *particulare* vocatur. Individuum determinatum est, quod distincte concipitur; ut *Socrates hæc arbor*. Indeterminatum, quod indistincte; ut *aliquis, quidam, nonnullus*. Ubi notandum est omne individuum esse et a parte rei, ut loquuntur, esse determinatum, et distinctum ab omni alio: adeoque individuum indeterminatum esse, tantum ratione conceptus, aut sermonis nostri. Unde *distincte concipere* hic, est concipere esse hoc aut illud & nullum aliud. *Indistincte* vero est concipere, esse unum aliquod quidem, de quo tamen non constat, sitne hoc, an illud, an aliud.

5. Deinde Individuum aliud est *incompletum*; scilicet quod incomplete concipitur, aut designatur; nempe sub attributo aliquo communi: (in se enim omne individuum est completum in sua ratione & ordine) v. g. cum Socrates consideratur ut *hoc rationale*, *hoc animal*, *hoc vivens*, *hec substantia*, *hoc Ens*. Aliud est *completum*, quod nomine proprio designatur, aut communi restricto, totam essentiam exprimente; ut *Socrates*, *hic homo*, *hoc animal rationale*: vel nomine communi per Antonomasiā pro proprio: ut *Philosophus* pro Aristotele, *Apostolus gentium* pro Paulo. Vel denique accidente proprio; ut *Everfor regni Persici* pro Alexandro Macedone.

6. *Universale* multis modis dicitur. Aliud enim est universale in *causando*, nempe causa multorum effectuum: Sic *Sol* causa universalis est plantarum, quæ illius beneficio e terra oriuntur: Aliud in *significando*, id scilicet quod multa significat, ut vox *homo* omnes homines: Aliud in *representando*, nempe conceptus, vel idæa multa representans: ut *idea hominis*, in mente, omnes homines: Aliud denique in *essendo*, quod hic considerandum est. In reliquis enim acceptionibus, id quod universale dicitur, revera est, aut esse potest singulare, ut in exemplis datis patet.

7. Est igitur Universale striete sumptum, seu in essendo, *unum multiplicatum in pluribus*; sive, *natura in pluribus similis*. Universale enim, est unum in pluribus, non per strictam identitatem, eo modo quo natura solis est in his tribus, *lucido, calido & orbiculari*, Et *Deitas* in tribus personis divinis; sed per identitatem analogicam, hoc est per similitudinem. Quæ enim exacte similia sunt, unum dici solent. Sic natura humana una dicitur in omnibus hominibus, quia omnes omnium hominum naturæ per se spectatæ, similes sunt, et idcirco universalis vocatur. Duo igitur ad universale necessaria sunt, *pluralitas* naturarum, et earundem *unitas*, hoc est similitudo essentialis. Hinc patet, licet omne universale commune sit, non tamen omne commune esse universale; ut in singulari exemplo Deitatis.

8. Quadrifariam distinguitur universale in Essendo, 1. Ratione *Loci*: sic Ecclesia christiana, *Catholica*, hoc est, universalis dicitur, eo quod per plurimas gentes, multis in locis, diffusa sit; Et morbi passim grassantes, universales vocantur. 2. Ratione *Temporis*: quomodo consensus hominum in agnitione Numinis supremi, universalis est. 3. Ratione *subjectorum* universale dicitur quod pluribus subjectis inest. Subjecta receptionis, non attributionis, hic intellige. Sic figura est modus universalis materiæ, quia omnibus illius

lius partibus divisibilibus inest. 4. Ratione *Inferiorum*, quæ subjecta attributionis sunt. Quomodo *ratio figura* in genere, universalis est, ad omnes figuras particulares. Et in hac acceptione plerique Logicorum universale intelligunt.

9. Universalitatem in *Essendo*, sequitur universalitas in prædicando, ut vocatur, seu *prædicabilitas*; id est, aptitudo affirmandi de pluribus. Ideo enim natura aliqua prædicari potest de pluribus; quia pluribus inest; juxta dictum vulgare, *prædicari sequitur inesse*. Inest autem *pluribus tota* quidem unicuique, verum non secundum *extensionem*, sed secundum *comprehensionem* tantum. Vel, ut alii loquuntur, *tota intensiue* singulis subjectis, aut inferioribus inest, non *extensiue*.

10. Universalia, adeoque prædicabilia, quinque communiter statuuntur, *Genus, Species, Differentia, Proprium & Accidens*. Ex quibus quatuor priora universalia sunt ratione inferiorum, et illis insunt per identitatem. Universale enim nihil est reale distinctum a suis inferioribus. *Ex. g.* Genus non distinguitur realiter ab omnibus suis speciebus. et sic de reliquis. Quintum vero universale est ratione subjectorum, quibus non per identitatem, sed per inhæSIONem, adhæSIONem, aut relationem convenit, ut supra de Adjunctis diximus. Quatuor priora sic distingues. *Genus* est unum quid in pluribus speciebus:
Species

Species in pluribus individuīs, aut quæ folis accidentibus differunt. *Differentia*, si generica sit, eandem unitatem cum genere; si specifica, eandem cum specie fortitur. *Species* vero totam aliquam essentiam denotat, Genus & *Differentia* qua talia, partem tantum. Proprium denique est *differentia* secunda, adeoque eandem unitatem cum prima obtinet. Atque ad hæc quinque capita, omnia attributa rerum simplicia revocantur. Ex his intelliges quid sit unitas generica & specifica, quæ duæ *differentiæ* sunt unitatis universalis.

C A P. VII.

Simplex & Compositum, Totum & Pars, unum per se & per Accidens.

I. **S**Ecundo dividitur Unum in *Simplex*, et *compositum*: hoc est in rem *Simplicem*, et *compositam*: et Unitas in unitatem *Simplicitatis*, et *Compositionis*. *Simplex* dicitur, quasi *sine plica*, quod pluribus non constat;

constat; sive ad cujus constitutionem, quatale est, plura non concurrunt. Estque aliud *absolute* simplex ut punctum in linea, et ex communi sententia, omnes substantiæ immateriales. Aliud *secundum quid*, et in certa aliqua ratione, sic linea simplex est, secundum latitudinem; et superficies secundum profunditatem; cum, aliis respectibus, utraque composita sit. Simplex etiam dicitur, cujus omnia quæ ipsum constituunt, licet plurima sint, ejusdem sunt Speciei, hoc est, natura similia; comparate scilicet ad illud quod ex heterogeneis constat. Ut *ignis, aqua, aer, lux, albedo*. Similis autem naturæ esse habentur, in quibus nulla differentia apparet.

2. *Compositum* dicitur, quod pluribus aliquo modo unitis constat. In eo duo consideranda sunt, *principia componentia*, quæ instar materiæ sunt, et eorum *unio* quæ veluti forma est. Compositio enim formaliter, ut modus rerum quæ componuntur, est unio aliqua, non autem actio Efficientis per quam plura uniuntur, quæ *unio* potius, quam Unio dicenda est. Est igitur Unio modus quidam distinctus a rebus unitis, et per divisionem ab illis separabilis. Omne enim compositum divisibile est; vel physice & realiter, per realem separationem partium; vel Mathematicè, seu potius logice, per cogitationem. Cum simplicia, in ea ratione qua simplicia

plicia sunt, ne cogitatione quidem dividi possint.

3. Tot sunt species rerum compositarum, quot modis res diversæ combinari possunt. Unde compositum aliud est *reale*, cum partes componentes realiter distinctæ sunt, et propriè unitæ. Aliud *rationis*, cum partes sola ratione distinguuntur: quarum idcirco Unio non est Unio propriè, sed *identitas*. Deinde compositum reale, aliud est, cujus partes unione Physica cohærent; aliud cum sola relatione.

4. Unione Physica cohærent plures substantiæ, quæ interdum sunt ejusdem speciei; et tum compositum *homogeneum* dicitur: ut cum plures guttæ aquæ in vase colliguntur, et unum continuum fiunt: interdum diversæ; et tum compositum *heterogeneum* nuncupatur. Sic mens & corpus unum compositum faciunt, quod *homo* vocatur. Et varia substantiarum genera corpus humanum constituunt, ut *Caro, Sanguis, Os, Nervus, Cartilago, Cerebrum, &c.*

5. Sola relatione cohærent, primo, partes compositorum, quæ *collectiva & aggregata* vocantur. Ex quibus nonnulla habent partes contiguas, non tamen propriè unitas, ut *acervus, civitas*: quadam disjunctas quoad locum, ut *Ecclesia, Respublica*.

6. Secundo, eodem modo cohærent subjectum & modus, et unum compositum constitunt.

stituunt. Nec enim Unio physica hic statuenda est; quia modus per se, non autem mediante alio modo (qualis esset unio physica,) subiectum afficit. Compositum istiusmodi pro differentiis modorum seu formarum, triplex est. *Naturale*, quod a causis naturalibus est: ut *ignis*, ex Cartesio, est compositus ex materia in partes valde exiguas divisa, et motu earum vario, ac *ocysissimo*: *Artificiale*, quod ab arte; ut *cathedra* ex materia solida, et figura: et *Supernaturale*, cuius forma vel modus est donum aliquid supernaturale; ut *revelatio*, *fides Christiana*. Compositum ab ejusmodi causis diversis dicitur, cum forma ab illis proficiscitur, licet subiectum aliunde sit.

7. Compositum rationis dicitur, quod ex pluribus sola ratione distinctis quasi coalescit, nempe, attributis, aut rationibus; quorum unio est, ut supra monuimus, omnium realis identitas. Sic quævis res composita est ex essentia, et existentia, ex genere, et differentia, et reliquis attributis, quæ in comprehensione illius continentur. Unde compositum istiusmodi *logicum* & *metaphysicum* dicitur.

8. Compositum vero ex attributis essentialibus, quæ realiter-inadæquate distinguuntur, et quibusvis accidentalibus, partim reale dici potest, quatenus scilicet attributa illa realiter distinguuntur; partim rationis dicendum est,

est, quatenus non distinguuntur, nisi ratione. Sic homo componitur ex *corporeo* & *rationali*. Et Socrates ex *docto* & *probo* : lac ex *albo*, *liquido* & *dulci*. Attributa enim ista partim significant ea quæ realiter distincta sunt, ut *corporeum* materiam, *rationale* mentem ; partim quæ realiter idem ; Ut *corporeum* rem materia constantem, *rationale* rem, (et eandem quidem,) ratione præditam. Omnia enim attributa ejusdem rei, directe significant subiectum aliquod commune, (quod in attributis accidentalibus maxime apparet.) cujus ratione unum quid efficiunt.

9. Compositi cujuslibet pars aliqua, præsertim forma, aut quæ formæ rationem habet, seorsim spectata, *Abstractum* dicitur. Sicut & compositum ipsum præsertim illud quod subiecto & modo constat, *Concretum* appellatur. Et, si partes substantiæ sint, concretum *substantiale* dicitur : si altera modus sit, aut privatio, *accidentale* vocatur : Sed minus recte. Potest enim una substantia esse accidens alterius. Sic *anima* per se considerata, abstractum est ; *animatum* vero, quod anima & corpore constat, concretum. Sic *albedo* & *album*, *cacitas* & *cæcum*. Quin et essentiam rei a re abstrahimus : ut cum in homine consideramus præcise *humanitatem*, in angelo *naturam angelicam*. In illo casu res consideratur ut concretum ex essentia & accidente, uno aut pluribus. Homo enim præter

ter humanitatem varia accidentia includit.

10. Supra Cap. 1. Divisimus res simplices in substantias & modos. Ex his vero quæ proxime dicta sunt, sumere licet divisiones rerum compositarum. Quædam enim componuntur ex pluribus substantiis, quædam ex substantia & modo, vel modis: quædam denique ex pluribus modis: Ut *forma*, prout pulchritudinem, aut difformitatem, aut medium inter utramque denotat, est quid complexum ex figura, litu partium, et colore. Exempla reliquorum supra dedimus.

11. Compositum, dum consideratur ut omnia continens quæ ad rem, in hac vel illa ratione constituendam requiruntur, *totum*, seu *integrum* dicitur. v. g. *tota humanitas* omnia illa denotat quæ humanitatem constituunt, puta corpus, mentem, et eorum unionem. Huic opponitur *pars*, una, aut plures infra omnes. Nam omnes partes simul, cum unionem, non differunt a toto. Pars igitur est aliquid compositi præter unionem: differt tamen totum a composito, quod compositum toto latius pateat. Nam plures partes totius, infra omnes, cum sua unionem, compositum quoddam faciunt: Non tamen sunt totum illud cuius partes sunt. Verum quia omne compositum, totum quoddam sub aliqua ratione est; (ut pars, quatenus suis etiam

pars

partibus constat, totum dicitur, *Ex. g.* In corpore humano, *Manus, pes, oculus*) idcirco iisdem modis dividitur totum, quibus supra divisimus compositum.

12. Sed divisio totius maxime celebris, et cujus maximus in scientiis usus, est per quam dividitur in *Universale & integrale*. *Universale totum* dicitur respectu inferiorum, et hæc istius partes *subjectivæ* vocantur; quia in extensione universalis continentur, de quibus affirmatur, non reciproce. Item partes *potentiales*, quia nullum ex illis in comprehensione universalis, si secundum essentiam spectetur, actu continetur, sed tantum potentia. Sic *genus* est totum ad suas species; et *Species* totum est ad sua individua. Et *genus*, puta animal, si secundum essentiam spectetur, nec est homo, nec bestia determinate, et actu; sed tantum alterutrum indeterminate, et potentia utrumque.

13. Totum integrale, ut quibusdam placeat, omnia reliqua tota & composita, complectitur. Alii strictius totum integrale accipiunt, pro ejusmodi toto, cujus non omnes partes ad essentiam ipsius constituendam necessariae sunt: sed quædam ad perfectionem illius accidentalem pertinent. Hinc totum distinguunt in *essentiale*, cujus omnes partes necessariae sunt ad rem, prout talis est in specie, constituendam: Sic *materiam & formam* essentialem, partes essentielles, et totum ex illis

lis conflatum essentiale vocant ; ut *animal* ex corpore organico & anima sentiente ; *catbedra* ex ligno & figura : Et *integrale*, cuius quædam partes abesse possunt, sine interitu totius , si secundum naturam seu essentiam spectetur : ut *corpus* animalis respectu pedis, oculi, auris, &c. quibus ablatis animal non interit, sed mutilatur.

14. Restat tertia divisio unius in unum *per se* & *per accidens*. Unum *per se*, Peripateticis est, quod constat actu & potentia, hoc est, ex materia & forma, vel ex genere & differentia. Unde unum *per accidens* vocant, quod pluribus entibus in actu, hoc est, in specie sua completis, constat. Et sub eo comprehendunt compositum ex subiecto & accidente, et aggregatum. Nuperus tamen quidam Scriptor dicit unum *per se* esse, cuius omnes partes *per se*, hoc est, *sine unione distincta* unum quid conficiunt. Et hoc modo substantiam immaterialem unum *per se* statuit, quam vere extensam facit. Corpoream vero quancunque unum *per accidens* ; hoc est, per modum Unionis, qui partibus accidit, et per separationem illarum tolli potest. Sed hæc res in Physiologia disquirenda est.

C A P. VIII.

Verum & Falsum, Bonum & Malum, Perfectum & Imperfectum.

1. **A**ltributum undecimum est *Veritas*, seu *esse verum* entitative. *Veritas* enim alia est *Ethica*, quæ, in Sermone, est cum quis loquitur ut judicat, aut saltem non contra ac judicat; in gestibus vero, et actionibus, cum ab omni furo, et dolo malo, alienus est. Alia *Logica*, nempe conformitas conceptus & Sermonis ad res; Seu cum quis judicat, et loquitur, prout res est; sive loquatur ut judicat, sive non. Alia est *entitativa*, de qua nunc, scilicet, conformitas rei ad nomen & apparentiam suam, adeo ut verum sit, quod non est solo nomine tenus, aut apparentur tantum, sed re ipsa, quale dicitur, videtur, aut putatur. Et consequenter omnia attributa habet, quæ significato nominis sui debentur.

2. *Falsitas*, et falsum tot modis dicuntur ac *veritas*, et verum; nempe *Ethice*, *Logice* & *Entitative*. *Falsitas* igitur entitativa est difformitas rei in essendo, ad nomen &

E 2 speciem

speciem in representando ; sive carentia naturæ per nomen communiter designatæ. Unde falsum est, quod solo nomine, aut specie, hoc est apparenter, non autem re ipsa tale est. Nec essentiam & attributa essentialia habet, quæ nomine, quo exprimitur, significari solent. *Ex. g. Deus noster* est verus Deus, hoc est, habet naturam nomini *Deus* respondentem. Sed *Dii Ethnicorum* falsi sunt, hoc est, non sunt natura dii (ut loquitur Apostolus ad *Galat. 4. 8.*) Sed nomine tantum, et opinione erronea. Unde falsum *fallax* dicitur, quatenus ad falsum conceptum, (falsum logice intellige,) menti ingenerandum aptum est.

3. Ex his Veri & falsi definitionibus, sequitur nihil esse absolute falsum entitative : (omne enim ens absolute verum est, hoc est, vere id quod est ;) sed tantum aliquod ens, sub aliqua ratione, falsum esse, quatenus scilicet videtur esse quod non est. Sic aurichalcum, licet falsum aurum sit, eo quod multi, propter similitudinem ad aurum, aurum esse existimarunt, verum tamen aurichalcum est. Et moneta adulterina verum est metallum : falsa autem dicitur, quia non est ex materia, ex qua esse videtur, vel quia autoritate publica caret. Item propositio logice falsa, est entitative vera ; quia, licet objectum male representet, veram naturam propositionis habet.

4. Distin-

4. Distinguitur falsum in *fictum* & *apparens*. Fictum vocatur quod concipitur aut dicitur esse, quod non est: ut cum Pontificii concipiunt, et affirmant Antichristum, etiam nunc futurum esse. Apparens dicitur, quod videtur esse quod non est. Ut cum baculus revera integer & rectus, cum pars aliqua illius in aqua, pars extra aquam est, fractus aut curvus apparet. Et de vero ac falso hæc iustificant.

Attributum duodecimum est *Bonitas*, seu esse aliqua ratione *bonum*. Est autem bonitas convenientia, sive accommodatio rei ad aliquid aliud, nempe ad illius productionem, conservationem, constitutionem, perfectionem, cognitionem, aut manifestationem. Bonum igitur dicitur quod aliquo ex his modis conveniens est. Malitia, contra, est ineptitudo, aut etiam contrarietas rei ad aliud: et Malum, quod alicui ineptum, incongruum, aut contrarium.

6. Hinc sequitur omne ens aliquo modo bonum esse: et nihil esse simpliciter malum. Et tantum quasdam res, sub aliqua ratione, malas esse, quatenus quibusdam aliis non conveniunt, aut etiam contrariæ, aut nocivæ sunt.

7. Et ex his notionibus Bonitatis & Malitiæ, quæ primariæ sunt, sequuntur aliæ secundariæ, nempe, *appetibilitas*, & *aversabilitas*. Omne enim ens, aliqua ratione, appetibile

petibile est ; tum ab appetitu, (ut ita loquar) divino, (Deus enim tum in seipso, qui primum bonum est, tum in rebus a se creatis, et pendentibus, acquiescit,) tum ab appetitu creato, præsertim rationali, qui in ens increatum, tanquam summum bonum fertur ; in bona vero creata, quatenus in Deum tendunt, et sibi convenientia sunt. Similiter quædam res averſabiles, seu odibiles sunt ; non quidem omnibus aliis, sed quibusdam tantum ; nec absolute, sed sub aliqua tantum ratione. Quod enim uni malum, alteri bonum est : ut venenum homini quidem nocivum, serpenti congruum.

8. Quod ad differentias boni attinet, aliud est *bonum* tantum *apparenter*, et opinione falsa ; aliud *vere* & reipsa. Exempla obvia sunt. Aliud est bonum *naturale*, quod naturam constituit, aut constitutæ congruit, id est, ad eam perficiendam, conservandam, aut delectandum facit ; non tamen præscribitur faciendum creaturæ rationali, quorum omnium exempla longum esset proferre. Aliud *supernaturale*, quod naturam supra sortem & conditionem communem evehit : Unio naturæ humanæ cum $\lambda\acute{o}\gamma\omega$ in Redemptore : vel vires naturæ superat, ut robur *Sampsonis*, fides & charitas in homine lapsos. Aliud est *artificiosum*, quod regulis artis conforme, ut Syllogismus in modo & figuræ. Aliud est *per se* bonum, et propter se
expe

expetibile, quod idcirco *summum* bonum dicitur, et finis ultimus. Aliud est bonum *propter aliud* (ut omnia media ad finem) quod bonum *utile* dicitur. Aliud est bonum *a se*, seu primum bonum, nempe, Deus: aliud est bonum *ab alio*, et per participationem a primo; scilicet, quodvis bonum creatum.

9. Eædem sunt differentiæ mali, nisi quod nullum sit *summum* malum simpliciter, licet aliquid sit maxime alicui malum; ut creaturæ rationali, imagine, gratia, et societate Dei privari, una cum cruciatu consequente. Nec datur malum proprie supernaturale. Omne enim malum, quæ tale, est præter aut contra naturam, non supra.

10. Distingui etiam solent Bonum & Malum in bonum & malum *absolute*, seu in se, et bonum ac malum *alteri*. Sed minus proprie; quia proprie omne bonum & malum dicitur per respectum ad aliud. Bonum igitur absolute & in se, idem est ac *perfectum*; malum vero, quod *imperfectum* & defectuosum. *Perfectum* dicitur cui nihil deest, nihil superest quod redundet. Ut bona & perfecta definitio dicitur, quæ omnia illa & sola attributa proponit quæ ad rem explicandam necessaria sunt. *Imperfectum* est cui aliquid deest, aut in quo aliquid superfluum est, ut si definitio non omnia attributa, ad rei cognitionem necessaria, vel etiam quæ minime necessaria sunt, proponat. E 4 11. Per-

11. Perfectum aliud *absolute* & simpliciter tale est, nempe, Deus; cujus idcirco idæa propria est *Ens perfectissimum*: Aliud perfectum est in suo genere, qua ratione omnes creaturæ, in principio, perfectæ & bonæ fuerunt, ut dicitur, *Gen. cap. 1.*

12. Variis modis distinguitur perfectio rei. Alia enim *essentialis* est, cum nihil eorum deest, quod ad essentiam constituendam requiritur: sic humanitas Christi perfecta est. Alia *accidentalis*, cum omnia accidentia adsunt, quæ ad talem rem necessaria sunt, hoc est, quæ essentiam meliorem reddant. Sic scientia, iustitia, sanctitas, et beatitudo, perfectiones accidentales sunt creaturæ rationalis. Has enim homo per lapsum amisit, manente perfectione essentiali, per quam homo est. Alia est *Naturalis*, cum res ea omnia habet, quæ ex ordine naturæ ipsi debentur. Alia *supernaturalis*, cum supra ordinem & exigentiam naturæ, res perficitur: ut perfectio foelicitatis credentium in regno cœlesti. Alia *artificialis*, cum res ea omnia habet, quæ ex præscripto Artis habere debet. Alia denique *Moralis*, cum omnia recta & rationi consentanea sunt, in creatura intelligenti.

13. Perfectio accidentalis, vel est in *quantitate*; cum res ad justam magnitudinem excrevit: vel in *integritate*; cum omnes partes integrantes adsunt; scilicet, etiam

am illæ quæ ad melius esse rei necessariae sunt: vel in *gradu*; sic lux in nostro hemisphærio circa meridiem perfecta est. Iisdem fere modis Imperfectio dividitur, et singuli ex oppositis perfectionibus satis intelligi possunt, nisi quod carentia perfectionis quæ stricte supernaturalis est, non sit proprie imperfectio. Res enim perfecta esse intelligitur, in suo quæque ordine, si omnia adsint, quæ, ex lege primæva naturæ suæ adesse debent: nec imperfecta censenda est, quod ea non habeat, quæ ex illa lege indubitata sunt.

C A P. IX.

C A P. IX.

Potentia & Actus.

1. **D***ecimum tertium attributum commune est habere potentiam aliquam : decimum quartum , habere aliquem actum. Licet enim potentia multo latius pateat quam actus, utrumque tamen utrique rerum ordini, substantiis scilicet, et modis, convenit. Quia autem relata sunt , simul explicanda sunt.*

2. *Potentia in genere, est quævis reicapacitas ad aliud. Et distinguitur primo in objectivam, et entitativam, seu realem. Potentia objectiva, quæ etiam non-Entibus convenit, (unde & a potentia entitativa, seu reali distinguitur,) est, per quam res potest esse objectum, hoc est, terminus actus vitalis, circa quem scilicet is exerceri poterit, puta, cognitionis, appetitionis, aut effecti-
onis.*

3. *Objectum multis modis distinguitur. Est enim aliud commune quod plura genera actuum terminat : ut cibus olfactum, gustum, visum, et tactum : aliud proprium, quod unum, ut odor olfactum, sonus auditum. Aliud*

aliud est proximum, et immediatum; aliud *remotum* & mediatum: ut in Syllogismo, Antecedens proxime & immediate assensum mentis terminat; conclusio remote, et mediante Antecedente. Aliud est *totale* seu *adæquatum*, totum scilicet circa quod actus versatur: aliud *partiale*, et *inadæquatum*, nempe pars aliqua prioris, ut objectum adæquatum visus, est visibile, seu quicquid videri potest; inadæquatum est figura, vel color. Aliud est *complexum*; ut in disciplina propositiones: aliud *incomplexum*; ut res, et termini simplices. Aliud *principale*, aliud *secundarium*. Aliud *per se*, quod proprie attingitur per actum, aliud *per accidens*, quod attingi dicitur, eo quod aliud attingatur, quod cum eo ex accidenti conjunctum est. Sic *figura*, et *color*, sunt per se objecta visus; sed corpus animatum, per accidens, quia per accidens est, quod corpus animatum tali figura aut colore præditum sit.

4. Sed divisio objecti maxime celebrata est, in *Materiale* & *Formale*. Objectum materiale est res ipsa quæ actum terminat, absolute spectata: formale est ratio restricta, sub qua terminat. *Ex. g.* res quæ vere in se spectata mala est, potest esse objectum volitionis materiale: sed qua bona, seu sub ratione boni, sive veri, sive apparentis tantum, objectum formale est. Alii dicunt objectum formale esse, quod per aut propter

ter se attingitur ; materiale vero, quod attingitur per & propter aliud ; scilicet, per aut propter formale. Unde objectum formale voluntatis finem statuunt ; intellectus discurrentis, præmissas, seu principia : Materiale vero voluntatis esse media ; intellectus, conclusiones. Non multum ab hac abluat divisio objecti in pure *terminativum*, et *motivum* : ut actus amoris erga virum probum, objectum pure terminativum quidem est homo ; motivum vero illius probitas, quæ ad amorem movet, et inducit.

5. Potentia objectiva, prout actum efficiendi respicit, nihil aliud est quam rei possibilitas, seu producibilitas ; et frequentius generali nomine *terminus*, quam objectum dicitur. Sic alius mundus potentiam habet objectivam existendi ; quia est potentia activa, scilicet in Deo, quæ esse ipsi communicet.

6. *Potentia* realis, ut ab objectiva distinguitur, alia *naturalis* est, quæ rei secundum legem & ordinem naturæ inest, et debetur : ut in mente potentia intelligendi, amandi, averfandi ; in animali, potentia sentiendi, et sese movendi. Alia *supernaturalis*, quam res supra ordinem & exigentiam naturæ habet : Ut in Sampson, potentia tollendi portas urbis *Gaza* : potentia in homine regenito actus supernaturaliter bonos exercendi. Alia *præternaturalis*, nempe quæ viribus naturæ acquiritur, et *habitus* dicitur, ut potentia recte

recte scribendi, saltandi, &c. Hæc tamen quatenus naturam perficit, naturalis dici potest.

7. Deinde quælibet ex his potentiis vel est *activa* vei *passiva*, vel *mixta* ex utraque: Potentia activa est virtus agendi, seu efficiendi aliquid; quæ in Creatore infinita est, in creatura finita, seu limitata. Exempla obvia sunt. Potentia passiva est, per quam res apta est aliquid recipere; et idcirco *receptiva* vocatur. Talis est potentia materiæ ad innumeras formas ac mutationes subeundas. Hæc potentia, si per eam res apta sit elevari ad agendum, aut patiendum, supra conditionem, et sortem naturæ suæ, *obedientialis* dicitur. Sic in homine est potentia receptiva virium supernaturalium, ad ea agenda & patienda, quæ facultatem naturæ plane superant. Mixta potentia dicitur, per quam res ita agere apta est, ut simul aliquid recipiat, nempe rem a se effectam. Sic mens nostra potentiam habet idæas seu imagines rerum producendi in seipsa, adeoque & easdem recipiendi.

8. Denique *potentia*, tum activa, tum passiva, alia *proxima* est, per quam res immediate potest aliquid agere, aut pati; ut homo arte saltandi aut Syllogizandi instructus, immediate potest actus illius artis proprios exercere: et in semine est potentia proxima, ut ex eo fiat planta: alia est *remota*,
per

per quam res, non, nisi mediante aut accedente alio, ad aliquid apta est; ut imperitus saltandi, saltare: terra, ut ex ea fiat planta: ad ista enim necesse est, varias mutationes intervenire.

9. *Actus* hic dicitur, vel quod omnis potentiae receptivæ expers est, quia iam perfectissimum est: qua ratione Deus dicitur *purus actus*; vel quod potentiam aliquam per se actuat; hoc est, capacitatem aliquam illius replet, et perficit, et distinguitur in *Entitativum*, qui est ipsa rei existentia, potentiae objectivæ, seu possibilitati respondens: et *Informantem*, qui modus rei, aut quicquid ipsi analogum est. Sic accidens, sive inherens, sive adhærens, est actus subjecti; differentia essentialis est actus generis, et Una pars compositi aliam actuat per Unionem.

10. Distinguitur etiam actus, in *primum* & *secundum*. Actus primus complectitur potentiam agendi, aut patiendi. Hæc enim, si ad rem absolute spectatam conferatur, præsertim si adventitia fuerit, actus, seu perfectionis rationem habet. Deinde formam rei essentialem primariam; ut in homine, virtutem ratiocinandi. Actus secundus igitur est, actio, vel passio, vel differentia secunda essentialis, vel denique quodlibet accidens superadditum rei. Ut in homine potentia ambulandi, dicitur actus primus; ambulatio ipsa, actus secundus. Potentia nigredinis

gredinis recipiendi in lana, est actus primus: nigredo ipsa, seu, ut ita dicam, illius *habentia*, est actus secundus. Ex his vides, quod ad Unum collatum potentia est, ad aliud si conferatur, esse actus. Nota etiam, cum omnis actus potentiae alicui respondet, quot modis distribuitur potentia, tot esse differentias actuum; et ex illis, quæ de potentiis jam dicta sunt, facile intelliguntur.

C A P. X.

Necessarium & Contingens, Signum & Signatum.

1. **A** *Tributum decimum-quintum* commune est esse aliqua ratione *necessarium*: *decimum-sextum* vero esse aliqua ratione *contingens*: quæ opposita sunt, et idcirco simul explicanda. Est autem *necessitas*, per quam res non potest aliter esse; *contingentia* contra. Et *necessitas* idem est ac *immutabilitas* quædam; *contingentia* contra. Eidem rei utraque conveniunt, sub alia & alia ratione.

one. *Necessarium* igitur est, quod non potest aliter se habere; contingens contra.

2. *Necessitas* primo, alia est *complexa*, quæ in propositionibus, aut rebus compositis, aut quæ ut compositæ spectantur, locum obtinet: scilicet cum termini, et partes, immutabiliter cohærent. Sic connexio attributorum essentialium, tum inter se, tum etiam cum suis subjectis, necessaria est. Et necessario cohærent (necessitate naturali) partes Mundi, unumquæ Systema conficiunt. Alia est *incomplexa*, quæ extra propositionem, aut compositionem cernitur. Et hæc rursus vel *interna* est, quando scilicet res necessario talis est, aut tali modo agit aut patitur, propter aliquid sibi intrinsicum: *Ex. g.* omnes homines *necessario* feruntur inid, quod sibi bonum existimant: vel *externa*, cum res tali modo se habet ab extrinseco: ut cum corpus, propter impulsus, movetur; aut maleficus ad patibulum trahitur.

3. Secundo *Necessitas* alia *absoluta* est, qua res seposita omni limitatione, et quavis suppositione possibili facta, nequit aliter se habere: sic Deus necessario existit, eique omnes Perfectiones suæ conveniunt. Alia est *hypothetica*, per quam res necessario talis est, ex hypothese aliqua. Ut ex hypothese quod creatura existat, necessario ei conveniunt sua attributa essentialia. Sic homo necessario est animal rationale. Item ex hypothese quod
res

res existat, quamdiu existit, necessario existit. Et ex hypothese quod causa sit in actu, necessario existit aliquis effectus.

4. Tertio, *Necessitas* alia est *Metaphysica*, cum contradictionem implicat rem aliter esse. Qua necessitate, attributa essentialia subjectis suis conveniunt. Alia est *Physica*, seu naturalis, cum licet non implicet contradictionem rem aliter esse, ex ordine tamen naturæ, res aliter esse nequit. Sic necesse est Solem, singulis diebus, nobis occidere, et oriri; ignem urere materiam combustibilem applicatam. Alia est *Moralis*, per quam id quod intelligentia præditum est, hoc vel illo modo effectum, non potest aliter agere. Ut improbus, quamdiu manet improbus, hoc est, tante prava dispositione animi, non potest bene agere. Et vir bonus, quamdiu manet bonus, non potest sciens, et volens, odio habere probitatem. Et ex his gradibus necessitatis, primus maximus est, et nullatenus mutari potest: secundus minor, et imitari potest per mutationem ordinis naturalis, quæ mutatio *Miraculum* dicitur. Ut in fornace Babylonico, ignis tres juvenes non combussit: tertius minimus, et plus continentiae conjunctum habet.

5. Quarto, alia est *necessitas* rei *ad esse* alterius. Alia *ad bene esse*. Ut ad esse hominis necessaria est Dei conservatio; ad bene esse, necessaria est Dei gratia. Ad vitam hominis na-

turalem, necessarius est cibus et potus: ad hoc vero, ut vita illa jucunda sit, necessaria est utriusque copia, et varietas.

6. Denique alia est, *Necessitas Consequentis*, alia *Consequentia*. Prior est, cum res quæ ex alia sequitur & infertur, aliunde necessaria est. Ut cum arguimus *tanta lux est in nostro hæmispherio, quanta esse solet tempore diurno*; Ergo, *Sol est in nostro hæmispherio*. Non tantum necessaria est *consequentia* sed etiam *consequens*, idque independenter ab illo antecedente. Non enim pendet ortus solis ex lumine in nostro hæmispherio, sed contra. Posterior est, quando id quod ex alio sequitur, non est necessarium, nisi respectu illius, ex quo sequitur, seu ex hypothesi quod illud ponatur, ut licet crastina disputatio Petri, ex hypothesi quod Deus prævideat eum crastinam disputaturum, necessaria sit, in se tamen, et quatenus a Petro profectura est, omnino contingens est.

7. Ex his omnibus quæ de necessitate diximus, manifestum est, necessitatem reperiri in existentibus rerum, in essentiis, in proprietatibus, in operationibus, in dependentia a suis causis, in connexionibus denique rerum inter se, et in consecutionibus propositionum.

8. Præcipua divisio rerum contingentium est, in eas quæ *contingentes sunt ratione subiecti & ratione causæ efficientis*. Contingentes rationes subiecti sunt, quæ ita suis subiectis

jectis conveniunt, ut possint iis non convenire ; ut homini esse *Geometram*. Contingentes ratione causæ efficientis sunt, quæ ita procedunt ab hac vel illa causa efficiente, ut potuerint ab ea non procedere, aut ab alia procedere. Ut quod bos in campis gramen depascens, nidum lucaris conterat. Ubi notandum est, quædam contingentia esse ratione subiecti, quæ necessaria sunt ratione causæ : ut lunam pati ecclipsin, necessarium est ratione causæ, quæ est interpositio terræ inter Solem & Lunam : Hæc enim quoties contingit, necesse est lunam obscurari. At non necessarium est ratione subiecti ; quia luna ex natura sua non exigit ecclipsin pati.

9. *Attributum decimum-septimum* utrique ordini rerum commune est, esse *Signum* : *decimum octavum*, esse *Signatum* ; quæ relata sunt, et idcirco simul explicanda. *Signum* est quod aliquid potentiæ cognoscitivæ, intellectivæ scilicet, vel imaginatrici, exhibet. *Signatum* id quod per signum exhibetur. Duo igitur requiruntur ad rationem signi, scilicet, ut ipsum in potentiam cognoscitivam incurrat, hoc est, ab ea percipiatur ; et in aliud quoddam cognitionem ducat, non quidem ut causa physica, sed tantum ut causa objectiva, seu moralis, propter connexionem inter utrumque.

10. Formalis ratio signi est *significatio*. Et aptitudo quidem significandi, quæ significatio

in actu primo vocatur, hic intelligenda est Actualis enim significatio signo accidit. Ex. g. fumus, ex se, et natura sua, est signum ignis, etiam cum a nemine videtur, nec ignem percipiendum exhibet.

11. Differentiæ signorum præcipuæ sunt quæ sequuntur. Primo, aliud est *Signum naturale*, quod natura sua significat; ut fumus ignem; diluculum matutinum, solem brevi oriturum: aliud *arbitrarium*, seu ex placito, vel instituto, divino, vel humano. Sic Sacramenta sunt signa divinitus instituta beneficiorum spiritualium; voces sunt signa rerum, et cogitationum nostrarum circa res. Ejusmodi signa quandoque similitudinem quandam habent rerum quas designant, ut aqua Baptismi; panis & vinum in S. cæna quandoque nullam, ut hædera ante tabernaculum suspenso, vinum venale significat, quæ tamen nullum similitudinem cum eo habet.

12. Secundo, pro differentiis temporis in quibus Signum & Signatum existunt, Signum aliud est *μνημονευτικόν*, *commemorative*, quod rem præteritam in memoriam revocat. Sic Pascha *Israelis* Signum fuit liberationis ex *Egypto*. Aliud est *στοδευτικόν* *demonstrative*, quod rem præsentem indicat. Ut pulvis velox & inæqualis, Signum est febris. Aliud est *προγνηστικόν*, *prænunciative*, quod rem futuram denotat. Huc pertinent signa *Meteorologica*, et *Physiognomica*. Ut para-

selen

elene est Signum tempestatis imminentis. Frons latus & crectus, (ut quidam conje-
rant,) est signum docti futuri.

13. Tertio, Signum aliud est *Materiale*, quod rem indicat quidem, sed non repre-
sentat: hoc est, non est ipsi simile: ut extre-
marum partium in corpore animalis crassities,
est signum roboris. Aliud est *Formale*, quod
rem signatam representat, hoc est, similitu-
dinem aliquam illius gerit. Sic vestigium est
signum pedis; imago, rei depictæ.

14. Quarto, aliud est *Necessarium*, quod
certum indicium signati est, ut fumus, ignis.
Aliud *Contingens*, quod non plane certum.
Sic coactio nubium signum est tempestatis fu-
turæ. Prius *σημείον* Græcis, posterius *εἶδος*
appellatur. Signorum quoad certitudinem
magna est varietas. Nonnulla enim certitu-
dinem Physicam habent, scilicet cum natura-
liter non potest non subesse signatum respon-
dens: ut lux diurna certum est Signum Solis
exorti, licet nubibus tecti; Alia tantum
Moralem, quibus plerumque respondent
signata, et idcirco communi æstimatione pro-
veris habentur: Ut si quis e cubiculo hominis
recens occisi, manu gladium Sanguine tin-
ctum gerens, egredi observetur, nec possit
se purgare, nec quisquam alius suspicioni ob-
noxius sit, pro homicida habetur, licet pos-
sibile sit, non esse. Alia denique ad Sum-
mum verisimilia sunt; et *præsumptiones* vo-
cantur.

15. Quinto, alia sunt *signa manifestiva*, quæ res quidem notificant, nec tamen earum vicem gerunt : ut voces manifestant cogitationes, non tamen loco earum ponuntur, ut volunt Logici. Alia sunt *suppositiva*, quæ non solum res manifestant, sed etiam earum vicariæ sunt : Sic dicunt voces esse Signa rerum.

16. Sexto, alia sunt pure *σημαντικά*, *significativa*, ut in prioribus exemplis : alia *μεταδοτικά*, et *σφραγιστικά*, quæ non tantum significant, sed etiam exhibent, tradunt, et obfignant. Qualia sunt signa Sacramentalia ; et ritus solennes fœderum, et contractuum.

17. Denique, ex signis alia sunt *sensibilia*, quæ semet ipsa sensibus, et ea quorum signa sunt, intellectui offerunt. Exempla jam dedimus. Alia sunt duntaxat *intelligibilia*, quæ sola mente percipiuntur ; ut cum pii, et peculiari charitate, quam erga alios pios in seipsis percipiunt, per discursum inferunt se esse in statu gratiæ apud Deum. Et hæc quidem de signis, quorum maximus ubique in Scientiis usus est. Signatorum nullæ sunt differentiæ notabiles, nisi quæ ex distributionibus signorum, facili negotio intelligi possunt.

C A P. XI.

Quantitas, Mensura, Finitum & Infinitum.

1. **A** *Tributum commune decimum nonum* est *quantitas*, seu habere quantitatem aliquam. Hoc enim omnibus rerum generibus convenit, non minus quam reliqua quæ hactenus explicavimus. Consistit autem *quantitas* in *extensione* aliqua : quam sequitur *divisibilitas*, per quam unum aliquod, in re a residuo separari potest, vel realiter, aut saltem per cogitationem.

2. *Quantitas* in tanta latitudine accepta, alia *realis* est, alia *virtualis*. *Quantitas realis* est, cujus partes realiter, aut saltem modaliter distinguuntur. Estque vel *continuationis*, vel *intensionis*, vel *multitudinis*. *Quantitas continuationis*, vulgo *continua*, est, in qua una pars aliam immediate sequitur. Estque vel permanens, cum omnes partes simul tempore sunt, verum singulæ in diversis locis, et reperitur in omni substantia extensa ; manifeste quidem in substantia Materiali ; vel successiva, seu fluens ; qualis in motu, tempore, duratione, et actione continuata cernitur.

tur. Quantitas intensiōis est, cujus partes, quæ vulgo *gradus* vocantur, simul tempore & loco consistunt, ut cum lux magis minusve vehemens est. Quantitas denique multitudinis, vulgo *discreta*, quæ *quotitas* potius, nisi reclamaret latinitas, appellanda esset, nihil aliud est, quam *numerus*. Et distinguitur a reliquis modis quantitatis, quod in eas partes non necessario cohæreant.

3. Quantitas *virtualis* est, cujus partes sola ratione distinguuntur. Aliter quantitas perfectionis dicitur: non quod quantitas realis perfectionem excludat, sed quod hæc nihil aliud quam perfectionem majorem vel minorem significet. Sic dicimus virtutem activam & passivam magnam esse, vel parvam. Magis autem & minus in illis solis reperitur, in quibus quantitas seu extensio aliqua intelligitur. Et quorum minor est quantitas realis, eorum quantitas virtualis sæpe major est.

4. *Mensura* est quantitas nota, ignotam notificans. Hæc autem nonnunquam major est quantitate notificandæ, quæ *mensuratum* dicitur; quandoque minor, quandoque æqualis. Sic Deus, ipse immensus, mensura est omnium aliarum rerum. Quantitas enim perfectionis cujuscunque ex his, major minusve est, prout ad perfectionem illius, magis minusve accedit; lex Dei est mensura legum humanarum; ulna est mensura panni: pondera

dera rerum gravium; Modius tritici; Sextarius aquæ; ulna probata est mensura reliquarum, quæ quoad quantitatem, dubiæ sunt.

5. Hinc ad rationem mensuræ tria requiruntur. 1. Ut conveniat aliquo modo cum re mensuranda. Unde homo non possit esse mensura aliorum viventium, materia constantium, nisi & ipse viveret. Et indivisibile non potest esse mensura divisibilium. 2. Ut certæ & fixæ quantitatis sit, cui quatenus mensura est, nihil addi potest, aut detrahi. 3. Ut notior sit re mensuranda.

6. Ratione quantitatis res dicuntur *finita* vel *infinita*. Res finita est, quæ terminis clauditur: infinita quæ terminis non clauditur. *Infinitum* multis modis dicitur. Primo *ratione perfectionis essentialis*. Sic solus Deus infinitus est: solus enim ille infinitas perfectiones, virtualiter, seu eminenter, in unica essentia continet: nempe potentiam & sapientiam infinitam, &c.

7. Deinde ratione accidentium. Et sic infinitæ sunt aut concipi possunt, primo *ratione extensionis localis*; sive secundum unam duntaxat dimensionem, ut linea infinite longa; sive secundum duas tantum; ut superficies infinite secundum longitudinem & latitudinem expansa; sive secundum omnes, ut corpus quaquaversum extensum, in longum, latum, et profundum; ut de Mundo fingunt
Carte-

Cartesiani. Secundo *ratione intensiōis*; ut si fingamus lucem aut calorem infinitis gradibus vehementem. Tertio *ratione multitudinis*, ut numerus infinitus. Quarto *ratione loci*, si res ubique existeret. Quinto *ratione durationis*: Sic a parte post infinita erit duratio animalium rationalium. Sed infinitum secundum extensionem, intensiōem, multitudinem, ubiuitatem, aut æternitatem a parte ante, nullum est creatum, nec esse potest: et infinitudo omnis generis quæ Deo convenit, ipsi essentialis est.

8. Porro aliud *actu*, et *positive* infinitum est: ut divina perfectio. Aliud solum *potestate*, et *negative*: cum alicui aliquid addi potest sine fine, ita tamen ut nunquam absolvetur additio, nec res evadat actu infinita. Sic potest mens nostra sumere unitates, aut numeros finitos, in infinitum: et numerus creaturarum augeri potest in infinitum.

C A P. XII.

Principium , Causa , Materia & Forma.

1. **A** *Tributum commune vicesimum*, quod omnium quidem latissime patet, hoc est, plurima alia sub se comprehendit, est esse *Originem* seu *Principium* alicujus alius. Cui respondet *vicesimum primum*, nempe *dependere* aut *esse ab alio*, quod principiatum appellatur.

2. Est autem *Principium*, sive *Origo* rei, id a quo res quocunque modo pendet: sive quicquid ad esse ipsius aliquid confert. *Principiatum* vero, quod ab alio quocunque modo pendet; hoc est, esse suum ipsi quocunque modo debet. Hinc divisio rerum in *dependentes*, et *independentes*. Omnes enim res creatæ dependent a Deo, et quædam ex illis ab aliis. Sicut singulæ fere *independentes* sunt respectu quarundam aliarum: ut Sol non dependet a terra, aut a plantis, sicut hæ a Sole:

3. Dependet autem unum ex alio, vel *necessario*, scilicet cum sine eo esse nequit, ut actus rationalis a substantia intelligente: vel *contingenter*, cum unum accipit quidem aliquid

quid ab alio, quod tamen aliunde habere potuit. Sic vita infantis a matre nutriente contingenter pendet, quia aliunde conservari potuit. Deinde pendet unum ab alio vel secundum *entitatem*, seu existentiam, ut modi a substantiis; vel secundum *operationem*; ut causa inferior a superiore; vel quoad utrumque; ut creaturæ activæ a Deo.

4. Varie distinguitur principium: Aliud enim est *principium cognoscendi*, attributum scilicet vel axioma perspicuum, rei cognoscendæ inserviens. Aliud *essendi*, quod aliquid confert ad esse aliûs præter cognitionem. Aliud *intrinsecum* rei, aliud *extrinsecum*: aliud principium est rei in *feri* seu generationis; ut materia, forma & efficiens, quibus Peripatetici adjiciunt privationem. Aliud in *facto esse*, constituens scilicet, vel conservans: aliud denique *activum*, nempe efficiens, sive agens: aliud *passivum*, nempe subiectum, vel materia in quam agitur.

5. Est porro aliquid *principium* alterius, seu ad esse illiûs aliquid confert, vel *per se*, seu per suam entitatem; vel per actionem seu operationem. Per entitatem rursus, vel cum aliud *intrinsece* constituit, ut omnes partes rei, ex quibus, materia & forma essentielles vocantur; vel *extrinsece* aliquid conferendo. Hoc autem, si terminus sit actus cognitionis aut appetitionis, *objectum*; si terminus, *conditio* vocatur. Quod vero con-

fert

fert ad esse alterius per operationem, *efficiens* & *agens* dicitur.

6. Si principium ad esse alterius quidquam conferat, ipsum intrinsece constituendo, aut extrinsece, per actionem, vel ut objectum dirigens, aut excitans, *causa* dicitur. Si nullus ex his modis, *conditio* vocatur. Hinc patet principium latioris significationis esse quam causam, prout vulgo accipitur. Nam conditiones a causis distingui solent, quæ tamen inter principia annumerari debent.

7. Quatuor vulgo statuuntur causarum genera; *Materia*, et *forma*, *efficiens*, et *finis*: ex quibus duæ priores *intrinsecæ* sunt causato; duæ posteriores, *extrinsecæ*. Sed convenientius quæ ad attributum originis spectant, ad quinque vel sex capita referri possunt, scilicet, *Materiam*, *formam*, *efficientem*, *conditionem* et *objectum* directivum ac motivum, sub quo continentur *exemplar*, et *finis*.

8. *Materia* vulgo definitur, causa interna ex qua res est; hoc est, ex qua res fit aut constat. Rectius vero *principium internum commune* pluribus Speciebus vel actu vel potestate. Estque alia *proprie* et stricte dicta, quæ materia *Physica* dicitur, nempe substantia perceptionis expers: ut *lignum* ad Ignem, Mensam, Statuam, &c. Alia *improprie* et per analogiam quandam ad priorem, quæ *Metaphysica* vocatur, rectius vero *Logica* dice-

diceretur ; scilicet, quicquid intrinsece aliud constituit, modo commune sit, aut esse possit pluribus quæ specie differunt. Et sic latissime extenditur, non tantum ad substantias Spirituales, sed etiam ad modos, et attributa rerum. *Ex. g.* Mens humana est materia ex qua fit res docta, pia, sancta, proba ; Soni sunt materia concentus musici. Et omnia attributa generica sunt quasi materia rerum quarum sunt attributa ; ut animal hominis. Ni forte dicas omnia attributa rei essentialia esse instar materiæ, horum vero connexionem seu identitatem esse veluti formam.

9. Distinguitur etiam Materia, in materiam *in qua*, quæ Subjectum ; *ex qua*, quæ magis proprie materia, et *circa quam*, quæ objectum est. Quanquam una et eadem materia omnes istas rationes subire soleat. Nam materia quatenus est subjectum formæ, materia *in qua* dicitur ; quatenus cum forma aliquid constituit, *ex qua* ; quatenus denique est in quod agens operatur, formam ipsi introducendo, *circa quam* vocatur. Hæc enim sunt præcipua munera Materiæ, actionem efficientis recipere, formam sustentare, et cum illa compositum constituere.

10. Forma vulgo definitur *causa interna per quam res est*. Sed rectius, *principium internum materiam afficiens, & ad certam speciem determinans*. Unde cum materia pluribus specie-

speciebus communis sit, ut lignum lecto, scamno, cathedræ, &c. forma cujusque speciei propria est, et rem quam constituit, ab omnibus aliis speciebus distinguit. Alia enim est figura lecti, alia scamni, licet eadem sit materia, non tantum specie sed etiam numero; cum scilicet, ut fieri solet, diversas formas successive induit.

11. Est autem *forma alia proprie dicta*, nempe, modus aliquis substantiæ, sive materialis, sive spiritualis; ut *rotunditas* est forma Sphæræ; *Scientia* aut *Iustitia* mentis. Alia *improprie*; ut una substantia aliam perficiens, ex. g. anima corpus: et in omni specie, differentia. Alia dicitur *interna*, ut habitus in mente; Unio Physica in composito; alia *externa*, ut in corpore figura, color. Alia est *naturalis*, quæ a natura; alia *artificiosa*, quæ ab arte proficiscitur. Alia *prima* est, quæ *essentialis* et *specifica* dicitur, ut forma naturalis ligni; alia *secunda*, et *adventitia*, quæ *accidentalis* vocatur; ut forma statuæ ligno superinducta. Omnis tamen forma accidentalis est materiæ, quia extra illius idæam essentialem est; et essentialis composito; quia essentiam illius, una cum materia, constituit: Sic *Albedo* est de essentia albi, quæ album est, et *Doctrina* de essentia docti.

C A P. XIII.

Causa efficiens, Actio ; earumque differentie.

1. **E**fficiens est causa externa, quæ *vera* actione causat. *Externa* dicitur, non quod semper extra effectum sit quoad locum, sed quia extra essentiam illius est ; Unde a materia & forma distinguitur, quæ essentiam compositi constituunt. Quanquam autem vox *effectus* proprie illud significet quod ab efficiente producitur, ad omnia tamen, quæ ex quavis causa oriuntur, applicari solet. Ut cum effectus materiæ dicitur formam suscipere, formæ vero materiam perficere, utriusque simul compositum constituere. Finis denique efficientem inducere ad agendum.

2. Sicut in omni causa considerata est *virtus*, seu aptitudo *causandi*, et *actualis causatio* ; ut in materia, aptitudo recipiendi formam, et actualis illius receptio ; in forma aptitudo informandi materiam, et actualis illius informatio ; in fine aptitudo movendi efficientem, et motus actualis ; ita etiam in efficiente, considerata sunt virtus efficiendi, et actualis effectio. Sub virtute autem *effectiva*

fectiva continetur tum *potentia* agendi, quæ
 omnibus causis efficientibus communis est ;
 tum *propensio* ad agendum, quæ in solis illis
 quæ ex cognitione agunt a potentia agendi
 distinguitur : & per se considerata, causa *pro-*
numena dici solet : Sic *amor* proximi, qui
 propensio est in illius bonum, causa est cur ipsi
 benefacimus ; *avaritia* est causa furti ; *fames*
 est causa motus animalis ad pabulum. Estque
 propensio illa vel *naturalis* ; ut in parentibus
 erga liberos ; vel *adventitia* ; & hæc rur-
 sus vel supernaturaliter indita a Deo, vel ac-
 quisita & attracta, sive bene agendo, sive
 male.

3. *Effectio* seu *actio*, quæ causalitas effici-
 entis dicitur, est *modus quidam per quem effi-*
ciens dat esse effectui ; sive per quem effectus
 ab ea procedit.. Utrumque enim denominat
 efficientem ut esse dantem ; effectum ut acci-
 dentem. Est autem actio alia *immanens*,
 cuius effectus est in ipso agente ; ut perce-
 ptio, appetitio ; alia *transiens* ; cuius effe-
 ctus est extra agens ; ut Scriptio, uctio. Acti-
 o immanenti respondet *objectum* ; quod ab
 ea denominatur, ut per cognitionem res di-
 citur *cognita*, per *volitionem* volita.

4. *Actio transiens* vel est creativa, per
 quam aliquid producitur ex nihilo, hoc est in-
 dependenter a materia, seu subiecto præexi-
 stente ; & est Dei propria : vel *transmuta-*
tiva, quæ in subiectum præexistens transit ;

ut cum lignum ab igne calefit, aut in flammam convertitur. Unde cum in omni actione reperiantur tria, *agens*, qui actionem exercet seu edit, *terminus a quo*, qui est non-esse re antequam producitur, & *terminus ad quem* qui est ipsa res producta; in transmutativa reperitur quartum, nempe *subjectum* patiens.

5. Actionis transmutativæ sex sunt species. *Generatio*, quæ est productio formæ essentialis, seu specificæ; ut cum ex ligno fit ignis, ex semine planta: *Corruptio*, quæ est formæ istiusmodi destructio; ut cum ignis extinguitur, planta putrescit. *Accretio*, per quam novæ partes adduntur. *Decretio*, per quam quædam partes decedunt. *Alteratio* per quam forma aliqua, non specifica, acquiritur, aut deperditur; ut cum aer illuminatur, aut obtenebratur. Estque hæc vel *absoluta*, ut cum imperitus fit doctus; vel *gradualis*, ut cum doctus fit doctior. Denique *motus* active Sumptus, (secus enim non est actio, sed passio, seu receptio) qui distinctionis causa *motio* dicetur, est translatio rei ex uno loco in alium. Et hæc quidem de actione.

6. Varie dividitur causa efficiens. Et primo, in *procreantem*, quæ dat primum effectui & *conservantem* quæ esse jam datum durare facit. Utrumque præstat Deus creator res creatas. Conservat autem una res creata

ata. aliam, vel materiam novam suppeditando, qua partes deperditæ refarciantur; ut nutrix infantem, lac præbendo: vel contrarium expellendo, aut abarcendo; sic Medicina, et vestis, corpus, et vitam conservat.

Secundo, Efficiens vel est *solitaria*, quæ nulla alia concurrente efficit; ut Deus in creatione mundi; Christus in officio Mediatoris præstando: vel *socia*, quæ alia concurrente efficit. Estque vel *principalis*, vel *minus principalis*, vel *aqualis*. Efficiens principalis est, quæ majorem virtutem exercet; aut modo præstantiori efficit: *Minus principalis*, quæ contra. *Æqualis* quæ eandem virtutem exercet. Suntque istiusmodi causæ nonnunquam *subordinate*, cum scilicet actio unius pendet ab actione alterius: quo casu efficiens principalis *Superior*, minus principalis *inferior* dicitur. Sic in horologio, causæ superiores motus sunt rotæ maiores, suprema autem, pondus quod primam rotam circumagitat. Quandoque *coordinate* sunt, quando actio unius, ab actione alterius non pendet. Ut cum duo nautæ virtutem parem aut imparem exercentes, navigium e littore pellunt; aut cum plures qui currum trahunt.

8. Sub causa minus principali continetur *instrumentum*, quod in subsidium adhibetur a causa principali, et ab ea movetur. Unde

in virtute illius agere dicitur. Estque alio
naturale ; ut in animali, oculus est instrumen-
tum videndi ; Nervi, et Musculi, motus
progressivi. Aliud *artificiale*, quod ab artifi-
ce usurpatur ; ut malleus, vel ferra a fabro.
Aliud *morale*, nempe, persona ex imperio
aut suasu alterius agens. Sic Ministri eccle-
siæ sunt instrumenta Christi ; reipublicæ
Magistratus politici ; nefarii sunt instrumenta
Satanæ. Distinguunt etiam quidem instru-
menta, in *activa* ; ut gladius in secando
penna in Scribendo ; et *passiva* ; ut incus
bilanx. Sed hujusmodi instrumenta causas
efficientes proprie non sunt.

9. Tertio, Efficiens alia *Univoca* dicitur
nempe cujus effectus est ejusdem speciei, ut
cum animal generat animal : alia *equivoca*
quæ contra, ut cum sol generat animal, mul-
cam, vermem, apem, ex Materia putri.

10. Quarto, alia est *universalis*, quæ eo-
dem influxu concurrat ad varia genera effec-
tuum : ut calor solis ad aquam in vaporem
committendum, lutum indurandum, fructus
maturandos, &c. Alia *particularis*, cujus
influxus ad unum quoddam genus effectuum
restringitur : ut vis prolifica seminis ad pro-
ductionem viventis.

11. Quinto alia est *prima*, et *suprema* ; id
que vel absolute, ut Deus ; vel in certo or-
dine ; ut Adamus respectu generis humani.

Alia est *secunda*, et *inferior* ; ut quævis efficiens creata respectu Dei, et omnino omnis efficiens subordinata, quatenus est talis.

12. Sexto alia est *necessaria*, quæ si virtute sufficiente instructa sit, et nullum impedimentum interveniat, non potest non agere : Sic ignis est causa necessaria combustionis, si materiæ idoneæ convenienter applicetur. Alia *libera* est, quæ sufficiente virtute instructa, et remotis impedimentis, potest agere vel non ; item potest hoc vel illud vel contrarium agere. Ex. g. homo est causa libera ambulationis, quia etiam cum vires suppetunt, pedes sani, et non ligati, via non impedita, potest abstinere ab ambulando. Unde causa necessaria determinata est ad unum genus effectuum ; libera vero indifferens est ad plura opposita. Quousque autem indifferentia et latitudo illa extendatur, alibi dicendum est. Deinde causa necessaria agit, quandocunque, quamdiu, et quantum potest, sine moderatione, aut intermissione : at causa libera agit, quando, quamdiu, et quantum libet, a *libendo* enim *liberum* dicitur.

C A P. XIV.

*Causa exemplaris, procatarctica,
moralis, finis, conditio, genera-
les distributiones causarum.*

1. **I**Nter ea quæ ad locum originis five causarum spectant, numeratur, ut supra diximus, *objectum directivum*, et motivum. *Objectum directivum* est, forma vel simulacrum rei, extra agens, cujus intuitu dirigitur ad aliquid faciendum; ut typus ædificii extruendi in chartula descriptus. *Exemplar* vulgo et *causa exemplaris* dicitur. Dirigit autem exemplar, dum occasionem præbet agentis, idæam rei faciendæ, in mente formandi. Quanquam idææ istiusmodi sæpe intus in mente formari soleant, nullo exemplari externo dirigente. Ad exemplar etiam pertinent præcepta, et regulæ artium, quæ quandoque exterius in signis, nempe vocibus, aut scriptis proponuntur a docente; quandoque interius a mente inventoris constituuntur.

2. *Objectum motivum* aliud est quod assensum aut dissensum inducit; ut evidentia veritatis per se notæ ad assensum sui, et conclusionis quæ ex ea sequitur. Unde principia, seu præ-

præmissæ in discursu, causæ cognitionis vocantur. Aliud est quod ad volendum, vel nolendum, appetendum, aut averfandum, et operationes consequentes inducit. Ut cum res aliqua amorem sui aut odium parit, spem aut fiduciam facit, metum incutit, dolorem aut gaudium adfert. Et hoc est quod *causa objectiva*, opposita ad eam quæ proprie effectiva est, vulgo appellatur.

3. Qui objectum istiusmodi proponit, quo alius ad aliquod ex his quæ jam diximus, præsertim actionem transeuntem induci poterit, *autor* dicitur: ut cum quis alium ad cædem, aut furtum suadet. Objectum autem ipsum, quo quis ad agendum movetur, (quantum motus hîc metaphoricus est,) *causa provocatrix* vocatur: ad quam spectat *qualitas objecti* bona, vel mala, sive vera, sive solum apparens; *occasio*, seu opportunitas agendi; *meritum*, et demeritum personæ, in cuius gratiam, aut contra quam aliquid agitur.

4. Nunc opportunum est declarare divisionem efficientis vulgarem, in physicam, et moralem. Quanquam causa moralis non sit proprie efficiens. Causa *Physica*, seu naturalis dicitur, quæ vera actione causat: exempli capite superiori plurima dedimus. Causa *moralis* proprie est, cuius actio est in genere morum, adeoque lege honestatis regulatur. Unde semper est persona aliqua. Completi-

tur igitur primo, illum qui objecta motiva proponendo suadet, aut incitat quomodocunque alium ad aliquem actum, cujus exempla sectione præcedenti adducta sunt. Deinde, qui activa naturalia passivis applicat : sic qui ignem ædibus injicit, causa moralis est incendii. Tertio qui impedit ne proponantur objecta motiva aut directiva ; vel ne activa naturalia cum passivis congregiantur, causa moralis est cur non existet effectus, qui alioqui sequi posset. Sic qui cursum Evangelii impediunt, causæ sunt perditionis hominum. Et qui medico prudenti resistunt, ne remedia ægrotanti applicet, causæ sunt, cur æger sanitatem non recuperat. Quarto, qui non impedit ne motiva proponantur, aut congressum agentium et patientium, cum posset, et debeat, causa effectus censetur : ut qui conflagrationem non restinguit, aut proximum non defendet et tuetur. Denique, qui objecta non proponit aut activa passivis non applicat cum posset et debeat, causa est cur non existat effectus. Ut qui alios curæ suæ commissos non instruunt, hortantur aut admoneant, causæ sunt, cur ignari aut improbi sint. Et qui necessaria ad vitam alterius conservandum denegat, causa est cur alter pereat.

5. Improperie et analogice causæ morales censentur, primo objecta ipsa, quæ dirigunt aut movent ; quia ab ejusmodi causis propo-

ni solent, et non agunt influxu physico. Deinde etiam illa agentia, quæ ratione destituuntur, cum casu objecta motiva proponunt, aut activa & passiva inter se committunt: Ut cum bestia focum dispergendo, occasionem dat domus comburendi; aut segetes depascendo, iram in agricola movet.

6. Bonitas objecti, qua movetur agens, vel spectatur ut propter quam aliud expetitur, et dicitur *finis*: vel quæ expetenda sit propter aliud, et *medium* ad finem appellatur. Finis igitur est *id cuius gratia aliquid est*, seu cui acquirendo, aut præstando aliquid inservit; et propter quod, aliquid suscipitur aut agitur. *Medium* vero ad finem, quod alteri inservit, quodque illius gratia eligitur, aut agitur. Ut *Sanitas* est finis tum medicamenti ipsius, tum etiam omnium quibus paratur, applicatur, et sumitur; & hæc omnia sanitatis media sunt.

7. Ex mediis ad finem, alia sunt *necessaria*, sine quibus finis vel absolute, vel ex hypothesi aliqua, obtineri nequit; Ut *conservatio Dei* est medium absolute necessarium, ut creatura in esse permaneat; *alimentum* est medium necessarium vitæ naturaliter conservandæ; *fides* in Christum est medium necessarium justificationis, & Salutis. Alia sunt contingencia; quæ licet ad finem acquirendum apta sint, aut etiam sufficiant, sine illis tamen, per alia scilicet, acquiri potest. Sic multa sunt ciborum

ciborum genera, quæ vitæ quidem sustentandæ utilia sunt, non tamen necessaria. Deinde alia *sufficiunt* fini acquirendo ; alia minime. Alia sunt *propria* unius finis ; alia multorum *communia*. Alia sunt quibus finis certo & necessario obtinetur ; alia secus. Quorum exempla non vacat proferre.

8. Varie etiam distinguitur finis. Primo in *universalem*, ad quem omnia absolute, aut omnia certi ordinis communiter tendunt, aut diriguntur. Sic *Deus* seu *gloria Dei*, est finis omnium creaturarum ; Et *particularem*, in quem unumquodque agens, Saltem unumquodque genus, tanquam proprium tendit : ut finis particularis, & proprius, solis est, mundum illuminare, res terrestres calefacere ; & ex studiosis alius medicinam cogitat, alius juris prudentiam, &c.

9. Secundo, alius est finis rei *primarius*, qui magis ad agendum movet & præcipue intenditur : alius *secundarius*, et accessorius, qui contra. Ut in eruditione prosequenda, finis primarius uni est lucrum ; secundarius gloria ; alteri contra ; prout quisque affectus est.

10. Tertio, alius est finis *ultimus*, & supremus, qui ad ulteriorem non refertur : alius *subordinatus* qui contra. Eadem enim res, respectu diversorum, est & medium, & finis. Ut sanitas medium est actionis, finis vero medicinæ. Unde, in omni serie finium & mediorum, datur *primum* medium, quod
medium

medium duntaxat est non autem finis ; et finis ultimus, qui tantum finis est, non autem medium. Et quo finis superior est eo prius intenditur, posterius acquiritur, et contra. Est autem finis ultimus vel *simpliciter* ; ut Dei gloria finis est omnium creaturarum, et omnium actionum humanarum : vel *in aliquo ordine*, ut finis ultimus medicinæ proprius, est sanitatis conservatio, et restitutio.

11. Quarto, *finis* spectari potest vel ut *intentus*, seu in proposito agentis ; vel ut *obtentus*, seu in fruitione. Sicut & media considerari possunt prout eliguntur & prout executioni mandantur. In quibus omnibus hic ordo observandus est, quod intentio finis præcedat electionem mediorum, electio mediorum executionem, executio denique possessionem, seu adeptionem finis.

12. Restat *conditio*, quæ ad aliud aliquid confert, nec tamen intrinsece constituendo, ut materia et forma ; nec efficiendo, ut efficiens ; nec dirigendo, aut excitando ad agendum, ut exemplar, media, finis. Unde *causa sine qua non* appellari solet. Omnis enim conditio est quiddam necessarium ad id cuius conditio est. Sic conjunctio loci ignis cum materia, est conditio requisita ad combustionem : apertio oculorum et illustratio objecti, sunt conditiones necessariæ ad videndum. Est autem *conditio* alia *naturalis*

ralis, ut in exemplis jam datis ; alia *libera*, seu arbitraria ; ut in contractibus. Id quod a conditione pendet *condionatum* dicitur, cui opponitur *absolutum*, sive quod a conditione liberum est.

13. Restat porro ut generales quasdam causarum distributiones recenseamus. Et primo alia est *causa proxima* quæ immediate; alia *remota*, quæ alia mediante causat ; ut in horologio, rotæ supremæ sunt causæ efficientes motûs infimarum remotæ ; proximarum vero, proximæ. Finis remotus calami est absenti conceptus patefacere, proximus scribere.

14. Deinde alia est *causa totalis*, seu *adæquata*, cum nulla alia, ejusdem ordinis, ad causatum concurrat ; alia *particularis*, et inadæquata, cum secus : Ut cum *unus equus* currum trahit, est causa efficiens tractionis totalis ; cum *alius* concurrat, partialis tantum. Finis totalis pecuniæ est, res ad vitam presentem necessarias, nobismetipsis, aut aliis comparare : partialis est comparare cibum, aut vestem. Materia totalis mensæ, sunt omnia ligna ex quibus fit ; partialis est unum vel alterum ex illis.

15. Tertio alia est *causa per se*, quæ secundum virtutem nomine suo expresse significatam causat ; alia est *causa per accidens*, quæ secundum aliam virtutem, quàm quæ nomine suo significatur, causat. Sic *Musi-*

cus est causa efficiens per se cantus ; *terram parare* ad plantandum, est finis per se, quem agricola fodiendo intendit. Id quod *combustibile* est, materia per se ignis est. Musicus enim secundum artem musicæ cantat, quæ nomine *Musicus* expresse significatur, et sic de reliquis. At Musicus est efficiens per accidens statuæ ; inventio thesauri est finis per accidens fossionis : Et baculus Diogenis est materia per accidens ignis. Musicus enim non qua musicus, seu per artem musicæ, sed qua statuarius, sive per artem statuariam, statuam efficit, &c. Hinc patet causam per accidens unius effectus, esse causam per se alterius. Et causam per accidens physicam, esse causam per se moralem : ut cum quis ex ignorantia culpabili, non tamen ex proposito, alium vulnerat.

16. Sub causis per accidens continentur *casus*, et *fortuna*. Casus est causa per accidens eorum quæ ab agentibus, cognitionis, aut rationis expertibus, fiunt : ut cum tegula e fastigio domus, cadens, transeuntem vulnerat. Casu enim evenit, quod tegula tunc cadat, cum aliquis transit, et vicissim. Item casu est, quod bos campum pererrans, pabuli quærendi gratia, nidum lucaris conterat. Fortuna est causa per accidens eorum quæ homini obtingunt : ut cum quis ex morte alterius ditescit. Vocantur autem casus et fortuna causæ per accidens,

dens, quia præter propensionem, propositum aut consilium suum, causant, v. g. tegula cadens per se tantum propendet in locum inferiorem, non autem transeuntem vulnerare, nisi ex accidenti; eo quod is per accidens illam intercipit, et sic de reliquis. Respectu primæ causæ, nihil est casuale aut fortuitum: nam præter scientiam & consilium illius, nihil evenit. Sunt igitur casus et fortuna, providentia divina, nobis ante eventum occulta.

C A P. XV.

Convenientia, Differentia, Oppositio ; Ordo prioris, posterioris, et simul.

1. **A** *Tributum commune vicesimum secundum, est convenire cum aliquo vicesimum-tertium vero, ab alio differre. Convenientia est per quam una res est sicut alia: differentia contra, per quam una non est sicut alia. Differt igitur convenientia ab Identitate, quod hæc sit affectio rei ad seipsam comparatæ; illa plurium distinctarum: differentia*

ferentia vero a distinctione differt, quod hæc nullam dissimilitudinem necessario importet, illa contra. Cum autem omnis convenientia & differentia relatio sit, adeoque mutua, hinc fit quod res convenientes & differentes, non tantum simul, sed etiam seorsim, una ad alteram convenire dicantur, et differre.

2. Quod ad distributiones convenientiarum & differentiarum attinet, quædam res prout certis nominibus appellantur, solo nomine conveniunt, et *homonyma*, latine æquivoca nuncupantur, ut homo *francus* et *gallus gallinaceus*, prout nomine *gallus* significantur; animal latrans, et signum illud Zodiaci, quod sol ingreditur circiter 14 Julii prout nomine *canis* notantur. Quædam voce et re per illam significata; ut homo et bestia in animali. Similiter quædam solis nominibus differunt ut ensis et gladius, quædam re et nominibus simul, ut ensis et hasta.

3. Ex illis quæ re et nomine simul conveniunt quædam *synonyma* vocantur; illa scilicet, in quibus ratio per nomen commune significata eadem est, hoc est omnino similis; Latini *univoca* appellant; ut risus Socratis & risus Platonis, in nomine *risus*, et re significata, plane conveniunt. Alia *analogæ* dicuntur, in quibus scilicet ratio communi nomine significata, in uno proprie reperitur, in altero vel reliquis Tropice, nempe, per Metaphoram, Metonymiam, aut Synecdochē

chen. Sic conveniunt *risus* hominis, et amænitas campi, in voce risus & re significata. Campus enim per metaphoram, propter amænitatem, ridere dicitur. Et *sanum* non tantum animali tribuitur, quod proprie subjectum sanitatis est, sed etiam cibo, quo sanitas conservatur, medicamento, quo restituitur ; et urinæ, quo nonnunquam significatur.

4. Convenientia & Differentia in re per vocem significata, vel est *realis*, eorum scilicet, quæ realiter aut modaliter distinguuntur ; vel *rationis* ; cum res sola ratione distinguuntur. Sic Socrates & Plato realiter conveniunt in eo quod uterque fuit Philosophus, et Ethnicus : Differunt vero, quod hic discipulus, ille præceptor fuerit. Sed Socrates sibi ipsi convenire dicitur convenientia rationis ; quia sub diversis rationibus consideratus idem homo est. Ratione differunt attributa rerum simplicium essentialia, ut virtus intelligendi & volendi in angelo aut mente nostra.

5. Convenientia et differentia realis, vel est in *essentiis*, vel in *accidentibus*, vel in *utrisque* simul. Convenientia in tota essentia, *specifica* dicitur ; ut convenientia omnium hominum in natura humana : in parte tantum, *generica* est : ut convenientia hominis & bestię in natura sensitiva. Prior igitur est omnium individuorum ejusdem speciei ; posterior

terior, omnium specierum ejusdem generis. Differentia in tota essentia, *generica* dici potest, nempe rerum quæ (ut dici solet,) *toto genere* differunt; quippe in nullo omnino conveniunt, ut perceptibile & imperceptibile; vel in nullo positivo ac reali; ut ens & nihil. Differentia in parte essentiæ *specificæ* dicitur; atque differentia diversarum specierum quaecumque quæ sub uno aliquo genere collocantur; ut hominis, bestię, plantę, lapidis, &c.

6. *Convenientia* & *differentia* in accidentibus, alia *interna* dicitur, quæ in accidentibus internis est; alia *externa* quæ in externis. *Convenientia* igitur in quantitate continua dicitur *æqualitas*; in discreta, *paritas*; in quantitate perfectionis, utroque nomine vocatur. *Differentia* vero in prima ex his, *æqualitas*, in secunda *imparitas*; in tertio, utroque nomine dicitur. *Convenientia* in modis quæ vulgo in Scholis *qualitates* vocantur; siue simplices illi sint, siue compositæ, *similitudo* dicitur, *differentia* vero, *dis-similitudo*. Sed tum voces illæ strictæ accipiuntur in aliarum defectu. Latius enim *similitudo* & *dis-similitudo* sunt, ipsa *convenientia* & *differentia*. *Convenientia* & *differentia* externa dicitur, quæ est in causis, effectis, adjunctis externis, circumstantiis, omnibus quæ sub hisce continentur. Sed *similitudo* rationum, quarum singulæ inter
H
plura

plura uersantur, analogia, seu convenientia analogica dicitur. Sic ratio 2 ad 4, conuenit cum ratione 3 ad 6. Similis eum utrobique est, nempe dupla & dimidia. Et similis ratio est cibi salubris ad corpus, & bonæ eruditionis ad mentem. Item ut gubernator ad navim, tempestate urgente, ita prudens magistratus ad rempublicam periclitantem.

7. Porro res diversæ seu discrepantes, quatenus sibi mutuo repugnant, *opposita*, et earum repugnantia *oppositio* vocatur. Quamquam repugnantia, sub aliqua ratione, etiam in illis, quæ maxime conueniunt, (si conuenientiam realem & proprie dictam intelligas,) reperiatur. Est enim repugnantia realem, alia *maxima*, alia *media*, alia *minima*. Minima repugnantia, (ut hinc ordiamur) est per quam res licet simillimæ sint, repugnant identificari; ut duæ lineæ æquales, duo ova ejusdem avis. Verum repugnantia ista inter oppositiones non censetur. Maxima igitur repugnantia est inter illa, quæ consistere nequeunt in rerum natura, adeoque simpliciter pugnant, et opposita sunt; nempe inter quamlibet rem et negationem sui: ut inter hominem, et non hominem. Nihil enim potest simul esse et non esse. Oppositio ista *contradictio*, et oppositio contradictoria dicitur, et quæ sic opponuntur, contradicentia.

8. Media repugnantia est eorum, quæ circa idem subiectum pugnant, cui secundum eandem partem simul convenire nequeunt. Horum si alterum negativum sit, *privative* opposita vocantur ; sic opponuntur res & e-
jus carentia in Subiecto capaci ; ut visus & cæcitas in oculo ; vestitus et nuditas, in corpore. Si utrumque positivum sit, *contraria*, et oppositio, contrarietas dicitur, (quam omnia opposita nonnunquam contraria vocari soleant :) ut inter formas & modos dissimiles : *ex. g.* inter virtutem, & vitium, albedinem, et nigredinem ; scientiam et errorem. Et ex his quædam carent omni medio, in subiecto cui convenire solent ; et idcirco contraria *immediata* nuncupantur. Ut in numero paritas, et imparitas ; in mente, propensio ad bonum, et ad malum. Nulla enim mens negative affecta est ad utrumque. Aliæ medium habent, quæ mediata vocantur, ut albedo et nigredo, medios colores admittunt.

Devenimus tandem ad *vicesimum quartum* ultimum attributum commune, nempe, *ordinem*. Is autem semper inter plura est, quæ vel sunt simul vel non. Si non sunt simul, vel sunt duo tantum, et ordo inter illa est habitudo *prioris* et *posterioris* ; ; vel plura nobis, et ordo est inter *primum*, *medium*, *ultimum*, seu *postremum*. Simul dicuntur, eorum neutrum, aut nullum est prius aut po-

sterius. *Primum* est, cui nihil antecedit: si-
ve absolute, ut Deus, siue in aliqua serie:
ut Adamus in genere humano. *Prius* vero,
cui aliquid consequens est: *posterius*, cui ali-
quid est antecedens. *Postremum*, cui nihil
est consequens. Medium denique quod in-
ter primum & ultimum, aut inter prius &
posterius locum obtinet. Quanquam Medi-
um sæpe sumi soleat pro eo, quod ex æquo,
distat ab utroque extremo.

10. Pleraque ex his *quinque* modis di-
cuntur, *tempore, natura, dispositione, digni-
tate, & cognitione*. Prius *tempore* dicitur,
quod existit alio non existente, futuro ta-
men. Sic Plato Aristotele prior fuit, & So-
crates Platone. Posterius, quod existere in-
cipit postquam aliud aliquandiu existit. Si-
mul *tempore* sunt, quæ coexistunt, vel pro
toto durationis suæ spatio, vel pro aliqua
illius parte. Exempla facile occurrunt.

11 *Prius naturâ* dicitur, quicquid ad aliud
requiritur, siue ut causa, siue ut conditio
necessaria, siue ut his analogum. Hoc modo
priora sunt essentia accidentibus, unitas mul-
titudine, subiectum adjuncto, efficiens ef-
fecto, finis mediis, materia forma, & unio
composito, partes toto, objecta actibus;
distinctio prior est convenientia, differentia,
relatione, et oppositione; approximatio a-
gentis ad passum, prior est actione, actio
passione; omnia denique attributa essentia-

ia priora sunt rebus quarum sunt attributa. Ex his vero postremis quæ communia sunt priora *quoad existendi consecutionem* ab Aristotele vocantur; quia a rebus ad ejusmodi attributa, valet consecutio sed non vicissim: Sic animal prius est homine; quia sequitur, est homo, Ergo est animal, sed non vicissim. *Posterius* igitur *natura* est ad quod aliud requiritur, sed non vicissim: ut in exemplis datis, si ea invertas. *Simul natura* sunt, quorum unum non requiritur ad alterum. Ut duæ species in participatione ejusdem generis univoci: vel quæ ad se mutuo requiruntur, ut omnia relata, quæ talia.

12. *Prius dispositione* est, quod priori in loco; *posterius* quod in posteriori; *Simul*, quæ in locis collaterabilis ponuntur. Exemplum ipsa exquiras. *Prius dignitate* dicitur, quod perfectius, aut præstantius, *posterius* quod minus perfectum; *Simul*, quæ perfectione sunt æqualia.

13. *Prius cognitione*, vel est quod de facto prius cognoscitur, vel quod noscibilis est, sive *quoad nos*, sive *in se*. Noscibilis quoad nos tantum est, quod pro infirmitate nostrâ, prius cognitioni nostræ occurrit, nempe, quicquid sensibus externis, aut etiam experientie internæ vicinior est. Priora igitur cognitione confusa & imperfectiori, sunt effecta causis, tota partibus, singularia universalibus.

salibus. In se autem noscibilis dicitur, quod cognitionem perfectam quærenti, prius cognoscendum est; nempe, quicquid natura prius est; Sic cognitione priora sunt causæ effectis, partes toto, universalis singularibus. Ex his patet, quænam cognitione posteriora sint. Simul cognitione sunt, ex quibus cognitio unius non pendet ex cognitione alterius: ut illa omnia quæ simul natura sunt.

C A P. XVI.

Voces eorumque differentie in Logica notandæ.

1. SEquitur ut de vocibus et oratione quantum institutum logicæ postulat breviter differamus: ea duntaxat seligentes quæ in grammatica vel prætermissa sunt, aut minus accurate traduntur, aut a tyronibus non satis intelliguntur.

2. *Vox* est sonus ex ore animalis prolatus cum sensu, et imaginatione aliqua conjunctus. *Finis* & usus vocum est, vel ut aliquid alteri significetur, quem finem agens ratio præ-

præditum intendit, sed bruta animantia in eum tendunt per instinctum naturalem; ut cum *ovis* agnum absentem balando quærit, et vocat: vel ut animal se delectet; ut aves canendo, vel ut dolorem exprimat, et aliquantum leniat. Unde Aristoteles dicit vocem *esse jucundi & molesti significationem*. Vel denique, (quod in solo homine locum obtinet,) ut affectum aliquem, aut attentionem majorem in se excitet, ut pii in orando.

3. Est autem vox, vel *significativa*, vel *non*. De non significativis, nihil attinet dicere. Significativa vox dicitur, vel *remote*, et sola *aptitudine*; Si scilicet ad res aut animi motus indicandos adhiberetur: ut *blictri*, *scindapsus*. Hæ enim, et enumeræ istiusmodi quæ ab homine formari possunt, nihil actu significant; apta tamen sunt significare, si in usum traherentur. Vel *proximæ*, & *actu*; scilicet cum usus significationem imposuit.

4. Vox igitur actu significativa, *alia* est quæ *affectum* aliquem animi, puta amorem, vel odium, gaudium aut dolorem, admirationem, &c. significat: ut *hinmitus*, *boatus*, *vagitus* infantium, interjectiones omnes, ut *evax*, *ohe*, *papæ*. Alia *conceptum* mentis, sive cum affectu notabili conjunctum, sive *non*. Hujusmodi autem vocum finis est, primarius quidem res extra mentem, secundarius vero conceptus mentis indicare. Por-

ro, vox *alia prolata*, quæ proprie vox est; alia *Scripta*, quæ ideo vox dicitur, quia est signum vocis visibile. Sicut enim voces immediate significant res & conceptus, ita etiam scripta immediate voces, seu sonos articulos significant.

5. De vocibus igitur articulatis, rerum & conceptuum significativis, quæ in presenti tractandæ sunt, *secundum præceptum* generale in Logica statuendum est, nempe, *ut illæ cum suis attributis ad certos ordines seu locos revocentur*. Ordines autem illos hic tantum tradimus qui ex diversitate significanti, non autem quæ a derivatione & inflexione et ejusmodi accidentibus petuntur. Sunt autem præcipue qui sequuntur.

6. Primò voces aliæ *per se* significant, nempe, illæ quæ nomina substantiva, et pronomina, a grammaticis vocantur. Per se autem significant, quia res significatæ, vel subsistunt per se, ut omnes substantiæ, vel, si re ipsa in aliis subsistant, considerantur tamen per se, seu præcise, non consideratis illis quibus insunt; ut omnes modi, et rationes rerum abstracte consideratæ; *ex. g. durities, calor, justitia, prudentia, unitas, identitas, distinctio, relatio, &c.* Aliæ non nisi aliis *adjunctæ* significant, quæ idcirco *consignificare* dicuntur: nempe, illæ, quæ significant res adjacentes quæ tales, et quæcunque ut adjacentes a nobis considerantur.

7. Ex his rursus quædam *sola attributa* rerum significare aptæ sunt, ut pleraque nomina *adjectiva*, omnia *participia*, et quæ insignificando his æquipollent; ut præpositiones cum nominibus substantivis, aut pronominibus: ut *bonus*, *venturus*, *in loco*, *a Deo*, *contra me*. *Sola attributa* dico, quia nomina substantiva, tum subiecta, tum attributa designare solent, licet subiecta frequentius. Aliæ subiectorum et attributorum significationem *modificant*; ut *adverbia*, et *coniunctiones*, et nonnulla adjectiva. Ut in his orationibus, *quidam bene audiunt & male vivunt, bene dicere non omnibus datur*. In priori enim, adverbium *bene* & *male* modificant duo attributa, *audiunt*, et *vivunt*, quæ de eodem subiecto deferuntur, nempe *homines*, quod subintelligitur, et adiectivo *quidam* modificatur. In posteriori, adverbium *bene* modificat subiectum *dicere*.

8. Aliæ solam *identitatem* rerum denotant, ut verbum substantivum *Sum*, *es*, *est*, &c. Aliæ diversitatem, seu distinctionem, ut omnes notæ negandi; aliæ pluribus ex hisce officiis simul funguntur. Nam verba adiectiva, omnia scilicet verba præter substantiva, attributum illiusque identitatem cum subiecto simul significat: ut in hac oratione, *Socrates disputat*, verbum *disputat* significat id quod actionem disputandi exercet, idem esse cum Socrate. Et quædam nomina

nomina subiecta et attributa, una cum modis quibusdam, significant; ut *artifex*, hominem arte præditum; *optimus*, bonum supra omnes sui ordinis. Aliæ denique significant dependentiam et connexionem rerum et propositionum; ut *conjunctiones illativæ et causales, quia, ideo, ergo, igitur*, et similes.

9. Secundo, aliæ voces *absolutæ* dicuntur; illæ scilicet, quæ substantias, aut modos abstractos significant; ut *luna, motus*; aliæ *connotativæ*, quæ res modificatas. Hæ autem directe subiectum, sed confuse et generatim significant, modum vero, vel formam, seu affectionem aliquam, indirecte, distincte tamen, et in specie: sive, ut alii efferunt, *in recto subiectum, in obliquo formam*: ut *justus* directe significat aliquid iustitia affectum, seu *habens iustitiam*; sive illud sit Deus, sive angelus, sive homo: indirecte vero, sed distincte ac in specie *iustitiam*. Sic etiam *homo* aliquid habens sensum et rationem, aut constans corpore et mente significat. *Connotare* igitur vox dicitur, cum unum directe significat, aliud indirecte. Directe autem significare est, repræsentare aliquid ut per se stans, indirecte vero, est repræsentare aliquid ut alteri adiacens.

10. Tertio, alia est vox *communis*, seu *appellativa*, quæ rem pluribus communem significat.

significat, et omnibus quibus res illa communis est, applicari solet; ut *stella* significat naturam communem omnibus stellis. Alia est *propria*, quæ rem singularem, seu individuum: ut *sol*, *luna*. Vox communis alia *equivoca* dicitur, quæ plura significat ut ex-
 ste et proprie conveniunt. v. g. vox *animal* omnia animalia, in quantum sensu præ-
 dita sunt. Alia *analogæ*, quæ plura signi-
 ficat, ut improprie conveniunt; v. g. *risus*
 prout risum humanum, et amænitatem cam-
 pi denotat. Unde vox analogæ unum *primario*, alterum *Secundario* et propter simi-
 litudinem aliquam imperfectam ad alterum
 significat. Adeoque *absolue prolata*, pro
primario significato sumitur. Alia denique
equivoca, seu *homonyma* est, id est ambigua,
 quæ plura significat, ut omnino diversa;
 ut *jus* id quod jubetur, et id quod sorbetur.

11. Quarto, alia est *determinata signi-*
ficationis, quæ audientem certum reddit de
 re significata: exempla obvia sunt. Alia
incertæ, cujus vi audiens certus non est,
 hoc ne an aliud significetur: ut *aliquis*, *qui-*
dam. Huc referendæ sunt omnes voces
 homonymæ, et analogæ.

12. Quinto, alia *clare significat*, nempe
 quæ rem exhibet ut distinctam ab omni alia,
 ut homo, lapis: alia *obscure et confuse*;
 ut *ens*, *aliquid*. Ubi notandum est, om-
 nem vocem communem obscure significare,
 et

et quo communior est, eo obscurius : non tamen ambigue, nisi æquivoca aut analogia sit.

13. Denique voces aliæ sunt ejusdem significationis, quæ idcirco *synonymæ* vocantur, ut *homo* et *ανδρωνος*, *ensis* et *gladius*; Alia affinis; ut *justitia*, *justus*, *juste*, quæ paronymæ, et conjugatæ dicuntur. Aliæ denique alienæ, ut *justitia* & *injustitia*.

C A P. XVII.

Varie acceptiones vocum : Orationis differentia.

1. **A**cceptio vocis. *Suppositio* in Scholis dicta, est varia unius & ejusdem significatio. Accipitur autem vox primo *materialiter* pro seipsa, hoc est pro sono, aut pro literis, et syllabis, quibus sonus iste significatur; ut cum dicimus *homo* est vox dissyllaba; *mus* monosyllaba. Et sic accipiuntur in grammatica. Vel *formaliter* pro significatione, hoc est pro re significata, ut cum dicimus *homo* est capax beatitudinis, *homo* non significat vocem *homo*, sed rem personam significatam.

2. Vox

2. Vox formaliter sumpta aliquando *proprie* sumitur, scilicet juxta primam, et usitatorem significationem; ut cum *caput* superiorem partem animalis significat. Aliquando *Tropice*, seu improprie, cum a prima & usitata significatione, in novam, et alienam transfertur: ut cum *caput* pro origine fluminis, vel pro gubernatore, vel pro toto homine sumitur. Sunt autem vocum translationes istiusmodi in sermone humano frequentissimæ, sive propter habitudines rerum ad se invicem, sive propter penuriam vocum, quæ numero longe pauciores sunt quam res. Quanquam etiam in copia vocum, translationes istæ usurpari soleant ad res efficacius, et vividius exprimendas.

3. Tertio, vox communis interdum sumitur pro eo quod *immediate* significat, nempe, pro natura communi, quatenus communis est: et acceptio *simplex* dicitur: ut cum dicimus *animal* est genus, *homo* est species; *animal* & *homo* significant naturam sensitivam, et rationalem, in genere, seu abstractam ab inferioribus. Interdum pro eo quod *mediate*, et remote significat, nempe pro aliquo ex inferioribus, vel omnibus. Quam acceptionem scholæ *personam* satis improprie appellant: ut in his propositionibus, *homo est doctus*, *homo est immortalis*: in priori enim *homo* significat aliquem

quem hominem, aut aliquot homines : in posteriori significat quemlibet.

4. *Acceptio universalis* pro omnibus inferioribus, alia est *collectiva*, cum vox communis omnia inferiora simul significat, hoc est, prout unum numerum, vel totum constituunt : alia est *distributiva*, cum omnia inferiora, non simul sumpta, sed seorsim, et sigillatim denotat : ut in his propositionibus, *planetae sunt septem, planeta non scintillant*. Prior enim vera est, de omnibus planetis simul sumptis : posterior de singulis seorsim.

5. Est autem distributio vocis, vel termini communis, alia *completa*, nempe cum pro omnibus inferioribus sine exceptione accipitur ; quæ idcirco, *distributio in singula generum*, omnium scilicet, appellatur : ut cum *omne animal* sentire dicitur. Nullum enim est animal quod non sentit. Alia est *incompleta*, cum pro quibusdam tantum, cujusque generis, aut ordinis, sumitur ; et distributio in genera singulorum nuncupatur : ut cum *omne animal* dicitur fuisse in arca Noë, *omne animal*, omnes species, seu genera animalium denotat, non autem omnia individua.

6. Quarto, *acceptio* vocis alia *lata* est, cum plura ambitu suo continet : alia *stricta*, cum pauciora. Prior *ampliatio* & *extensio*, posterior *restrictio* vocatur. Sic vox *scientia*

entia quandoque, et latissima significatione, omnem cognitionem veram denotat; quandoque strictius cognitionem aliunde deductam; quandoque strictissime cognitionem speculativam. Et *mundus* sæpius significat totam collectionem rerum creatarum præsertim materialium; quandoque genus humanum duntaxat; ut cum sacre literæ dicunt Christum esse salvatorem *mundi*. Restrigitur autem et extenditur significatio vocum, vel per usum tantum, vel voce una aut pluribus adjectis, vel detractis, quæ latioris aut arctioris significationis sunt.

7. Quinto, eadem vox nonnunquam significat rem prout est *de presenti*; ut cum dicimus domum esse humilem aut magnificam. Nonnunquam prout fuit *de præterito*, aut erit *de futuro*: ut cum domus dicitur combusta aut extruenda, sensus est, non id quod nunc est domus esse combustum aut extruendum, sed id quod fuit et erit domus. Et cum homo dicitur mortuus aut nascendus, intelligendum est id quod fuit homo esse mortuum, et id quod erit homo esse nascendum.

8. Sexto, voces aliquando *legitime* usurpantur, scilicet in sensu communi, quo semper loquendum est, nisi ratio aliqua obstat. Aliquando *contra legem*, cum quis pro arbitrio, ex ignorantia, incogitantia, aut consilio

consilio aliquo bono, vel malo, a communi usu discedit. Sic quidam durationem dividunt in instantaneam et continuatam; cum tamen vox *duratio*, existentiam rei pro tempore divisibili tantum significet.

9. *Oratio* est compositum quid ex pluribus vocibus, diversa significantibus, vel expressis, aut intellectis. Dico *intellectis*, quia sæpe compendii causa, oratio unica voce continetur, alia, aut allis subintellectis: ut in his, *curro, curritur, panitet*: ubi subaudiendæ sunt voces *ego, ab illis, me*. Estque oratio vel *imperfecta*, quæ mentem audientis suspensam relinquit; ut *homo doctus, si vales, cum essem Romæ*: vel *perfecta*, quæ contra. Et hæc rursus vel est pure enunciativa, quæ aliquid expresse affirmat aut negat; ut omnis oratio indicativi modi; vel *non* est pure enunciativa, sed expresse affectum aliquem animi, implicite vero affirmationem aut negationem denotat: ut orationes interrogantes, admirativæ, præceptivæ, prohibitivæ, petitoria, optativæ, et ejusmodi. Ut *quid facis?* expresse significat loquentem cupere cognitionem facti, aut illud repræhendere; sed una affirmat aliquem aliquid facere, et loquentem scire velle quid illud sit, aut factum damnare. *O altitudo sapientiæ Dei*, significat expresse quidem loquentem in sapientiæ Dei admirationem rapi; implicite vero affirmat

affirmat sapientiam illam esse altissimam.

10. Utriusque generis oratio, alia *simplex* est, quæ unum affectum, aut unum iudicium mentis, expresse significat. Alia *composita*, quæ plures affectus aut plura iudicia ; de qua infra, ubi de Enunciatione composita. Orationis enunciativæ simplicis partes sunt *nomen* et *verbum*. Licet nomen sæpe non exprimatur, ut supra monuimus. Nomen est *vox* quæ solum subjectum, vel attributum significat. Verbum autem, aliud substantivum dicitur, quod solum identitatem attributi cum subjecto ; aliud adjectivum, quod una cum his attributum aliquod denotat. Ut in his *Socrates est doctus*, *Socrates disputat*, *Socrates & doctus* sunt nomina, quorum prius subjectum, posterius attributum designat ; verbum *Est* est substantivum, et solum denotat doctum convenire Socrati : sed *disputat* est verbum adjectivum, et significat tum actionem disputandi, tum etiam illam convenire Socrati, seu ab illo præstari. Sed notandum est verbum substantivum aliquando adjectivum sumi, ut cum dicimus *Deus est*, hoc est, Deus existit, seu habet existentiam : aliquando tropice, pro *significat*, *representat*, ut in his orationibus, *petra erat Christus*, hoc est corpus meum ; id est *petra significabat Christum*, hoc est *signum corporis mei*. Et hæc de vocibus et oratione tenuisse sufficiat.

C A P. XVIII.

De Apprehensione et idæis Simplicibus.

1. **T**ertium præceptum generale est, ut *operationes mentis*, quatenus præceptorum directioni subjacent, et *variis illarum modi*, ad suos ordines revocentur. Ex his, ut in initio diximus, ordine prima est *Simplex Apprehensio*, per quam aliquid simplici modo intuemur, nihil expresse et directe de eo statuendo, per affirmationem, aut negationem. Alio nomine *Idæa simplex* dicitur ad differentiam idæarum *compositarum*, quibus mens *identitatem* aut *diversitatem* plurium percipit, ut in judicio fit; vel *consecutiones* propositionum, ut in rationatione; vel *ordinem* rerum aut propositionum, ut in dispositione mentali. Sed notandum est, idæam sæpe pro objecto conceptus accipi, ut cum dicimus substantiam percipientem esse idæam spiritus; ens perfectissimum esse idæam numinis divini. Unde idæam & conceptum distinguunt Logici in *objectivam*, et *formalem*. Prior ipsam mentis operationem, posterior rem objectam denotat.

2: Idæa

2. Idæa alia est rei sensibilis, quæ *imago* illius in mente dicitur ; ut idæa *trianguli*, aut *circuli*. Tales Idæas mens nostra dum format, imaginari dicitur ; et quatenus eas formare, aut intueri potest, virtus *imaginatrix* ei tribuitur. Alia est rei quæ sensu percipi nequit, aut non nisi obscure per eum percipitur, quæ imago dici non potest, ut prior: De Deo enim, et perfectionibus divinis, et actibus mentis nostræ ideas formamus, quarum imagines, ut aliarum rerum quas clare per sensum percipimus, non habemus, ut latius in Physiologia declarandum est.

3. Quicquid apprehendimus appræhensione simplici exhibetur menti nostræ, vel ut per se subsistens, vel tanquam alteri adiacens, vel tanquam compositum ex utroque : hoc est apprehenditur, vel ut res, vel ut modus rei, vel ut res modificata: Dico autem *ut per se subsistens* & *ut alteri adiacens*, quia multa percipimus, ad modum subsistentium per se, quæ tamen per se non subsistunt, ut omnes modos physicos substantiarum, et omnes rationes rerum abstractas, qui modi logici dici possent. Multa etiam concipimus instar modorum adjacentium, quæ tamen modi proprie non sunt ; ut substantiam unam aliam afficientem, et differentias essentielles, ut ex iis quæ supra diximus manifestum est.

4. Deinde apprehensio seu idæa simplex alia *absolute* simplex est, quæ & *incomplexa* dicitur cujus objectum est absolute simplex, seu simplicissimum quid, puta unicum rei attributum, seu unica aliqua ratio indivisibilis: ut cum in angelo, aut mente nostra, concipimus virtutem intelligendi, aut volendi; in sole, rotunditatem aut lucem. Alia est *complexa*, seu composita, et solum comparate ad iudicium & discursum simplex dicitur; nempe cum plura apprehenduntur sine expressa affirmatione aut negatione. Illud autem variis modis fit. 1. Cum una res apprehenditur secundum pluribus ex attributis seu rationibus suis ut cum sol apprehenditur ut *lucidus*, *rotundus*, *supra terram*. 2. Cum plures res aut modi rerum disparati, simul apprehenduntur: (potest enim mens nostra ad plura simul objecta attendere :) ut cum dicimus *Sol et luna, justitia et temperantia*. 3. Cum res ut modificata concipitur; ut *homo doctus, poeta qui miscuit utile dulci*. Et in omnibus, affirmatio, aut negatio, implicite continetur. Qui enim apprehendit hominem doctum, implicite affirmat aliquid quem esse doctum. 4. Cum de integro propositione, aut ratiocinatione, aliquid effertur; ut Christum venisse in mundum ad peccatores salvandos, est sermo fidei et omni acceptione dignus. Ubi totum

oc, *Christum venisse in mundum ad peccatores salvandos*, est objectum apprehensionis complexæ, non autem iudicii, nisi simpliciter. Item si dicas *res hic operatur*, ergo *hic existit*, est bona illatio, discursus integer, *res hic operatur*, Ergo *existit*, est objectum apprehensionis complexæ.

5. Apprehensio *rationis*, aut attributi simplicis, non apprehensio reliquis, quæ cum eo conjuncta sunt, *abstractio præcisio*, et *idea abstracta*, seu *præcisa* vocatur. Motus iste apprehendendi mentibus nostris maxime familiaris est. Nec enim res quocunque modo compositas, aliter apprehendere solemus, aut possumus in hac vita, quam per partes, et conceptibus inadæquatis, qui seorsim totam rei perfectionem et imperfectionem non representant. Nec aliter distinctam & accuratam rerum notitiam comparamus, quam distincte apprehendendo, quæ in re, quocunque modo, distincta sunt. *Fundamentum* autem in objectis hujus operationis mentis nostræ est, distinctio aliqua realis modalis, aut virtualis, seu rationis, sive adæquata, sive inadæquata. Ea enim est mentis nostræ *axiōma* et nolit pro iisdem sumere, quæ tantillum distincta esse percipit: adeo ut minima distinguendi occasio ad præcisionem sufficiens.

6. Præscindimus igitur, seu astrahimus,

primo *partes integrantes* rei a se invicem;
 ut cum concipimus animam in homine aut
 bestia, corpore non concepto, aut in cor-
 pore caput, non attendentes ad pedes.
 Deinde *subjectum* a suo modo, aut *modum*
 a subjecto determinato, in quo est: (dico
 autem subjecto *determinato*, quia modum
 concipere non possumus, quin alicui subjecto
 indeterminato inesse apprehendamus, sicut
 nullum relatum concipere possumus, quin,
 saltem confuse, apprehendamus aliquod
 correlatum ipsi respondens:) aut unum *mo-
 dum* ab alio qui in eodem subjecto est. Ex-
 emplum pone in sole, ejusque lumine et fi-
 gura. Tertio *essentias* rerum abstrahimus ab
 accidentibus, et vicissim. Licet accidentia
 apprehendentes, semper apprehendimus
 confuse, aliquam essentiam, cui accidunt
 ut cum apprehendimus *hominem*, quatenus
 homo est; aut *peccatum*, nihil cogitantes
 de subjecto determinato cui inest. Quarto
 cum e *pluribus attributis* essentialibus, quae
 realiter una & eadem entitas sunt, *unum* ap-
 prehendimus, reliquis non apprehensis: ut
 cum misericordiam in Deo apprehendimus,
 non cogitando de illius justitia. Denique
 cum a toto singulas partes praescindimus, ut
animam humanam ab homine.

7. Tertia divisio idearum est in *universa-
 les & singulares*. Universales sunt, quae
 plura representant, tanquam unum essentia

propterea

propter convenientiam eorum inter se, sic
 um triangulum concipimus, præcise ut fi-
 guram tribus lineis, et totidem angulis con-
 stantem, formamus communem ideam tri-
 anguli, quæ omnibus triangulis postea con-
 cipiendis inservit. Ideæ singulares sunt,
 quæ res singulares representant, sive deter-
 minate conceptas; ut *Socratem, hunc tri-*
angulum; sive indeterminate, ut *aliquem*
hominem, aliquem triangulum. Compre-
 hensio et extensio idearum, quæ præcipue
 universalium affectiones sunt, ex illis quæ su-
 pra capite 2. *Sect.* 17. dicta sunt, satis in-
 telliguntur.

8. Sed duæ aliæ affectiones idearum no-
 tandæ sunt, nempe *ampliatio & restrictio*.
 ampliatur idea, vel cum adjicitur ipsi alia
 idea majoris extensionis, ut si ideæ hominis
 indefinitæ, adjicias ideam universalitatis,
hominis, quilibet: vel cum pars determinans
 ut restringens aufertur; ut si ab ideâ ani-
 malis ratione præditi auferas partem poste-
 riorem. Restringitur autem universalitas
 ideæ, adjiciendo aliam ideam minoris ex-
 tensionis; sive determinatam & distinctam,
 ut si ideæ genericæ trianguli adjicias, quod
triangulum ex angulis rectum habeat, cujus ratio-
 nem, *triangulus rectangulus* dicitur; sive in-
 determinatam; ut, si apprehendas aliquem
triangulum, idea trianguli restringitur ad
 aliquam speciem trianguli, aut unum

individuum, sed indeterminatum. Duo sunt additamentorum genera, quorum ideæ sunt capaces: alterum est *explicativum* tantum, scilicet, quod diserte explicat aliquid, quod in comprehensione ideæ continetur, et in ea latebat. Ut cum dicimus *homo qui ratione præditus est, beatitudinis capax, mortalis*, et ejusmodi. Talia additamenta extensionem ideæ non immutant, ut in datis exemplis patet. Alterum *determinativum* est, quod ideæ extensionem restringit: ut cum apprehendimus *corpus pellucidum, hominem sapientem*, restringimus ideam genericam corporis et hominis, ad species particulares corporis et hominis.

9. Quarta divisio idearum est in *claras* & *obscuras*. Idea clara est, quæ illud in re menti exhibet per quod ab omnibus aliis distinguitur, nempe, differentiam propriam & reciprocam. Obscura contra, est cujus vi non possumus distinguere rem ab omni alia. Obscuritas enim a confusione oritur. Sic idea virtutis sentiendi obscura idea hominis est, quia non distinguit hominem ab omnibus aliis; idea vero virtutis sentiendi & ratiocinandi simul, clara est, quia hominem ab omnibus aliis distinguit.

10. Quinta divisio est, in *adequatam* & *inadequatam*. Idea adæquata est, quæ omnia rei attributa essentialia exhibet; qualis in mente nostra forte nulla est. Inadequata

igitur est, quæ partem tantum essentiae rei, seu unum vel plura attributa essentiae repræsentat, sed non omnia. Verum quo plura ex attributis propriis repræsentantur, eo perfectior, et magis adæquata idea censetur; et quo pauciora, minus perfecta est. Perfectissima autem ex ideis simplicioribus menti nostræ insidentibus, illa estimatur, quæ genus proximum rei, et primam, ac præcipuam differentiam essentialem repræsentat: vel omnes differentias essentielles in unum colligit, ut *ens perfectissimum* est idea Dei maxime adæquata, omnes perfectiones illius complectens. Et *substantia percipiens* est perfectissima idea spiritus, quia virtualiter & per consequentiam, omnes virtutes essentielles spiritus complectitur. Sed *ens immensum* est idea Dei clara quidem, sed inadæquata; quia non omnes illius perfectiones, per evidentem consequentiam, ex immensitate deduci possunt.

11. Sexta divisio idearum est in *proprias* & *mutuatitias*, seu *alienas*. Idea propria rei dicitur, quæ eam repræsentat absolute prout in se est: Mutuatitia vero, quæ eam repræsentat ut similem, aliquo modo alteri, cui tamen in multis dissimilis est. Sic propriam ideam manus hominis habemus, cum eam concipimus, prout per visum & tactum nobis exhibetur: at cum ideam illam potentiae divinae repræsentandæ (sacris literis præcuntibus)

euntibus) adhibemus, potentia illa per ideam alienam apprehenditur. Nectamen per ideas mutuatas, res falso apprehendimus; sed tantum obscure, et imperfecte. Nam mens bene disposita novit rem, quam per istiusmodi ideas apprehendit, non exacte ita esse, prout ideæ illæ eam representant, sed tantum analogiam, seu umbram aliquam illius exhibere.

C A P. XIX.

Propositio objectiva, et formalis, Affirmans, negans et infinita.

I. **S**Equitur iudicium, de quo præceptum generale est, *ut illius genera & affectiones notentur*. Hoc autem ut fiat, perinde est, sive iudicia ipsa, quæ in mente existunt, sive signa eorum vocalia, quæ *propositiones & enunciationes*, vocantur, notemus. Est autem iudicium, conceptus mentis quo unum alteri convenire, aut non convenire agnoscimus, per assensum, scilicet, vel dissensum: ut cum iudicamus *solem esse rotundum, lucidum*

dum, &c. Statuimus per assensum, rotunditatem & lumen convenire soli. At cum iudicamus solem non esse ejus parvitatatis, cujus esse videtur, statuimus per dissensum, parvitatem solis apparentem ipsi vere non convenire.

2. Objectum judicii adæquatum, est, identitas vel diversitas plurium inter se, quæ idcirco propositio *objectiva* vocari solet. v. g. identitas solis & rotundi, vel diversitas solis, ac corporis quiescentis. Signum vero est *enunciatio*, nempe, oratio, in qua aliquid de aliquo effertur, hoc est, ipsi convenire aut non convenire significatur.

3. Dividitur propositio primo in *simplicem*, et *compositam*. Simplex, est, in qua unum uni convenire aut non convenire judicatur; ut *stellam esse rotundam*. Composita est, quæ plures propositiones simplices continet, de qua inferius dicetur.

4. In propositione simplici objectiva, quæ mentis judicium terminat, et oratione enunciativa significatur, duo considerata sunt, *Materia* & *forma*, seu partes, earumque habitudo ad se invicem. Materia seu partes sunt, *subjectum* & *attributum*. Subjectum est cui aliquid convenire, aut non convenire; attributum quod alicui convenire, vel non convenire, concipitur, aut pronunciat. Forma vel habitudo, est unio vel identitas in propositione affirmata, separatio, vel diversitas, in negata.

gata. Subjectum nominibus substantivis; attributum, nominibus, aut verbis adjectivis; habitudo utriusque quandoque in verbo adjectivo includitur, quandoque verbo substantivo exprimitur. Ut *terra stat in medio universi*; *sol non stat in medio universi*. Ubi *terra* & *sol* sunt subjecta, *stare in medio universi* est attributum, quod in priori affirmatur de terra, in posteriori negatur de sole. In priori, unio seu identitas attributi cum subjecto, includitur in verbo *stat*: in posteriori diversitas nota negandi significatur. Sed in his, *terra est immota*, *sol non est immotus*, habitudo partium exprimitur in priori per verbum *est*, in posteriori per *non* & verbum *est*.

5. In mente igitur, cum iudicium exercet, semper sunt ad minimum, tres ideæ simplices; una subjecti, alia attributi, tertia habitudinis, identitatis scilicet, aut diversitatis eorum inter se. Nec enim possibile est iudicare unum esse aliud, aut non esse, nisi apprehendamus aliquo modo quid sit illud unum & aliud. Licet non necesse sit ulterius illud apprehendere, quam quantum sufficit ad eorum unionem aut separationem percipiendam, in quo iudicium formaliter consistit. Ex. g. iudicare non possumus *solem esse rotundum*, nisi percipiamus quid sit *rotunditas*, et quid *sol*, et huic illam inesse, adeoque id quod habet rotunditatem, quæ est idea rotundi, soli convenire. Alioqui, cum iudicamus

camus aliquid alicui convenire, nesciremus quid cui conveniat. Et prius quidem, ordine naturæ apprehenditur subiectum, quia illud semper concipitur, ut quid per se stans; deinde attributum quod concipitur ut adjacens; (concipere enim non possumus id quod alteri adjacet, nisi prius concipiamus aliquid cui adjaceat:) et tandem agnoscitur identitas vel diversitas alterius ad alterum. Sed in oratione, subiectum non semper priori in loco ponitur, adeoque non ex situ, in ordine pronunciandi, sed ex sensu, metiendum est. In hac enim enunciatione,

Rusticus est Corydon, nec munera curat Alexis.

Corydon & Alexis sunt subiecta: *rusticus & munera spernere* sunt attributa.

6. Secunda divisio propositionis est, in *affirmantem & negantem*: propositio affirmans partes conjungit, hoc est, identitatem, seu connexionem attributi cum subiecto denotat. Negans vero partes dividit; hoc est, attributum esse diversum a subiecto statuit. Ejus notæ sunt, *non, haud, ne*, et similes; illæ autem aliquando exprimuntur; ut in vulgari sermone patet, aliquando includuntur in aliqua alia voce; ut in notis extensionis, *nullus, nihil, nemo*, &c. aut in ipso attributo, cum est terminus negativus, ut *invisibilis, quiescens, cæcus*; aut in verbo adjectivo, ut *caret, deest*, &c. Ejusmodi enim nomina & verba negationes connotant, vel puras, vel privativas.

privativas. Sunt igitur propositiones ejusmodi terminis, vere negantes, ut per se patet.

7. Ut propositio sit negans, perinde est, ubinam cadat nota negandi; sive ante attributum, sive ante copulam modo totum attributum tollat. Hæ enim propositiones eundem sensum habent, *non divitiæ faciunt beatum*, et *divitiæ non faciunt beatum*; sicut & hæ apud poetam.

*Non domus, aut fundus, non æris acer-
vus aut auri,*

*Ægroto domini deduxit corpore febris,
non animo curas.*

Sed hæc in lingua latina non est negans, *divitiæ faciunt non beatum*; quia nota negandi, ponitur ante partem tantum, eamque minus principalem, attributi. Integrum enim attributum est, *faciunt beatum*. Similiter & hæ ejusdem sensus sunt, *spiritus est insensibilis*, *spiritus est non sensibilis*, *non spiritus est sensibilis*, et *spiritus non est sensibilis*. Et in aliis linguis, nominatim in nostra, negatio sæpe locatur post copulam, ut in hac, *God is not a man, that he should repent*.

8. Hinc intelligas quænam propositiones infinitæ sint; illæ scilicet, in quibus pars duntaxat subjecti aut attributi, est terminus negativus, ut *quidam non divites sunt liberales*,
id

Id est, quidam homines, qui non sunt divites, &c. *Quod non percipit est materia, vel aliquis illius modus*, id est, omnis res, quæ non percipit, &c. In quibus pars tantum subiecti negatur. Similiter hæc, *planetae non scintillant*, si hoc sensu accipiatur, *planetae sunt non scintillantes*, subaudi *stellæ*, infinita est, quia pars tantum attributi negatur. Hinc patet negationem *infinitantem* ut vocant, semper cadere supra posteriorem tantum partem subiecti aut prædicati. Cum enim negatio sit *maligna* (ut aiunt) *natura*, ita ut totum destruat quod post se invenit, si supra partem priorem caderet, propositiorem plane negantem redderet.

C A P.

CAP XX.

Propositio universalis, particularis, indefinita & singularis. Propositionum simplicium subordinatio, oppositio & equipollentia.

1. **T**ertia divisio propositionis, ratione quantitatis est in *universalem particularem, indefinitam, & singularem*. Quantitas propositionis, penes extensionem subjecti, vulgo pensatur: verum etiam ratione attributi æstimanda est, ut statim apparebit. Propositionis universalis est cum subjectum, vel attributum, quod ex se universale est, in tota extensione sumitur: hoc autem particulis distributivis, *omnis, nullus, nihil, quotquot, quisquis, quilibet*, et similibus natori solet.

2. Propositio universalis ratione subjecti est, cum attributum affirmatur, aut negatur de omnibus quæ in extensione subjecti continentur: ut *omnis impius est stultus; nullus impius est beatus*. Ratione attributi vero, cum vel aliqua illius pars complete distribuitur, siue in tota extensione sumitur; ut *Deus omnes creaturas conservat; Deus potest omnia facere quæ non implicant contradictionem*.

vel cum totum attributum, aut pars illius principalis est universale collectivum: ut *longitudo, latitudo et profunditas sunt omnes dimensiones rei extensæ; substantia & modus sunt omnia entia realia.*

3. Universales etiam propositiones sunt, in quibus de toto integrali aliquid effertur, ut *totum corpus humanum morbo obnoxium est. Totā humanitas est substantia.* Totum enim, seipsa idem est, ac omnes partes. Item ubi pars attributi est totum integrale: ut *Christus est propitiatio pro peccatis totius mundi, Deus est Dominus & rector universi.* Dantur etiam propositiones universales, ratione loci et temporis: ut *ubique terrarum sunt quædam animalia: ultima semper expectanda dies homini est.* Denique propositiones de magna aut majori parte, universales censentur, ut cum Apostolus queritur, *omnes quæ sunt quærere paucos ea quæ sunt Christi,* est, plerisque sua quærere.

4. Interim tamen omnes propositiones, quas universales ratione attributi, temporis, et loci, vocamus, ad formam earum quæ universales sunt ratione subiecti, revocari possunt. Hæ enim, *Deus omnes creaturas conservat; substantia & modus sunt omnia entia; Deus est rector universi; ubique terrarum sunt quædam animalia; sol semper currit;* reduci possunt; *omnes creaturæ conservantur a Deo; omne ens vel est substantia vel mo-*

du ; *quicquid continetur in universo regitur a Deo* ; *omnis locus in terra quædam animalia continet* ; *omnis pars temporis cursui solis coexistit*, et sic de reliquis.

5. Distributio tum subiecti, tum attributi, alia est plane completa, cum omnia inferiora termini universalis, tam species, quam individua notantur ; quæ distributio in *singula* generum dicitur ; ut in exemplis proxime adductis. Alia non omnino completa, scilicet, cum omnes tantum species, et ordines, hoc est, quædam individua singularum specierum, aut ordinum, designantur ; ut cum Christus dixit, si sublatu fuero, *omnes homines* ad me traham, aliquos omnium gentium, omnis ordinis intellexit : siquidem aliunde manifestum est, eum non omnia individua humana ad se trahere.

6. Propositio particularis est, cum subiectum vel attributum universale, ad partem aliquam indeterminatam suæ extensionis, puta ad unam vel plures species, aut individua indeterminata, restringitur : ejus notæ sunt, *aliquis*, *quidam*, *nonnullus*, *aliquot* : ut *quoddam animal est rationale*, *quidam homines sunt docti*, *quidam rudes* ; *multi sunt vocati*, *pauci electi* ; *vult Deus quoddam dominos esse*, *alios esse servos*. Sunt etiam propositiones particulares ratione loci et temporis : ut *alicubi gentium*, *homines nascuntur nigri*. *Quondam*

— *Quondam cithara tacentem
suscitat musam, neque semper arcum
tendit Apollo.*

7. Propositio singularis est in qua subiectum aut prædicatum, aut pars aliqua prædicati est singulare determinatum, unum aut plura. Ut *Socrates non fuit avarus: tu homo me adigis ad insaniam. Hi tres homines sunt philosophi: Græci imperium persicum deleverunt.* Vel ubi subiectum, vel attributum, sunt omnia aut plura certi ordinis, ut unum constituunt: ut *omnia membra corporis humani, sunt unum corpus: omnes planetae sunt septem.* Τα τρία πάλαι; tria sunt omnia; id est, tres dimensiones sunt omnes, vel omnes dimensiones sunt tres. Hic enim omnia & omnes unum collectivum determinatum significant, quod vel singulare stricte est, aut ejusdem cum eo rationis, quoad formam propositionis.

8. Propositio indefinita est, ubi termini sumuntur præcise secundum naturas suas, nulla extensionis, aut restrictionis mentione acta: ut *animal est genus*; id est natura communis pluribus, quæ essentiis differunt: *homo est species*; id est natura communis pluribus, quæ solis accidentibus differunt. Propositiones enim istiusmodi, nec universales sunt, nec particulares, nec singulares.

Siquidem, nec omne animal est genus ad hominem & bestiam; nec quoddam indeterminatum, multo minus, ullum determinatum. Sic cum dicimus *Socrates est homo*, et quotiescunque attributum, nulla extensionis, aut restrictionis nota afficitur, propositio indefinita est ratione attributi. Sensus enim hujus propositionis, nec est Socratem esse *omnem hominem*, nec etiam esse aliquem indeterminate, nec denique esse hunc hominem singularem, (licet hæc duo posteriora in se vera sint) sed tantum Socratem constare mente & corpore, aut habere naturam humanam.

9. Antequam reliquas species propositionum trademus, tres explicandæ sunt affectiones quæ propositionibus simplicibus præcipue conveniunt, ex quarum cognitione pendet intelligentia quorundam quæ de reliquis dicenda sunt, nempe, *Subordinatio*, *Oppositio*, et *equipollentia*. Subordinatio propositionum est comprehensio unius in alia, puta particularis & singularis in universalis; minus universalis in ea quæ universalior est; et particularis minoris extensionis in particulari majoris. Ex quibus illa quæ latius patet *continens*, quæ minus late, *contenta* dicitur. Ut huic, *omne animal est mortale*, subordinantur hæc, *omnis bestia est mortalis*, *principes terreni sunt mortales*, *Rex Britannia est mortalis*. Et huic, *plerique ho-*
mines

homines sunt mali, subordinatur hæc, quidam homines sunt mali. Notandum hic est propositionem singularem soli universali strictè dictæ subordinari, non autem particulari, etiamsi hæc majoris extensionis sit. Si enim propositio majoris extensionis, non complectatur omnia singularia ejus ordinis, de quo propositio singularis pronunciat, fieri potest ut eam non comprehendat. Unde in hac, *multi ex hominibus sunt improbi*, non continetur, *hic homo est improbus*. Secus vero se res habet de particulari, quia in omnibus aut multis, necesse est aliquem indeterminate contineri.

10. Oppositio est propositionum pugna. Pugnant autem illæ, quarum una affirmat, altera negat idem attributum de eodem subiecto. Ut *Socrates fuit vere probus*, *Socrates non fuit vere probus*. Ut autem vera sit oppositio, requiritur ut termini eodem modo significant, et idem tempus intelligatur, tum in affirmante, tum in negante. Et primo quidem, si res ex pluribus naturis aut partibus compositas denotent, requiritur ut eadem natura, vel pars utrobique intelligatur. Deinde si relativi sint, et plures terminos respiciant, intelligendi sunt respectu ejusdem. Unde hæc non sunt vere oppositæ, *Christus est ubique*, *Christus non est ubique*, nisi utrobique intelligas eandem naturam, puta, vel divinam, vel humanam.

Sicut nec hæ *Philippus Macedo fuit pater*,
Philippus Macedo non fuit pater, nisi, patrem
 ejusdem intelligas. Nec denique hæ, *Soc-*
rates ambulat, *Socrates non ambulat*, si di-
 versa tempora intelligantur.

11. Propositionum oppositarum tria sunt
 genera, *contradictoria*, *contraria* & *subcon-*
traria. *Contradictoria* sunt, quarum una
 semper est vera, altera semper falsa, seu
 quæ nequeunt esse simul veræ aut falsæ.
 De quibus sequentes regulæ tenendæ sunt.

12. Regula 1. *Propositioni universalira-*
tione subjecti, si affirmans sit, contradicunt,
per negantem minoris extensionis; scil. per
 particularem, singularem, aut universalem,
 cujus subjectum continetur sub subjecto af-
 firmantis: ut *omnis homo est justus*, *aliquis ho-*
mo non est justus, *Nero non est justus*, *nullus*
avarus est justus. Si vero negans fuerit, con-
 tradicuntur ipsi per affirmantem minoris exten-
 sionis: ut *nullus homo est justus*, *aliquis homo*
est justus, *Aristides est justus*, *omnis pius est*
justus. Sicut enim sublata unica unitate,
 non manet idem numerus cujus unitas illa
 pars fuit, ita etiam ad negandum contradic-
 torie, sufficit minimam partem de affirman-
 te tollere; et ad affirmandum sufficit mini-
 mam partem negantis ponere, tunc enim
 altera idem ponit quod altera tollit.

13. Reg. 2. *Propositioni universali ratio-*
ne attributi, contradicuntur, negando aut affir-
mando

mando copulam, et quæ spectato sensu, eam sequuntur : ut *Christus mortuus est cum proposito redimendi omnes homines, Christus non mortuus est cum proposito redimendi omnes homines.* Universali vero ratione loci aut temporis, affirmanti quidem, negando universalitatem temporis, aut loci ; neganti vero, affirmando tempus, aut locum particularem, singularem, aut minus universalem : ut *sol semper ab initio creationis cucurrit, sol non semper ab initio creationis cucurrit : vel sol aliquando stetit.* *Ubique in terra sunt veri Dei cultores ; non ubique in terris sunt veri Dei cultores, vel alicubi in terris non sunt &c.*

14, Reg. 3. *Particulari affirmanti contradicitur, per universalem negantem : Ut aliquis homo in terris degens est immortalis, nullus homo in terris degens est immortalis : alicubi terrarum sunt homines perfecte sancti, nullibi terrarum sunt homines perfecte sancti.* Cum enim particularis affirmans ponat unum indeterminate, tolli non potest certo & necessario unum illud nisi negetur totum. *Particulari vero neganti contradices, per universalem affirmantem.* Quia enim in illa incertum est, quænam pars negatur, affirmari certo illa nequit, nisi affirmando totum, ut *aliquis homo non est peccator ; omnis homo est peccator ; alicubi terrarum sol nunquam conspicitur, ubique terrarum sol aliquando conspicitur.*

K +

15. Reg.

15. Reg. 4. *Singulari affirmanti contradices, negando copulam, neganti, affirmando. Ut Plato fuit Deo acceptus; Plato non fuit Deo acceptus. Mater Christi fuit semper virgo, immunis a peccato, &c. ut aiunt Pontificii: Mater Christi non fuit semper virgo, non fuit immunis a peccato. Sed non necesse est, ut in particulari, universalem oppositam adhibere, quia pars affirmata aut negata, determinata & certa est. Eodem modo contradicitur indefinitæ ratione subiecti. Ut homo est species animalis, homo non est species animalis.*

16. Reg. 5. *generalis est, cuius propositi-
tioni affirmanti contradicitur, ponendo notam
negandi ante notam quantitatis si sit, aut si non
sit, ante copulam aut verbum in quo includitur.
Ut omnis homo est doctus, non omnis homo est
doctus: aliquis homo est doctus, non aliquis
homo est doctus: neganti vero tollendo copu-
lam. Non autem contradicitur particulari,
ponendo notam negandi immediate ante ver-
bum. Non enim contradicentes sunt, ali-
quis homo est justus, aliquis homo non est justus.
Quia fieri potest ut aliquis, cum singulare
indeterminatum significet, pro uno in una,
et pro alio in altera accipiatur.*

17. *Contrariæ sunt propositiones quæ,
cum eodem subiecto & attributo consistent,
non possunt esse simul veræ, possunt tamen
esse simul falsæ. Tales sunt duæ universa-
les,*

es, quarum altera affirmat, altera negat :
ut omnis homo est justus, nullus homo est justus.
Romani omnes gentes devicerunt ; Romani nul-
lam gentem devicerunt. Tu semper studes ; tu
nunquam studes : ubique sunt homines nigri ;
nullibi sunt homines nigri. Item universales
 & singulares : *ut omnis homo est justus ; hic*
homo non est justus. Nullus homo est justus ;
 hic homo est justus. Propositiones istius-
 modi non posse esse simul veras manifestum
 est, quia contradictorias includunt : *ex.g.*
omnis homo est justus includit *aliquis homo est*
justus, quæ alteri contrariarum contradicit,
 nempe *nullus homo est justus* ; et *nullus homo*
est justus includit *aliquis homo non est justus*
 quæ alteri contrariarum contradicit, nempe,
omnis homo est justus. Ideo autem possunt esse
 simul falsæ, quia cum altera falsa est, altera
 plus dicit quam ad contradictionem requiri-
 tur, adeoque excedit ; ut cum utraque uni-
 versalis est, per se patet : et cum altera est
 singularis, id ipsum patet. Nam univ-
 ersalis affirmans plus dicit quam sufficit ad con-
 tradicendum singulari neganti : ad hoc enim
 sufficit singularis affirmans, ut patet ex re-
 gula. 4. Et singularis negans plus dicit
 quam sufficit ad contradicendum univ-
 ersali affirmanti : huic enim contradicendo sufficit
 particularis negans, ut patet ex regula 1.
 Singularis autem plus dicit quam particu-
 laris, nempe, aliquid effert de individuo de-
 terminato,

terminato, cum particularis de indeterminato loquatur.

18. Propositiones subcontrariæ, sic dictæ, quia contrariis subordinantur, sunt quæ possunt esse simul veræ, sed non possunt esse simul falsæ: ut *aliquis homo est justus, aliquis homo non est justus*. Posse autem esse simul veras apparet, quia, cum subjectum utrobique sit particulare, non necesse est utramque de eodem loqui. Quod autem non possunt esse simul falsæ, hinc patet, quia sic duæ contrariæ, essent simul veræ, quod supra demonstravimus fieri non posse.

19. Propositiones æquipollentes sunt, quæ verbis discrepantes, sensu conveniunt. Ut *Deus omnia potest, omnia sunt deo possible. Totum corpus humanum morbo obnoxium est, omnis pars corporis humani morbo obnoxia est: Omnis impius est stultus; nullus impius est, qui non est stultus*. Pluribus enim formulis loquendi potest una & eadem res significari. Æquipollentias propositionum his versiculis vulgo complexi sunt Logici,

Non omnis quidam non; omnis non quasi nullus. Nonnullus, quidam; sed nullus non valet omnis. Non aliquis, nullus; non quidam non valet omnis. Non alter, neuter; neuter non præstat uterque.

Verum plurimæ aliæ sunt phrasæ æquipollentes; et tot quidem, ut certis regulis compre-

comprehendi non possint. Præterea, nec hæ
in omnibus linguis æquipollentes sunt. Nam
omnis non, in lingua nostra idem est ac *quidem*
non, aut *aliquis non*. Et in lingua græca,
duæ negationes sæpe fortius negant : in he-
bræa *non-omnis* idem significat ac *nullus* ; ut
non justificabitur omnis caro in conspectu tuo,
id est, *nulla* caro justificabitur.

C A P. XXI.

*Propositiones complexæ, incidentes
& reliquæ compositæ.*

1. **H**Actenus de propositione simplici.
Sequitur *composita*, cujus multa
sunt genera. Sed hic non intelligimus illas,
quæ implicite, consequenter & virtualiter
tantum compositæ sunt, quales sunt omnes
universales, licet unico subiecto & prædica-
to constent, si voces spectemus. *Ex. g. om-
nis homo est mortalis*, æquipollet multis milli-
bus propositionum de hominibus singulari-
bus ; nempe his, *hic homo* & *ille*, & *alius*
est mortalis, et sic de reliquis omnibus.
Ejusdem rationis sunt propositiones exclusi-
væ ;

væ; ut *solus Deus fuit ab aeterno*: Compositas igitur vocamus illas propositiones, quarum compositio expressa est, et ad octo ordines reduci possunt, *complexam, copulativam, disjunctivam conditionalem, causalem, relativam, discretivam, et limitatam*.

2. Propositiones *complexas* distinctionis gratia, illas vocamus, in quibus vel subjectum, vel attributum, vel utrumque, est terminus complexus. Ut *rex est qui metuit nihil*, ubi subjectum, *is qui metuit nihil*, est terminus complexus, ex subjecto, nempe homine, et attributo, seu modo, scil. libertate a metu: *Rex* vero est attributum.

Sum pius Aeneas, fama super aethera notus.

Ubi attributum est complexum ex subjecto *Aenea*, et duplici attributo *pietate & fama insigni*: subjectum autem subintelligitur, nempe *ego*. Sed in hac *potentes qui pauperes opprimunt, a Deo oppressorum protectore puniuntur*, uterque terminorum complexus est. Subjectum enim *potentes* attributo quodam afficitur, nempe, *crudelitate* erga pauperes: predicatum vero *puniuntur* declaratur a causa efficiente, *Deo*: et causa illa rursus attributo suo afficitur, scilicet, quod *protector* sit eorum qui opprimuntur.

3. Propositio igitur complexa pluribus propositionibus simplicibus constat, quarum altera

altera est principalis, directa & expressa ; altera, aut reliquæ, secundariæ, incidentes, virtuales, et implicite ; nempe, quæ in subiecto, vel attributo complexo latent. Ut in hac, *rex est qui metuit nihil*, ex parte subiecti, innuitur *esse aliquem qui metuit nihil*, eorum scilicet, quæ metuere non debet : interim tamen, ut jure e subiecto aut prædicato complexo, colligere possimus ejusmodi propositiones, requiritur ut partes termini complexi inter se consentiant, nec licet eas colligere si repugnantes sint. Ut si quis dicat, *materia seipsam movens est spiritus* ; *homo volans habet alas*, non licet colligere aliquam materiam seipsam movere, nec aliquem hominem volare ; quia *seipsam movere* simpliciter repugnat materiæ, et *volare* naturaliter repugnat homini.

4. Ad propositiones complexas pertinent illæ, in quibus de integra aliqua propositione simplici objectiva aliquid effertur : ut *mentem esse sine scientia non est bonum*, *esse antipodas est verum* ; *omne continuum dividi posse in infinitum est incredibile* ; *partem esse majorem toto, est absurdum* : *amico privari est durum* ; *pro patria mori est dulce & decorum* ; et variæ aliæ istiusmodi. Sed hujus generis quatuor ordines notarunt logici, quas propositiones *modales* nuncuparunt, quia in illis attributum principale ostendit quomodo termini propositionis incidentis cohæreant.

Modi

Modi autem sunt *necesse*, *contingens*, *possibile* & *impossibile*. Ut *necesse est Deum esse justum*, *contingit alia ludentem vincere*, *possibile est alium mundum existere*, *impossibile est Deum mentiri*. Quæ autem his modis carent, propositiones puræ vocantur. In propositione igitur modali, subiectum est terminus complexus, et *dictum* vocatur; ut *Deum esse justum*; modus autem connexionis aut habitudinis partium subiecti, seu dicti, est attributum: ut *necesse*, et sic de reliquis.

§. Propositioni modali affirmanti contradicitur, negando, non copulam dicti, sed modum: ut *necesse est solem cras oriturum esse*; *non necesse est solem cras oriturum esse*. Non autem, *necesse est solem cras non esse oriturum*. Quænam autem ex modalibus, iisdem terminis constantibus, sint contrariæ, sub-contrariæ, subalternæ, et æquipollentes, Schema sequens exhibet.

Æquipollentes

Non necesse est non esse
 Contingit esse
 Possibile est esse
 Non impossibile est esse

Subal-
ternæ

Æquipollentes

Necesse est esse
 Non contingit non esse
 Non possibile est non esse
 Impossibile est non esse

Contrariæ

Contradictoriæ

Subcon-
trariæ

Æquipollentes

Non necesse est esse
 Contingit non esse
 Possibile est non esse.
 Non impossibile est non esse

Subal-
ternæ

Æquipollentes

Necesse est non esse
 Non contingit esse
 Non possibile est esse
 Impossibile est esse

6. Propositio copulativa est, quæ constat pluribus propositionibus, conjunctionibus copulativis colligatis. Estque alia, quæ effert unum attributum de pluribus subjectis; ut *mors & vita sunt in manibus lingue; nec mors,*

nec

nec vita, nec principatus, nec potestates separare possunt fideles ab amore Dei qui est in Christo Jesu. Alia, quæ plura attributa de eodem subiecto : ut *virtus & utilis & jucunda & honorifica est* ; nec *sibi nec aliis prodest, non amas & deseris* Alia, quæ singula attributa de singulis subiectis : ut *Paulus plantavit, et Apollos rigavit.* Nec *Parmenides recte dixit omnia esse unum, nec Aristoteles justè cum ob dictum istud incusavit.* Est igitur propositio copulativa alia affirmans, alia negans. Et negans rursus vel negat omnia membra, vel unum, aut aliquot tantum. Unde ad veritatem affirmantis & negantis omnium membrorum, requiritur veritas omnium : adeo ut, si unum falsum sit, tota propositio falsa est, quatenus una est.

7. Copulativæ affirmanti contradicatur, unam partem negando, non autem utramque. Quæ enim utramque negat, contraria est affirmanti, non contradictoria. Ex. g. huic, *Petrus & Johannes ambulant*, contradictoria est, *non & Petrus & Johannes ambulat* ; sed *nec Petrus, nec Johannes ambulat* contraria est. Similiter neganti, omnium partium contradicatur, alteram indeterminate affirmando : ut *nec sibi nec aliis prodest* ; vel *sibi vel aliis prodest* ; aut alteram determinate ; ut *licet sibi non prosit, aliis prodest* : vel *licet aliis non prosit, sibi prodest.* Sed neganti unius partis aut aliquot,

non

non autem omnium, contradicatur, omnes
partes affirmando : ut huic, *nemo potest &*
Deo & mammonæ inservire, sic contradicunt
homines mundani, *possumus & Deo, et*
mammonæ servire.

8. Per propositiones copulativas, expo-
nuntur universales simplices, ut, *omnis homo*
est natus in peccato, exponitur sic, *nobiles &*
ignobiles, divites & pauperes, filii ethnico-
rum, et christianorum, piorum & impiorum
ascuntur in peccato. Nullus homo est immor-
talis exponitur per hanc, *nec rex, nec subdi-*
mus, doctus, nec indoctus, &c. est immortalis.
Christus est propitiatio pro peccatis totius mun-
di, id est, *Judeorum & Ethnicorum, pau-*
perum, divitum, sapientum, et insipientium,
horumque generum quorumcunque. Excipe
sic universales collectivæ, ut, *omnes utrius-*
que manus digiti sunt decem. Ratio est,
quia in ejusmodi universalibus, attributum
non effertur de subiecto distributive sump-
to.

9. Ad copulativam etiam reducendæ sunt
propositiones *exclusivæ*; ex quibus aliæ ex-
clusivæ *subiecti* vocantur, quæ omnia subiecta
præter unum excludunt a participatione at-
tributi : aliæ exclusivæ *attributi*, quæ omnia
cujusdam generis attributa, præter u-
num, de subiecto negant. Eorum signa
sunt, *solus, unicus, tantum, et similia*. Et
semper continent duas propositiones, ex

L

quibus

quibus altera affirmat, altera negat. *Ue nobilitas sola est, atque unica virtus* : id est, virtus est nobilitas, et nihil aliud est nobilitas. *Diaboli tantum agunt male*. i. e. agunt male, et nihil agunt, quod non male agunt. Sicut igitur propositio universalis est compendium plurimarum propositionum, quarum omnes affirmant vel omnes negant ; ita etiam exclusiva est compendium duarum, quarum altera affirmat, altera negat, et vel subiectum vel prædicatum habent commune. Negatur contradictorie, negando notam exclusivam. *Uit solus homo est capax beatitudinis ; non solus homo est capax beatitudinis : quidam pii in hoc mundo tantum bene agunt, nullus pius in hoc mundo tantum bene agit.*

10. *Propositio disjunctiva* est, quæ e pluribus propositionibus unam indeterminate statuit : ejus notæ sunt, *aut, vel*, et similes. Est autem alia, quæ unum attributum effert de aliquo e pluribus subiectis : ut cum Annibal, milites suos ad fortiter pugnandum cohortans, dixit, *necesse est aut vincere, aut fortiter occumbere, aut venire in potestatem hostium, aut turpiter fugere*. Quatuor enim ista sunt subiecta, et *necesse est* attributum commune. Alia, quæ aliquod e pluribus attributis effert de eodem subiecto ; ut *amicitia aut pares invenit aut facit : natura multitudinis est, aut humiliter servire aut superbe dominari*. Alia vero quæ aliquam e pluribus

pluribus propositionibus, quarum unaquæque suo subiecto & attributo constat, statuitur: ut, *vel terra circa solem movetur, vel cel circa terram.* Item illa apud Virgilium.

Aut hec inclusi ligno occultantur Achivi;

Aut hec in nostros fabricata est machina muros;

Aut aliquis latet error; equo ne credite Teucri.

Per propositiones autem disjunctivas plurium subiectorum, exponuntur propositiones simplices particulares: ut *aliquis me tetigit;* id est, *vel vir, vel femina, hic, vel ille, vel alius.*

11. Ad veritatem propositionis disjunctivæ, requiritur immediata oppositio partium si duæ tantum sint, aut plena enumeratio, si plures, ita ut nil diversum statui possit. Si enim partes non sint oppositæ, propositio est iugatoria, ut si quis diceret, *vel animal vel bestiam videre.* Si oppositio non sit immediata, aut enumeratio non sit plenaria, poterit esse falsa: ut, *vel amat, vel odit mulier, nil tertium; utilitate aut metu ducuntur homines,* non sunt strikte & semper veræ. Sunt enim mulieres, quæ nec amant procos suos, nec oderunt; sunt etiam homines, qui nec utilitate, nec metu ducuntur, sed officii sensu. Contradicitur propositioni disjunctivæ, si disjunctio partium negetur, vel diversum quid ab omnibus

membris statuatur ; ut *omnis homo utilis aut metu ducitur, quidam homines nec utilis te, nec metu ducuntur, sed honestate. Vnde papa* (inquiunt Pontificii,) *est caput Ecclesie vel nullum est illius caput : negatur sic, vel papa &c. aut dicendo Christum esse Ecclesie caput.*

12. *Propositio conditionalis*, five *hypothetica* est, quæ ex hypothese, seu conditione tantum, aliquid affirmat, aut negat. Unde in re nihil ponere dicitur, hoc est nihil absolute affirmat aut negat. Constat igitur duabus partibus *antecedente & consequente*. Ut *si pauperes non pavisti, pauperes occidisti*, inquit Augustinus, ubi prior pars hypothese comprehensa, antecedens ; posterior, quæ, eâ positâ, statuitur, consequens est. Hujusmodi propositionum usus est connexiones, aut disjunctiones rerum ostendere. Unde perinde est, five partes seorsim veræ sint, five falsæ, modo connectio consequentia sit bona. Ex g. Vera est hæc *Si Deus non est, aut si anima cum corpore interit, pii omnium miserrimi sunt* : partes tamen omnes seorsim & per se falsissimæ sunt. Contradicitur conditionali, negando conditionem affirmatam, aut affirmando negatam : five, quod idem est, negando connectionem ; quod per propositionem adversariam optime fit : ut, *si spondes debes, non spondeo debeo* ; id est, *etiamsi spondeo, tamen debeo*.

— non si miserum fortuna Sinonem

exit, vanum etiam, mendacemque improba
(finget.

hoc est, licet fortuna Sinonem miserum fecit, non tamen mendacem; sive, licet miser nunc sim, non tamen mentiar.

13. *Propositio causalis* est, in qua una pars reddit causam vel rationem quamcunque alterius; ut *Rex fuit infelix, quia tali sydere natus.* Quoniam ego vivo, vos etiam vivetis. Ideo gravia feruntur deorsum; quia pelluntur ab extrinseco. Contradicitur ipsi, negando hoc esse causam illius. Ut, non ideo fuit rex infelix, quia tali sydere natus est. Non ideo gravia deorsum ruunt, quia pelluntur ab extrinseco, ut aiunt Peripatetici. Potest enim, in propositione causali, utraque pars, per se, esse vera, et causalitas alterius in alteram falsa, quo in casu & ipsa falsa est.

14. *Propositio relativa* dicitur, quæ convenientiam quamcunque aut differentiam plurimum statuit. Ut, *ubi est thesaurus, ibi est etiam cor.* Quantum quisque sua nummorum servat in arca, tantum habet & fidei, — non minor est virtus quam querere, parva veri: hei mihi qualis erat quantum mutatus ab illo Hectore qui quondam, — Amicum perdere est damnorum maximum. Hæc pertinent propositiones proportionales, uti vocantur.

tur, Ex : g. ut 2 ad 4, ita 3 sunt ad 6. Et *parabolica*, seu *typica*, quales sunt permulta ex Proverbiis Solomonis. Hisce contradicitur negando convenientiam aut diversitatem. Ut *qualis vita talis mors, non qualis vita talis mors*. *Quantum habes nummorum, tantum habes fidei : non quantum habes nummorum &c.* hoc est, vel plus habes fidei quam nummorum vel minus.

15. *Propositio discretiva* est, cujus partes plerumque constant terminis disparatis aut contrariis. Ejus notæ sunt *quavis, licet, etsi*, et ejusmodi ex una parte ; et, *sed, verum, tamen*, ac similes ex altera. Est autem variæ formæ. Quandoque enim e duobus attributis unum affirmatur de eodem subiecto, alterum negatur. Ut *Ulysses non erat formosus sed facundus*. *Fortuna opes auferre, non animum potest*. Quandoque utrumque affirmatur : ut *coronæ regum splendide sunt sed graves*. Quandoque e duobus subiectis idem attributum de uno affirmatur de altero negatur : ut *me, me, ego qui feci, in me convertite ferrum, o Rutili — nihil iste nec ausus, nec potuit : id est, non iste fecit, sed ego*. Quandoque singulis partibus propria sunt tum subiecta tum prædicata : ut *licet Deus sit misericors, impii tamen puniuntur*. *Sive insanimus, Deo est ; sive sobrii sumus, vestri causa est*. Specialis propositionum istiusmodi usus est, ut consequentias vie

iosas negemus et repellamus. Unde & *περ-
αντιρρὰ* *præoccupativæ* dici solent. Per eas e-
nim plerumque statuuntur, quæ repugnare
videntur : ut si quis arguerit, *Deus est sum-
me misericors* : *Non igitur puniet ullam e crea-
turis suis in æternum* : *lux emanat e corpore lu-
cido* : Ergo est *substantia* ; Utraque illatio per
propositiones *discretivas* negatur ; licet *Deus*
sit summe misericors, *puniet tamen in æternum*
omnes peccatores impenitentes : *quamvis lux e*
corpore lucido emanet, *non tamen idcirco sub-*
stantia est.

16. Ad veritatem istiusmodi propositio-
num, requiritur veritas omnium partium.
Unde & illis contradicatur, per contradic-
tionem vel omnium, vel unius. Ex. g. huic,
*coronæ regum splendida quidem sunt, sed gra-
ves*, contradicatur omnibus his modis, *nec*
splendida sunt, nec graves : *splendida sunt,*
sed non graves ; *non sunt splendida, sed graves*.
Si autem partes non sint oppositæ, saltem
disparate, nugatoriæ sunt, & absurdæ : Ut
si quis de alio dixerit, *est avarus sed injustus* ;
avaritia enim non opponitur injustitiæ, sed in
ea continetur.

17. Ad discretivam reduci possunt pro-
positiones, quæ *inceptivæ* & *desitivæ* vocari
possunt : ut, *per penitentiam homo incipit sa-
pere* id est, *tunc sapit homo, cum penitentiam*
agit, prius non sapit. *Desit furari* ; id est,
prius furatus est, sed nunc non furatur.

18. Denique propositio *limitata*, vel *exceptiva* est, vel *restrictiva*. Exceptiva est, in qua contrario modo statuitur de una aliqua parte subiecti, quam de residuo. Unde & alia est, quæ negat attributum de una aliqua parte, et idem affirmat de reliquis; ut *omnes stelle fixæ sunt, præter septem*; id est, *septem stellis non sunt fixæ, reliquæ omnes sunt fixæ*. Alia quæ affirmat attributum de unica parte, et negat de reliquis: ut *nemo e muliere natus, immunis fuit a peccato originis, præter Christum*; id est, *Christus immunis fuit a peccato originis, & nullus alius, qui e muliere nascitur*. Contradicitur exceptivæ, contradicendo vel alteri partium, vel utrique: ut, *omnes filii hominum labe peccati, ab ortu suo inquinatæ sunt, præter S. Virginem Mariam*, inquiunt Pontificii: et *virgo Maria*. & *reliquæ omnes, ab ortu suo, inquinatæ sunt labe peccati*, aiunt nostri. Nulla est vera Ecclesia præter Romanam; Ecclesia Romana non est vera ecclesia; et quedam alie sunt veræ.

19. Propositio *restrictiva* est, in qua attributum restringitur ad unam aliquam partem, modum, aut rationem subiecti: hoc est, de ea tantum affirmatur aut negatur. Ut, *homo, qua homo ratiocinatur*, non qua animal. *Christus qua Deus, est ubique*, qua homo, *est in celo supremo*. *Ethiops est albus dentes*: *Statuarius qua musicus, harmonice canit*.

canit, non qua statuarius. Continet igitur duas propositiones simplices : alteram incidentem, in qua ratio restricta innuitur, alteram, in qua principale attributum expresse statuitur subiecto convenire, secundam illam rationem ; aut quod idem est, illi ipsi rationi : ut in hac, *Christus qua Deus est ubique*, innuitur *Christum esse Deum* ; exprimitur vero *eum esse ubique secundum deitatem*, aut quod idem est, *deitatem illius esse ubique*. Supponitur autem semper rationem restrictam subiecto convenire ; secus enim propositio ridicula erit : ut si quis dicat, *æthiops est albus cornibus* ; supponit enim æthiopem esse cornutum. Contradictoriæ negatur, negando notam restrictionis : Ex. g. hæc Lutheranorum, *Christus qua homo est ubique*, sic negatur, *Christus non qua homo est ubique* : sive, *Christus est ubique, sed non qua homo*. Si vero utraque pars falsa sit, quod raro contingit, utraque est neganda ; ut si quis diceret *Solem quatenus vivit, cursum suum sponte sistere posse*, sic negabis, *nec sol vivit, nec si viveret, cursum sponte sistere posset*. Et hæc de propositionibus compositis.

C A P. XXII.

Propositio vera, et falsa, identica, & formalis, Necessaria & contingens, possibilis & impossibilis, perspicua & obscura, certa & probabilis.

1. **S**equitur secunda divisio propositionis, in *veram & falsam*. *Propositio vera* est, quæ pronunciat ut res est; seu quæ conjungit ea, quæ in re conjuncta sunt, aut dividit, quæ divisa sunt. *Falsa* contra est, quæ pronunciat aliter ac res est; ac proinde conjungit quæ in re non sunt conjuncta, aut dividit, quæ non sunt divisa. *Propositio vera* vel est *identica*, vel *formalis*. *Identica* est in qua nulla omnino est diversitas inter subjectum & attributum, seu quæ idem (scilicet, id quod absolute, et adæquate idem est,) de seipso affirmat, ut *homo est homo*, *Socrates est Socrates*: Unde et nugatoria ac *nimis vera* dicitur, quia nihil manifestat aut docet.

2. *Formalis* (rectius *Didactica*) est, in qua attributum, secundum id quod directe importat, idem est cum subjecto; secundum id vero quod indirecte, est diversum; ut *quidam homo est doctus*. Ubi attributum *doctus*, in recto significat id quod habet doctrinam, quod idem est cum aliquo homi-

ne. Regula enim est, in omni propositione vera affirmante, attributum est aliquo modo idem cum subiecto, in negante diversum: in falsa affirmante est diversum, in negante idem.

3. Propositio necessaria dicitur, quæ ita vera est, ut nequeat esse falsa adeoque immutabiliter vera est, vel absolute & semper, vel secundum quid, & pro aliquo tempore. Distingui enim potest, juxta gradus necessitatis quos supra notavimus, cap. 10. Sect. 3,

4. Sed logici distinguunt in tres species. Primam vocant *κατὰ παντός*, de omni; cum nihil in extensione subiecti continetur; cui attributum non convenit, sive attributum sit de illius essentia, sive non: ut *cygnus est albus*, *corvus est niger*; *omnis homo ab Adamo*, per generationem naturalem ortus, peccati labe inficitur: *nullus homo conditione moriendi exemptus est*.

4. Secunda vocatur propositio *κατὰ φύσιν*, per se: in qua attributum est de essentia subiecti. Ut cum genus, proximum, vel remotum, differentia essentialis aut proprium, affirmatur de specie, ejusque individuis, aut species, ejusque definitio, de individuis. Huic opponitur propositio per accidens, in qua attributum est extra essentiam subiecti: ut, *homo est doctus, justus, cæcus*.

5. Tertia dicitur *κατὰ μέρος πρῶτον*, id est, universaliter primum, cum attributum non tantum est de essentia subiecti sed etiam ipsi proprium

prium adeoque reciprocum, ut cum quolibet differentia essentialis, sive prima, sive secunda, affirmatur de specie : ut *ratione præditum esse, risibile, capax disciplinarum*, de homine. Ex his tribus gradibus necessitatis, secunda primam, tertia utramque includit ; et posterior priori aliquid addit. Nam ubi connexio attributi cum subiecto essentialis est, necesse etiam est, ut universalis sit ; et ubi reciproca est, essentialis & universalis est : si excipias connexionem accidentis proprii cum subiecto singulari.

6. *Propositio contingens* est, quæ vera est, sed potest esse falsa ; sive, quæ *mutabiliter* vera est. Estque vel plerumque & sæpe vera ; ut, *medicos peritos febres lenire* : vel raro ; ut *eosdem curare epilepsiam*, aut *affectionem hypochondriacam* ; vel denique indifferens ex se, ad veritatem & falsitatem ; ut *alea ludentem vincere*. Notandum tamen est, omnem propositionem veram, quando & quamdiu vera est, esse necessario & immutabiliter veram.

7. *Propositio falsa est possibilis*, vel *impossibilis*. Possibilis est quæ falsa est, sed potest aut potuit esse vera ; ut *aliud mundum existere*, *primos parentes nostros in obedientia erga Deum perseverare*, *sedentem stare*. Impossibilis est, quæ falsa est, nec potest esse vera : ut *materiam cogitare*, *ignem non comburere materiam combustioni idoneam appropinquare*.

proximatam. Utraque dividi potest juxta differentias rerum possibilium & impossibilium supra traditas, cap. 4. Sect. 6, 7, 8. Notandumque hic est, propositiones necessarias, contingentes, possibiles & impossibiles vocari, ratione connexionis attributorum cum subjectis. Item omnem propositionem falsam, quando & quamdiu falsa est esse impossibilem.

8. Tertia divisio propositionis est in *obscuram* & *evidentem*. Obscura est, quæ vel explicatione vel probatione indiget. Obscura enim esse potest propositio vel quoad sensum, nempe cum significatio verborum quibus exprimitur non est manifesta; vel quoad connexionem attributi cum subjecto, cum non constat verane sit an falsa. Alio modo obscura dici potest propositio, scilicet, per accidens; cum is, cui proponitur, significationem usitatam verborum nondum didicit, aut propter judicii infirmitatem, aut defectum attentionis; connexionem, ex se obviam, non capit, de qua obscuritate nunc non agitur.

9. Quoad sensum obscura est propositio, primo propter vocem aut phrasin ambiguam: ut, *gallus est animal: aio te Æacida Romanos vincere posse.* In priori enim incertum est, utrum per gallum, *homo* an *avis* significetur: in posteriori vero non constat utrum affirmet Æacidem victurum esse Romanos,

manos, an Romanos *Æacidem*. Secundo, propter vocem aut phrasin insolentem; nempe, novam, aut absoletam, quæ rarius occurrit. Tertio propter tropum, aut figuram: ut cum per synecdochen, nomina generum speciebus aut individuis significandis adhibentur, aut vicissim. Cum enim sermo nimis generalis & laxa, aut nimis arcta est, necesse est eam per se esse obscuram. Sic proverbia & ænigmata obscura sunt. Ut illud Sampsonis ad Philistæos, *ex comedente exivit cibus, et e forti egressa est dulcedo*. Verbis enim generalibus *comedens* & *fortis*, leonem, et *cibus* ac *dulcedo* mel designat. Voces autem generales, multa per se significantes, incertum relinquunt audientem quidnam per eas speciale intendatur. Item, *ne sutor supra crepidam*; id est, *nemo ea tractet quorum est imperitus*, obscura est sententia, quia nominibus specierum genera exprimit. Notandum tamen est, propositiones non simpliciter pro obscuris habendas esse, si circumstantiæ sint, quæ si observentur, sensui exhibendo sufficere possint. Unde sacræ literæ non sunt obscuritatis incusandæ; quia pleraque eorum, quæ in illis obscure traduntur, clarius alicubi exprimuntur.

10. Ratione connexionis obscura est propositio, cum licet sensus verborum apertus sit, non tamen apparet utrum attributum

subiecto

subjecto conveniat, necne : adeoque opus est alia evidenti, aut etiam pluribus, ad id declarandum. *Ex : g.* postquam intellexeris significationem verborum, hujus propositionis in Geometria, *cujuslibet trianguli, tres simul anguli aequales sunt duobus angulis rectis*, non tamen videbis illius veritatem nisi assumptis aliis ex eadem disciplina, quæ vel per se evidentes sunt, vel prius demonstrantur.

11. Ex adverso, evidens est propositio quoad sensum verborum, cum significatio eorum obvia est : quoad connexionem vero, cum habitudo attributi ad subjectum, tanquam ei convenientis, aut non convenientis, aut etiam repugnantis, clare percipitur. Estque vel per se evidens, vel aliunde. *Per se* evidens propositio est, cum significatione terminorum intellecta, statim apparet utrum attributum subjecto conveniat an non. Et idcirco propositio *immediata* vocatur ; quia nullo medio opus est ad connexionem percipiendam : et *axioma*, quia per se assensum nostrum meretur. Tales sunt, *Totum est majus sua parte. Impossibile est idem simul esse & non esse.* Ideo autem per se evidentes sunt istiusmodi propositiones, quia in illis, idea attributi per se apparet in idea subjecti contineri, aut eidem repugnare : ut in idea totius, clare continetur pars illa quæ majus esse dicitur, et aliquid amplius : et *esse simul*,
ac

ac non esse, clare continentur in idea rei impossibilis. Regula autem generalis est, *quicquid in idea clara rei continetur, de ea debet affirmari*; et *quicquid idea clara rei repugnat, eamque evertit, de ea debet negari*. Nec in dubium vocari potest illa regula, quin simul tollatur omnis certitudo cognitionis humanæ.

12. Propositiones aliunde, quam a se evidentes, sunt quæ per alias evidentes inclarescunt. Unde cum earum quæ per se evidentes sunt, evidentia insita sit, evidentia harum mutuatur. Estque vel a ratione aliqua ipsis terminis propositionis intrinseca, sive (ut loqui solent,) ex natura subjecti & attributi: ut cum dicimus, *avarus metuit, quia vehementer amat divitias quæ instabiles sunt*, hæc *avarus metuit*, per alteram, *divitias immodice amat, quæ facile perduntur*, inclarescit. Amor autem ille immodicus in natura seu idea subjecti, nempe, *avari* manifeste continetur. Vel ab extrinseco, nempe a testimonio divino vel humano, Sic evidens est, *Deum esse unum & trinum*, quia ipse in sacris literis id testatur: et per testes in judiciis materia facti innotescit. Testimonium autem extrinsecum est rei testatæ.

13. Ratio quæ intrinseca dicitur, vel est necessaria vel contingens. Necessaria quando non potest aliter esse, contingens si secus.

Unde

Unde patet evidentiam gradus fuscipere, et propositiones alias aliis evidentiores esse.

Et maxima quidem evidentia *intrinseca* est, cum idea attributi in essentia subjecti vel contineri, vel eidem repugnare intelligitur.

Maxima etiam *extrinseca*, a testimonio divino proficiscitur. Evidentissimum enim est verum esse, quod Deus, qui nec falli, nec fallere potest, testatur esse verum. Intrinsece tamen potest esse obscurum, quia mens non ex ipsis naturis terminorum, habitudinem eorum ad seinvicem vidit. Minor vero est evidentia, quæ per rationes contingentes, licet intrinsecæ sint, aut a testimonio humano habetur.

14. Ex his intelliges quid sit propositio certa, dubia, probabilis, improbabilis, et paradoxæ, et quomodo certitudo ab evidentia differat. Certa enim est propositio cui mens firmiter adhæret, aut ab ea plane abhorret, propter rationem necessariam veritatis, aut falsitatis. Sed certitudinis varii sunt gradus; distinguitur enim juxta differentias necessitatis in *Metaphysicam*, *physicam* & *mora-*
lem. Certitudo metaphysica maxima est, cum scilicet, videmus absolute impossibile esse rem aliter se habere. Sic certi sumus quicquid Deus testatur esse verum, nihil posse simul esse & non esse. Physica est, cum percipimus, ex ordine naturali rerum, hoc vel illud ita esse; ut ignem combusturum stupam,

si ei admoveatur : virginem non parere. Moral-
 is denique certitudo est, cum res ita esse
 videtur, et nulla occurrit ratio alicujus mo-
 menti in partem oppositam. Sic persuaden-
 tur *Romam esse* qui eam non viderunt, quia
 omnes fere historiæ de ea loquuntur, et mul-
 ti dicunt se illic fuisse, de quorum testimonio
 nullam aliam dubitandi rationem habemus,
 quam quod non implicet contradictionem
 eos omnes mentiri. Distinguere etiam so-
 lent logici certitudinem in *objectivam* & *sub-*
jectivam. Prior est ipsa rei veritas, aut ne-
 cessitas : posterior est firma mentis de ea
 persuasio.

15. Propositio igitur dubia est, cum in
 neutram partem mens inclinat, hoc est, nec
 veram videt, nec falsam ; Probabilis vero,
 cum magis videtur vera quam falsa, propter
 rationem ex altera parte majoris ponderis.
 Improbabilis contra est, cum propositio ma-
 gis videtur falsa quam vera, propter ratio-
 nem fortiolem ex parte falsitatis : sic impro-
 babile est *virum bonæ famæ, occidisse amicum,*
quem charum semper habuisse visus est. At
hominem malæ famæ, alium, quem odisse com-
pertus est, occidisse, probabile est. Deni-
 que paradoxa dicitur propositio, quæ vera
 aut falsa est, præter communem opinionem
 vulgi. Ut *solem esse longe majorem toto orbe*
terrarum, esse Antipodas &c.

16. Quod autem ad differentiam certitu-
 dinis

dinis & evidentiaē spectat, Evidentia est cer-
 titudinis causa & fundamentum, et certitudo
 effectus evidentiaē. Ideo enim mens firmi-
 ter per assensum propositioni adhæret quia
 veritas illius evidens est. Et ideo per dissen-
 sum eam repudiat, quia falsitas ejus evidens
 est. Quippe mens semper de rebus judicat
 prout ipsi obijciuntur. Quin & propositio-
 ni probabili assentitur, propter aliquem gra-
 dum evidentiaē: et quo propositio magis mi-
 nusve evidens est, eo perfectior, aut imper-
 fectior est assensus. Evidentia igitur & cer-
 titudo pari passu procedunt. Et quod vulgo
 dicitur *de multis nos certitudinem habere, de*
quibus non habemus evidentiam, de sola evi-
 dentia intrinseca, et naturali, ex ipsorum
 terminorum penetratione orta, intelligen-
 dum est; ut in mysteriis fidei christianæ.

C A P. XXIII.

De Conversione Propositionum.

1. **C**onversio Propositionis est transpositio terminorum, subjecti in locum prædicati, ita tamen, ut, si propositio ante conversionem vera fuit, in statu converso vera maneat. Ad hoc autem intelligendum, et præstandum, primo axiomata quædam notanda sunt, deinde regulæ nonnullæ, ipsis innitentes, constituendæ.

2. Axioma 1. *Attributum propositionis affirmativæ extenditur, et restringitur ad extensionem & restrictionem subjecti.* Adeo ut, si subjectum universale sit attributum affirmatur de omnibus quæ in extensione illius continentur : Si particulare, de eorum parte tantum. Nec attributum unquam extensionem subjecti excedit, hoc est, si per se latius pateat quam subjectum, non affirmatur secundum totam extensionem suam. Ut cum dicimus *omnem leonem esse animal*, affirmamus animal de leone, mare, et fæmella, veteri, et juveni, et reliquis omnibus ordinibus, ac singulis individuis leonum : at non affirmamus omne animal de leone, sed ani-

mal indefinite, quod, in re, est illud tantum animal, quod identificatur cum leone.

3. Axioma : 2. *Attributum propositionis negativa negatur de subiecto, secundum totam illius extensionem*, seu de omnibus quæ in extensione illius continentur, ut cum dicimus, *nulla bestia est docta*, negamus omne locum de omni bestia.

4. Axioma : 3. *Totum attributum in conversione, transire debet in locum subiecti, et totum subiectum in locum attributi*; nec demitur extensio, quamvis non necesse sit eam exprimere. Ratio est quia totum attributum effertur de toto subiecto, secundum eam extensionem quam habet in propositione, non autem pars tantum.

5. *Regulæ igitur Conversionum sunt quæ sequuntur.* Reg. 1. *Universalis negans convertitur simpliciter* : hoc est, ita ut attributum, in tota extensione sua, transeat in locum subiecti, et vicissim. Ut *nullus homo, per naturam, post lapsum, est justus*, sic convertitur, ergo, *nihil justum per naturam, post lapsum, est homo*. Ratio patet ex secundo axioma.

6. Reg. 2. *Universalis affirmans convertitur per accidens*. Est autem conversio per accidens cum attributum in locum Subiecti transpositum, nota particularitatis afficitur, *omnis homo est peccator*; *aliquis peccator est homo*. Ratio patet ex primo axioma.

7. Reg. 3. *Particularis affirmans convertitur simpliciter* ; hoc est attributo eadem nota extensionis affecto, quam habet subjectum. Ut *aliquis homo est justus* ; *aliquod justum est homo*. Ratio sumitur ex primo axioma ; nam cum in omni particulari affirmante, attributum particulari æquipolleat, potest illud, cum nota particularitatis, in locum subjecti transire.

8. Reg. 4. *Particularis negans non convertitur*, ut universalis, ponendo notam negandi ante copulam, sed ante rem, qua per copulam negatam excluditur e subjecto. Ut *quoddam animal non est homo*, non convertitur, nullus homo est animal, nec quidam homo non est animal, sed in hanc, *aliquid quod non est homo, est animal*. Propositio enim convertenda hunc habet sensum, *quoddam animal est aliquid quod non est homo* : adeoque totum attributum est *aliquid quod non est homo*, quod idcirco totum in locum subjecti transferendum est, juxta axioma tertium.

9. Reg. 5. *Propositiones indefinitæ & singulares, si affirmantes fuerint, sequuntur formam conversionis per accidens*. Ut, *homo est species* ; *quedam species est homo* : *David Jesse filius, fuit rex* ; *quidam rex fuit David Jesse filius*. Excipe singulares, in quibus attributum est singulare determinatum : illæ enim simpliciter convertuntur. Ut, *Sanctus*

fuit primus rex Israelitarum ; primus rex Israelitarum fuit Saul. Nec enim licet dicere, quidam primus rex &c, quia primus rex est singulare determinatum, et de uno solo intelligi potest. *Indefinita vero & singulares negantes, speciem conversionis simplicis observant.* Ut ; homo non est genus, nullum genus est homo. David filius Jesse, non fuit Sacerdos ; nullus Sacerdos fuit David filius Jesse. Ratio posterioris partis patet ex axioma secundo ; prioris, ex primo. Quanquam omnes istæ dici possunt converti per accidens, præter singulares in quibus attributum est singulare determinatum ; quia termini non iisdem notis extensionis afficiuntur in convertenda & convertente, licet sensu & re ipsa easdem habeant, prout in omni conversione legitima necesse est per axioma tertium.

10. Reg. 6. *In omni conversione, ut legitima sit, spectandus est sensus, non autem ordo Verborum, nisi quatenus is sensui congruit.* Hac regula generalis est, et in specie necessaria ad propositiones de futuro, et præterito convertendas, ut, *omnes mortui resurgent*, non convertitur juxta ordinem verborum, quidam qui resurgent erunt mortui, sed sic, *omnes, aut quidam, qui resurgent, vel jam mortui sunt, vel aliquando posthac morientur*, hic enim est sensus propositionis convertendæ, *mortui sive de præsentibus, sive de futuro resurgent.* Similiter has sic convertes, om-

nis senex fuit puer, quædam domus est combusta; quidam qui fuit puer, nunc est senex, vel fuit senex, quoddam quod nunc combustum est, fuit domus. Nec enim aliter, ut postulat axioma tertium, totum attributum transit in locum subiecti.

11. Propositiones compositæ rarius convertuntur. Verum sicubi illarum convertendarum usus aliquis fuerit, juxta easdem leges ac simplices converti debent, observato imprimis axioma tertio. Exempla sequentia loco regularum accipe. *Qui pauca loquitur sapit; quidam sapiens pauca loquitur. Petrus & Johannes ludunt; quidam ludentes sunt Petrus & Johannes. Avari cupiunt, et cruciantur: quidam qui cupiunt, et cruciantur, sunt avari. Amicitia aut pares invenit aut facit; aliquid, quod aut pares invenit, aut facit, est amicitia. Si Socrates volat, est alatus, ergo quoddam alatum est Socrates, si modo volet. Non vox sed votum Deo placet: aliquid Deo placens, non est vox sed votum. Sola virtus est vera nobilitas; vera nobilitas nihil est præter virtutem. Reliqua tibi ipsi præstanda relinquo.*

12. Conversio modalium logicis multum negotii facessit. Verum si integre spectentur, convertendæ sunt juxta regulas datas; nempe sumendo pro subiecto modum, qui in modalibus (ut supra diximus) semper est attributum, (si sensum spectemus,) et pro attributo

tributo dictum; ut, *hominem esse animal*
est necesse, id est, est *quid necessarium*; sic
 convertitur, *aliquid necessarium est hominem*
esse animal, et sic de reliquis. Qui vero se
 fatigant in regulis assignandis, quibus recte
 converti possunt dicta, næ illi operæ suæ pre-
 mium non faciunt.

13. Tandem notandum est, fundamen-
 tum & rationem omnium conversionum esse,
 quod omnis diversitas & identitas *mutua* sit.
 Unde in affirmante, cum attributum aliquo
 modo idem sit cum subiecto, necesse est sub-
 iectum eatenus cum illo etiam idem esse. Et
 cum in negante, attributum diversum sit a
 subiecto, necesse est subiectum etiam di-
 versum esse ab attributo.

C A P. XXIV.

De Definitione & Divisione.

1. **D**UO supersunt propositionum genera, quorum in scientiis permag-
nus est usus, *Definitio* scilicet & *Divisio* :
ex quibus hæc ad locum propositionis dis-
junctivæ spectat; illa ad locum propositionis
necessariæ, præsertim illam cujus attribu-
tum, *καθόλου πρῶτον*, *universaliter primum* di-
citur. Estque definitio *propositio explicans*,
divisio *distribuens*. Omnis quidem propo-
sitiō vera, præter identicam, subjectum ali-
quo modo explicat, verum definitio magis
quam ulla alia : ita scilicet, ut rem ab omni-
bus aliis distinguit. Unde & definitio dici-
tur a definiendo, et græcis *ὁρος* terminus,
quia fines quasi, et limites rei ponit, quibus
ab aliis omnibus discernatur.

2. Definitio alia est *Nominis*, alia *rei*.
Definitio nominis est, quæ explicat quid no-
men, aut vox significet adhibitis aliis voci-
bus notioribus, sed ejusdem significationis.
Explicatur autem nomen ostendendo, vel
quid ex primo usu significet, ut cum dicimus
philosophiam esse *φιλοσώφιας τῆς τοῦ ἀγαθοῦ*, *amorem*
seu

seu *studium sapientia* ; *διδασκαλία* esse me-
 rum deorum : vel, ad quodnam significan-
 dum transferatur, seu extendatur : ut cum
 addimus priori declarationi harum duarum
 vocum, philosophiam significare *sapientiam*
 ipsam ; *διδασκαλία* *superstitionem*, seu ti-
 morem, aut cultum deorum fictitiorum.

3. Definitio rei est, quæ explicat quid sit
 res per nomen significata. Estque vel *pri-
 maria*, et *accurata*, quæ definitio *stricte* ;
 vel *secundaria*, et minus accurata, quæ *de-
 scriptio* dicitur. Definitio primaria, et ac-
 curata, est applicatio rei per attributa essen-
 tialia propria ; nempe, per genus proxi-
 mum, et differentias essentielles, unam vel
 plures. Ut cum philosophia dicitur esse *cog-
 nitio rerum ex lumine naturali* : Deus esse *ens
 perfectissimum*, vel *spiritus infinitus indepen-
 dens*. Nonnunquam instituitur per partes
 essentielles physicas ; ut, cum homo defini-
 tur, *substantia composita ex corpore & mente*.

4. Descriptio est explicatio rei per alias
 rationes. Ut primo per accidentia propria ;
 ex : g. Si Alexandrum magnum describas
*Philippi Macedonis filium, regni Persici ever-
 sorem, tertiæ monarchiæ primum & maximum
 principem*. Secundo, per causas, materi-
 am, efficientem, et finem, Ut cum eclipsi
 lunaris describitur, *defectus luminis in luna
 ob interpositionem terræ inter eam & corpus so-
 lis* ; et horologium, *machina ferrea, aut æ-
 nea*,

nea, variis rotis constans, quarum motus regularis idoneus est ad horas indicandas.

5. Canones definitionis, præsertim accuratæ, et perfectæ, si modo ulla quæ a nobis fit, perfecta dici potest, sunt præcipue quatuor. Can : 1. *Definitio debet esse clara, seu perspicua* : Secus enim rem non explicabit. Hinc tradi debet vocibus usitatis, et omni ambiguitate liberis ; aut quarum ambiguitas, si qua fuerit, per distinctionem tollitur. Item per attributa notiora re definienda, quatenus tali nomine subest : hoc est, quæ vel per se nota sunt ; ut cum ens definitur, *cui non repugnat existere* : vel quæ per priorem aliquam definitionem explicantur, ut cum parallelogrammum definitur, *planum quatuor lineis comprehensum, ex quibus binæ oppositæ ubique æquidistantes sunt*, per se notum est ei qui linguam latinam callet, quid quatuor lineæ, quid lineæ oppositæ, et æquidistantes significant. *Planum* autem per definitionem superiorem explicatur, adeoque supponitur per eam notum. Quod si in definitione aliquid ponere cogamur, quod nec per se, nec per ullam definitionem præcedentem manifestum est, illud statim est explicandum. Ut cum definitur homo, *animal ratione præditum*, ex superiori doctrina animalis, (si modo totam doctrinam animalium aut viventium methodice tradendam suscepimus,) intelligitur quid *animal*. Quia autem nondum

non dum satis constat, quid sit *ratio*, qua hominem præditum esse dicimus, statim dicemus, rationem esse *facultatem illam per quam percipimus res quæ in sensus non incur-
runt, et colligimus unam veritatem ex alia.* Et tam diu procedendum est in terminorum explicatione, dum ad attributa satis nota perveniamus.

6. Hinc, definire per attributa, quæ æque obscura sunt ac ipsum definitum, non est vere definire, sed nugari. Ut cum quidam definiunt actionem, *per quam dicimur agere*; aut *per quam effectus procedit ab agente*; aut cum qualitas definitur, *per quam subiectum quale denominatur.* Æque enim obscurum est quid sit *agere*, & *agens*, quam tale, quam quid sit *actio*; et quid sit subiectum esse *quale*, aut *tale*, quam quid sit *qualitas*. Idem vitium committitur, cum definitio *circularis* est: hoc est, cum unum per aliud, et hoc rursus per illud explicatur. Ut si actio definiatur, *per quam effectus procedit ab agente*, et effectus rursus, *qui per actionem efficientis producitur.* Sic enim actio per effectum, et effectus per actionem explicatur, adeoque idem per seipsum.

7. Can: 2. *Definitio debet esse universalis*, hoc est convenire debet omnibus quæ in extensione rei definiendæ continentur. Secus enim non totam rem, sed partem illius duntaxat explicabit. Unde habitus non recte

te definitur, *dispositio mentis ad facile & expedite agendum crebris actibus acquisita*. Sunt enim habitus quidam, qui nullo actu ejus cui insunt, prævio, acquiruntur, sed divinitus infunduntur. Ut igitur hæc definitio universalis sit, dicendum est, *habitum esse dispositionem facile & expedite agendi, adventitiam*.

8. Can. 3. *Debet totam rei essentiam unicunque comprehendere*. Nec enim aliter perfectam, et ad æquatam rei ideam exhibebit. Et offendetur mens audientis, si partem aliquam essentiae omissam deprehendat. Male igitur definitur *tempus*, (ut reliqua nunc prætereamus,) *mensura motus*, quia *mensurare quietem* ad essentiam temporis æque pertinet, ac *mensurare motum*. Non tamen necesse est omnia attributa rei expresse commemorare; sed sufficit quædam exprimere, in quibus reliqua omnia continentur. Supervacaneum enim foret, ea expresse ponere, quæ in illis quæ necessario assumenda sunt, continentur. Ut cum *hominem* definimus, non necesse est dicere hominem esse *ens*, *substantiam*, *corpoream*, *viventem*, *sensu & ratione præditum* quia *vivens* continetur in *sensu & ratione præditum*: *substantia corporea* in *vivente* & *ens* in *substantia*. Sufficit igitur dicere, hominem esse *animal ratione præditum*. In *animali* enim, omnia reliqua attributa hominis communia continentur.

9. Can : 4. *Definitio debet esse propria*, hoc est, soli rei definitæ, et nulli alii convenire. Aliter enim non erit definitio rei definiendæ, sed alicujus aliûs. Male igitur definiretur *spiritus*, *substantia sensu imperceptibilis* : quia multæ sunt partes materiæ adeo exiles, ut nullo sensu percipi possint. Hinc si canonem secundum huic adjicias, sequetur *definitionem debere esse reciprocam* : hoc est soli definito convenire, et omnibus quæ in extensione illius continentur. Et hæc de definitione in præsentī sufficiant.

10. *Divisio* similiter, alia *vocis* est, quæ *distinctio* vulgo nuncupatur ; scilicet cum variae illius significationes enumerantur. *Distinctio* autem opus est, si vox sit ambigua, seu homonyma ; ut *jus* nunc denotat id quod sorbetur, nunc id quod in judiciis dicitur. Vel si aliquando proprie, aliquando tropice significet : ut *caput* proprie significat eam partem animalis, quæ sensuum sedes est ; tropice vero quandoque supremam partem cuiusvis rei ; quandoque gubernatorem ; &c. Denique si nunc latius, nunc strictius accipiat : ut *ars* quandoque significat quamlibet disciplinam : quandoque illam solam quæ practica est, et versatur circa ea, quæ per se, nec sunt bona moraliter, nec mala.

11. Alia est *divisio rei*, nempe, *totius*, in omnia quæ continet, *partitio*. Estque vel tertius essentialis, (ut vocatur,) in partes essentielles

tiales physicas; ut cum *homo* dividitur in corpus, mentem, et utriusque unionem; quæ cum definitione, per partes essentielles factâ coincidit; vel totius integralis; cum partes integrantes distincte enumerantur, ut de *corpore humano* fit in Anatomice. Vel totius universalis, quæ maxime proprie divisio est, nempe, cum genus aut species dividitur in sua inferiora: aut *animal* in hominem & bestiam, *homo* in doctum & indoctum, probum & improbum. Ad divisionem etiam totius essentialis pertinet distinctio attributorum essentialium, quæ *precisio* seu *abstractio* dici solet, de qua supra: ut si dicas spiritus attributa communia esse *ens* & *substantiam*; propria esse *virtutem percipiendi*, *appetendi*, et *sele movendi*.

12. Sunt & alia divisionum genera, quæ distinctionis gratia *distributiones* vocantur. Ut cum causa efficiens distribuitur per varios effectus; *ex: g. Planta* in exiccantem & humectantem. Aut effectus per varias causas efficientes, a quibus oritur; ut cum *motus* dividitur in eum qui est a principio intrinseco ipsius rei quæ movetur, et in eum qui est ab extra. Vel subiectum per varia adjuncta, ut *homines* in eruditos, et rudes, divites, et pauperes, &c. Vel denique cum adjunctum distribuitur per varia subiecta, quibus inesse solet; ut *bona* in ea quæ sunt animi, et in ea quæ sunt corporis.

13. Canones Divisionis præcipui sunt qui sequuntur. Can: 1. *Divisio debet esse intera*, seu *adequata* termino dividendo; hoc est, debet omnia illius membra exprimere. Ratio patet, quia secus si fiat, non dividitur tota res, sed tantum aliqua illius pars: ut si homines distribuas in sanos, et ægros. Dantur enim duo alia membra, nempe illi qui ad morbum inclinant, et qui ad sanitatem e morbo aliquo vergunt. Non tamen omnia membra, seu partes, expresse, et particulatim, exprimere necesse est: sed sufficit pauca enumerare, quæ illa omnia complectuntur. Sic *par*, et *impar*, recte numerum dividunt, quia omnis numerus est *par*, vel *impar*.

14. Can: 2. *Membra debent esse immediate opposita*. *Opposita* dico vel contradictorie; ut cum objectum mentis nostræ dividitur in *ens* & *non-ens*; vel privative; ut si divides *oculum* in videntem & cæcum; vel contrarie; ut cum dividitur *marmor* in album & nigrum; vel ad minimum disparate, nec major oppositio necessaria est. Hinc alterum membrum in altero non debet ita includi, ut de eo possit affirmari. Potest tamen alio modo in eo includi, nempe, ut pars in toto. Sic recte dividitur *extensio* in longitudinem, latitudinem, et profunditatem; licet latitudo longitudinem, et profunditas utramque includat; quia nulla ex

iis de altera potest affirmari. Sed male dividitur *vivens* in animal, et hominem; quia *animal* est attributum hominis, et *homo* animali non opponitur, sed subordinatur. Subordinata autem non pugnant. Immediate autem opposita esse debent in latitudine rei dividendæ, (ut rationale & irrationale in latitudine animalis;) quia aliter divisio non erit adæquata, hoc est, non exhauriet totum dividendum, contra canonem priorem. Ut si dividas *actiones* humanas in bonas, et malas; datur enim tertium, nempe actio indifferens, quæ nec moraliter bona est, nec mala.

15. Can. 3. *Si membra plura sint, quam quæ unica divisione commode sumi possint, primo sumenda sunt illa, quæ immediate toti conveniunt, & hæc denuo subdividenda.* Incommodum autem erit omnia membra unica divisione comprehendere, si plura sint, quam ut mens ad ea simul attendere, aut memoria facile tenere possit: ut si in decem, aut viginti membra, aliquid dividas. Nec tamen, cum Ramistis, curiose sectanda est *Dichotomia*, seu bibembris partitio: sed brevitatis causa, et ne memoria nimia divisione gravetur, dividere licet per tria aut quatuor membra aut etiam plura. Sic satis recte dividitur *magnitudo* in lineam, superficiem, et corpus, nec opus est (ut a Ramo sit) primo eam dividere in lineam, et lineatum; et

tum rursus lineatum in superficiem, & corpus.

C A P. XXV.

De Syllogismo simplici & Enthymemate.

i. **S** Equitur *discursus*, seu *argumentatio*, quæ Græcis συλλόγισμος, *syllogismus* dicitur, de quo quintum præceptum generale est, ut *illius genera & modi exponantur*. Est autem discursus, seu argumentatio in genere, illa mentis operatio, in qua, ex pluribus propositionibus, quarum veritas, aut falsitas, jam manifesta est, aut esse videtur, inferimus aliam esse veram, aut falsam, quæ prius obscura erat, aut cogitationi nostræ non occurrebat. Brevius, est in qua unum iudicium ex aliis elicimus, aut unam propositionem ex aliis colligimus. Aristoteles definit, λόγον, ἐν ᾧ πλείων, ἴνων ἕτερον τῶν κατεμένων, ἐξ ἀναγκῆς συμβαίνει, τῷ ταύτῃ εἶναι. Id est, *rationem, in qua, quibusdam positis, diversum quid a positis, necessario sequitur, eo quod hæc sint*.

2. Syllogismus considerandus est, vel ratione *formæ*, vel ratione *materiæ*, hoc est rerum seu propositionum de quibus instituitur. Ratione formæ dividitur in *rectum*, et *vitiosum*: et uterque in *simplicem* & *compositum*. Syllogismus simplex est, cujus termini, qui expresse ponuntur, non possunt plures syllogismos conficere: compositus contra. Rursus, ex syllogismis simplicibus, alius est, qui ex omnibus propositionibus simplicibus, aut saltem complexis, (ut distinctionis gratia vocantur,) conflatur; alius qui ex una, aut pluribus compositis.

3. In omni Syllogismo simplici, tres sunt propositiones, nec plures, nec pauciores, quæ omnes, vel exprimuntur, vel una, aut etiam duæ subintelliguntur. Ex quibus illa quæ inferitur, seu concluditur, ante probationem quidem *questio*, et *quesitum*, postquam vero probatur, *conclusio*, et *illatio* dicitur: sed duæ quæ inferunt, et probant *præmissæ* vocantur, scilicet, quia, ordine cogitandi priores sunt conclusionem, licet ordine loquendi sæpe eam sequantur. Ut si dicas *multos officium propter res adversas deferere, quia Deo non fidunt*. Ubi conclusio, in ordine sermonis, ante probationem ponitur: et altera præmissarum suppressa est.

4. In syllogismo tribus propositionibus simplicibus constante, tres tantum sunt termini simplices: in eo vero qui compositis

aut complexis constat, possunt esse plures ; sed qui omnes ad tres reduci possint. In eo enim casu, plures termini simplices unius vice funguntur. Ex his duo vocantur *extrema*, tertius *medium*, seu *medius terminus* dicitur. Extrema sunt partes quæstionis concludendæ, seu conclusionis inferendæ : et attributum dicitur *majus extremum* ; subiectum *minus*. Medium vero est quod extrinsecus assumitur, ad identitatem vel diversitatem extremorum, (prout conclusio affirmans vel negans esse debet,) inter se, probandam. Ea enim est mentis nostræ indoles, ut, cum, propositione aliqua ipsi obversante, ambigit, an attributum subiecto conveniat necne, tertium aliquem terminum assumere soleat, qui clarius vel cum utroque connectitur, aut cum altero connectitur, alteri vero repugnat ; clarius (inquam) quam extrema inter se ; indeque iudicium facit de eo quod ante incognitum, aut intectum fuit, nempe de convenientia, aut repugnantia duorum inter se.

5. Unde medium, ut officio isthoc fungatur, cum utroque extremo conferendum est. Quemadmodum ad dubiam duarum quantitatum magnitudinem explorandam, mensuram aliquam notæ quantitatis utrique applicamus, per quam constare possit, sintne inter se æquales, an secus. Et ex collatione medii cum majori extremo, exurgit altera præmissarum, quæ *major propositio*, & *prima*

propositio dicitur. Ex ejusdem vero collatione cum minori extremo, nascitur altera, quæ *minor propositio*, *assumptio*, et *subsumptio* nuncupatur. Ex. g. Si quæstio sit, *an ulla voluptas sit bona* ; *bonum* est majus extremum, *voluptas* minus : ad eam igitur probandam affirmative, pro medio assumatur tertius terminus, nempe, *id quod naturæ congruum est*. Hoc autem primo conferatur, seu conjungatur cum majori extremo ; et habes majorem propositionem, scilicet, *quicquid est naturæ congruum est bonum* : deinde cum minori, et habes minorem propositionem ; nempe *quædam voluptas est naturæ congrua* : et his positis, constat veritas conclusionis, & inferre licet, *quædam igitur voluptas est bona*.

6. In mente ratiocinante igitur, semper sunt tres propositiones : sed in oratione, ut supra innuimus, una, aut etiam duæ earum, subticentur, tanquam quæ facile ab auditore suppleri possint. Qua loquendi formula aliquid illius ingenio deferimus, qui malit quædam sibi subintelligenda relinqui, quam singula exprimi : quin & sic oratio longe venustior est, et efficacior ; utpote, quæ, cum obscura non sit, verbis contracta, sensu abundat. Quandoque supprimitur ipsa conclusio, sæpius vero altera præmissarum, præsertim major, quæ generalior plerumque est, et facilius suppletur. Et in casu posteriori, syllogismus *Enthymema* dicitur ; scilicet

b *in dupli-* hoc est, a cogitando ; quia in
 o, altera præmissarum in mente latet. Et
 ejusmodi argumentandi formulæ adeo fre-
 quentes sunt, ut rarius in sermone commu-
 ni, alias quæ ambas præmissarum exprimant,
 reperias. Ut, *servare potui ; perdere an-*
*possim*rogas. *Mortalis cum sis, ne geras odi-*
*um*immortale. Hoc est, *potui servare ; Er-*
*go*possim perdere : *Mortalis es ; Ergo*ne ge-
*ras*odiumimmortale.

7. In enthymemate, cum duabus propo-
 sitionibus constat, altera quæ infert et pro-
 bat, *antecedens*, altera, quæ infertur & con-
 cluditur, *consequens* dicitur. Et ambæ sæpi-
 us in unam coeunt, quam Aristoteles senten-
 tiam *enthymematicam* appellat. Et plerum-
 que propositio causalis aut hypothetica est ;
 ut *ex ignorantia causarum nascitur admira-*
tio ; id est, homines causas rerum sæpe igno-
 rant, et idcirco mirantur. *Si justitia est*
per legem, Christus frustra mortuus est : quod
 idem est, ac si dictum fuisset, *Christus non*
est frustra mortuus, ergo justitia non est ex lege.
 Et si minus extremum sit in antecedente, sup-
 pressa est major : si majus, suppressa est
 minor. Ut in hoc, *mortalis es, ergo*ne ge-
*ras*odiumimmortale, suppressa est major,
 nempe, hæc, *nullus mortalis odium gerere*
*debet*immortale. Tu enim, quod minus ex-
 tremum est, in antecedente intelligitur. At
 in hoc, *qui potest servare, potest etiam per-*
 N 4 dere ;

dere ; ergo *Deus potest quemlibet e malis perdere*, supprimitur minor, nempe, *Deus potest servare*. Nam majus extremum, scilicet, *potest perdere*, est in antecedente. Quod si neutrum extremorum in antecedente compareat, suppressa quidem est major, sed hypothetica : ut in hoc, *Deus est ; ergo bene erit cum bonis*, suppressa est major hypothetica, si *Deus est*, bene erit cum bonis.

C A P. XXVI.

De figuris & modis syllogismorum, propositionibus simplicibus, aut complexis constantium.

I. **Q**Uamvis in sermone communi, raro aut nunquam occurrant integri syllogismi, hoc est, in quibus utraque præmissarum & conclusio, disertis verbis exprimuntur ; in disputationibus tamen præsertim illis, in quibus de rebus difficilibus tractatur, aut cum nobis res est cum adversario præfacto, qui ingenue agere nolit, aut cum illis, qui stupidi vel infirmo ingenio

sunt

sunt, et vim rationum nostrarum, concisiori forma propositarum, haud percipiunt, ut ordinatius, et minori cum errandi periculo procedamus, aliosque facilius convictos teneamus, integra forma observanda est.

2. Consistit autem forma syllogismi in *figura*, et modo. Figura est dispositio medii cum extremis: quandoque enim illis subjicitur quandoque de illis prædicatur. Modus est trium propositionum, secundum quantitatem, et qualitatem, determinatio. Quantitas est universalitas, et particularitas; qualitas vero est affirmatio & negatio.

3. Syllogismorum propositionibus simplicibus aut complexis constantium, aut ex illis quæ compositæ vocantur, sed eundem sensum cum simplicibus habent, et ad illas facile revocantur, quatuor possunt esse figure, pro varia dispositione, quam medium cum extremis obtinere poterit: licet tres tantum usurpari soleant, et necessariae sint. Vel enim medium majori extremo subjicitur, et de minori prædicatur, quæ prima figura est: vel de utroque prædicatur, quæ secunda; vel utrique subjicitur, quæ tertia: vel denique de majori extremo prædicatur, et minori subjicitur, quæ quarta; et figura Galeni vocatur, quia is eam vel primus observavit, vel ab aliis observatam propugnavit.

4. Modi distinguuntur in *universales*, et *singulares*,

singulares. Universales vocantur, in quibus utraque vel saltem altera præmissarum, est universalis. Singularis vero, in quibus utraque est singularis. In primis tribus figuris, modi universales recte concludentes, quatuor sunt in prima figura, quatuor in secunda, sex in tertia, qui memoriæ causa, et propter alios usus (de quibus postea) his vocibus designantur, et quatuor versiculis continentur.

Barbara, Celarent, Darii, Ferio dato primæ:
Cesare, Camestres, Festino, Baroco secundæ:
Tertia Darapti sibi vendicat, atque *Felapton*
 Adjungens *Lisamis, Datisi, Bocardo Ferison.*

5. In his vocibus, quatuor notandæ sunt vocales, quæ quantitatem, et qualitatem singularum propositionum indicant. A, igitur denotat propositionem universalem affirmantem : E, universalem negantem ; I, particularem affirmantem : O, particularem negantem ; ut in disticho vulgari,

Afferit A, negat E, verum generaliter ambo
 Afferit I, negat O, sed particulariter ambo.

Exempla Modorum Primæ Figura.

Par- *Quisquis fame perire sinit, quos tenentur*

tur pascere, homicida est.

Omnes divites, qui eleemosynas non erogant, publica fame grassante, perire sinunt eos quos tenentur pascere.

Omnes igitur divites istiusmodi sunt homicida.

Nullus fur impenitens salvari potest :

Omnes qui moriuntur, aucta re e bonis alienis, quæ noluerunt restituere, sunt fures impenitentes :

Nullus igitur eorum salvari potest.

Quicquid prodest ad salutem, bonum est.

Quidam dolor prodest ad salutem.

Quidam igitur dolor est bonus

Id, cujus postea oportet nos penitere, non est amplectendum :

Sunt quædam voluptates, quarum oportet postea nos penitere :

Quædam igitur voluptates non sunt amplectendæ.

Exempla Modorum Secundæ Figuræ.

Nullus mendax est fide dignus :

Omnis pius est fide dignus :

Nullus igitur pius est mendax.

Quicumque sunt Christi, crucifigunt carnem suam :

Qui vitam agunt mollem, et voluptuariam,

tuariam, non crucifigunt carnem
am.

- tres. Nullus igitur, iētiusmodi est Christi
Fes- Nulla virtus est contraria amor i
tatis.
ti- Quidam amor pacis est contrarius
mori veritatis :
no. Quidam igitur amor pacis non est vir
tus
Ba- Omnis virtus prudentiam comitem ha
bet ;
ro- Quidam Zelus prudentiam comitem
non habet ;
co. Quidam igitur Zelus non est virtus.

Exempla Modorum Tertiae Figura.

- Da- Immensitas Dei est incomprehensibilis
rap. Immensitas Dei est certissima :
ti. Quoddam igitur, quod certissimum
est, incomprehensibile est.
Fe- Nullus potest seipsum deserere :
lap- Quidam est sui ipsius hostis : (nempe
omnis improbus)
ton. Sunt igitur hostes qui deserere non possunt.
Di- Quidam impii divitiis affluunt :
fa- Omnes impii sunt miseri :
mis- Quidam igitur qui miseri sunt, divitiis affluunt.

Omnes Dei amici sunt reges :

Quidam amici Dei sunt pauperes ;

Quidam igitur pauperes sunt reges.

Non omnis ira reprehendi debet :

Omnis ira est passio :

Non igitur, omnis passio reprehendi debet.

Nulla ineptia sunt elegantes :

Quaedam ineptiae sunt figuratae :

Ergo, non omnia figurata sunt elegancia.

6. Modi quartæ figuræ minime necessarii
 nt : omnes enim quæstiones satis commo-
 , in aliqua ex tribus prioribus, concludi
 ssunt. Dispositio etiam terminorum in
 sis sæpe coacta, et parum naturalis est,
 ec genio mentis nostræ accidet : conse-
 quentia denique conclusionis ex præmissis
 inus clara. Interim tamen, ut perfectam
 nium ratiocinationum humanarum ratio-
 nem reddamus, exempla eorum reliquis
 objiciemus. Quinque sunt modi universa-
 les recte concludentes in quarta figura, qui
 s vocibus, memoriæ causa exprimi pos-
 unt, Barbari, Calentes, Dibatis, Fespamo,
 resifom. Exempla sequuntur.

Omnia miracula naturæ sunt ordinaria :

Quæ ordinaria sunt, sine admiratione spectantur :

- ri. *Quædam igitur sine admiratione spectantur, quæ tamen sunt miracula naturæ.*
- Ca- *Omnia mala hujus vitæ, brevi transi-*
tura sunt :
- len- *Quæ brevi transitura sunt, non sunt*
maxime timenda.
- tes. *Nullum igitur e malis maxime timen-*
dis, est malum hujus vitæ.
- Di- *Aliquis stultus bona suadet :*
ba- *Omnis qui bonum suadet, eatenus dig-*
nus est, quem sequamur.
- tis. *Aliquis igitur, aliquatenus dignus est*
quem sequamur qui tamen est stultus.
- Fes- *Quod Deum autorem habet, non est pe-*
na dignum :
- pa- *Quicquid est pena dignum, est a volun-*
tate creaturæ rationalis.
- mo. *Quoddam igitur est a voluntate creatu-*
ræ rationalis, quod Deum non habet
autorem.
- Fre- *Nullus miser est æquanimus.*
fi- *Quidam æquanimus est pauper ;*
som. *Aliquis igitur pauper non est miser.*

C A P. XXVII.

Fundamenta & regulæ syllogismorum Simplicium.

1. **F**undamenta recte ratiocinandi generalia, sequentibus axiomatis continentur. Axioma 1. *Quicquid vere affirmatur de universali affirmari potest de omnibus quæ in extensione illius continentur : et quicquid vere negatur de universali, negatur etiam de omnibus quæ in extensione illius continentur.* Ut si de homine vere affirmetur quod morti obnoxius sit, id etiam de hoc & illo homine, in hoc mundo degenti, vere affirmatur. Et si homo, salvatore excepto, non natus est purus a labe peccati, neque hic aut ille, aut alius quispiam natus est purus. Ratio axiomatis est quia, universale, nihil aliud est re ipsa quam omnia hujus aut illius generis, singularia, in quantum conveniunt.

2. Priori hujus axiomatis parti, quæ dictum de omni vulgo vocatur, nituntur syllogismi universales affirmantes : posteriori quæ dictum de nullo dicitur, universales negantes. Excipe tamen ab axioma isthoc, attributa illa, quæ ipsam termini universalitatem,

tatem, five in communi, five in specie denotant. Non enim verum est, si animal sit universale, aut genus, vel species, etiam unumquodque ex animalibus, esse universale, genus, aut speciem; ut individua omnia animalium. Verum igitur est axioma de universali *specificative* sumpto, seu in *actū exercito*, non autem *reduplicative*, seu in *actū signato*. Excipe etiam attributa contingentia: non enim sequitur, homo est Grammaticus; ergo hic & ille homo Grammaticus est.

3. Axioma. 2. *Propositiones particulares & singulares in universalibus continentur, sed non vicissim: et in singularibus particulares, iisdem attributis constantes continentur, sed non vicissim*, ut in hac, *omnis homo in hoc mundo degens, est morti obnoxius*, continentur hæc, *hic homo & ille & reliqui sunt morti obnoxii*. Et in hac, *Plato de rebus divinis aliquando recte disseruit*, continetur hæc, *aliquis Ethnicus de rebus divinis aliquando recte disseruit*. Prior pars de propositionibus particularibus in universali contentis, nititur axiomate priori, ejusque ratione, ut attendenti patebit: posterior ex eo apparet, quod totum non continetur in una aliqua parte, sed contra. Propositio autem universalis, ad particulares eisdem terminis constantes, totum quoddam est. De propositionibus vero particularibus in singularibus contentis

entis, ratio prioris partis est, quod singulare potest indeterminate concipi; ut Plato sub ratione alicujus ethnici, philosophi, &c. posterioris vero, quod particulare non necessario sit hoc aut illud singulare determinate, sed hoc vel illud indeterminate.

4. Axioma. 3. *De quocunque dicitur res aliqua, de eo etiam dicuntur omnia attributa quæ in idea illius continentur: sive, idea affirmatur secundum totam comprehensionem.* Ut si animal vere dicitur de homine, de eo etiam dicuntur *vivens, sensitivum, mortale, corporeum, substantia, ens*, et si quæ alia sunt animalis attributa essentialia, aut necessaria. Ratio est, quia attributa essentialia rei, non distinguuntur a re, nisi vel ratione, vel inadæquate, adeoque secundum id quod directe significant, cum illa idem sunt.

5. Axioma. 4. *De quocunque negatur res aliqua, de eo etiam negantur omnia rei istius attributa propria; non autem omnia simpliciter.* Ut si de simia recte negetur *esse hominem*, de ea etiam negantur *esse ratione et libertate agendi præditam, esse sub lege, esse capacem beatitudinis, aut miseriæ*, et quæcunque alia sunt homini propria. Ratio est, quia attributa propria rei, nulli alii convenire possunt. Adeoque si res negetur, illa etiam per consequens negantur. Non tamen negantur communia: quia sublata aliqua re cui conveniunt, non tollitur omnis res quibus

bus convenire possint, adeoque nec ipsa tolluntur.

6. Axioma. 5. *Attributum in propositione affirmante, non extenditur ultra extensionem subjecti* : adeoque semper sumitur particulariter ; sed in negante in tota extensione sumitur : ut supra ostendimus, cap. 23. 6.

7. Axioma. 6. *Medium, in eodem syllogismo, non potest esse, nisi unicum.* Si enim duplex sit, non potest mensurare, seu declarare identitatem, aut diversitatem extremorum. Sicut per duas quantitates inæquales, non possumus definire, sintne duæ aliæ æquales, an inæquales.

8. Axioma. 7. *Quæ sunt eadem uni tertio singulari, sunt eadem inter se* : et quorum unum idem est cum aliquo tertio, aliud cum eodem non est idem ; illa sunt diversa a se invicem. Huic axiomati innituntur syllogismi singulares, et priori quidem parti, affirmantes ; posteriori, negantes. Horum enim duo tantum sunt modi ; alter in quo conclusio affirmans est ; alter in quo est negans. Formari quidem possunt in singulis figuris. Sed quia in illis medium semper est singulare, singularia autem aptius subjiciuntur quam prædicantur, idcirco rectius fiunt in tertia figura quam in reliquis. In ea enim medium subjicitur.

Exem-

Exempla syllogismorum singularium
In prima Figura.

O' λόγος est verus Deus :

Salvator mundi est ὁ λόγος :

Ergo, Salvator mundi est verus Deus.

Messias non est natus in urbe Nazareth :

Jesus Christus est Messias :

Ergo, Jesus Christus non est natus in urbe Nazareth.

Exemplum in secunda Figura.

Judas Iscariota prodidit Christum :

*Judas qui scripsit unam ex epistolis apostolicis,
non prodidit Christum :*

*Ergo Judas qui scripsit illam epistolam, non fuit
Judas Iscariota.*

Exempla in tertia Figura.

David fuit vere pius :

David in gravia peccata incidit :

Ergo, qui vere pii sunt in gravia peccata incidere possunt.

Judas proditor non fuit regeneritus sed hypocrita :

*Judas proditor fuit Apostolus & vocatus est a
Christo ad evangelium predicandum :*

*Ergo, homines irregeneriti & hypocritae, vocari
possunt a Christo ad evangelium predicandum.*

9. Syllogismorum recte concludentium regula, vel sunt *communes* omnibus figuris, vel singulis *peculiares*. Communes sunt precipue quæ sequuntur. Regula 1. *In syllogismo universalis, medius terminus semel saltem universaliter sumi debet.* Si enim bis sumatur particulariter, possunt esse duo media, contra *Ax* : 6. Nam idem terminus nota particularitatis bis affectus, potest significare partes totius adæquate diversas : ut cum dicimus, *aliquis homo currit ; aliquis homo non currit.*

10. Reg. 2. *Termini conclusionis, seu duo extrema, non debent universalius sumi in ipsa conclusione, quam sumuntur in præmissis.* Ratio est, quia per axioma 2. A particulari ad universale, seu ab una parte ad totum, non valet consequentia.

11. Reg. 3. *Ex duabus propositionibus negantibus nihil concluditur.* Illæ enim medium ab utroque extremo separant. Ex eo autem quod duo separentur ab eodem tertio, nec sequitur ea esse unita, nec separata.

12. Reg. 4. *Conclusio negativa probari nequit per duas præmissas affirmativas.* Quia ex eo, quod duo uniantur cum aliquo tertio, non sequitur ea non esse unita inter se, sed contra.

13. Reg. 5. *Conclusio sequitur partem debiliorem præmissarum.* Debilior autem est negans, quæ tantum dicit rem non esse, quam

quam affirmans; quæ dicit esse. Et debior est particularis, quæ partem unicam dicit, quam universalis quæ totum. Quocirca si altera præmissarum sit negans, conclusio est negans: et si altera præmissarum sit particularis, conclusio erit particularis. Ratio prioris partis est, quia, cum extrema in conclusione uniantur inter se, vi unionis eorundem cum medio, si alterum eorum se iungatur a medio in præmissis, non possunt vi illius in conclusione uniri inter se. Posterioris vero, quia, si pars tantum alterius extremi, cum medio uniatur, aut ab eo separetur in præmissis, non potest, vi illius, concludi extrema secundum se tota, esse unita, aut separata.

14. Reg. 6. *Ex duabus particularibus, nihil concluditur.* Ratio est, quia termini particulares sunt incertæ significationis. Adeoque non necessario idem significant in utraque præmissarum: ut si quis argueret *aliquem hominem non esse doctum*, et *aliquem hominem esse philosophum*, adeoque *aliquem philosophum non esse doctum*; manifestum est *aliquem hominem pro uno in majori, pro alio in minori accipi.*

15. Reg. 7. *In syllogismo simplicibus terminis, aut etiam complexis constante, non possunt esse plures termini totales adequate diversi, quam tres.* Unum enim medium non potest connectere aut disjungere immediate

plura quam duo extrema. Sæpe tamen
trestantum videntur esse termini, cum re-
vera sunt plures : scilicet cum aliquis termi-
nus aliter in majori sumitur, quam in mino-
ri. Et in illo casu committitur sophisma
homonymiæ, aut *amphiboliæ*, ut,

Omnis canis est animal latrabile :
quoddam signum celeste est canis :
quoddam igitur signum celeste est animal
latrabile.

Ubi vox *canis*, in majori, *animal* significat,
in minori *constellationem*. Similiter hic

Qui laterem lavat, operam perdit :
qui plateam Amstelodamensem lavat,
laterem lavat :

Ergo, qui plateam illam lavat, operam
perdit.

Conclusio est falsa : quia multi plateam il-
lam lavando, vitam alunt. Sed *laterem la-
vare* est phrasis ambigua. In majori enim
metaphorice significat *laborem frustra impen-
dere*. In minori proprie ; quia platea am-
stelodamensis lateritia est. Item in hoc,

Quod ego sum tu non es :
at ego sum homo :
Ergo tu non es homo.

Ubi unum individuum in majori intelligitur,
aliud in minori. At in hoc,

*Homo est species, et affirmari potest de
omnibus hominibus :*

Petrus est homo :

*Ergo Petrus est species & affirmari potest
de omnibus hominibus.*

Homo in majori indefinite, et abstracte con-
sideratur ; in minori definite, et concrete,
prout reperitur in Petro. Ad ejusmodi au-
tem sophismata solvenda, variæ acceptiones
terminorum tenendæ sunt, quas supra tradi-
dimus Cap. 17.

16. Admittit tamen syllogismus terminos
complexos qui plures simplices continent,
unum tamen totale constituunt : ut *omnis ho-*
mo doctus didicit : Aristoteles fuit homo doctus :
Ergo didicit. Ubi quatuor sunt termini,
homo, doctus, is qui didicit & Aristoteles.
Sed *homo & doctus* unum terminum constitu-
unt : *doctus* enim est modificatio termini *ho-*
mo. Admittit etiam quatuor terminos, quo-
rum duo sunt tantum inadæquate diversi, id
est, quorum unus est pars alterius : ut cum
unus e tribus terminis in altera præmissarum
universaliter accipitur, in altera particulari-
ter. Ut nullus homo est immortalis : reges
sunt homines : Ergo non sunt immortales.
In minori enim *homines* significat quosdam

tantum homines, unde quatuor sunt termini, nempe, *nullus homo, immortalis, reges, et quidam homines*, sed *quidam homines* continentur in termino universalis, *nullus homo* (qui idem denotat ac *omnis homo non*), ut pars in toto.

17. Præterea, in syllogismo ex propositionibus compositis, possunt esse termini multi plures quam quatuor, puta ubi altera, vel utraque præmissarum est copulativa, disjunctiva, conditionalis &c. Sed in illo casu, vel plures termini in unum coeunt, ut in propositione copulativa :

ex : g. *Scripta Mosis, Prophetarum & Apostolorum sunt divinitus inspirata :*
Tota Scriptura sacra sunt scripta Mosis, Prophetarum & Apostolorum :
Tota igitur Scriptura sacra est divinitus inspirata.

Ubi hi tres termini, *scripta Mosis, Prophetarum & Apostolorum*, unum subiectum totale constituunt. Vel unum tantum e pluribus statuitur ; ut in propositione disjunctiva :
 Ex : g.

Aut dies est aut nox, aut crepusculum matutinum, vel vespertinum.

At nec nox, nec crepusculum est :
Ergo est dies.

Ubi

Ubi e qurtuor terminis in majori, unus tantum indeterminate affirmatur. In minori vero, *nec nox, nec crepusculum*, sunt unus terminus totalis : æquivalet enim huic, *et nox & crepusculum non est*.

18. In propositione vero conditionali, connexio, non terminorum simplicium, sed propositionum respicitur ; Unde non mirum est, si plures termini, etiam totales, et principales, quam duo, in ea reperiantur. Sed ubi syllogismus ex ejusmodi propositionibus constat, integræ propositiones simplices habent rationem terminorum : illæ autem in syllogismo simplici non sunt plures quam tres : ut in hoc syllogismo,

Si justitia est ex lege, Christus frustra mortuus est :

At Christus non est frustra mortuus.
Ergo,

Major enim habet hunc sensum, *justitiam esse ex lege infert Christum esse frustra mortuum*, ubi duo tantum sunt termini totales. Minor autem idem valet ac *Christum esse frustra mortuum est falsum*. Unde conclusio est, *justitiam esse ex lege est falsum*. Jam vero in minori & conclusione, unus tantum est terminus, diversus a duobus prioribus qui majorem constituunt. Quocirca in syllogismo, si sensum spectemus, tres tantum sunt termini

mini totales. Idem apparebit in syllogismis illis, qui omnes propositiones conditionales habent.

19. Reg. 8. *Ex falsis præmissis sequi potest vera conclusio*, non quidem vi materiæ, sed vi formæ syllogisticæ, sed *ex veris præmissis recte dispositis*, id est secundum regulas præcedentes, *nihil sequi potest nisi verum*, juxta versiculum,

Ex falsis verum, ex veris nil nisi verum.

Ut in hoc, *omnis lapis est animal : omnis homo est lapis ; omnis igitur homo est animal*. Sequitur tamen verum ex falsis, ex hypothese tantum quod essent veræ ; ut ex reductione ejusmodi syllogismorum ad propositiones hypotheticas manifestum est. Reducatur enim hic ad ejusmodi propositionem, *Si omnis lapis est animal, et omnis homo est lapis, etiam omnis homo est animal* ; consequens non sequitur, nisi ex hypothese quod antecedens verum sit.

C A P. XXVIII.

Regule syllogismorum singulis figuris propriæ : omniumque regularum ad unam reductio. Collatio figurarum de conclusionibus multiplicandis.

i. **S**unt etiam regulæ singulis aut quibusdam tantum figuris propriæ ; hæ, scilicet quæ sequuntur, Reg. 1. *In prima & secunda figura, major propositio est semper universalis.* Unde hi non concludunt, *Quidam homo est doctus ; omnis infans est homo ; Ergo, quidam infans est doctus. Quidam homo non est justus : omnis pius est justus : Ergo quidam pius non est homo.* Ratio quoad primam figuram est, quia si major sit particularis, medius terminus utrobique sumeretur particulariter, contra primam regulam generalem : quoad secundam vero, quia majus extremum latius sumeretur in conclusione, quam in majori propositione contra Reg : 2.

2. Reg. 2. *In prima & tertia figura, minor*

nor semper est affirmans. Si enim posset esse negans, ut in his *omnis homo est animal; nulla simia est homo; Ergo, nulla simia est animal; Omnis homo potest errare, quidam homo non est rex, Ergo quidam rex non potest errare;* sequeretur majus extremum posset latius sumi in conclusione, quam sumitur in præmissis, contra regulam secundam generalem.

3. Reg. 3. *In secunda figura, altera præmissarum est negans:* Adeoque ex utraque præmissarum affirmante, nihil in ea concludi potest, ut, *omnis homo est animal: omnis simia est animal; ergo, omnis simia est homo.* Ratio est, quia sic per axioma 5, medium bis particulariter accipitur, contra regulam gen. 1.

4. Reg. 4. *In tertia figura, licet utraque præmissarum subinde universalis sit, conclusio tamen semper est particularis.* Si enim universalis esse posset, ut in hoc, *Omnis virtus homini lapso difficilis est, omnis virtus est expetibilis; omne igitur expetibile homini lapso difficile est,* minus extremum latius sumeretur in conclusione, quam in minori propositione, contra regulam 2 generalem. Minor enim semper affirmans est, per regulam secundam specialem; adeoque attributum in ea particulariter sumitur per axioma 5.

5. Regulæ speciales quartæ figuræ sunt tres. Reg. 1. *Quando major est affirmativa,*

minor

minor semper erit universalis. In majori enim affirmativa, medius terminus sumitur particulariter, cum in ea prædicetur. Ne igitur bis accipiatur particulariter, (contra reg : 1. gen :) oportet eum universaliter sumi in minori, quam universalem reddet, cum in illa subjiciatur.

6. Reg : 2. *Quando minor affirmativa est, conclusio erit particularis.* Minus enim extremum prædicatur in minore, ac proinde quando ipsa affirmans est, particulariter accipitur, per axioma 5 : Ergo particulariter etiam accipietur in conclusione. Et idcirco etiam conclusio, in qua minus extremum subjicitur, erit particularis.

7. Reg : 3. *In modis negativis, major est universalis.* Cum enim conclusio sit negans, majus extremum in illa sumetur universaliter, per axioma 5. Ergo, per regulam secundam generalem, universaliter sumetur in majori propositione. At in illa majus extremum subjicitur ; Ergo, major erit universalis. Hæc regula communis etiam est secundæ figuræ.

8. Atque hæ sunt regulæ syllogismorum recte concludentium, tum generales, tum speciales : contra quas ubicunque peccatur, *paralogismus* committitur : et omnes a nupero quodam scriptore ad unam revocantur, ad quam procul dubio mens respicit saltem in actu exercito, cum de nulla ex his omnibus

bus cogitat. Est autem hæc ; *Debet altera præmissarum continere conclusionem, idque ab altera ostendi* Adeoque in omni syllogismo simplici altera præmissarum, si ad conclusionem referatur, *contineus* est, hoc est, eam continet : altera *applicativa*, quia hanc in illa contineri pronunciat. Continetur autem una propositio in alia, non tantum quando alter terminorum utrobique expresse continetur, et alter in alterius, vel comprehensione, vel extensione continetur ; ut in hac, *omne animal sentit*, continentur hæc, *homo sentit, bestia sentit, quoddam vivens sentit, quoddam corporeum sentit* ; sed etiam cum conclusio quocunque modo connectitur cum aliqua præmissarum, modo connexio sit necessaria.

9. **Major propositio** , quia sæpius universalis, sæpius etiam est propositio continens. Sed quando ipsa affirmans est, conclusio vero **negans**, minor pro continente habenda est. Magis enim consentaneum est, ut affirmans in affirmante, et negans in negante contineatur, quam negans in affirmante, aut affirmans in negante. Ut in hoc, *omnis beatus cupiditatibus vacat : nullus avarus cupiditatibus vacat ; nullus igitur avarus est beatus*. Minor conclusionem continet. *Vacare enim cupiditatibus* quod de avaro negatur, in idea *beati* continetur, ut in majori dicitur. Sed his casibus exceptis, perinde est,

est, five majorem continentem dicas, five minorem. Potest enim alterutra conclusio-
nem continere, et alterutra illud ostendere;
ut in hoc, *quisquis cupiditatibus servit, est miser*; *omnis improbus cupiditatibus servit*,
ergo *omnis improbus est miser*; major conti-
net conclusionem; quia *improbus & serviens cupiditatibus* necessario connectuntur, ut di-
cit minor. Quin & minor eam continet;
quia *miser & serviens cupiditatibus* necessario connectuntur, ut major pronunciat.

10. Hujus solius regulæ beneficio solvi
possunt pleraque sophismata, præsertim illa
quæ extra dictionem esse dicuntur; nempe,
quæ non oriuntur ex varia acceptione, aut
significatione verborum. Duo vel tria e
difficilioribus proferemus. Sit igitur pri-
mum, *Qui dicit te esse animal dicit verum*;
at qui dicit te esse asinum, dicit te esse animal:
Ergo, *qui dicit te esse asinum dicit verum*:
Sophisma est in forma peccans, quia con-
clusio in neutra ex præmissis continetur;
non in majori, quia asinus non continetur in
animali indefinite, aut particulariter sump-
to; hoc est, cum eo non habet necessari-
am connexionem: adeoque non sequitur,
hæc res est aliquod animal: ergo, *est asinus*.
Sumitur autem particulariter & indefinite
in majori, quia est attributum propositionis
affirmantis, nempe, *hujus, tu es animal*.
Nec continetur in minori; quia personatu,
non

non necessario connectitur cum *animali* indeterminate sumpto : sic autem sumitur animal in minori.

Secundum sophisma ; *Omnes homines qui sunt in hoc cubiculo, sunt in mundo : at dum tantum homines sunt in hoc cubiculo, (supponamus ita esse :) soli igitur duo sunt in mundo.* Ubi conclusio est exclusiva, et idcirco continet has duas propositiones, *duo sunt homines in munda*, quæ vera est, et, *nulli alii sunt in mundo*, quæ falsa. Minor etiam exclusiva est, et continet has duas propositiones, *duo homines sunt in hoc cubiculo*, et *nul- lus alius est in hoc cubiculo*. Conclusio igitur qua parte falsa est, infertur ex minori negante in prima figura, contra regulam 2 specialem trium primarum figurarum. Sed & per regulam præsentem, non sequitur ; quia in neutra præmissarum continetur. Non in majori, quia non existentia eorum quæ non sunt in hoc cubiculo, non continetur in illis qui sunt in hoc cubiculo : neque in minori ; quia mundus multo latior est quam hoc cubiculum. Vel sic. *Sunt in mundo* in majori, sumitur particulariter, quia est attributum propositionis affirmantis : at in conclusione sumitur universaliter ; quia est attributum propositionis negantis. Universale autem secundum totam extensionem in particulari non continetur. Ergo conclusio non continetur in majori. Sed neque in minori continetur ;
quia

quia, ut jam diximus, *esse in mundo* est totum respectu *esse in hoc cubiculo* : at totum non continetur in parte, sed contra.

11. De tribus primis figuris, (quartæ enim ut diximus vix ullus usus est,) si inter se conferantur, canon est, *primam figuram esse reliquis præstantiorem*. Ratio est primo, quia, in ea omnia genera propositio- num, præsertim simplicium, concludi possunt, scilicet, affirmantes, negantes, universales, et particulares : at in secunda, solæ negantes ; in tertia, solæ particulares concluduntur. Deinde, in prima figura dispositio terminorum magis naturalis est. Præponitur enim medium majori extremo, et postponitur minori : adeoque, ut ait Aristoteles, situ medium est. Unde & ratio consequentiæ evidentior est : hoc est, conclusio evidentius continetur in præmissis ; Et idcirco syllogismi secundæ & tertiæ figuræ, per reductionem ad primam declarari possunt : qua de re aliquot regulas tradunt logici, quas videat qui volet apud Burgerf-
licium & alios. Earum enim nullus plane usus est, præterquam ut videas in diversis figuris eandem conclusionem, per idem medium, probari posse.

12. Interim tamen necessariae sunt secundæ & tertia figura. Termini enim ex quibus syllogismus constat, ita aliquando ad se invicem affecti sunt, ut in prima figura adhiberi

hiberi nequeant, quin propositiones minus naturales evadant, hoc est, tales in quibus inferius de superiori prædicetur, aut id quod per se attributum est, subjicitur, et vicissim. Is autem modus enunciandi, menti nostræ, minus arridet : quia in eo illud quod natura sua adjacere alteri aptius est, locum rei per se stantis occupat, et vicissim. *Ex : g.* Hæc conclusio, *Simia non est homo*, si per medium *ratione præditum esse* concludenda sit, rectius concluditur in secunda figura, quam in prima, nempe in hunc modum ; *omnis homo est ratione præditus ; simia non est ratione prædita : Ergo simia non est homo.* Si enim in prima formetur, oportebit hominem prædicari de eo *quod ratione præditum est* ; cum tamen, *ratione præditum esse* natura sua non sit subjectum hominis, sed attributum. Similiter hic, *Judas prodidit dominum suum ; Judas fuit Apostolus ; ergo quidam Apostolus prodidit dominum suum*, formari nequit in prima figura, nisi in minori Judas prædicetur de Apostolo, hoc est singulare de universali : cum tamen singularia aptiora sunt subjici quam prædicari. Conditio igitur materiæ, mentem aliquando ad secundam aut tertiam figuram trahit.

13. De conclusionibus, prout ex præmissis inferuntur, canon est, *ex iisdem præmissis plures conclusiones inferri possunt.* Id autem tribus modis fieri potest. Primo per
conver-

conversionem conclusionis, quæ conclusio *indirecta* dicitur. *Ex : g.* Ex his præmissis, qui *justitia quam lex divina efflagitat destituitur*, *obnoxius est iræ divinæ*; *omnis homo per lapsum, justitia quam lex divina efflagitat, destituitur*; infertur, directe quidem, ergo, *omnis homo per lapsum, obnoxius est iræ divinæ*; indirecte vero, et per conversionem conclusionis directæ, *aliquid quod iræ divinæ obnoxium est, est homo*. Hinc logici in prima figura quinque modos indirecte concludentes constituerunt, quos quinque, hisce vocabulis designarunt, *Baratipon, Celantes, Dabitis, Fapesmo, Frisefom*. Ex quibus tres priores, conclusiones indirectas, per conversionem, ex *Barbara, Celarent, & Darii*, inferunt : duo posteriores ex minoribus negantibus conclusiones indirectas inferunt ; cum ex illis conclusiones directæ non sequantur. Ut

Fap- *Omnis homo est animal :*
 es- *Nulla simia est homo :*
 mo *quoddam igitur animal non est simia.*
 Fri- *Quidam homo est albus :*
 fe- *nulla bestia est homo :*
 fom *Ergo, quoddam album non est bestia.*

In tribus prioribus modis facile exempla invenies. In reliquis etiam figuris, possunt esse tot modi indirecti, quot sunt directi.

hiberi nequeant, quin propositiones minus naturales evadant, hoc est, tales in quibus inferius de superiori prædicetur, aut id quod per se attributum est, subjicitur, et vicissim. Is autem modus enunciandi, menti nostræ, minus arridet : quia in eo illud quod natura sua adjacere alteri aptius est, locum rei per se stantis occupat, et vicissim. *Ex : g.* Hæc conclusio, *Simia non est homo*, si per medium *ratione præditum esse* concludenda sit, rectius concluditur in secunda figura, quam in prima, nempe in hunc modum ; *omnis homo est ratione præditus ; simia non est ratione prædita : Ergo simia non est homo.* Si enim in prima formetur, oportebit hominem prædicari de eo quod *ratione præditum est* ; cum tamen, *ratione præditum esse* natura sua non sit subjectum hominis, sed attributum. Similiter hic, *Judas prodidit dominum suum ; Judas fuit Apostolus ; ergo quidam Apostolus prodidit dominum suum*, formari nequit in prima figura, nisi in minori Judas prædicetur de Apostolo, hoc est singulare de universali : cum tamen singularia aptiora sunt subjici quam prædicari. Conditio igitur materiæ, mentem aliquando ad secundam aut tertiam figuram trahit.

13. De conclusionibus, prout ex præmissis inferuntur, canon est, *ex iisdem præmissis plures conclusiones inferri possunt.* Id autem tribus modis fieri potest. Primo per

CONVERT-

conversionem conclusionis, quæ conclusio indirecta dicitur. Ex : g. Ex his præmissis, qui iustitia quam lex divina efflagitat destituitur, obnoxius est iræ divinæ; omnis homo per lapsum, iustitia quam lex divina efflagitat, destituitur; inferitur, directe quidem, ergo, omnis homo per lapsum, obnoxius est iræ divinæ; indirecte vero, et per conversionem conclusionis directæ, aliquid quod iræ divinæ obnoxium est, est homo. Hinc logici in prima figura quinque modos indirecte concludentes constituerunt, quos quinque, hisce vocabulis designarunt, *Baratipon, Celantes, Dabitis, Fapesmo, Frisefom*. Ex quibus tres priores, conclusiones indirectas, per conversionem, ex *Barbara, Celarent, & Darii*, inferunt : duo posteriores ex minoribus negantibus conclusiones indirectas inferunt; cum ex illis conclusiones directæ non sequantur. Ut

Fap- Omnis homo est animal :

es- Nulla simia est homo :

mo quoddam igitur animal non est simia.

Fri- Quidam homo est albus :

se- nulla bestia est homo :

fom Ergo, quoddam album non est bestia.

In tribus prioribus modis facile exempla inveniuntur. In reliquis etiam figuris, possunt esse tot modi indirecti, quot sunt directi.

Quæcunque enim propositio ex quavis conclusione sequitur, ex præmissis etiam sequitur ex quibus conclusio illa deducitur. At ex omni propositione, aliqua alia per conversionem sequitur ; ut supra ostendimus. Sed modi illi indirecte minime necessarii sunt. Possunt enim conclusiones quæ in illis inferuntur, per aliam dispositionem terminorum directe ex eodem medio inferri. *Ex : g.* Conclusio in *Fapesmo*, sic concluditur in *Ferio*

*Nullus homo est simia ;
quoddam animal est homo.*

Ergo, quoddam animal non est simia.

14. Secundo, ex iisdem præmissis, plures conclusiones inferri possunt, *propter subordinationem propositionum* ; scilicet, particularium & singularium ad universales, minusve universalium ad universaliiores, aut particularium ad singulares ut ex conclusione ista *omnis homo per lapsum obnoxius est iræ divinæ*, tot aliæ subordinatæ inferri possunt, quot individua, status, aut conditiones hominum in extensione hominis continentur : *ex : g.* *Infantes, adulti, homines intra & extra ecclesiam nati, nobiles, ignobiles &c.* per lapsum, *sunt obnoxii iræ divinæ.*

15. Tertius modus colligendi ex iisdem præmissis plures conclusiones est, *si attributa*

a enumeres, quæ in comprehensione terminorum conclusionis immediate, ac principalis, inveniuntur, ut evolvendo attributa subiecti in conclusione præcedenti, nempe *hominis*, has conclusiones elicies, quoddam *rationalē*, *visibile*, *animal*, *corporeum* &c. est *obnoxium iræ divinæ*. Deinde si attributa prædicati evolvas, nempe, esse *obnoxium iræ divinæ*, inferes de omnibus istis, et quæcunque in subiecti, sive extensione sive comprehensione continentur, quod *obnoxii sint omnibus miseriis hujus vitæ, et damnationi æternæ; quod nullus ex illis, per naturam, Deo gratus, aut amicus sit; quod, Omnes misericordia, et Salvatore indigeant*, &c. Et ejusmodi conclusiones, quæ ex consideratione comprehensionis terminorum, præcipue vero attributi, utiliores sunt, et ab auditore magis expetuntur, utpote per se, ut plurimum, non ita obviæ, ac reliquæ. Hinc disces confectaria ex conclusione aliqua demonstrata colligere, prout in omnibus fere scientiis fit. Exemplum sume confectariorum quæ deduxit *Tacquetus* ex propositionis 32 lib: 1. *Euclidis*, parte posteriori.

C A P. XXIX.

*De syllogismis ex altera, vel utraque præmissarum composita ;
item De Sorite, et Dilemmate.*

1. **S**Yllogismi ex altera vel utraque præmissarum composita, pro differentiis istiusmodi propositionum, varii sunt, et varia nomina sortiuntur, licet minus recte compositi vocentur, ut in Elencticis ostendetur. Primo igitur qui maiorem aut utramque ex præmissis copulativam habet, *copulativus* dicitur. Ejus quatuor sunt modi. Primus est cum e pluribus attributis, quorum singula de pluribus subjectis affirmantur aut negantur, alterum de altero affirmative aut negative concluditur.

*Petrus & Johannes ambulant :
Petrus & Johannes sunt duo homines :
Ergo, duo homines ambulant.
Nec homo nec bestia est immortalis :
homo & bestia sunt omnia animalia :
Ergo nullum animal est immortale.*

Ejusmodi syllogismi rectius fiunt in tertia figura. Licet in secunda aut prima fieri possint.

2. Secundus modus est, cum plura attributa de eodem subiecto affirmantur, aut negantur, sive in majori, sive in minori tantum, sive utrobique, indeque concluduntur de aliquo alio, quod de illo subiecto affirmatur, aut negatur. Ut

Socrates ambulat & disputat :

Socrates est philosophus :

Ergo, quidam philosophus ambulat & disputat, vel negative

Socrates nec ambulat, nec disputat :

Socrates est philosophus : Ergo, &c. Item,

Socrates est philosophus :

Socrates nec ambulat nec disputat :

Ergo, quidam qui nec ambulat nec disputat est philosophus. Sit aliud exemplum,

Quod simul contemplatur plures partes aliqujus totius, et earum unionem, ad plura simul objecta attendit :

At mens nostra sæpius illud præstat : Ergo.

3. Ad utrumque ex his modis spectat syllogismus qui *Inductio* vulgo appellatur : et definitur, *progressus a perfecta enumeratione partium ad totum*, sive partes illæ sint subiectivæ, sive essentielles aut integrales. Ubi partes subiectivæ sunt, proceditur a specie-

bus ad genus, vel ab individuis ad speciem, aut genus. Sub speciebus autem & individu-
 duis, hic comprehenduntur omnia quæ in
 extensione termini universalis continentur,
 siue differentia eorum specifica sint, siue ac-
 cidentales, siue individuantes. Quia autem
 impossibile sæpe est aut minime necessarium
 omnia inferiora, aut omnes partes enume-
 rare, idcirco, post aliquot enumerata, ad-
 dendum est, *et sic de reliquis*, aut *ceterorum*
eandem esse rationem, aut aliquid simile.
 Exempla,

Nobiles, et ignobiles, doctos, et rudes, probos,
et improbos, juvenes, senes, et mediae aetatis
homines, et sic de reliquis hominum gene-
ribus, ubique, et omnibus sæculis, mori
observamus.

At hi sunt omnes homines :

Ergo, omnes sunt mortales.

Lex Moysis, scripta prophetarum, et Apostolo-
rum sunt divinitus inspirata.

At hæc sunt tota scriptura sacra :

Ergo, tota scriptura sacra est divinitus inspi-
rata.

4. Evertitur Inductio, ostendendo partes
 omnes non enumerari, aut omnium non esse
 eandem rationem; hoc est attributum com-
 mune, quod omnibus sine ^{ex-}ceptione, con-
 venire, aut non convenire præsumitur,
 non

non omnibus convenire, vel non convenire. Et dissimile exemplum, *Instantia* vocatur. Ut si quis arguat apprehensionem simplicem, iudicium, discursum, et dispositionem indigere, ut per præcepta logicæ dirigantur; Responderi potest enumerationem tantum esse singulorum generum actuum, non autem singulorum individuorum, aut etiam specierum. Nam apprehensiones, et iudicia, de illis quæ per se, ac primo manifesta sunt, nulla præceptorum ope indigent.

5. Tertius modus syllogismi copulativi est, cum altera præmissarum copulativa est plurium attributorum de pluribus subjectis,

Quorum alter non utitur divitiis, alter abutitur ad profusionem, ambo vitio tenentur :

At miser non utitur divitiis, prodigus iisdem abutitur ad profusionem :

Ergo & miser & prodigus vitio tenentur.

6. Quartus modus est, cum e duobus membris oppositis in majori, unum in minori ponitur, et alterum in conclusione tollitur, aut vicissim. Ut,

Nemo & Deo & mammonæ servit. avarus servit Mammonæ :

Ergo,

Ergo, *non servit Deo.* Vel subsumere
licet

Vir bonus servit Deo :

Ergo *non servit Mammonæ.*

7. Syllogismus qui majori disjunctiva constat, *disjunctivus* dicitur. Ejusmodi precipui duo sunt. Prior est, cum in majori duo tantum sunt membra, e quibus alterum in minori tollitur, alterum in conclusione ponitur. Ut

*Omnes impii puniendi sunt, vel in hac
vita vel post hanc vitam :*

quidam impii ex hac vita, impune decedunt :

Ergo, *punientur post hanc vitam.*

Non adeo concinnus est modus in quo e duobus membris alterum ponitur in minori, alterum tollitur in conclusione. Ut vel dies est, vel nox : at est nox : Ergo non est dies. Quia convenientius in alia forma struitur. Ut si dicas, *non est & dies & nox : at est nox :* Ergo *non est dies.* Vel si nox est, *non est dies :* at *nox est,* Ergo *non est dies.* Possunt etiam ejusmodi syllogismi formam simplicem servare : ut is quem primo posuimus,

Qui impie vivunt et ex hac vitâ impune decedunt, post hanc vitam puniuntur :

Multi impii vivunt, qui ex hac vita impune decedunt.

Multi igitur post hanc vitam puniuntur.

8. Secundus modus est, cum e membris maioribus duobus, unum aut plura tolluntur in minori, residuum in conclusione statuitur.

It, *Omne malum morale, vel est omissio actionis præceptæ, vel commissio facti prohibiti, vel carentia rectitudinis in ipsis animi facultatibus :*

peccatum quod originis esse dicitur, nec est primum, nec secundum :

Ergo in tertio consistit.

9. Fallunt istiusmodi syllogismi, quando membra non ita opposita sunt, quin aliquid ab illis omnibus diversum assignari possit, in eo rerum genere de quo sermo est : sive primum non est plena membrorum enumeratio. It si quis arguat, *vel obediendum est regibus injuste imperantibus, vel ab illis discedendum, vel denique e regno (si fieri potest) expellendi sunt :* at non obediendum illis est, quando *injusta imperant :* Ergo *vel secundum vel tertium faciendum est ;* non concludit, quia datur quartum, nempe, *adherere istis regibus & pro justitia pati.*

10. Syllo-

10. *Syllogismus*, qui altera, vel utraque præmissarum conditionali seu hypothetica constat, *conditionalis* seu *hypotheticus* dicitur. Illius duo sunt modi recte concludentes. Alter procedit a positione antecedentis, ad positionem consequentis. Alter procedit a remotione consequentis, ad remotionem antecedentis. Ponere hic antecedens, aut consequens, est affirmatum affirmare, et negatum negare: remove contra est, affirmatum negare, et negatum affirmare.

11. Constant autem syllogismi hypothetici, vel tribus tantum terminis principalibus; et tum reduci possunt ad formam simplicem, quæ *categorica* dicitur. (quivis enim syllogismus potest hypothetice formari.) Ut

*Si Deus est Creator noster, est amandus
at est Creator noster : Ergo, est amandus.*

*Si viripii non sunt nobis inimici, neque
odio prosequendi sunt ;
at non sunt nobis inimici : Ergo, &c.*

Duo ista exempla, prioris sunt modi, et cum tribus tantum terminis principalibus constent, ad formam categoricam reduci possunt, abjiciendo e majori subjectum antecedentis, cum conditione *si*, et residuum in propositionem simplicem formando : ut

Creator

creator noster nobis est amandus, Deus est creator noster : Ergo, &c. *Qui non sunt nobis inimici, non sunt odio prosequendi : viri pii non sunt nobis inimici : Ergo &c.* Hinc patet ejusmodi syllogismos non esse necessarios, nec tyrones frequenter ad eos recurrant.

12. Aliquando syllogismus hypotheticus quatuor terminis principalibus constat, ut

Si quisquam electorum pereat, Deus proposito suo frustratur :

at Deus nunquam proposito suo frustratur :

Ergo, nullus electorum perit.

Et hic modus magis necessarius est ; quia non ita facile ad formam categoricam reducit. Fatendum tamen est reduci posse ; ut patet in exemplo jam dato, in quo proceditur a remotione consequentis, ad remotionem antecedens. *Qui eligit aliquos qui pereunt, is proposito suo frustratur : at Deus proposito suo non frustratur : Ergo, non eligit illum qui perit.*

13. Duo etiam sunt modi fallaces, seu Sophistici : alter qui procedit a remotione antecedentis ad remotionem consequentis ; alter, qui a positione consequentis ad positionem antecedentis : ut,

Si

Si Sinenses sunt mahumetani, sunt infideles.

at non sunt mahumetani :

Ergo non sunt infideles.

Vel subsumere licet per positionem consequentis, *at sunt infideles ; ergo sunt mahumetani.* Utrobique est falsa conclusio ex veris præmissis. Et si modi illi ad formam categoricam reducantur ; Prior erit ex minori negante in prima figura ; posterior ex omnibus affirmantibus in secunda. Prior enim in exemplo proposito sic procedit : *Omnes mahumetani sunt infideles : Sinenses non sunt mahumetani ; Ergo, —* Posterior vero, *Omnes mahumetani sunt infideles : Sinenses sunt infideles ; Ergo sunt mahumetani.*

14. Dantur etiam syllogismi hypothetici, in quibus omnes propositiones hypotheticæ sunt, et illi ad formam categoricam difficillius reducuntur. Ut

Si Christus frustra mortuus est, Deus tum insipientia, (absit blasphemia) tum crudelitatis erga filium suum, incusandus esset :

at si iustitia est ex lege, Christus frustra mortuus est :

Ergo, Si iustitia est ex lege, Deus tum insipientia &c.

Potest tamen & hic ad formam categoricam
 reduci in hunc modum. *Qui filium suum
 morti frustra dedit, is imprudentia & crude-
 litatis est incusandus* : at ex sententia eorum,
 qui dicunt justitiam esse ex lege, *Deus filium
 suum frustra dedit morti* : Ergo ex eorum sen-
 tentia *Deus imprudentia &c.* Quanquam hic
 minor & conclusio sensu hypotheticæ sint,

15. Optimus etiam est modus, in quo ex
 antecedente categorico, conclusio hypothe-
 tica, enthymematice inferitur. ut

Quicquid se movetur est spiritus :

Ergo, si ulla pars materiae se moveatur,
 quaedam pars materiae est spiritus.

Et reducitur ad formam categoricam, su-
 mendo vel antecedens, vel consequens con-
 clusionis hypotheticæ in minorem propositi-
 onem, et alteram partem in conclusionem.

Ut *quicquid se movetur est spiritus* : at *quaedam
 partes materiae juxta Peripateticos se moven-
 tur* ; ut flamma, vapor, Ergo, juxta Peri-
 pateticos, *quaedam partes materiae sunt spiritus*.

Vel subsumere licet : at *nulla pars materiae
 est spiritus*, indeque inferre : Ergo *nulla pars
 materiae se movetur*.

16. Syllogismus, cujus major propositio
 comparativa aut relativa est, *comparativus
 & relativus* dicitur, ut,

Qualis est vita infidelium, talis etiam est mors :

et vita infidelium est misera, et sine Deo : Ergo.

Ubi est Christus, ibi erunt fideles :

Christus

*Christus est in calis. Ergo fideles &c.
Quibus plus committitur, ab illis plus exigetur
at doctoribus ecclesiae, plus quam aliis committitur :*

Ergo plus ab illis quam ab aliis exigetur.

Ut se habet gubernator ad navim, tempestate urgente, ita se habet bonus et prudens magistratus ad rempublicam periclitantem :

at gubernator, tempestate urgente, necessarius est ad navim conservandam :

Ergo, etiam bonus & prudens magistratus necessarius est ad rempublicam periclitantem conservandam.

Ut syllogismi istiusmodi recte concludantur, nihil aliud requiritur, quam ut comparatio five relatio partium in majori, recte instituat, utque prius membrum in minorem assumatur.

17. Eodem jure quo notantur a logicis syllogismi relativi, notari item possent, ac deberent, *causales, reduplicativi, exceptionis & exclusivi.* Causalis igitur syllogismus est in quo praemissae, et conclusio sunt propositiones causales. Ut

Quia homo potest diversa rerum momenta expendere, ideo est liber in eligendo.

at quia ratione, five intelligentia pollet, potest diversa rerum momenta expendere :

Ergo, quia ratione & intelligentia pollet &c.

Ceterorum sufficit exempla ponere. Ut

mo secundum essentiam est rationalis : at
mo qua homo, est homo secundum essentiam :
Ergo, homo qua homo est rationalis. Qui est
tantum in calo, quatenus in eo tantum est, non
est ubique. Christus secundum humanitatem
non est in calo : Ergo, Christus se-
cundum humanitatem non est ubique. Exclu-
si affirmantes & exceptivi negantes, co-
incidunt : quia, propositiones exclusivæ
affirmantes, et exceptivæ negantes coinci-
dunt : ut id solum disciplinarum capax est,
quod ratione præditum est ; solus homo ex ani-
malibus ratione præditus est : Ergo solus homo
ex animalibus, est disciplinarum capax.
Equipollet hic syllogismus exceptivo negan-
te, scilicet, huic ; nihil capax est discipli-
narum, nisi quod ratione præditum est : nul-
lum animal præter hominem, ratione prædi-
tum est : Ergo &c.

18. Et omnes quidem syllogismi, quos
oc capite hæcenus recensuimus, *compositi*
oud logicos audiunt. Quanquam si vere &
riete loqui velimus, soli illi compositi sunt
cendi, qui plures syllogismos aperte in-
udunt. Ex quibus duo sunt genera, *Sorites*
e *Dilemma*. Sorites est congeries propo-
onum, quarum posterior quæque ex priori
endet, adeoque etiam ultima a prima. Ut,
Avari sunt cupiditatibus obnoxii :

qui autem cupiditatibus obnoxii sunt, multis
se indigere existimant nec affequantur :

Q

qui

*qui multis se indigere existimant, nec ea
assequuntur, anguntur.*

*qui anguntur sunt miseri : Ergo, omnes
avari sunt miseri.*

Insigne exemplum est locus ille Apostoli ad
Rom : cap : 8. 29, 30.

*Quos Deus præcognovit, eos etiam præ
destinavit, ut conformes fierent imagi
ni filii sui :*

*quos autem prædestinavit, eos etiam voca
vit :*

quos vocavit, iustificavit :

*quos iustificavit, glorificavit : Unde con
sequitur, quos præcognovit glorifica
vit.*

In Sorite igitur, tot sunt syllogismi, quot
sunt termini totales, inter ultimum attribut
tum, et subiectum primum. Adeoque
cum in utroque exemplo quinque termini
sint, tres erunt syllogismi, pro trium ter
minorum mediorum numero, qui, si ipsi
soritem spectes, ordine inverso procedunt
in hunc modum,

*Qui anguntur miseri sunt : avari angun
tur : Ergo miseri sunt. Minor proba
tur. Qui multis se indigere existimant
nec ea assequuntur, illi anguntur, at ta
les sunt avari : Ergo, avari anguntur.
Minor rursus probatur.*

*Qui cupiditatibus obnoxii sunt, multis se
indigere existimant, quæ non assequuntur.*

tur : avari sunt cupiditatibus obnoxii.

Ergo, —

19. Infirmus est Sorites, si in quavis ex propositionibus connexio non est necessaria, aut saltem verisimilior. Sicut infirma est catena, si vel unicum ex annulis infirmum habeat. Exempli gratia, in hoc,

Ex malis moribus, nascuntur bonæ leges :

bonæ leges sunt laudandæ :

laudandum etiam est illud ex quo bona oriuntur.

Ergo, mali mores sunt laudandi.

Per accidens enim, et omnino contingens est, quod ex malis moribus, bonæ leges nascuntur. Fieri enim potest, ut mali mores, malis legibus sanciantur, (si nempe passim obtineant,) aut in consuetudinem abeant, quæ apud homines nimis sæpe pro lege habetur.

12. Dilemma, (quod argumentum *bi-corne*, id est, utrinque feriens dicitur,) est syllogismus disjunctivus, cujus unumquodque membrum ratione aliqua confirmatur.

Unicuique in hac vita, vel cupiditatibus serviendum est, vel iisdem obluendum :

Cupiditatibus serviendo, salus animæ in periculum adducitur ;

iisdem vero obluendum est molestum ;

Q 2

Ergo

Ergo unicuique, in hac vita, vel periculum salutis subeundum est, vel molestia ferenda.

Tale fuit argumentum, quo Christus quendam e lictoribus reprehendit, Johan : 18.
Si male dixi, testare de malo ; sin bene, cur me verberas ; hoc est,

Si jure me verberas, illud facis, vel quia male dixi, vel quia bene.

at non quia male dixi, quia tu non judex es, sed tantum testis loco fungis potes.

neque quia bene, quia bene dicere, pœnam non meretur :

Ergo, injuste me verberas.

Infirmum est Dilemma, si membra non sint immediate opposita, vel levicula ratione urgeantur. Prius si contingat, peccatur in legem generalem propositionis disjunctivæ supra traditam. Exemplum posterioris sit hic syllogismus, *Si Magistratus officio bene fungaris, homines, si male, Deum offendes.*

Ergo, officium illud omnino est vitandum.
 Ubi prius membrum non satis gravi ratione confirmatur. Periculum enim offendendi homines subeundum est, ut bono publico serviamus.

C A P. XXX.

De syllogismo contingente, et necessario.

1. **H**Atenus de syllogismorum differentiis ratione formæ, ut vocatur. Sequitur ut de illis quæ a materia proveniunt, quædam dicamus. Syllogismus non tantum formæ, sed etiam ratione materiæ est vel *rectus & utilis*, nempe qui cognitioni mentibus nostris ingenerandæ inservit ; vel *vitiosus*, et *fallax*, qui errorem parit. Prior rursus, vel est *necessarius*, vel *contingens*. Syllogismus continens, ut ab eo ordiamur, is est, in quo altera vel utraque ex præmissis est propositio contingens, hoc est, quæ potest esse falsa. Estque vel plane *incertus*, ac *dubius*, scilicet, si vel altera præmissarum plane dubia sit. Vel tantum *probabilis*, cum altera, aut utraque præmissarum, ad summum probabilis est. Exemplum prioris,

Omnis flamma materiam aliquam combustibilem indefinenter depascitur.

Sol est flamma : Ergo, materiam aliquam &c.

Minor hic, adeoque etiam conclusio incerta est. Æque enim obscurum est, sitne *sol* flamma, an non. Exemplum posterioris,

fit discursus quo usus est Solomon rex sapientissimus, cum litem illam inter meretrices de puero ambiguo dirimeret. 1 Reg. 3.

Quæ mavult puerum in vivis conservari, licet alienatum, quam occidi, ea illius est mater:

Hæc puerum conservari mavult, licet alienatum, quam occidi. Hæc igitur est mater.

Ubi major probabilis est; minor sensu innotuit.

2. Discursu probabili sæpe contenti esse cogimur; vel quia materia certiore non admittit; ut cum de rebus pure contingentibus agitur; vel quia rationes certas, et necessarias, invenire non possumus. Enitendum tamen semper est, quoad fieri potest, ut discursus nostri omnes certissimi, et necessarii sint, non tantum respectu formæ, sed etiam quoad materiam; hoc est, ut ex principiis necessariis, et plane evidentibus, quoad veritatem, discurreamus.

3. Est igitur syllogismus necessarius, cuius præmissæ sunt necessariae, hoc est, immutabiliter veræ. Necessitas tamen illa, quæ moralis tantum est, hic non sufficit: ea enim propositionem non facit necessariam in sensu præsentis, hoc est, plane certam, sed tantum probabilem. Sufficit tamen necessitas quæ ex hypothese dicitur, nec requiritur illa, quæ omnino absoluta est. Nec sufficit,

ficit, ut conclusio necessario sequatur ex præmissis, supposita earum veritate, quæ necessitas in omni syllogismo recte formato locum habet, et necessitas consequentiæ vocatur; sed requiritur etiam, ut tam præmissæ quam conclusio per se spectatæ veræ sint. Et quidem, ut utraque præmissarum necessaria sit. Si enim altera solum probabilis fuerit, adeoque non plane certa, conclusio tantum probabilis erit. Evidentia enim & certitudo conclusionis quoad nos, ex evidentia & certitudine, non unius ex præmissis, sed utriusque pendet.

4. Syllogismus necessarius complectitur syllogismum *διὰ ἀδυναμίαν*, syllogismum *κατὰ τὸ βεβαιόν*, et qui ex testimonio divino, aut medio necessario intrinseco probat.

5. Syllogismus sive discursus *διὰ τὴν ἀδυναμίαν*, hoc est, *per impossibile*, seu *ex absurdo*, aut incommodo, est in quo conclusio hinc probatur esse vera vel falsa, quod si talis non esset, sequeretur aliquid aliud esse verum, quod aliunde constat esse falsum: aut aliquid aliud esse falsum, quod aliunde constat esse verum. Ut, *Si nulla est beatitudo hominum post hanc vitam, pii essent omnium miserrimi. Si quidquam producit seipsum, aliquid esset antequam esset: adeoque simul esset & non esset. At posterius est impossibile, vel absurdum: ergo & prius.* Argumentationes istiusmodi nituntur axiomaticæ supra

memorato, *ex veris nil nisi verum.*

6. Discursus ex absurdo, assensum quidem extorquet, sed intellectum non illuminat, nec ei plane satisfacit. Adhiberi tamen potest, et debet, cum melior probatio non suppetit : præsertim cum conclusiones negativæ demonstrandæ sint. Item cum thesin absurdam refellimus, cujus consequentia genuina semper absurda sunt, aut ubi cum adversario pertinaci agimus, qui probationes per principia intrinseca aspernatur : aut cum stupido qui eas non capit.

7. Syllogismus *κατὰ τὸ βιάσιν*, qui *retorsio*, et *argumentum ad hominem* dicitur, is est, in quo adversarium ex suis principiis, et effatis, revincimus. Qualiter arguere licet contra Cartesianos, qui mentem humanam nullo in loco esse aiunt. *Quod in corpore humano est, in aliquo loco est : Mens humana in corpore humano est. In aliquo igitur loco est.* Sed discursus istiusmodi ad ipsam veritatem confirmandam nihil facit. Procedit enim ex dictis alienis, quæ fieri potest, ut falsa sint. Quod si dicta illa vera fuerint, quod necesse est, (si sit,) aliunde esse, quam quod huius aut illius hominis sint, discursus in eodem genere erit, cum illo qui ex absurdo procedit. Ejus igitur usus est, ut adversarium ad angustias redactum, alia via incedere cogamus.

8. Probatio a testimonio divino, si de eo certo

certo constet, cum prorsus necessarium sit, est omnium efficacissima. Quales sunt probationes theologicæ, ex scripturis sacris : Ut *Deus testatur in sacris scripturis, se esse unum, et trinum; filium suum esse verum Deum, carnem humanam induisse, mortuos omnes resurrecturos; ista igitur omnia sunt verissima, et firmiter credenda.* Nituntur autem omnes unico principio per se noto, vel ex natura Dei facillime demonstrabili, *quicquid Deus testatur verissimum est.* Verum licet certissimæ sint probationes istæ, et mentem plane convincant, non tamen eam quietam reddunt. Avet enim mens nostra rationes intrinsecas, ex ipsarum rerum naturis, contemplari, quas revelatio divina non semper exhibet.

9. Syllogismus, necessarius ex medio necessario intrinseco, nempe, ex natura subiecti & attributi petito, et cum extremis necessario connexo, ἀποδείξις Demonstratio dicitur, (quanquam eo nomine syllogismus etiam ex absurdo veniat,) et duplex est : alius qui solum probat *rem esse, vel non esse* : hoc est attributum convenire subiecto, vel non convenire : alius qui etiam ostendit *cur sit, vel non sit*, seu cur attributum subiecto conveniat, vel non conveniat. Unde prior ab Aristotele, demonstratio ὅτι, *quod* ; posterior διότι, *quia*, vel *cur* appellatur.

10. Demonstratio ὅτι procedit ab omnibus

bus illis quæ necessariam connexionem habent cum terminis quæstionis, modo non habeant ad eos rationem causæ : nempe, ex signis necessariis, et effectis ac consequentibus. Unde *a posteriori*, in Scholis, dicitur. Ut, *qui actus intelligentiæ, et rationis exercet, in eo, præter molem corporis, est alia substantia spiritualis, quæ mens, et anima dicitur.* At homo tales actus exercet ; in eo igitur præter corpus est alia substantia, &c. Est demonstratio ab effectis necessariis. Eodem modo demonstratur Deum esse, ex operibus, scilicet, creationis & gubernationis, ut innuit Apostolus ad Rom. cap : 1. Exemplum ex signo necessario sit ; *Si Pleiades jam emerferunt supra horizontem, statim apparebit stella, quæ Aldebaran, et oculus Tauri dicitur.* At verum prius : Ergo et posterius.

II. Demonstratio *διότι* procedit a causis, et omnibus quæ antecedentis, aut causæ rationem habent, modo necessariam connexionem habeant cum partibus quæstionis. Unde demonstratio *a priori* appellatur. Causa tamen esse debet *integra & adequata*. Secus enim totam rationem cur res sit, non exhibebit. Partem autem exhibere non sufficit. Deinde *proxima*. Causa enim remota non ostendit cur res sit, sed tantum cur aliquid aliud sit, quod proxime eam causat. Item causa *per se*, quia causa *per accidens*, qua

qua talis, causa non est, sed tantum quate-
 us includit, aut supponit causam per se.
 Deinde, si a serie causarum res dependeat,
 necesse est ad perfectam & plenariam de-
 monstrationem, a causa proxima, per in-
 termedias, ad primam, seu supremam as-
 cendere; ut innuit Aristot : phys. lib. 1.
 cap. 1.

12. Per omnia causarum genera demon-
 strare licet, (quamvis eadem veritas istud
 non admittat,) nempe a materia, forma,
 efficiente, fine, objecto, et quæ sub illis
 continentur : A materia, ut, *cujus corpus
 constat partibus indefinenter effluentibus, quæ
 non semper resarciri possunt, is moriendi neces-
 sitati subicitur : at talis est homo : ergo. A
 forma ad proprietates : ut, *cujus omnes par-
 tes superficiei æqualiter distant a centro, illud
 aptissimum est circumgyrationi : corporis sphæ-
 rici omnes partes superficiei, æqualiter distant
 a centro. Corpus igitur sphericum aptissimum
 est circumgyrationi. Huc pertinent illæ de-
 monstrationes, in quibus per primam aut
 priorem differentiam essentialem, posterior
 aliqua de subiecto concluditur. Ut, *omnis
 creatura intelligenti prædita est capax beati-
 tudinis, et miseriæ : Homines, et angelita-
 tes sunt : Ergo. A causa efficiente externa
 ad effectum ; ut : cum inter solem & lunam,
 corpus opacum terræ interponitur, luna, quæ
 lucem a sole mutuatur, patietur eclipsin : at
 tali die, et hora, istud continget : tali igitur
 die,***

die, et hora, luna patietur ecclipsin. A fine ad media; ut, qui natus est ad Deum glorificandum, is pietati & justitie studere debet. homo natus est ad Deum glorificandum; Ergo. —. Quod aptum esse debet capiti defendendo in prælio, ex materia dura & lenta faciendum est. Galea apta esse debet capiti defendendo in prælio; ex tali igitur materia facienda est. Ab objecto: ut, quod maximum bonum est, voluntatem in sui amorem, maximum rapit: fructio Dei est maximum bonum creature intelligentis: Ergo voluntatem ejus in amorem sui maxime rapit. A conditione denique necessaria, quæ causa sine qua non appellatur; ut, qui vera fide in Jesum Christum præditus est, ipsi peccata remittuntur: qui vera charitate in proximum præditus est; vera etiam fide in Christum præditus est: Ergo, qui vera fide in Christum præditus est, ei peccata remittuntur.

13. Præmissæ in demonstratione debent esse, vel axiomata, seu propositiones per se evidentes, vel conclusiones per superiorem aliquam demonstrationem probatæ. Ut in Geometria, primæ propositiones per axiomata probantur, et tum per illas, plurimæ aliæ.

14. Omnes demonstrationes, sicut & omnes fere discursus, propositionibus causalibus, in sermone communi, sæpe exprimuntur. Sed demonstratio *scilicet*, ejusmodi causa-

casualibus, in quibus una pars reddit rationem ipsius rei quæ in altera parte continetur. *Ut homo est capax disciplinarum, quia est ratione præditus.* At in demonstratione *ὅτι*, illis in quibus altera pars rationem continet, ut alterius veritas agnoscenda sit, non auctur res ipsa existat. *Ut, certum est in nomine, præter materiam corporis, esse aliam substantiam longe præstantiorem; quia actus rationis, et liberæ electionis, exercet, quorum materia non est capax.* Non enim quia actus illos exercet, in eo est talis substantia; sed contra: constat tamen ex actibus istis talem in eo substantiam esse.

C A P. XXXI.

De præcipuis ratiocinandi formulis in materia deficientibus quæ sophismata vocantur.

1. **D**iscursus in materia peccantes, qui facilius nos in errorem ducere possunt, ad octo capita revocabimus: missis illis, qui crassiores sunt, quam ut in eorum vitiis detegendis immorari necesse sit: quales sunt lusus in vocibus, qui inter sophismata, ab Aristotele, recensentur, in libris de sophisticis elencticis; eos vide si vis apud Kecker-

Keckermannum, Burgersdicium et alios

2. Primus igitur modus agendi vitiosus in discursu est, *id probare quod non queritur* adeoque quod probandum non est, qui *ignatio ratio Elenchi* vulgo dicitur. Committitur vitium istud, primo cum sententiam adversario adscribimus a mente ipsius alienam & contra eam disputamus. Et sic cum cerebri nostri figmento pugnantes, omnem operam perdimus. Ut cum Pontificii meritis bonorum operum astruentes, nos incusant quasi eorum necessitatem negaremus, et multis argumentis eam confirmant. Cum tamen nos bona opera pluribus nominibus necessaria, ultro asserimus. Deinde, cum ea ex adversarii sententia sequi obtendimus, quæ ex ea minime sequuntur. Sive cum absurdis eam injuste gravamus. Ut cum iidem Pontificii ex nostra sententia de justificatione, non ex operibus, sed ex fide, clamant, viam ad omnia maleficia aperiri. Solvitur & refellitur istiusmodi sophisticæ, si verum contraversiæ statum, et absurda quibus opposita sententia gravatur, ex ea non sequi ostendamus.

3. Secundus modus est, *cum id supponitur, quod est in questione*. Sive cum *idem per idem*, et *ignotum per æque ignotum* probatur; et *pétitio principii* dicitur. Talis est discursus Aristotelicorum, quo formas corporum substantias esse contendunt: *si forma*

rerum

rerum corporearum, substantia non sint, nulla erit generatio. Hæc enim est productio substantia. Æque enim ignotum ac dubium est, substantias per causas naturales generari, ac formas corporum quæ generantur esse substantias. Refellitur istud sophisma, ostendendo aliquam ex præmissis æque dubiam esse, ac conclusionem.

4. Tertius modus est, cum pro causa assignatur id quod causa non est, qui idcirco non-causa pro causa vocatur. Sic quidam dicunt vas aqua plenum, et ita occlusum, ut nihil aeris ingredi possit, si aqua gelascat, rumpi, ad vacuum vitandum; quia aqua gelata vacuum in vase relinqueret. Cum vera causa sit, quod aqua gelata, plus spatii occupet, quam fluida: adeoque satis loci non inveniens in vase, ipsum rumpit. Refutatur hic modus, ostendendo non esse veram causam, quæ assignatur, et veram assignando.

5. Quartus modus est imperfecta enumeratio, sive cum unicum tantum, aut non omnes casus rei qui possibiles sunt, consideramus. Exemplo sit illud sophisma Gassendi. Si nullum sit vacuum, nullus erit motus. Si enim sine vacuo esset motus, oporteret vel unum ab alio pelli in infinitum, quod absurdum est; vel motum eorum quæ locis pelluntur, esse circularem. At neque hoc possibile est; quia in illo circulo primum corpus moveri nequit

quit, nisi ultimum etiam moveatur; at ultimum moveri nequit, nisi locus proximus sit vacuus. Hujusmodi discursus vitium detegitur, ostendendo alium esse casum, quo res esse possit, quem arguens non considerat: ut in motu circulari corporum, ultimum corpus occupare locum primi, eo ipso instanti quo primum locum suum deserit; prout fit in partibus annuli solidi, circa centrum suum rotati.

6. Quintus modus *fallacia accidentis* dicitur, scilicet cum illud pronuntiatur de re, quod ipsi ex accidenti tantum convenit, tanquam per se conveniret, indeque infertur conclusio falsa. Ut *evangelii predicatio bellum ciēt, ergo est mala*. Refellitur ostendendo id quod dicitur de re, per accidens tantum ipsi convenire. Exempli gratia, evangelium bellum ciere, non *per se*, et natura sua, sed tantum esse occasionem belli plane innoxiam: eo modo quo bona forma est occasio libidinis, et concubitūs illiciti. Evangelium enim cupiditates hominum damnat, quibus dum renunciare nolunt, pro malitia sua, contra ipsum, et eos qui ipsum amplectuntur, insurgunt.

7. Sextus modus est, cum argumentamur *a sensu composito ad divisum*, aut *a diviso ad compositum*. Ut si quis argueret, *qui justificat impium injuste agit*. Ergo si Deus impium justificaret, (ut ait Paulus ad Rom: 4.) *injuste*

juste ageret. Aut, si ulla domus possit esse
 combusta, posset domus constare ex igne, fumo
 cineribus : Ergo nulla domus potest esse
 combusta. Solvitur istius generis sophisma,
 ostendendo id quod dicitur verum esse in
 sensu diviso, non autem in sensu composito,
 ut vice versa. Ut Deum justificare eum
 qui fuit plane impius, sed qui nunc de im-
 pietate vitæ anteaactæ dolet, et credit in
 Christum, impietati vero renunciat, non
 autem qui impius esse permanet : Hoc est,
 impium in sensu diviso, non in sensu compo-
 sito. Et domum, quando domus est, non
 esse combustam ; sed tantum id quod fuit
 domus, nunc esse combustum : hoc est, do-
 mum esse combustam in sensu diviso, non in
 sensu composito.

8. Septimus modus est, *argumentari ab*
quod verum est tantum secundum quid, ad
quod verum est simpliciter. Ut, anima ho-
 minis est immortalis ; Ergo homo ipse immor-
 talis est. *Æthiops est albus dentes : Ergo,*
non est niger. Tale fuit sophisma Epicuri :
Forma humana est pulcherrima ; Ergo,
Deo convenit. Refellitur ostendendo id
 quod assumitur ad concludendum esse verum
 tantum secundum quid. Ut hominem esse
 mortalem secundum unicam sui partem
 tantum ; unde non sequetur totum esse im-
 mortalem. Formam humanam esse pul-
 cherrimam ex formis animalium, non sim-
 pliciter

pliciter pulcherrimam. Huc referendum est sophisma in quo infertur, id quod convenit toti secundum unicam partem, convenire omnibus partibus seorsim ; Ut , *omnis homo cogitat ; corpus, mens, et utriusque sunt homo ; Ergo et corpus, et mens, et utriusque cogitat.* Non enim sequitur, quia homo cogitat, ideo quicquid est hominis, etiam quod homo est, cogitare. Sufficit enim ut verum dicatur cogitare, aliquid in eo cogitare, si ve eum cogitare secundum aliquam sui partem.

9. Octavus modus est *ex inductione imperfecta, conclusionem inferre universalem.* Ut si quis ex eo, quod omnes homines quos ipse vidit, cutem habeant albam, (ignarus esse Æthiopes, qui nigri sunt,) concluderet omnes homines esse cute albos. Vitium istud in ratiocinando hominibus nimis familiare est, nempe ex quibusdam singularibus, universaliter pronunciare, cum reliquorum forte non sit eadem ratio. Hinc igitur jure opponi potest, non constare omnibus convenire quod quibusdam convenit. Plurimæ aliæ sunt defectus in ratiocinando quos in doctrina Geneseos notabimus.

C A P. XXXII.

De Methodo.

1. **M***ethodus* est ejusmodi præceptorum, et ratiocinationum dispositio, seu ordinatio, quæ rebus intelligendis et memoriâ tenendis maxime idonea est. Ad duo enim ista, intelligentiam promovere, et memoriam juvare, tota illius utilitas refertur.

2. Est autem Methodus vel *naturalis*, vel *arbitraria*. Naturalis est, quæ ordinem naturæ sive rerum ipsarum observat : procedendo ab illis quæ natura priora, simpliciora, et notiora, ad ea quæ posteriora, composita, et ignotiora sunt : puta ab universalioribus, ad minus universalia : a causis ad effecta ; a fine ad media ; a partibus ad tota ; ab objecto ad potentiam, et actum quæ circa ipsum occupantur ; a subjecto ad adjunctum, et omnino ab illis quorum cognitio ad certiolem & evidentiolem cognitionem sequentium necessaria est.

3. Methodum naturalem vulgo distinguunt logici in *Syntheticam* & *Analyticam*, seu in *compositivam* & *resolutivam*. Syntheticam vocant, quæ procedit a principiis intrinsicis rei ad ea quæ ex illis constituuntur.

ut a partibus ad tota, prout in disciplinis theoreticis fit. Exempli gratia, Geometria a puncto, linea, superficie, et angulis, incipit; et inde progreditur ad triangulum, quadrangulum, circulum, et corpus, seu solidum; investigandum. Et *Somatologia*, vulgo *physica*, exordium facit a materia, quantitate, figura, situ & unione partium, motu, et quiete, quæ principia rerum naturalium manifesta sunt.

4. Methodum analyticam appellant, quæ facto initio a fine, media exquirat, et proponit, quibus finis acquiri possit. Hunc ordinem observant disciplinæ practicæ. Ut in Ethica, primo proponitur summum hominis bonum, seu finis ultimus: deinde media, quibus obtinetur: in grammatica, primo hic scopus proponitur, ut recte loquamur, et scribamus; deinde, quibus rationibus ista acquiri possint.

5. Methodus arbitraria est, quæ certas regulas non observat, sed ad propositum dicentis, et captum audientis componitur, estque Poetis & oratoribus familiaris.

6. Est etiam Methodus quandoque *aperta*, cum quis ordinem quo ipse procedit, et singulos illius gradus, auditori, aut lectori observandos exhibet: quod ab illis fieri solet, quibus unice propositum est, nudam veritatem quam luculentissime exponere. Quandoque *occulta* est, cum, quem
observat

observat ordinem dissertator, ipse non indicat: quod *Crypsis* seu occultatio Methodi dicitur. Hunc ordinem sectamur, cum oratorie magis quam philosophice differimus; et in hunc finem, ne ardor animi nostri, aut auditoris attentio intermittatur, eoque minuat: aut ne suspicio sit, rem quam tractamus, dubiam, aut difficilem esse; aut denique ne auditores iudicio deficere innuere videamur.

7. Methodo seu ordini in differendo, opponitur *ἡ ἀξία confusio*, cum temere omnia miscentur. Vitium istud dicenti aut scribenti maxima cura vitandum est. Sic enim animus audientis, aut legentis, offenditur, intelligentia impeditur, memoria turbatur: qui vero dicit, aut scribit, contemptui aliorum se exponit. Et hæc de Methodo nunc tenuisse sufficiet. Reliqua in Genesi trademus.

Finis Logicæ Generalis.

Logicæ specialis pars prima.

Quæ est De Genesi seu inventionem.

C A P. I.

De Genesi & Analyfi in genere.

1. **L**ogica, ut omnis disciplina practica, tota ad usum, et praxin ordinatur. Est autem *praxis* logica, applicatio, seu usus præceptorum, quæ in ea traduntur, (in parte scilicet generali supra adornata,) ad mentem in suis operationibus dirigendam; sive ut conformiter ad illa, finemque & scopum eorum, conceptus & sermones nostros formemus.

2. Præter omnia præcepta de attributis rerum generalibus, de vocibus & earum differentiis, de ideis, de iudicio tum simplici, tum illativo, seu discursu, ac denique de methodo, quæ supra proposuimus, quædam

quædam alia necessaria sunt, quibus priora illa recte adhibere in variis mentis nostræ exercitiis dirigamur : illa scilicet quæ varia genera argumentorum, seu materialium, de quibus exercitia illa instituenda sunt, et modum quo in singulis procedendum sit, exhibeant. Nec enim omnis materia, eodem modo, et juxta eadem præcepta, tractanda est.

3 Praxis logicæ, vel est *Genesis*, vel *Analysis*. Per *genesis*, cognitionem producimus & promovemus, idque vel in nobismetipsis, quæ *genesis* stricte, vel in aliis quæ *didactica* est. Per *analysis* conceptus & sermones præcipue alienos resolvimus & explicamus. Sub qua idcirco *Hermeneutica*, et *Critica* continentur. Potest quidem *analysis*, *genesis* dici, quatenus per eam resolutio illa quam diximus, producit : et *genesis* rursus, rationem quandam *analytice* continet ; quatenus scilicet, cum definimus, dividimus, et ratiocinamur, res definitas, divisas, et veritates quas probamus, in attributa sua, partes, causas, effectus &c, resolvimus. Sed illa exercitatio *genesis* dicitur, per quam res ipsas, prout cognitioni nostræ subsunt ; illa vero *analysis*, in qua cognitionem rerum resolvimus.

Utraque procedit, implicite saltem, per ratioinationem quandam ; in qua major propositio est aliquod præceptum logicæ ;

R +

minor

minor vero, et conclusio, ejusdem applicatio ad materiam aliquam particularem: et in applicatione illa, notio aliqua secunda de prima, seu idea communis de particulari affirmatur, aut negatur. *Ex: g.* In genere definitionis, mens sic arguit: *definitio bona essentialis constare debet genere proximo, si inveniri possit, et differentia prima ac proxima essentiali: at substantia est genus proximum corporis, seu materiæ; esse expers perceptionis, vel (ut alii volunt) esse extensum in longum, latum & profundum, est illius differentia prima, et proxima essentialis: Ergo duo illa attributa, bonam definitionem seu veram ac propriam ideam corporis, siue materiæ exhibent.* Similiter in analysi, cum definitio corporis examinatur, sic arguimus. *Bona definitio corporis constat genere proximo, et differentia prima essentiali: at hæc definitio, corpus est substantia perceptionis expers, est talis, illa vero altera quæ dicit corpus esse extensum in longum, latum, et profundum non est talis; (non enim manifestum est extensionem esse propriam differentiam corporis) Ergo prior est recta corporis definitio, posterior sine ratione præsumitur.*

5. Quod autem mens, in istis exercitiis, ad regulas respiciat, vel prout in logica traduntur, vel ut a ratione naturali dicantur, manifestum est; quia alioqui temere, et sine ratione de rebus pronunciaret. Unde si rationem

tionem cur ita quis concipiat, aut pronunciet, exigamus, non aliam reddet, quam ali-
quod præceptum logicæ; licet ipsum forte,
nec ex libris, nec ab ullo magistro didice-
rit.

6. Differt genesis ab analysi, primo,
quod genesis esse posset, etiamsi nulla esset
analysis. Ut, si homines nullam societatem
in conceptibus & sermonibus communican-
dis, colerent, nec ullus cogitata sua exami-
ni subjiceret. At analysis genesis necessario
præsupponit, tanquam materiam circa quam
ipsa occupatur.

7. Secundo, in Genesi mens, ut pluri-
mum, circa res, præter voces, et concep-
tus, occupatur, cogitatione directa: in Ana-
lysi vero, vel circa conceptus & sermones
alienos versatur, vel circa suos, cogitatione
reflexâ.

8. Tertio, Genesis respicit cogitationes
formandas, seu prout sunt *in fieri*; Analy-
sis vero, ut formatas, et jam factas. Unde
Genesis est causa procreans conceptuum;
at Analysis est eorum index, eosque expli-
cat, et si recti sint, probat, si erronei, dam-
nat.

9. Quarto, in Genesi, traditur idea de-
bita, et judicium debitum de rebus, aut sal-
tem tradi obtenditur. In Analysisi confide-
ratur & examinatur idea, et judicium
quod traditur, sive talia illa sint, qualia esse
debent, sive non.

10. Quin-

10. Quinto, Genesis prior est Analyfi: quia compositio rei prior est ejusdem resolutione: et prius cogitationes nostræ recte formandæ sunt, quam aliorum rite examinare possimus. Genesis materiam analyfi subministrat: at non vicissim: nisi quod Analysis occasionem sæpe prebeat ad Genesin aliquam novam producendam, aut eam quam resolvit corrigendam, si male alicubi procedat, aut perficiendam, si imperfecta sit.

11. Sexto, Genesis est operatio mentis magis necessaria, et præstantior ac difficilius quam Analyfis. Melius enim & difficilius est, proprias cogitationes recte formare, et regere, quam alienas intueri, et judicare. Unde finis Analyseos est Genesis. Ideo enim aliorum dicta & cogitata resolvimus, et explicamus, ut nosmet, aut alios instruamus, et scientiam alienam nostram faciamus, seu aliis communicemus; aut denique ut errores, in quos alios incidisse perspicimus, ipsi caveamus.

12. Septimo Genesis procedit a notionibus secundis ad primas, sive a præceptis ad res, in particulari, sub illis contentas: ut a genere aut differentia in communi, ad hoc vel illud genus, hanc vel illam differentiam inveniendam. Analyfis contra, a notionibus primis ad secundas, ab exemplis ad præcepta, et juxta hæc illa examinat.

Ex: g.

Ex: g. Considerat hanc propositionem ab illo prolatam, *omnis spiritus potest seipsum movere*. Et inquit de illius *subjecto*, sitne spiritus creatus tantum, an etiam increatus: de *attributo*, sitne commune, an proprium; essentiale an accidentarium; et si essentiale, utrum sit genericum an differentiale; et si posterius, utrum prima differentia subjecti, an non.

13. Dividitur genesis in *didascalicam* & *patheticam*. Didascalica est tractatio stricta & accurata, claram rei cognitionem, quoad fieri potest, continens. Pathetica vero, quæ non tantum ad intellectum illuminandum, sed etiam & præcipue ad affectus movendos ordinatur. Unde minus accurata, ut plurimum, esse solet. Prior modus tractandi, philosophicis disciplinis familiaris est. In illis enim res difficiles tractantur, quæ sermone ornato, et pathetico, commode explicari sæpius recusant, sed doceri contentæ sunt ut ait Poeta. Posterior oratoribus, Poetis, et historicis proprius est. Semper tamen aliquid prioris admixtum habet: quia affectus non moventur, nisi rebus aliquo qualiter explicatis. Interim tamen nihil opus est in didascalica tractatione, illa barbarie sermonis uti, quæ apud scholasticos Pontificios dudum jam obtinuit.

C A P. II.

Præcepta quædam exercitiis geneticis antecedanea.

1. **Q**UOD I ratione sua recte uti vult in cognitione rerum acquirenda, expendere debet quænam ab eo cognoscenda sint; quis ipse sit qui cognitionem ambit; et qua via, et quibus mediis, ipsa quærenda sit.

2. Ad primum quod attinet, illa sola sibi cognoscenda proponere debet, quæ ab homine in hac vita cognosci possunt. Non autem illa quæ captum & indaginem humanam superant, quales sunt res infinitæ, inscrutabilia perfectionis divinæ, et quæ ad seculum futurum pertinent. Item illa, quæ omnia ingenia hætenus torserunt. Cognosci autem a nobis non posse illa omnia reputabimus, quibus indagandis, nulla suppetunt principia, neque innata, neque per sensum aut experientiam acquisita: et quæ, si divina sint, a Deo non revelantur. Arcana quidem naturæ, licet hætenus abscondita, tentare licet: verum, nisi spes aliqua propositi potiundi apparet, in conatu isto non est persistendum.

3. Nec omnia quæ sciri possunt corradenda

sunt, sed ea tantum quæ scitu magis sunt necessaria ad nostram sælicitatem. Imprius illa quæ ad pietatem & iustitiam promovendam maxime faciunt, aut ad usum & nem artium præstantiorum, ut, Politicæ, juris prudentiæ, medicinæ, et quæ sub his continentur. Sapientia enim non est rerum quarumcunque ; et multa possunt a viro docto sine dedecore ignorari.

4. De seipso autem quisque pensitare debet ætatem & ingenium. Ætati omni, non omnia scienda conveniunt. Prima enim, quæ pueritia & adolescentia est, exerceri debet circa linguas, et rudimenta disciplinarum faciliorem, puta Arithmeticæ, Geometriæ, Geographiæ, et similium, quæ sensum & memoriam desiderant, quibus adolescentia pollet maxime. Matura verò ætas, crescente iudicio, ad difficiliora ascendere potest, nempe ad causas & principia rerum exquirenda.

5. De ingenio explorandum est, quibusnam rebus tractandis & addiscendis aptius sit. Nec enim omnes ad omnia ex æquo habiles sunt. Alii ad Mathesin, alii ad Poësin, alii ad eloquentiam, alii ad severiores contemplationes, pauci ad multa aut omnia idonei. Et quo genius suus quemque inclinât, ipse iudicare facile potest. Sed de facultate ad id acquirendum, alii sunt consilendi.

6. Ad

6. Ad viam & media cognitionis acquirendæ quod attinet, superfluum esset monere, ut viam brevissimam, facillimam, certissimam eligamus. Omnes enim ista genere, sponte sua probant, et expetunt. Sed ea ut assequamur, imprimis innitendum est, eam viam capessere quæ naturæ mentis nostræ congruit, hoc est, quæ eam non in vitam trahat, sed sponte sequentem ducat & regat.

7. Deinde necessaria est *attentio* seu debita in rebus considerandis mora. Nam et demum perceptio clara est, per quam rebus menti quasi præsentibus & apertæ sunt. Ut autem tales sint, requiritur ut mens stabilis et defixa sit, in earum consideratione; ne per vagas cogitationes, et quasi in transcurso, ac oculo volante, eas inspiciat.

8. Tertio necessaria est *cura*, accutela ne inanes rerum species nobis illudant. Non igitur quod primum arridet, statim amplectemur; nec primis cogitationibus nostris (ut nimis sæpe fieri solet,) fidemus; sed quicquid nobis offertur, tam diu sub examine detinebimus, dum omnibus, quantum fieri potest, circumspectis, solida ratione freti, certi simus nos veritatem invenisse.

9. Porro hallucinationes, non tantum illas quæ ex mentis nostræ infirmitate, aut incogitantia, ac temeritate, sed etiam quæ ex
affectu

affectu pravo oriuntur, diligenter cavebimus. Curandumque ut nudam veritatem in omnibus sectemur, sive pro nobis, hoc est, præsentibus consiliis ac institutis nostris sive adversus nos pronunciet. Unica enim illa est, nec a nostris cupiditatibus pendet, aut ab illis immutatur. Non igitur amicos aut socios professionis nostræ sequemur, nisi rectâ nos eô veritas duxerit. Nec cum ipsis hostibus aut alioquin maxime malis, in eandem sententiam ire recusabimus, si id ratio suadeat. Quædam enim pars veritatis apud quemlibet hospitari potest. Nec cum aliorum opem adscissimus, etiam doctissimis, et ingeniosissimis nimis tribuamus, quasi illi in nullo decipi possunt; sed perpendendum, non quis dixerit, sed qua ratione hoc vel illud dicatur. Hujus regulæ neglectu factum est, ut varii, in plerisque disciplinis, errores reperiantur.

10. Nec tamen duo illa Cartesii præcepta sine limitatione amplectimur; nempe, *ut semel in vita de omnibus dubitemus; utque sensibus externis*, qui nos quandoque decipiunt, *minime fidamus*. Nec enim dubitandum est de iis, de quibus, nullam rationem dubitandi habemus; ut an nosmet ipsi simus &c; sed tantum eatenus, et eo usque dubitandum est, dum rationem certam inveniamus. Et quod ad sensus externos attinet, solum cavendum est, ne illis semper & in omnibus

omnibus circumstantiis credamus, nempe si intemperie aliqua laborant, si objectum longius distet, aut minoris quantitatis sit, quam ut sensu, clare & vivide percipi possit; si denique medium per se, aut ex accidenti aliquo, ineptum sit, per quod veræ rerum imagines ad sensum deferantur.

C A P. III.

Præcepta ad Genesin circa themata simplicia præsertim ad definitionem spectantia.

THema simplex aliud absolute tale est, quod ordinarie, unica voce nominativi casus, (licet adjectis sæpe casibus obliquis, ad significationem ejus restringendam) efferri solet: ut *homo, lapis, motus; amor virtutis, metus mortis*: aliud comparate ad judicium, quod terminus complexus vulgo dicitur. Ut *homo doctus, lapis lydius, motus violentus, amor virtutis fictus, metus mortis servilis*. Et ejusmodi thema simplex, frequenter nomine substantivo & adjectivo simul effertur, sæpe etiam circumlocatione, ut subjectum hujus propositionis, *felix qui potuit rerum cognoscere causas*. De themate igitur simplici tractando præcepta sequentia observanda sunt.

Præcep: I.

Præcep : 1. In themate, si terminus
 complexus fuerit, requiritur, ut partes
 consentiant, non repugnent, aut se mutuo
 evertant, per *contradictionem* aut *repugnan-*
tiam in adjecto, ut in scholis dici solet. Con-
 tra hanc legem peccant Pontificii, dum *sa-*
crificium incruentum in Euchàristia, seu poti-
 us in missa sua, fieri asserunt ; nempe, in
 quo Christus, etiamnum a sacrificulis suis,
 Deo offertur pro peccatis vivorum, et ani-
 mabus mortuorum in purgatorio : item
 eum dicunt esse quædam *opera bona*, quæ De-
 us non præcipit & exigit, sed tantum indicat ;
 illa scilicet quæ *supererogationis* appellant, et
 in consiliis divinis contineri fingunt. Ete-
 nim sacrificio proprie dicto, quale illud esse
 volunt quod in missa fieri somniant, repug-
 nat esse incruentum : nec illa opera bona esse
 possunt moraliter, quæ Deus non præcipit
 & requirit.

Non putandum quidem est mentem posse
 terminos, quos manifeste repugnantes, esse
 percipit, componere ; licet sermone ex-
 terno id faciliè fiat : sed tantum per incogi-
 tantiam, aut propter affectum vehementi-
 orem, in hunc errorem incidere. Sunt ta-
 men termini, in quibus altera pars rem de-
 notat prout fuit de præterito, aut erit de fu-
 turo, altera prout est de præsentì, quarum
 ob idcirco altera alteram non evertit, licet ita
 accere videatur, ut *homo mortuus*, *domus con-*
S *denda.*

omnibus circumstantiis credamus, nempe si intemperie aliqua laborant, si objectum longius distet, aut minoris quantitatis sit, quam ut sensu, clare & vivide percipi possit; si denique medium per se, aut ex accidenti aliquo, ineptum sit, per quod veræ rerum imagines ad sensum deferantur.

C A P. III.

Præcepta ad Genesin circa themata simplicia præsertim ad definitionem spectantia.

THema simplex aliud absolute tale est, quod ordinarie, unica voce nominativi casus, (licet adjectis sæpe casibus obliquis, ad significationem ejus restringendam) efferrî solet: ut *homo, lapis, motus; amor virtutis, metus mortis*: aliud comparate ad judicium, quod terminus complexus vulgo dicitur. Ut *homo doctus, lapis lydius, motus violentus, amor virtutis fictus, metus mortis servilis*. Et ejusmodi thema simplex, frequenter nomine substantivo & adjectivo simul effertur, sæpe etiam circumlocutione, ut subjectum hujus propositionis, *felix qui potuit rerum cognoscere causas*. De themate igitur simplici tractando præcepta sequentia observanda sunt.

Præcep: I.

Præcep : 1. In themate, si terminus
 complexus fuerit, requiritur, ut partes
 consentiant, non repugnent, aut se mutuo
 evertant, per *contradictionem* aut *repugnan-*
tiam in adjecto, ut in scholis dici solet. Con-
 tra hanc legem peccant Pontificii, dum *sa-*
crificium incruentum in Eucharistia, seu poti-
 us in missa sua, fieri asserunt ; nempe, in
 quo Christus, etiamnum a sacrificiis suis,
 Deo offertur pro peccatis vivorum, et ani-
 mabus mortuorum in purgatorio : item
 eum dicunt esse quædam *opera bona, quæ De-*
us non præcipit & exigit, sed tantum indicat ;
 illa scilicet quæ *supererogationis* appellant, et
 in consiliis divinis contineri fingunt. Ete-
 nim sacrificio proprie dicto, quale illud esse
 volunt quod in missa fieri somniant, repug-
 nat esse incruentum : nec illa opera bona esse
 possunt moraliter, quæ Deus non præcipit
 & requirit.

Non putandum quidem est mentem posse
 terminos, quos manifeste repugnantes, esse
 percipit, componere ; licet sermone ex-
 terno id facile fiat : sed tantum per incogi-
 tantiam, aut propter affectum vehementi-
 orem, in hunc errorem incidere. Sunt ta-
 men termini, in quibus altera pars rem de-
 notat prout fuit de præterito, aut erit de fu-
 turo, altera prout est de præsentis, quarum
 quælibet altera alteram non evertit, licet ita
 facere videatur, ut *homo mortuus, domus con-*
S *denda.*

denda. Nam intermino *homo mortuus*, *homo* significat id, non quod jam est, sed quod fuit homo ; et in altero, *domus* significat, non id quod nunc domus est, sed quod erit domus.

2. Additamenta supervacanea sunt vitanda. Cum enim omne additamentum, vel explicativum sit, vel determinativum, ut supra part : com : cap. 18. Sect. 8. ostendimus, supervacaneum erit, quod nec explicat, nec determinat, (ampliando aut restringendo) id cui additur. Ut si quis dicat *animal vivens* non indicans posteriorem partem, priorem explicare, quod fieret dicendo *animal quod est res vivens*. Omne enim animal est vivens. Adeoque pro utroque fatis fuisset dixisse *animal*, nisi quis intenderet verum animal a cadavere discernere.

3. Attributa thematis quaecunque fuerint exquirenda sunt, et contemplanda. Cognoscuntur enim res per sua attributa ; sed maxime quærenda sunt attributa positiva essentialia & propria. *Positiva* quidem quæ illa explicant quid, aut qualis res sit ; negativa solum quid, aut qualis non sit, quod infinitis modis fieri potest. *Essentialia* vero, quia illa declarant rem ipsam secundum se ; accidentalia tantum declarant quid cum ea conjunctum sit ; *propria* denique, quia illa solam rem de qua inquiritur, notificant communem

communia non illam, magis quam aliam
 quandam cui simul conveniunt. Nec tamen
 attributa negativa semper rejicienda sunt,
 (quandoque enim positiva vel nulla sunt, ut
 in non-entibus, vel assignari a nobis neque-
 unt,) sed cum infinita sint, ea seligemus,
 quæ ad rem distinguendam ab aliis vel om-
 nibus vel quibusdam sunt idonea. Sic De-
 us, in sacris literis, cognoscendus nobis
 proponitur, per multa attributa negativa,
 quibus a rebus creatis distinguitur, et omnis
 ab eo imperfectio removetur. Accidenta-
 ria etiam ostendunt quarum rerum aut pri-
 vationum capax sit res : communia conve-
 nientiam illius cum aliis exhibent.

4. Magis etiam quærenda sunt attributa
 necessaria, quæ non possunt rei non conve-
 nire, quam contingentia, quæ secus. Illa
 enim sunt constantia, et perpetua rei crite-
 ria; hæc mutabilia & incerta.

5. Ut autem attributa rei facilius inveni-
 amus, expendendum primo est, de voce
 qua exprimi solet, quid illa proprie ac pri-
 mo significet, aut ad quodnam ex usu pro-
 prio, et prima institutione, significandum
 transferatur, et sic constituenda est definitio
 nominis. Ut vox *philosophia* proprie, et
 ex prima intentione hominum, *amorem* aut
studium sapientiæ denotat, quæ definitio no-
 minis est. Verum cum hinc transferatur ad
 sapientiam ipsam indicandam, hujus idcirco

alia definitio est quærenda.

6. Post definitionem nominis, inquirendum est an sit res, quæ eo appellatur : hoc est, vel an possibilis sit, vel an actu existat. Frustra enim de non-ente instituitur tractatio. Sed inquisitio ista, per præcepta the-
matis complexi tractandi, (de quibus infra dirigitur.

7. Si igitur constet rem esse, five actu five potestate, duplex esse potest illius consideratio : alia absoluta, ut est in se ; alia comparata ; prout alias respicit. Et tractatio absoluta simplicior cum sit, comparata antecedere debet.

8. In consideratione absoluta, primo investigandum est *Genus* rei, seu videndum ad quemnam ordinem rerum spectet reputa sitne substantia, an modus, an vel huius illiusve attributum. Istud autem constet, respiciendum est ad horum omnium ideas, supra traditas, et dispiciendum est, quænam ex illis rei congruat. Si substantiam esse comperiamus, videndum res sitne materialis an spiritualis, et quemnam vel huius vel illius ordinem referenda sit. Si modum, expendendum est, sit modus materiæ an spiritus, et (percorando omnia utriusque modorum genera opus erit) ad quodnam ex illis connumeratus sit.

9. Genus non qualecunque, sed pro-

num si fieri potest, exquirendum est. Hoc enim rem a pluribus distinguit, quam genus remotum. Istud autem ut præstetur, eoque attributum genericum dividendum est, dum ad ejusmodi membra devenum fuerit, quorum alterum soli rei cognoscen-
te, et uni alicui alii speciei commune sit. Difficile nonnunquam est genus rei etiam re-
motum, præter remotissimum nempe ens, (inter ens enim & non-ens facillime distin-
guitur) invenire : ut utrum *lux* sit substantia, an modus substantiæ. Sed longe difficilior est proximi investigatio : quia differentiæ, quo magis ad infimas & individuantes acce-
dunt, difficilius inveniuntur. Interim ta-
men quandoque non multum refert, si ve
proximum si ve remotius genus assumpseris. Ut dicasne logicam esse *artem* absolute, qua
ratione recte utimur, an *artem circa men-
tem occupatam*. Differentia enim gradum
illum propinquiorem exprimit. Necessè
tamen est, aliquod genus assumere, vel ex-
plicitè vel implicitè. Differentia enim per
se, seu in abstracto, nullo attributo generi-
co subintellecto, non potest vere de subjec-
to suo affirmari. Nec enim dicere licet ho-
minem esse *virtutem* ratiocinandi. Quod si
dicas, *homo est virtute ratiocinandi præditus* ;
idem erit ac esse *aliquid virtute illa prædi-
tum*. Illud autem *aliquid* est genus, licet re-
motissimum.

10. Sed longe operosius desudandum erit in differentia essentiali exquirenda. Dignoscitur autem ex eo, si abesse repugnet re, et tamen cum ea reciprocetur. Et quæ res quæ tractatur minus communis est, seu propius ad ordinem singularium accedit eo plerumque difficilius invenitur. Pauci enim ex differentiis specierum infimarum tenere se, profitentur philosophi.

11. Præterea, ex differentiis essentialibus, (plures enim ejusdem rei esse possunt, *prima* maxime quærenda. Hæc enim est causa, vel ratio reliquarum. Primam autem eam putabimus, in qua reliquæ, si appareant, fundantur, sive ad quam consequuntur, eo modo quo effectus necessarii sequitur suam causam, non autem vicissim. Et si res operativa sit, principium primæ seu nobilissimæ operationis, ex qua reliquæ pendent prima differentia statuatur. Si non operativa sit, difficile est regulam assignare communem. Speciales autem variæ intradendæ sunt.

12. Si res positiva sit, differentia illius positiva quærenda est. Ejusmodi enim differentia carere vix potest: Et negativa solum ostendit quid res non sit. Aliquando tamen negativam assumere cogimur, Quia positiva non occurrit; ut cum bestiam definimus *animal rationis expers*, vel merum animal *Materiam, substantiam perceptionis expertem*.

Et Positiva differentia, sæpe voce negativa effertur. Exemplum vulgo ponitur in bestia, quæ definitur animal *rationis expers*. Interim tamen fieri potest, ut differentia inter duas res, ex altera parte sit revera negativa: ut inter hominem dormientem & vigilantem: nempe cum altera omnia habet similia cum altera, præter unum aliquod, in eo enim casu, differentia alterius ab altera erit, quod careat illo, quod alteri est proprium. Sed differentia positiva quærenda non est, cum res definienda est privatio aut negatio, aut pro ratione formali, negationem, aut privationem includit. Nisi quod in privationibus differentia, ex parte, a respectu ad subjectum desumi soleat.

13. Primæ differentiæ subjungendæ sunt secundæ, seu proprietates essentielles consequentes, ut vocantur. Et si aliquem ordinem prioris & posterioris inter se habeant, ordo ille notandus est. Ostendendum enim est, quænam ex illis immediate sequatur differentiam primam, et quomodo tertia sequatur secundam, et sic porro. *Ex: g. facultas ratiocinandi*, est prima differentia hominis, per quam homo differt ab omnibus aliis rebus saltem corporeis: ex hac autem sequitur *potentia admirandi*; quia enim præstantiam rei per rationem percipit, aut quia causam aliquam illius esse novit, quam in specie aut individuo, non capit,

ideo miratur. Sequitur *facultas libere eligendi*, aut *respuendi* aliquid : per rationem enim videt quædam esse indifferentia ad finem, et e pluribus unum aut alterum ex æquo sufficere : ex hoc autem sequitur *culpabilitas* electionis malæ ; et ex hac rursus *punibilitas* secundum justitiam.

C A P. III.

De Definitionibus & Divisionibus con- ficiendis præcepta specialia.

PRO variis rerum generibus & affectionibus varia præcepta definiendi sunt necessaria. Nec enim omnes res eodem modo definiendæ sunt ; nec ex iisdem locis desumuntur differentiæ, in quibus recte assignandis præcipua definiendi difficultas facta est. Præcepta illa trademus secundum ordinem, quem in generibus rerum & attributorum communium enumerandis, observavimus ;

I. Substantiæ activæ definiuntur per virtutem suam activam propriam. Hæc enim earum primaria perfectio est. Dignoscitur autem virtus illa ex affectis, seu operationibus, quas substantiæ istiusmodi præstant. Sic planta definitur, *substantia corporea vi-*

uens: animal, *substantia corporea vivens sensiens*: homo, *vivens, sentiens intelligens, seu rationalis*. Præcipue autem sic definiuntur substantiæ spirituales, quarum perfectio propria in virtute agendi præcipue sita est.

2. Quæ ex se passivæ tantum sunt, illæ, quatenus tales, per virtutem seu potentiam receptivam aliarum rerum, aut modorum, definiuntur. Sic materiam primam definiunt Peripatetici juxta placita sua, (puram enim potentiam, passivam vocant) *substantiam multarum formarum, et variae mutationis capacem*. Sed frustra monent substantias materiales per formas suas definiendas esse; quia licet verum illud sit, formas tamen invenire, hoc opus hic labor est.

3. Modi definiuntur per respectum ad subjectum cui insunt, et effectum formalem quem ipsi præstant. Ut figura, quod sit *terminatio magnitudinis*; motus, quod sit *mutatio loci in substantia*; perceptio, quod sit *formatio ideæ in mente*.

4. Res singulares creatæ definiuntur, enumeratione accidentium priorum: ut Alexander Magnus, quod *filius Philippi Macedonis fuit, regni persici eversor*. Attributa enim essentialia, communia sunt, et in definitione speciei evolvuntur. Sed Deus, qui ens singulare increatum est, definitur per attributa essentialia. Quia quæ tale
singulare

singulare est, attributa propria plurima, et notissima habet.

5. Relationes definiuntur mentione facta subiecti, fundamenti & termini; ut esse patrem *est genuisse alium*: esse dominum, est *jus habere utendi aut fruendi re aliqua*. Esse simile, est *unum esse ut aliud*.

6. Res compositæ, qua tales, definiuntur per partes, et earum unionem: ut extensum est, cujus *pars est extra partem*; continuum, cujus partes cohærent: homo est *substantia corpore organico, et anima rationali constans*. Concretum vero definitur per subiectum & formam; ut justus est *qui justitiâ præditus*. Sed notandum hic est, ut perspicue definiatur res composita, si partes per se notæ non sint, illas etiam seorsim esse definiendas. *Ex: g:* Ut clara sit definitio hominis, quæ per partes essentielles fit, puta corpus, et mentem, et eorum unionem, necesse est explicare quid sit *corpus* organicum, quid *mens*, et quomodo hæc illi uniantur. Et ut plena sit definitio *justi*, ostendendum est, tum quid sit *justitia*, tum etiam quidnam sit cui illa inesse possit. Unde colligere licet unam sententiam rei definiendæ non sufficere, nisi termini illius ante definiti fuerint, sed necessarium sæpe esse integram tractationem.

7. Potentia activa, sub qua & habitus continetur, definitur per actum quem exercere,

ere, et effectum quem per illum producere apta est. Ut patientia est *virtus recte ferendi res adversas*. Potentia creandi est *virtus producendi aliquid ex nihilo, aut ex materia inhabili*.

8. Potentia passiva definitur per id quod res recipere potest : ut divisibilitas est *per quam partes rei separari possunt*. Mutabilitas per quam res potest esse diversa ab ea quæ nunc est.

9. Actus percipiendi, et appetendi, definiuntur per respectum ad objecta, et modum proprium quo in illa feruntur. Ut iudicium est, *quo aliquid de aliquo mens statuit*. Assensus, *per quem judicamus aliquid esse* : dubitatio, *cum mens hæret*, seu cum nec judicare potest rem esse, nec non esse. Potentiæ vero actuum ejusmodi per actus definiuntur.

10. Actiones qualescunque, definiuntur mentione agentis, et termini producti : ut scriptio est *characterum regularium formatio*, ab homine. aut aliquo alio agente rationali : loquela est *formatio sonorum articulatorum, conceptus & affectus animi significantium*.

11. Signa definiuntur mentione signati : ut vox est *signum rei conceptæ* : Sacramentum est *signum beneficii spiritualis*.

12. Privationes definiuntur mentione subiecti, et formæ quam ex eo tollunt : ut cæcitas est *carentia visus*, seu *potentiæ videndi in oculo*, vel *animali*.

13. Ex

13. Ex his quæ jam dicta sunt, manifestum est unam & eandem rem, sub diversa ratione, diversas definitiones admittere. *Ex : g.* aliam definitionem admittit res ut activa, aliam ut passiva : et alia est definitio hominis, ut est totum logicum, ex genere & differentia constans, alia ut est totum physicum, ex corpore & mente. Et alio modo definitur mens ut intelligens, alio ut appetens.

14. Præcepta de reliquis, quæ in prima parte logicæ tradita sunt, definiendis, ut de subjecto & adjuncto, toto et parte, causa & effecto & ejusmodi quæ hic præterivimus, minime sunt necessaria. Nam qui noverit quid sit subjectum, aut adjunctum in genere, novit etiam quid sit esse subjectum aut adjunctum hujus aut illius rei, quatenus est tale, et sic de reliquis. Sed de his quæ nunc recensuimus, præcepta quædam specialia sunt necessaria ; quia ex definitionibus eorum in genere supra traditis, non ita facile tyronibus apparet quomodo in specie definiendæ sint. Ut data idea relationis in genere, non statim apparet quomodo hæc & illa relatio definienda sit.

15. Post definitionem, divisio, si res eam postulat, instituenda est. Postulat autem res, si multiplex fuerit ; multiplex autem censenda est, si universalis sit, puta genus aut species ; aut totum quoddam, essentiale

essentiale, integrale, aut collectivum, præ-
sertim heterogeneous. Tum enim parti-
um diversitas divisionem requirit, ut sic illæ
seorsim considerentur, et distinctior totius
cognitio habeatur.

16. Si igitur res dividenda sit genus, di-
visio facienda est in species : si species fuerit,
dividenda est per varia accidentia. Si to-
tum essentiale, in partes essentielles ; si in-
tegrale in integrantes ; si collectivum in par-
tes collectivas. Subiecta dividenda sunt per
adjuncta : causæ per effecta, aut diversum
modum causandi ; effecta per causas, aut
diversum modum dependendi ex illis.

17. Post divisionem, novæ definitiones
membrorum ex ea resultantium, instituen-
dæ sunt, juxta præcepta definitionis jam da-
ta : et novæ subdivisiones, prout materia
postulat ; dum tandem ad individua deven-
tum fuerit, aut ad ea in quibus, nulla nota-
bilis differentia invenitur ; aut denique quæ
in aliqua alia disciplina tractanda sunt.

C A P. V.

*De investigatione causarum & reliquis
quibus thema simplex tractatur.*

CUM mens nostra, post essentiam rei definitione explicatam, proxime cognitionem causarum desideret, ut sic sciet non tantum quid sit res, sed etiam unde sit; in earum investigatione singulari studio elaborandum est. *Felix enim habetur, qui potuit rerum cognoscere causas.* De illis igitur investigandis, sequentia præcepta subjiciemus. Quanquam hic ingenium, et solertia desideretur, magis quam præcepta.

1. *Materia* ex qua res constat hinc dignoscitur, si in re aliquid inveniamus, quod formam aut modum quendam suscipit, ad quem ex se indifferens est, et per quem determinatur ad certum statum, seu speciem. Sic intelligimus *tres terminos* esse materiam syllogismi simplicis, *homines* esse materiam Ecclesiæ, aut Reipublicæ.

2. *Formam* habemus, cum id in re percipimus, quod aliud in eadem afficit, et determinat: et propriam quidem, (quæ maxime quærenda,) si eam ab omnibus aliis distinguat. Ut si tres termini ita dispositi sint, ut tres propositiones conficiant, quarum

una ex reliquis sequitur, dispositio illa erit forma syllogismi : et si plures homines veram religionem profitentes observemus, illa professio erit forma ecclesiæ.

3. Materia & forma rei, si qua sit, in definitione plerumque memorantur. Nontamen abs re erit, illa seorsim, et distincte notare, ut lector eos facilius agnoscat. Ut theologi postquam definiuerunt ecclesiam *cætum hominum, veram religionem erga Deum in Christo profitentium* ; addunt materiam ecclesiæ esse *cætum hominum* ; formam esse illam *professionem*. Memoria etiam tenendum est, materiæ rationem habere omne illud quod analogum est materiæ proprie dictæ, puta rerum corporearum, sive a natura, sive ab arte illæ sint.

4. In *concretis* ex subiecto & modo qualiscunque, subiectum habet rationem materiæ, modus vero est forma : In reliquis compositis, partes, materiæ officio funguntur, unio vero partium, qualiscunque tandem sit, sive physica, sive relativa, pro forma habenda est.

5. Causa *efficiens* in genere, dignoscitur ex effectis, in hunc modum : *si aliquid reperiamus, quod virtutem habet rem efficiendi* (de quo ex attributis illius iudicandum est) *et nihil aliud inveniri possit, a quo res oriatur ; si res talem causam exigit, et ea posita in actu, constanter sequatur, sublata vero cessat,*
aut

aut non ponatur, nullo impedimento interveniente, illud pro causa efficiente habendum est.

6. Ex effectis etiam percipimus indolem causæ ; nempe, sitne intelligens, an intelligentiæ expers ; necessaria, an libera ; potens, an debilis ; vehementer agat an languide.

7. Ex modo causandi intelligimus qualisnam causa sit ; prima, an secunda ; proxima, an remota ; subordinata, an coordinata ; solitaria, an socia ; principalis, an instrumentalis, ac ministra ; adæquata, an partialis ; juxta harum omnium ideas supra traditas parte communi.

8. *Objectum* ex eo percipitur, si attributa aliqua illius, proprietates, aut species, per actum attinguntur. Sic intelligimus *operationes intellectus* esse primarium objectum logicæ, quia, quæ in ea præcipue intenduntur tractanda, illarum sunt attributa, modi, et species.

9. *Finis* rei investigatur, considerando ad quidnam res natura sua apta sit, et quid per eam obtineatur, aut procuretur. Ut *pluvia* finem esse terram emollire, et succum ac humorem viventibus subministrare. Qualisnam autem finis sit, ex illius distributionibus supra traditis, satis intelligetur ; puta propriusne an communis ; supremus, an subordinatus, per se an per accidens ; &c.

10. In definitionibus sæpe adhibentur
causæ efficientes & finales; licet illæ extrin-
sæ sint rei definiendæ. Differentiæ enim
nunquam ex illis desumuntur. Ut habi-
tus ordinarius definitur, *dispositio rei perci-
piendi crebris actibus acquisita, ad facile &
expedite operandum*. Verum per finem ma-
gis declaratur natura rei, quam per effici-
entem; licet & hanc sæpe redoleat. Finis
nim aptitudinem rei ad aliquid procuran-
tum denotat, ut quod *homo natus sit ad De-
um glorificandum*, de eo docet facultate in-
structum esse, per quam possit Deum cog-
noscere, supra omnia deligere, ipsique ob-
sequium præstare.

11. Post tractationem causarum, acci-
dentia, seu adjuncta, inquirenda sunt; sive
inhærentia illa fuerint, sive adhærentia.
Sed non nisi propria, aut saltem universalia;
hoc est quæ omnibus, aut plerisque eorum
quæ in re continentur, conveniunt. Quæ
nim rei communia sunt cum aliis, parum
aut nihil faciunt ad eam explicandam. Quæ
paucis ex illius inferioribus conveniunt, non
nisi divisione facta, ponenda sunt.

12. In tractatione comparata, adhiben-
da sunt rei *cognata*, seu *consentanea*, puta
similia, paria & æqualia; et *repugnantia*,
seu *dissentanea*, ut contraria, et privantia.
Contradictorium & disparatorum rarior est
causa. Nee in reliquis assignandis diu im-
morandum

morandum est ; et ea seligenda sunt, quibuscum res maxime convenit, et a quibus magis immediate, et e diametro dissentit illa scilicet, quibus juxta cum eâ positis, ipsa magis elucescat.

13. Ad methodum thematis simplicis tractandi quod attinet, ex dictis jam constare potest, vocem primo si opus sit, distinguendam, deinde rem, prout hæc vel illa fuerit quæ voce significetur, definiendam. Proxime addendæ sunt omnes causæ ; deinde adjuncta : tandem consentanea & dissentanea. Et tum demum divisionem esse instituendam, præsertim illa quæ est in species. Nam divisio rei in partes ad tractationem causarum, nempe ad locum materiae pertinet.

14. Unicum tamen restat, ut omnia præcepta sint *homogenea*, et *reciproca*. Homogenea erunt si omnia de eadem re loquantur. Secus cum sit, vitium committitur, quod *digressio* seu μεταβασις εἰς ἄλλο γένος *transitus ad aliud thema* vocatur. Hoc enim licet oratoribus & poetis permittitur, quorum finis præcipuus est animum movere, philosopho tamen, cui nuda & simplex rei explicatio incumbit, illicitum est.

15. Reciproca autem sunt præcepta quando quæ cum genere reciprocantur, aut ei propria sunt in tractatione generis ; quæ vero propria sunt speciei, in tractatione speciei.

ei, proponuntur. Sic enim tractatio erit ordinata, perspicua, et jucunda ; et res quam clarissime menti audientis aut legentis versabitur. Secus si fiat, erit turbata, obscura, et alios offendet : *Ex : g.* De vi in genere non agendum est in tractatione animalis, sed viventis. De sensu non in tractatione hominis, sed animalis. Præceptum istud extenditur non tantum ad attributa essentialia, sed etiam ad causas efficientes, et finales, adjuncta, cognata, et opposita. Et hæc de tractatione thematis simplicis.

Sunt qui ad Genesin circa themata simplicia dirigendam, varias ordines rerum proponunt ; ut universalium, singularium, substantiarum & modorum, concretorum collectivorum, privationum, et de singulis tractandis varia præcepta accumulunt, quorum pleraque coincidunt. Sufficiant igitur et quæ tradidimus, quæ, præter nonnulla definitionem spectantia, generalia sunt. Theor quidem peculiarem quandam methodum esse tractandi substantias singulares, præsertim personas. Verum rhetorica magis quam philosophica est, et a Vossio tractatur, partit. *Orat. lib. 1. cap : 4.*

C A P. VI.

De Genesi circa themata complexa.

PER genesin circa thema simplex, varia rei attributa eruuntur, ex quibus una cum re ipsa, cujus attributa sunt, variae propositiones conficiuntur. Erunt autem illae vel evidentes vel non. Si evidentes fuerint, quiescit mens, nec ulteriorem inquisitionem instituit. Si non-evidentes sint, hoc est, si vel dubiae, vel falsae, speciem tamen veritatis gerant, aut rationibus in partem oppositam urgeantur, alia exercitatio instituenda est, quae genesis *sylogistica*, seu *discursiva* dici potest. Ejus igitur objectum seu materia est thema complexum, nempe propositio dubia, aut difficultatibus impleta, aut falsa, sed quae a quibusdam pro vera accipitur, aut facile imponere possit: quatenus examini subjicitur *quaestio* appellatur. Quæstio alia est *de nomine*, cum quaeritur an hoc vel illud tali nomine aut voce appellanda sit. *Ex: g.* an convenientium plurium, praesertim illa quae est in attributis essentialibus, aut necessariis, sit universalitas, seu unitas quae ad universale sufficit hoc est, an nominibus *unitatis*, et *universalitatis*, appellanda sit. Alia est *de re* nempe

(cu

cum de significatione vocum quibus termini
quæstionis exprimi debeant, satis constat)
an attributum subiecto conveniat, necne.
Ult, *an quod semel movetur, semper moveri*
debeat, si nihil occurrat quo motus illius sistatur.

Ultraque vel est de notione prima, ubi attributum quæstionis est notio prima; ut an logica sit ars; an de rebus præter voces & conceptus agat. Vel de notione secunda, cum attributum est notio secunda. Ult an *rationalis* sit differentia hominis, an *album* & *nigrum* specie differant, hoc est, an albedo & nigredo sint differentię specificæ. Prior quæstio *realis*, posterior, *notionalis* a quibusdam dicitur; an satis apte alii forte quæstionem facient.

Modus tractandi duplex esse potest, solitarius ubi quis apud seipsum quæstionem tractat; vel socius quando cum alio, qui stat a parte opposita. Ex his posterior *disputatio* dicitur: de priori sequentia præcepta tenenda sunt.

1. Summa cura dispiciendum est de ipsa quæstione, sitne de nomine tantum, ex toto aut parte, an de re. Logomachiis enim omnes fere disciplinæ scatent. Si autem de voce sit; plane inutilis est illius ventilatio, nisi quod ad hunc exitum perducı possit, ut proprietatem loquendi ostendamus.

2. Distinguenda est etiam quæstio notionalis

nalis a reali, potest enim attributum vere subiecto convenire, et tamen eam ad ipsum *ᾧ* non gerere, quæ putatur. Ut, aliud est quærere, an extensio, motus, et quies vere convenient materię; aliud an sint ei proprię. Et alia quæstio est an fides ad justificationem concurrat; alia vero, an sit causa justificationis.

3. Ubi plures quæstiones complicatę sunt: distinguendę sunt, et seorsim pensandę. Fieri enim potest, ut altera affirmative, altera negative concludenda sit. Et facilius est connexionem unius cum uno, quam plurium cum pluribus recte dijudicare. Item videndum an quæstio proposita aliam pręsupponat prius discutiendam; et distinguenda est quæstio incidens a principali. *Ex: g.* hæc, *an ὁ λόγος officio mediatorio functus sit ante incarnationem*, tres quæstiones includit; nempe an homines beneficia mediationis acceperint ante incarnationem *λογε*; an *λογος* ipse ea applicaverit; et an applicatio illa fuit opus mediatorium. Ex quibus tertia principalis est, quia ad quæstionis complexę solutionem maxime conducit.

4. Verus quæstionis status, quęcunque tandem illa sit, ponendus est. Secus enim culpa admittetur, quæ *ignoratio Elenchi* appellatur: et omnem operam in quæstione tractanda perdemus.

5. Ter-

5. Termini omnes quæstionis præcognoscendi sunt, et nihil in illis obscurum, aut ambiguum relinquendum est. Prius enim intelligere oportet, quid subiectum & prædicatum significant, quam percipere possimus, an hoc illi conveniat aut repugnet. His enim incognitis, nihil de quæstione ipsa, nisi temere & casu pronunciare possumus: male autem intellectis, necesse est rationes quas adducimus, aliud concludere, quam concludendum est. Et quo perfectius naturam & attributa terminorum capimus, eo facilius rationes inveniemus ad connexionem aut disjunctionem eorum concludendam. Siquidem illæ ex attributis utriusque præcipue desumuntur.

6. Nihil sine ratione asserendum est, vel certa, vel saltem probabiliori. Vel enim propositio quam statuimus, per se nota esse debet, adeoque ratione confirmari non indiget; vel si dubia, aut ignota fuerit, per alias notiores elucidanda est. Secus enim temere de ea sententiam ferimus, et rationem abdicamus. Interim tamen *to oñs* non est semper quærendum; sed sufficere debet *to oñs*, cum potiore rationem non assequimur. Hoc est, quod verum esse constabit, amplectendum est, licet difficultatibus circumseptum, quas facile superare non possumus. Sic *Deum esse immensum* recte statuimus, præcunte scriptura sacra, et ratione;

licet modum istius immensitatis definire difficile sit : ut sitne tota essentia divina ubique, an vero extensa sit per partes, aut quasi partes. Nec in practicis certitudinem semper quæremus ; quia occasio agendi forte præterlabetur, antequam eam inveniamus. Sed sufficit id eligere, quod verisimilius ad finem conducere videbitur : modo certi simus aliquid nobis esse tentandum.

7. Nullum axioma ponendum est, quod non sit evidentissimum. Pro evidenti autem habendum est, si debita attentione adhibita, attributum in idea subiecti contineatur, aut eidem repugnet. Alii sic exprimunt, axioma est cujus veritas cognita significatione terminorum statim innotescit. Nec proinde demonstrari debet, quia ex se, omnem evidentiam habet, quam ope demonstrationis habere potest.

8. Propositiones jam demonstratæ instar axiomatum sumi possunt, ad alias dubias demonstrandas. Perinde enim est, sive per se notæ sint, sive aliunde, propositiones ex quibus discurremus, modo de earum veritate satis constiterit.

9. Præcognita qualitate quæstionis, et terminis satis definitis, ac axiomatis, si opus fuerit, præstitutis, proximus labor est argumenta excogitare, et adhibere ad alteram partem concludendam ; quæ vel artificialia sunt, nempe ex natura subiecti aut attributi,

tributi, aut quovis loco præter testimoni-
am; five antecedentia, seu a priori fuerint;
five consequentia, seu a posteriori. Vel
inartificialia, quæ a testimonio divino, vel
humano desumuntur; nec, ut illa, artem
requirunt. Sed de probationibus notanda
sunt præcepta sequentia.

10. In probando non de sola certitudine,
sed etiam de evidentia laborandum est, hæc
est, non acquiescendum in eo est, quod cer-
ti sumus rem ita esse, sed enitendum etiam
ut causam vel rationem cur sit, adeoque ra-
tionem intrinsecam, proximam, propriam,
et a priori teneamus. Secus quam in Geo-
metria fit, prout multis jam seculis tradita
est. In ea enim una propositio semper de-
monstratur per aliquam aliam prius demon-
stratam, si paucas excipias, quæ in initio
ponuntur: cum credibile sit, vel omnes,
vel plerasque per rationes intrinsecas de-
monstrari posse.

11. Cavendum est ne argumenta adhibe-
amus inutilia, quæ non concludant. Sic
enim in deceptionem *non causa pro causa* in-
cidimus. Et si ratiocinia nostra scriptis
committamus, aut sermone externo profe-
ramus, fiduciam facimus adversario (si con-
tingat aliquem ejusmodi esse,) de veritate
sue sententiæ, et infirmitate nostræ, cum
ipse in errore versatur; et spem de reliquis
argumentis nostris diluendis, quæ tamen
subverti

subverti nequeunt. Unde & bonæ causæ, inscitia & negligentia nostrâ injuriam facimus, eamque oneramus potius quam defendimus.

12. Quæ solum probabilia sunt, probabilia tantum esse fatebimur ; nec pro necessariis venditanda sunt.

13. Pondere quam numero argumentorum magis est contendendum. Præstat enim, vel unica ratio evidens, quam viginti earum, quæ exceptionibus sunt obnoxia.

14. Ex thesi demonstrata, corollaria, seu porismata, quæ deduci possunt, notanda, et eorum cum illa connexio probetenda. Quot modis autem illa deduci possint, ostendimus supra, parte communis, *cap. 28. Sect. 13. et seq.*

15. De rationibus in partem oppositam diluendis, hæc breviter offerimus. 1. Observandum est, an in forma syllogistica deficiant. 2. Si contra eam nihil peccant, cogitandum est, an conclusio in præmissis contineatur. Hoc autem, extensione & compræhensione terminorum spectata, innotescet. 3. Videndum est an contra aliquam aliam veritatem evidentem militent : aut manifestam falsitatem necessario consequentem habeant. Veritas enim, sibi nunquam contradicit, nec ex ea sequitur falsum. 4. Expendendum etiam est, an difficultatem

tem potius injiciant de modo rei, de qua
 quæritur, quam vere ostendant eam aliter
 esse ac statuimus. Ut si quis contra moru-
 las in motu gravium, aut quarumlibet alia-
 rum rerum quæ continuo moveri videntur,
 objiceret, non esse majorem rationem cur
 res in una parte spatii moretur, quam in
 alia : quod quamvis ἀλλοθεν sit, assensum ta-
 men nostrum veritati prohibere non debet,
 quæ vel ex eo manifesta est, quod non omnia
 per idem medium pari velocitate movean-
 tur.

C A P. VII.

*Axiomata communia quibus plerique
 discursus nituntur.*

SED ad genesin circa themata complexa
 promovendam, duo adhuc media su-
 persunt, nempe axiomatum & idearum
 communium observatio. Axiomata com-
 munia sunt veritates per se notæ, vel facile
 demonstrabiles, ad omnes fere ordines re-
 rum, et attributorum spectantes.

1. De esse & non esse, tria sunt axioma-
 ta. 1. *Nihil potest simul esse & non esse :*
 hoc est, existere, et non existere ; esse tale,
 et non esse tale ; ut esse album, et non esse
 album

album. 2. *Quodlibet est vel non est* : hoc est, existit, vel non existit. Est tale vel non est tale. Cui affine est illud, *inter esse & non esse*, ens & non-ens, *non datur medium* ; scilicet, quod nec sit, nec non sit, nec sit ens, nec non-ens, aut partim sit ens, partim non-ens. 3. *Quicquid est quando & quamdiu est necessario est* ; seu non potest non esse. Sequitur ex primo.

2. De subiecto & modo, seu adjuncto vel accidente, duo sunt. 1. *Posito modo adjuncto, aut accidente, ponitur subiectum sed non vicissim*. Ut est motus, ergo aliquid movetur. 2. *Sublato subiecto, tolluntur omnes illius modi, adjuncta, sive accidentia, sed non vicissim*. Ut si in Eucharistia post consecrationem panis & vini, nec huius, nec illius substantia superstes sit, ut Pontificii affirmant, neque ulla figura, color, sapor &c, remanebit quod contra sensum est. Ratio utriusque est, quia modus essentialiter & necessario pendet a subiecto. Adjunctum autem seu accidens, licet de se non semper requirat subiectum, nempe cum substantia esse contingit, essentialiter tamen dicit respectum ad subiectum : ita ut si ab eo separaretur, non amplius est adjunctum aut accidens. Sed subiectum non necessario requirit hunc aut illum modum, aut hoc vel illud adjunctum determinate.

3. De illis quæ identificantur & distinguuntur

antur hæc sunt axiomata. 1. *Quæ idem
sunt, quatenus sunt idem, possunt de invicem
affirmari; negari autem salva veritate non
possunt: ut homo & ανθρωπος, ensis & gladi-
um.* 2. *Quæ sunt eadem uni tertio singulari,
ut cuivis rei, ejusdem extensionis, sunt ea-
dem inter se. De hoc supra parte com :
Cap. 27. Sest : 8.* 3. *Quæ distinguuntur,
quousque distinguuntur, negari possunt de se-
invicem; affirmari vero non possunt: ut mi-
sericordia & justitia in Deo, in sensu forma-
li.* 4. *Quæ separari possunt a se invicem, sive
ambo simul separatim existant, sive non,
non necessario distinguuntur. Secus enim idem
simul esset & non esset. Non tamen omnia,
etiam quæ realiter distinguuntur, separari
possunt; ut pater æternus & filius: sicut
nec illa quæ sola ratione distinguuntur, ut in-
tellectus & voluntas in mente.*

4. De relatis unicum est axioma. *Posito
uno relatorum ponitur alterum, et sublato uno
tollitur alterum: ut est pater. Ergo est ali-
quis filius; non est pater: Ergo, nullus est
filius.*

5. De universalibus in genere, hæc sunt.

1. *Quicquid convenit universali, dempta ip-
sa universalitate, convenit unicuique singula-
rium, quæ in extensione illius continentur.*
2. *Quod repugnat universali, repugnat eti-
am omnibus quæ in extensione illius continen-
tur; dempta tamen singularitate, et aliis
rationibus*

rationibus formalibus inferioritatis. Repugnat enim universale esse singulare; et generi, qua genus est, esse speciem. De his etiam supra dictum est, ubi de principiis consequentiarum in syllogismis universalibus egimus. 3. *Posita singulari in creatis ponitur universale secundum essentiam*, seu comprehensionem suam spectatum: sed posito universali sic accepto, non ponitur ullum singulare determinatum: ponitur tamen aliquod indeterminatum. Ratio est, quia universale, secundum essentiam spectatum, continetur in quovis singulari, puta, *homo* & *animal* in Petro; sed nullum singulare determinate continetur in universali sic spectato, sed tantum aliquod indeterminate. Axioma istud generalioribus terminis efferri potest, et debet; *posito quovis inferiori, ponitur superius, et eo negato tollitur*. Et *posito superiori ponitur quoddam inferius indeterminate*, non autem unum determinate magis quam aliud. Hic tamen intellige superius & inferius in eadem linea categorica. Et *Positis omnibus inferioribus, ponitur superius universaliter consideratum, seu in tota sua extensione*, et *negatis aliquibus inferiorum tollitur*. Huic axiomati nititur *inductio*.

6. Axiomata de genere, specie & individuo, huic proxime memorato innituntur, seu in eo continentur, hæc scilicet, 1. *Posito individuo ponitur species; posita specie po-*
nitur

genus. Intellige hic genus & speciem absolute, secundum naturas suas in particulari, non autem secundum universalitatem : est Socrates, ergo est homo ; est homo ; ergo est animal. 2. *Posito genere, ponitur aliqua species indeterminate, hæc vel illa ; et posita specie, ponitur aliquod individuum indeterminate hoc vel illud :* sed non ponitur species determinata, aut individuum determinatum. Ut est animal, ergo vel est homo, vel bestia : est bestia, ergo vel est equus, vel asinus, vel canis, &c. Ratio est quia superiora existere nequeunt, sublatis omnibus inferioribus. 3. *Negato genere, negantur omnes species, et negata specie, negantur omnia individua.* Superius enim continet actu unum, ad minimum ex inferioribus.

7. *Speciei & differentiarum essentialium propriarum, unum est axioma. Species cum sua differentia propria & differentia omnes propriæ ejusdem speciei, aut individui, recipiuntur :* id est, universaliter affirmantur de se invicem. Unde & uno ex his negato, negantur et reliqua, et uno posito, ponuntur reliqua. Exempla obvia sunt.

8. *De toto & partibus, hæc sunt axiomata.* 1. *Posito toto, ponuntur omnes partes & unio.* 2. *Sublata quavis e partibus, non manet idem totum, nisi moraliter, et communis estimatione.* 3. *Et sublata unione, tollitur*

tollitur compositum, qua tale. 4. Totum est majus sua parte. Continet enim eam, et aliquid amplius.

9. De actu & potentia hæc sunt. 1. *Ab actu ad potentiam, valet consequentia, sed non vicissim: ut existit res, ergo potest existere; operatur, aut patitur: Ergo potest operari aut pati.* 2. *Cujus est actus, ejus etiam est potentia, et vicissim; Ut si in homine sunt actus ratiocinandi, in eo etiam est virtus ratiocinandi, et si virtus, etiam actus, quando sunt. Hic tamen intellige actus proprios rei.*

10. De signo & signato hæc sunt. 1. *Posito signo necessario, seu certo, ponitur signatum. Hoc enim illi subesse necesse est. Ut est fumus, ergo est, vel fuit ignis. Deus loquutus est, ergo res est, fuit aut erit, prout ab eo significatur.* 2. *Cui convenit jus in signum, ei convenit etiam jus in signatum. Et ad quos pertinet signatum, illis signum non est denegandum: ut regeneratio est infantum: Ergo sunt baptizandi. Communio sanguinis Christi fidelibus convenit, ergo & jus bibendi de poculo sacro.*

11. De causa & causato. 1. *Posita causa in actu, ponitur causatum. Causa autem in actu, est causalitatem suam exercens.* 2. *Posito causato ponitur causa, eaque in actu, vel de presenti vel de præterito. Huic nititur demonstratio ὅτι, illi, ὅτι.* 3. *Nihil est cau-*

suspensus. Sic enim esset prius & posteri-
 us seipso, vel tempore, vel natura. 4. Non-
 potest esse causa entis. Siquidem ni-
 l dat quod non habet. 5. Causa manens
 eadem, semper apta est facere idem. Et si
 necessario causet, et nullum impedimentum
 interveniat, semper facit idem. 6. Posito
 fine in intentione, ponitur electio mediorum,
 item in genere, et confuse. Intentio enim
 est volitio finis per media obtinendi. 7. Po-
 sito fine in fruitione, ponuntur media de prae-
 senti aut praeterito. 8. Qui utitur mediis in-
 tendit finem, aliquem quidem, sed non om-
 nem ad quem illa natura sua tendere possunt.
 Qui media sufficientia ad finem acquiren-
 dum non adhibet cum possit, si agens sapiens
 fuerit, non intendit finem. 9. Posito actu po-
 nitur objectum, circa quod actus versatur,
 vel in esse reali seu actuali, vel possibili, vel
 in intentionali, seu objectivo, id est in
 cogitatione.

12. De cognatis, paribus nempe & si-
 milibus. 1. Paribus & similibus, paria &
 similia conveniunt; scilicet quatenus sunt pa-
 ria & similia. 2. Cui unum parium convenit,
 etiam alterum convenit. Ut Christus po-
 tentia propria sanavit aegros, sine mediis na-
 turalibus; ergo potuit etiam remittere
 peccata. Sic enim ipse arguit *Math. 9. 5.*

13. De imparibus & dissimilibus. 1. *His*
conveniunt imparia & dissimilia, in quantum
 U
 sunt

sunt talia. 2. *Cui convenit majus, ei & minus convenit.* Hoc est, qui potest majus aliquid præstare aut dare, etiam minus ejusdem generis, potest. Et qui majorem perfectionem habet etiam minorem habere vel formaliter, aut eminenter. 3. *Cui minus non convenit, a fortiori, non convenit majus, ejusdem scilicet ordinis, et imperfectioris seposita.* Ut homo irrogenitus non potest recte & sincere diligere proximum; ergo multo minus Deum. 1. *Johan. 4. 20.* 4. *Quod non convenit majori, id, seposita imperfectioris, neque minori convenit.* Ut cæli & angeli non sunt puri, si ad Deum conferantur; multo igitur minus homines. Adamus in statu innocentie non potuit mereri, ex justitia commutativa, beatitudinem; ergo multo minus homo post lapsum.

14. De oppositis. 1. *Posito uno oppositorum, nempe contradicentium, aut contrariorum, si medio careant, item privantium debito subjecto & tempore observato, tollitur alterum.* Ut est homo, ergo non est non homo: est probus, ergo non est improbus: cæcus est, ergo non videt. 2. *Oppositis quatenus sunt opposita, opposita conveniunt.* Injustus leges violat; ergo justus eas observat. Lux est grata animalibus; ergo tenebræ sunt ingratae.

15. De definitione. 1. *Omni rei com-*

sua definitio, seu idea propria. 2. Cui tri-
bus definitum, ei etiam tribuitur definitio,
omnia illius attributa. Seu cui convenit
essentiatum, ei convenit essentia tota. Ade-
que cui convenit unum ex attributis essen-
tialibus propriis, ei etiam conveniunt reli-
qua. 3. Cui convenit definitio, ei & res de-
finita convenit. Ut logica est habitus effec-
tus; ergo est ars. 4. Cui repugnat, aut
non convenit definitio, ei & res definita repug-
nat, aut non convenit. Et similiter de re defi-
nita. Ut idola non fecerunt cælum & ter-
ram; ergo non sunt dii.

16. Reliqua axiomata sunt quæ sequun-

Nec enim ad certa capita referri pos-

1. *Quicquid Deus testatur, aut illi*
in testando a spiritu Dei infallibiliter du-
ritur, illud est verissimum. Huic veritati
admiratur tota fides christiana. 2. Clara men-

straperceptioni fidendum est. Secus enim
deretur omnis tum fides, tum scientia.

Fidendum etiam est experientia interne,
mentali: ut certi sumus nos cogitare,
velle, nolle, amare, odio habere, gaudere,
dolere. Ista enim immediate & vivide
nobis percipimus. 4. Quicquid sensus

verus non vitiat, nobis repræsentat, si ob-
jectum in debita distantia, aut propinquitate
offeratur, et medium idoneum fuerit, id pro-
per habendum est. Putandum enim non est,

quod organa istiusmodi cognitionis acqui-

rendæ creaturis, præfertim rationalibus
disse, quæ eas semper fallant. 5. *In*
omnes ubique, et omnibus seculis, aut scienti-
ores, et meliores consenserunt, illud, vel
nomine, verisimilius est. Ex. g. Deum
se, animam humanam esse immortalem
6. *Artifici perito in sua arte fidendum*
7. *In quaestione de jure, seu de eo quod fieri*
debet, aut non debet, consulenda est lex
et quicquid habet vim legis. 8. *In quaestione*
de facto adhibentur testes, contra quos juramentum
excipi non potest, præfertim qui juramentum
tenentur verum dicere. Item chirographum
cui nulla falsationis suspicio subest. 9. *Quæ-*
stio est de eo quod est aut fuit, si tale
ut de eo sensus facile possit judicare et con-
metur testimoniis multorum hominum, divi-
forum seculorum & gentium, diversa
sequentium, si testentur de illis tanquam
visis testibus istiusmodi fides adhibenda
10. *In quaestione denique de voce, aut phre-*
seologia, standum est acceptioni communis
Hoc est, illis nominibus res appellamur
sunt, quibus communiter appellari solet.

Ex axiomatibus communibus hæc sunt
præcipua. (specialia enim unaquæque disci-
plina sibi proponit) quibus mens nostra in
tociatione utitur. Et licet pauci ad ea
presse & in actu signato respiciant, omnes
tamen in actu exercito, seu cum applica-
tione ad materiam particularem intuentur.

ed enim nisi facerent, de nulla conclusione,
 erti esse possent.

C A P. VIII.

*Questiones ad varia capita speciali-
 ora revocantur & præcepta de
 singulis proponuntur.*

Alterum ad Genesin circa thema com-
 plexum facilitandam medium est, ide-
 rerum & attributorum generalibus uti in
 ateria particulari quæ in illis continetur.
 oc autem, ut adhibeamus, ad varia capi-
 quæstiones revocandæ sunt, juxta ordines
 rum & attributorum communium. Quan-
 am autem ideis generalibus facile utuntur
 riti, et natura ad usum illarum omnes tra-
 t, quia tamen non omnes sciunt se illis uti,
 tyrones ad medium istud sine monitore
 n semper attendunt, idcirco rationem eis
 endi breviter ostendemus.

1. Si quæstio sit, an aliquid sit substan-
 an modus, videndum est an res per se
 bsistere possit; an vero subiectum necessa-
 requirit.

2. Si quærat^{ur} an attributum essential^e sit, an accidentarium subiecto, dispiciend^{um} est, an possit ab eo sine contradictione separari, seu an oppositum ei convenire possit an secus.

3. Si quærat^{ur} an attributum commune sit an proprium, videndum est, an soli subiecto, an vero ipsi una cum aliis conveniat.

4. Si quærat^{ur}, sitne aliquod subiectum alterius, an adjunctum, inquirendum est postquam in esse suæ speciei aut ordinis constituitur, ipsum recipiat, an ab eo recipitur.

5. Si quærat^{ur}, utrum res actu existat an non, videndum est, sitne causa efficiens physica actualis, effectus de præsentⁱ, subiectum, forma, aut pars alterius, an non an sensu percipiatur, interno, vel externo an locus assignari possit in quo sit : denique si ex non-existentia illius sequatur falsum et quod est evidenter verum, aut vicissim. Non concludemus existere, cujus existentia nullum signum aut rationem certam habemus : nec tamen concludemus non existere nisi existentia aperte ei repugnet.

6. Possibile esse communiter concluditur in quo nulla repugnantia apparet : impossibile, in quo contra. Verum licet certi esse possimus illud esse impossibile, cujus una pars ideæ alteram evidenter evertit, ut quod *dratum rotundum*, non tamen ad concludendum

lum positive hoc vel illud esse possibile, sufficit, quod in idea illius, nulla repugnantia nobis apparet; (fieri enim potest ut sit aliqua in ea repugnantia nobis occulta, ut in creatura ab æterno, infinite extensa, &c) sed tantum ut putemus, quantum nobis constat, possibile esse. Quia enim potentia Dei infinita est, de possibilibus, et impossibilibus difficile est iudicium. Solum quod non evidenter repugnat, pro impossibili non est habendum.

7. Aliquid esse idem cum alio in sensu reali, concludemus, si nihil in altero inveniamus, quod in altero non includitur præter negationem, aut habitudinem aliquam ad aliud: in sensu vero formali, si sola voce differant. Idem vero inadæquate iudicabimus, quod alterum includit, aut in eo includitur, ut attributum, aut pars.

8. Aliquid ab alio distinctum intelligemus, si alterum de altero negari possit, sine contradictione: et realiter quidem si utrumque separatim existere possit; modaliter, si alterum sine altero existere possit, sed non reciproce: (Quod tamen in solis rebus creatis obtinet: modi enim divinæ essentiae sunt absolute necessarii;) denique saltem ratione distincta sunt, quæ diversas definitiones admittant, modo ambæ sint per attributa essentialia, eadem enim res potest diversas definitiones admittere, si altera per attributa

tributa, altera per partes tradatur. Dico
saltem, quia quæ realiter aut modaliter dis-
tinguuntur, multo magis diversas definitio-
nes habent.

9. Relatum esse concludemus, quod sine
respectu ad aliud concipi nequit, absolutum
si contra.

10. Pro universali habebimus, quicquid
pluribus inest per similitudinem : universale
vero respectu subjecti erit si possit de illis
affirmari : singulare si contra.

11. Simplex esse concludendum est, in
quo distinguere non possumus plures entita-
tes, partes, aut rationes. Compositum ve-
ro si contra.

12. Pro concreto accipiemus, in quo dis-
tingui possunt subjectum, forma, aut quæ-
dam illis analogæ : abstractum autem judica-
bimus, quod sola cogitatione separatum
subjecto invenimus.

13. Bonum in se, seu perfectum, ali-
quid esse inferemus, si nihil ei desit, aut su-
perfit, quod adesse vel abesse debet. Ma-
lum vero seu imperfectum, ex quovis de-
fectu, quatenus defectus iste ipsi adhæret.
Bonum autem alteri, si ipsam producat
conservat, perficiat, delectet, malum si e-
quocunque modo contrarium aut nocivum
fuerit.

14. Potentiam activam alicujus, rei in
esse concludemus, si vel illud, vel aliquod
aliud

aliud quod æque difficulter fit, seu parem potentiam requirit, ab ea oriri perspicimus, aut si ea potentia negata, negandum esset aliquod attributum istius rei manifestum. Passivam vero, si id de quo quæritur inesse possit, actu insit, aut aliquid aliud cuius par est ratio : aut denique si potentiam activam inveniamus, qua illud rei inferri possit.

15. Actum informantem esse concludemus, quod potentiam aliquam passivam perficit, replet, et rem cuius est, determinat : terminatum, vero si aliquid respiciat repræsentando, proseguendo, vel fugiendo. Huius autem vel illius potentiæ, sive naturalis, sive adventitiæ, actum esse intelligemus, si ab alia potentia oriri nequit, sive si non nisi per respectum ad ejus generis actum, potentia concipiatur.

16. Necessarium absolute concludemus, quod non esse aut aliter esse nequit : alteri vero, si sine eo alterum illud esse nequit : utrumque autem, sive absolute, sive ex hypothesis. Contingens, si contra.

17. Signum huius aut illius rei esse percipimus, si illam in cognitionem nostram ducere aptum sit, aut actu ducat. Signatum, si per aliud in cognitionem venire possit, aut actu veniat : modo tamen illud aliud nec sit causa, nec pars, nec effectus, nec aliquid de essentia rei cognitæ.

18. Princi-

18. Principium hujus aut illius rei esse statuemus, si res illa ab eo quocunque modo sit. Principiatum si ab alio sit.

19. Efficientem proprie, et physicam, si res ab ea per veram actionem sit. Progenam, si interius disponit agens ad agendum. Instrumentum, si extrinsecus assumatur a causa nobiliori, et in virtute illius agat. Causam moralem, si objective dirigat, excitet, aut inducat ad agendum, aut agentia naturalia applicet. Objectum, si circa ipsum actus aliquis vitalis exerceatur. Finem, si illud sit ad quod alia tendunt, aut cujus gratia suscipiuntur, et fiunt. Medium si aptum sit ad aliud, aut ab agente usurpetur ad illud consequendum. Conditionem denique, si ad rem aliquid conferat: nec tamen ut efficiens, finis, objectum, aut pars.

20. Denique convenire aliquid cum alio inferemus, si sicut illud sit. Differre vero si contra. Oppositum si cum alio pugnet, si ve repugnet. Contradictorium, si nihil sit medii inter ipsum & illud cum quo pugnat; privationem, si sit carentia alicujus rei, cujus res est capax: puram negationem, si carentia sit, cujus res est non capax. Contrarium si id cum quo pugnat sit positivum, et sub eodem genere.

Hæc forsitan parum necessaria sunt: ex his enim quæ de ordinibus rerum & attributorum

torum diximus, levi negotio intelliguntur. Malui tamen aliquid tradere quod exercitatis nauseam cieret, quam in illis tradendis deficere quæ tyronibus quocunque modo usui esse possent.

C A P. IX.

De Disputatione seu discursu sociali.

GENESIS circa thema complexum socia, *disputatio* dicitur. Quanquam qui contemplationibus se dedunt, non raro ipsi cum seipsis conflictantur, seu quæstiones, et rationes objiciendo, et respondendo, ultro citroque agitant. Sed disputatio ex usu communiore, illam exercitationem significat, in qua unus alterius sententiam impugnat, alter suam defendit. Unde & hic *respondens* seu *defendens*; ille *opponens* dicitur.

Disputatio quandoque viva voce fit in congressu personali: et si publica, aut de re graviori fuerit, utile est præsidem seu judicem, ex utriusque partis consensu eligere.

Quando-

Quandoque scriptis, ubi cum absente manum conferimus, impugnando id quod ab eo vel dictum, vel scriptis consignatum reperimus. Hujus exercitii finis est vel ut alterius ingenium, et profectum in studio sciendi exploremus, vel animi recreatio, vel (quod præcipuum est) veritatis confirmatio, erroris refutatio. Præcepta de eo dirigendo alia generalia sunt; alia specialia. Generalia sunt quæ sequuntur.

1. Materia disputationis nihil contineat principiis religionis contrarium. Impium enim esset, et pias aures offenderet, et dubitationes periculosas quibusdam forte injiceret, disputare *an Deus sit, an sit justus, et verus*: *an parentes sint amandi, et honorandi*. Interim tamen sicubi principia ista negentur, aut subvertantur, contra veritatis hostes maxime decertandum est. Verum hi, non autem qui contra eos agunt, causa sunt cur ejusmodi veritates in contraversiam veniant.

2. Neque de illis quæ facilia & manifesta sunt, nisi alterius tentandi, aut animi recreandi gratia; aut quæ captum humanum superant; aut quorum cognitio plane inutilis, aut minus utilis, disputatio instituenda est. Quia in hunc finem tendere debet omnis disputatio seria, ut veritas recondita, aut difficultatibus circumsepta, aperta & accessibilis fiat.

3. Cum:

3. Cumque is finis ipsius disputationis sit, rationi consonum est, ut disputantes, non victoriam, aut gloriam inanem, (inanis autem est, quæ ex ingenii nostri ostentatione, aut infirmitate alterius capitur,) sed veritatem, et vel suam, vel aliorum institutionem, et confirmationem in ea, præcipue intendant.

4. Sit etiam materia disputationis, talis, cujus disputantes non plane ignari sunt. Secus enim Andabatarum more in tenebris pugnabitur.

5. Ad disputandum animus adferatur ab omni præjudicio, et partium studio immunis. Secus enim fieri non potest, ut veritas quæretur.

6. Ab omni convitio, calumnia, et contumelia, utrinque absteineatur.

7. Status quæstionis ante omnia dilucide ponatur, et de eo inter disputantes conveniat: nec inter disputandum mutetur: ut fieri solet ab illis, qui cum concludere non possunt, quod in primo congressu suscipiunt, alio transvolant, et id probare conantur, quod non est probandum. Ratio est, quia, alioqui, nec alter alterius sententiam impugnet, nec alter suam tuebitur.

8. Necessè etiam est, ut conventum utrinque sit de quibusdam principiis, et ejusmodi quidem quæ ad contraversiam dirimendam faciunt. Si enim defendens omnia negaverit,

negaverit, quæ alter opponit, nullus erit contradicendi finis.

9. Brevitati & perspicuitati studendum est, tum in rationibus proponendis, tum in solutionibus adhibendis, omiſſis verborum ambagibus, et rhetoricationibus.

10. Patienter alter alterum expectet, dum orationem absolverit, modo legem proxime dictam non violaverit.

11. Alter alterius partes ne arripiat. Quædam enim ad opponentem, quædam ad defendentem peculiariter spectant. Ut ad affirmantem probare, ad negantem probationes affirmantis diluere. Sed ex præceptis specialibus jam tradendis, utraque pars officium suum discat. Ad opponentem spectant quæ sequuntur.

1. Thesin adversarii vere & aperte contradicere, juxta regulas veræ contradictionis. Secus enim committetur vitium quod ignoratio Elenchi dicitur. Ut autem vere contradicat opponens, expendere debet quantitatem & qualitatem thesios impugnantæ, sitne universalis, particularis, indefinita, an singularis, affirmans, an negans. Si nota quantitatis desit postulandum est a defendente, ut eam ipse addat. Ad eum enim pertinet definire conditionem suæ thesios. Si dubius sit notæ negandi locus, petendum est ut eum designet. Videndum etiam, sitne thesis simplex, an composita;

et

utrum per partes an tota simul convenientius impugnari possit.

2. Distinguere debet opponens thesin dependentis ab argumentis quibus illa confirmatur ope artis analyticæ : et prius thesis refellenda est per argumenta opposita ; deinde argumenta illa diluenda. Præceptum istud locum habet non tantum in scriptis, sed etiam in orationibus prolatitiis refutandis. Quandoque enim altera pars dissidentium, sententiam suam rationibus munitam, oratione longiori exponit : quam ideo altera resumere per partes debet, et ad singulas respondere.

3. Postquam de thesi impugnanda constiterit, de argumentis quibus ipsa evertatur, cogitandum est. Sed cogitatio ista, si licuerit, solitarie instituenda est, præsertim tyroni, aut minus exercitato & provecto ; aut cum in arenam, coram personis doctis, et gravibus prodeundum est.

4. Si materia difficilior fuerit, aut verbis minus perspicuis efferatur, forma syllogistica adhibenda est, præsertim inter tyrones. Aliis, propter brevitatem, per Enthymemata potius agendum est ; aut simplices propositiones quibus probationes continentur.

5. A for-

5. A formis hypotheticis abstinendum est, nisi materia categoricam formam respiciat. Si enim propositionem hypotheticam negaverit defendens, difficilius illa ab opponente probabitur : et longis syllogismis agendum erit, qui disputantibus negotium faceissent, auditoribus tedio erunt.

6. Argumentorum non numero, sed pondere, contendat opponens ; ejusmodi scilicet, quæ adversarium pungant & urgent.

7. Nec per multos syllogismorum circuitus, sine necessitate, sed cominus, quam primum commode fieri potest, agendum : nec ex altera parte, per saltum, sed gradatim, ad vim argumenti, quo gravius urgere possit, procedendum est.

8. Argumenta alia sunt ad hominem, quæ ab adversario conceduntur : alia ad rem, quæ thesin ipsam evertunt, aut evertere videntur. Eaque vel artificialia, nempe, ex natura subjecti, aut attributi, aut ex absurdo : vel inartificialia, ex auctoritate, vel testimonio. Parce hæc adhibenda sunt, nisi in materia fidei, aut quæstione de facto.

9. Si opponens formam syllogisticam argumenti sui a defendente daminari senserit, requirere

requirere ab eo debet, ut vitium ostendat :
 quod si factum fuerit, istud statim corrigeat.
 Si aliquam ex præmissis argumenti propositi
 negaverit defendens, eam tenetur oppo-
 nens novo medio confirmare. In probando
 enim succumbere, nisi negetur quod per se
 manifestum est, turpe ducitur.

10. Si totum argumentum concesserit de-
 fendens, ostendendum est, si fieri potest,
 conclusionem contradicere thesi impugnan-
 da, vel directe, vel per legitimam conse-
 quentiam ; adeoque defendentem causam
 concedere. Ostendi autem istud semper
 potest, nisi opponens peccaverit per ignora-
 tionem Elenchi.

11. Si distinctio quam defendens adhibu-
 erit obscura fuerit, petendum ab eo est, ut
 eam explicet. Si clara, nec tamen vim ar-
 gumenti retundat, impugnanda & everten-
 da est. Evertitur autem

1. Si ostendatur membra coincidere, aut
 alterum alteri subordinari. Tum enim
 distinctio est sine distinctione, seu apparens
 tantum. Cum in omni bona distinctione,
 membra opposita esse debent, saltem dispa-
 rate.

2. Si alterum membrum alteri contradi-
 cat.

cat. Quod implicite quandoque fit. Si enim ipsa seipsam evertit.

3. Si ostendatur, admissa distinctione seu limitatione, sive præmissarum, sive conclusionis, argumento vim suam adversus thesin constare. Istud autem fiet, si quod defendens, cum limitatione concesserit, refutabitur; aut quod negaverit, confirmabitur, nova ratione.

Sequuntur præcepta quæ munus defendentis continent.

1. Repetendum est, a defendente, argumentum opponentis, iisdem verbis quibus proponitur, sine additione, aut detractione. Si autem inepte formatur, monendus est opponens, vel a præside, si sit, vel a defendente, ut vitium corrigat.

2. Recitato argumento, expendendum a defendente est, primo, num conclusio thesi suæ vere contradicat. Sæpe enim inter disputandum mutari solet conclusio. Si non contradicere inveniat, totum argumentum concedet, tanquam nihil contra se.

3. Si conclusio vere contradicat thesi, videndum proxime, num argumentum quod ad formam, juxta leges syllogismorum procedat.

edat. Et si eas violatas invenierit, notato
 ratio, argumentum ut paralogismum rejici-
 et. Sin recte formatum perciperit, ad ma-
 teriam respondebit.

4. Cum quis absentis rationes diligit, five
 viva voce differendo, coram auditoribus,
 five scriptis, respondere poterit, non tan-
 tum illas directe solvendo, sed etiam contra
 argumentando; aut principia adversarii re-
 torquendo. Sed in congressu personali,
 ista non expediunt. Sic enim necesse erit
 opponentem partes defendentis assumere,
 et vicissim. Ex quo sequitur, ut plurimum
 confutatio: præterquam quod sic, non nisi lon-
 ge tempore, vel unicum argumentum ex-
 pedietur. Nec, extra congressum perso-
 nalem respondens munere suo functus est,
 nisi, præter argumenta opposita, et retor-
 siones, directe respondeat. Nam contra
 certissimam veritatem quædam difficilia
 nunquam possunt opponi: et fieri potest,
 ut adversarius principia quædam falsa tene-
 at, aut sibi non satis constet, cum causam
 nihilominus bonam tueretur.

5. Ut autem partes suas, tum defendens,
 tum opponens rectius intelligat, materiam
 questionis consideranda est: et præcepta se-
 quentia observanda.

1. In quæstione de facto, quæ in iudiciis publicis ventilari solet, affirmanti incumbit probatio, neganti vero tantum rationes affirmantis diluere. Ut si debitor solvisse se affirmaverit, tenetur per testes, aut scriptum creditoris, illud probare. Creditor autem qui eum iudicio postulat, non tenetur probare illum non solvisse. Negativa enim pars, in illo casu, probari nequit, nisi ex accidenti; nempe si creditor probare poterit nec se, nec aliquem, suo nomine, accipere potuisse. Similiter, si quis criminis accusatur, tenetur actor factum probare. Is vero qui accusatur, non tenetur probare non factum. Nec enim illud probari poterit, nisi probando non potuisse ab eo admitti, vel quia vires non habuit, vel quia aliibi fuit, quam ubi factum commissum dicitur.

2. In quæstione de licito, et illicito, neganti esse licitum probatio incumbit, nempe ex prohibitione legis, aut ejus quod vim legis obtinet. Affirmanti vero satis erit, si rationibus adversarii solide responderit. Ratio est, quia, ut aliquid licitum sit, sufficit si nulla lege prohibeatur; ubi enim nulla est lex, nulla est transgressio. Excipe tamen, si in rebus quibusdam lege generali caveatur, ne quid omnino, sine positivo præcepto fiat: tunc enim qui ali-

quid

quid licitum esse affirmat, tenetur legem proferre, qua illud præcipitur. Ut cum Pontificii dicunt sale, unguento, pituita &c, in baptismo infantium esse utendum, tenentur institutionem divinam de istis & similibus ostendere : eo quod scriptura omnes additiones in rebus sacris prohibeat.

3. Si vero quæstio sit de eo quod necessario faciendum est, ad affirmantem pertinet probatio, legem positivam indicando, qua illud præcipitur.

4. Cum quæstio est de possibili, aut impossibili ; qui impossibile esse dicit, probare tenetur. Non autem qui non impossibile, vel possibile esse contendit. Ratio est quia, omne illud pro possibili inter homines habetur, quod non potest probari esse impossibile. Probatur autem aliquid non esse impossibile si omnes rationes in partem oppositam perspicue diluantur.

5. Denique, si quæstio sit de actuali existentia rei, neque tamen de materia facti ; et rationibus intrinsicis, non autem testimoniis decidenda fuerit, affirmanti probatio incumbit. Et si negans oppositam partem probandam suscepit, id est

rem non actu existere, nulla alia ratione istud præstabit, quam probando necesse esse ut existat, sive non posse non existere, vel absolute, vel ex hypothesi aliqua.

6. Si opponens integro syllogismo utatur, primo expendenda est major propositio. Et si vera fuerit concedetur; aut si nihil, aut parum ad contraversiam spectet, transire permittetur. Si aperte falsa sit, negabitur, et probatio illius expectanda est. Si uno sensu vera, alio falsa sit, distinguuntur sensus isti, et ostendendum quidnam ex illis contra thesin sit. Eodem modo ad minorem respondendum est, et ad antecedens, si opponens per Enthymema egerit.

7. Conclusio nunquam simpliciter concedenda est, si illa, a statu quæstionis, initio posito, non mutetur. Sic enim causam deferemus. Nec etiam in disputationis progressu neganda est: quia sufficit quod semel in initio negata fuerit.

8. Cavendum est ne propositio ulla certæ ac manifestæ veritatis negetur. Hæc enim facillime probabitur, et quidem ratione ejusmodi, quæ sine absurdo nequit repudiari.

repudiari. Quicquid autem negaveris, oppositum ejus defendendum suscipis.

9. Si propositio neganda hypothetica fuerit, connexio neganda est; si disjunctiva, immediata oppositio partium; si copulativa, partium conjunctio.

10. Opportuna distinguendi occasio diligenter observanda est. Ubi regula est, ut neque ocyus antequam argumentum urgeat, neque serius, cum utraque præmissarum est evidenter vera, distinctio adhibeatur. Prius facere est parum honorificum: ut si miles, ad primum hostis intuitum cederet. Posterius vero admittere, est periculosum. Tunc enim necesse erit, vel distinctionem parum aptam adhibere; vel ad prius argumentum respondendi veniam ab avversario emendicare, quod est fateri te deceptum, aut parum attentum fuisse; vel denique foro cedere.

11. In argumentis contra veritatem formatis, major propositio rarius est aperte falsa; et idcirco frequentius distinguenda, quam neganda. Minor rarius vera, sapius aperte falsa, aut ambigua.

12 Cum major distinguenda est, si idem terminus qui in ea distinguebatur, in minori recurrat, eadem distinctio ipsi applicanda est. Si in minori non recurrit, conclusioni applicabitur : et minor vel concedenda vel prætermittenda transire.

13. Si virorum doctorum auctoritatem objiciat opponens, illa non est superciliose rejicienda, sed benigne interpretanda, et cum thesi defendentis concilianda. Ei que opponi potest auctoritas aliorum non minus ponderosa.

Hæc de partibus tum opponentis, tum defendentis, notasse sufficiat. Reliqua ratio cujusque & usus docebit. Ad præsidem vero pertinet, disputantes in officio continere, sive curare, ut leges disputandi utrinque observentur ; ne a materia disputandi discedatur ; utrique etiam parti auxiliari : argumenta opponentis, si acuta, et valida fuerint, commendare ; si levia & infirma, monere eum ut fortius agat : solutionem defendentis, si solida & genuina sit, probare. Denique obscura explicare, imperfecta perficere, veritatem tueri, defendentem, si incaute

incaute , aut pro sua infirmitate, ad angustias redactus sit, expedire, modum & mensuram toti actioni pro sua prudentia ponere.

C A P.

C A P. X.

De ratione ordinis in exercitiis Geneticis observanda.

1. **O**Rdo seu methodus in Genesi accurata, quæ cognitionem quam evidentissimam rerum sectatur, talis esse debet, ut præcedentia sequentibus lucem & vim conferant. Unde, ut plurimum naturalis est, in qua prius proponuntur, quæ natura sunt priora, et notiora.

2. Quocirca, ante omnia statuenda est vera rei idea, per quam sciatur quid res sit, vel quid vox, per quam exprimitur significet. Adeoque quæstio *quid sit* primo resolvenda est per definitionem afferendo aliquod rei attributum proprium.

3. Hinc

3. Hinc prius quærenda est essentia rei, quam accidentia ; prius definienda res est, quam dividenda ; prius consideranda quæ ipsi intrinseca sunt, quam quæ extrinseca ; prius tractanda quæstio quid sit res, quam an sit. Hoc est, an actu existat, fuit, erit, aut an possibilis sit.

4. Si res, tum absolute, tum respectively considerata veniat, prius expedienda sunt, quæ ad considerationem absolutam spectant. Ex hisce enim pendet cognitio eorum quæ ad considerationem respectivam pertinent.

5. Si res sit quid universale, prius generatim considerata est, seu secundum ideam quæ omnibus convenit quæ in extensione illius continentur ; deinde ad inferiora, seu species, vel individua, descendendum est.

6. Licet in speciebus, quæ sub eodem genere locum obtinent, tractandis, perinde sæpe sit, unde incipias, rationi tamen magis consonum est, a notiori incipere ; ut postquam divisionem institutionis substantiæ spiritualis creatæ, in angelum

lum, et mentem humanam, a consideratione mentis inchoanda est, quia hæc nobis notior est.

7. Cum totum aliquod considerandum venit, prius expedienda sunt quæ ad ipsum secundum se, ut totum est, pertinent; deinde considerandæ sunt partes majores, et ab illis ad minores progrediendum est, dum ad minimas, quæ cum utilitate aliqua investigari possunt, perveniatur; prout in Geographia fit.

8. Sed cum attributa & modos rerum abstractos investigamus, a simplicissimis incipiendum est. Ut in Mathesi, initium fit a puncto, lineis, angulis, superficiebus, circulis: et ab his proceditur ad figuras angulares, et circulares &c. Et in Somatologia, prius agitur de materia, ejusque modis simplicissimis, ut de unionem, et situ partium, figura, motu, et quicquid: deinde progressus fit ad species rerum materialium. Posterior ordo compositivus, seu syntheticus, prior resolutivus, seu analyticus dicitur.

9. Cum de compositis ex materia & forma, aut ex subiecto & accidente, aut modo

modo, agendum est, prius de materia, seu subjecto inquirimus; deinde de formis, accidentibus, et modis. Ut si de iusto tractandum sit, prius inquirimus quid sit id quod *justum* dicitur, deinde de iustitia quæ ipsum afficit.

10. Sed in abstractis tractandis, prius considerandæ sunt res ipsæ quæ abstracte proponuntur; deinde subjecta eorum propria.

11. Prius consideranda est potentia rei, quam actus. Nisi quod sæpius cogamur ab actibus tanquam signis, et effectibus, ad potentiam investigandam assurgere.

12. In signis inquirendis, prius res ipsæ, quæ significant, deinde illa quæ per eas significantur, et relationes, quas ad seinvicem connotant, considerabimus: ut, cum in Theologia de sacramentis agitur.

13. Quod ad ordinem causarum attinet, et eorum quæ a causis pendent, prius consideranda sunt principia quam principia;

cipiata ; prius causæ internæ, quam externæ ; adeoque prius materia, et forma, quam efficiens, et finis ; prius agens, quam actio ; prius actio, quam modus agendi, aut terminus *Productus secundum se*. (Hoc autem addo, quia actio considerari nequit, sine omni relatione ad terminum.) Prius causa superior, quam inferior ; principalis, quam instrumentalis, procatactica, aut proegumena. Prius efficiens, quam finis ; prius finis supremus, et principalis, quam subordinatus aut minus principalis ; prius denique obiectum, quam actus, qui circa ipsum exercetur.

14. Prius tradenda sunt cognata, quam opposita : in hisce enim desinet tractatio genetica, quia a themate longissime distant.

15. In serie probationum, prius confirmanda est veritas quam refutandi errores : prius sententia propria statumenda, quam aliena evertenda. Veritatis enim confirmatio ad falsa refellenda inservit.

16. Cum eadem thesis pluribus rationibus

us probatur, aut evertitur, ita procedendum est, ut præcedentes confirment sequentes. Rationes autem infirmiores in medio locare puerile est : quocunque enim in loco disponantur, infirmitatem suam apud peritos prodent.

17. Argumenta intrinseca, in disciplinis philosophicis, extrinseca, quæ ab authoritate petuntur, præcedunt : sed in Theologia christiana, præsertim ubi veritas confirmanda lumen naturale superat, sequuntur. Probatio enim a testimonio divino est maxime efficax.

18. Demonstratio a concessis adversarii, ex absurdo, et *ὅτι*, demonstrationi *ὅτι* plerumque præmittitur. Hoc est, prius ostendi solet quod res sit, quam cur sit ; rem ita esse, quam quod necessario ita sit, nec possit aliter esse. Serius enim veniret ratio *ὅτι*, postquam iam *ὅτι* tenemus in quo illa includitur.

19. Reliqua ad ordinem spectantia, ut quod termini quæstionis præcognoscendi sint, status quæstionis ponendus, axiomata

matā præstituenda, et si qua alia sint quæ
præparationem ad demonstrandum conti-
nent, supra jam tradita sunt. Et hæc de
Genesi.

CAP

Logicæ specialis Pars secunda,
quæ Hermeneutica, Analy-
tica, & Critica est.

C A P. I.

Præcepta Hermeneuticæ antecedanea.

QUÏ uberiolem & solidam rerum
scientiam acquirere velit, in di-
ctis ac scriptis alienis intelligen-
dis, & resolvendis aliquam studii
sui partem impendere debet.
Pauci enim, aut nulli sunt, qui
proprio Marte, omnia ad virum doctum facien-
tum necessaria, assequi valent. Sunt etiam non-
nulla, quæ non nisi ab alio disci possunt, ut lin-
guæ, antiquitates, & omnes fere eventus præte-
riti. Rationi etiam absouum est, ut opem alio-
rum

rum in studio scientiæ respuamus, quam divi providentia nobis offert, & novam semitam excitemus, cum à latere habemus ab aliis tritam designatam. Quin & ex illis ipsis, quæ minus æte, aut minus perfecte ab aliis tradita sunt, perficere possumus. Facilius enim est inventis addere & errata corrigere, quam veritatem plane occultam, aut intentatam, de novo enucleare. Quædam denique sunt, quæ licet indaginem nostrum non superant, nunquam tamen forte in ea incidemus, nisi ab alio indigitarentur.

2. Quapropter, omnibus aliorum scripta legere necesse est. Ut autem lectio recte instituitur, tenenda sunt quæ sequuntur. Tyroni præceptoris, aut alius periti præscripto, legenda illa sunt, quæ intelligere, & sine periculo legere poterit. Qui iudicio confirmator, ad difficilia, etiam illa quæ erroribus non vacant, gradatim faciat. Delectum tamen quisque habeat eorum, quæ ad institutum suum sufficiant, & majori fructu legi possint. Legendi sunt veteres scriptores, propter authoritatem, quam apud posteros obtinuerunt; recentiores vero, propter peritiam, & quia accommodatè ad nostra tempora scribunt, veterum inventa perficiunt, errorum corrigunt. Sed materia utilior, præsertim si nova, & contracta fuerit, non raptim legenda est, sed pedetentim, & cum attentione, ut clarius & perfectius intelligamus, altiusque animis nostris infigatur.

3. Prima cura in legendo esse debet, ut autem sensum genuinum teneamus. Hunc enim qui

non capit, nec partes doctrinæ resolvere poterit, nec de ea rectum iudicium facere, siue probando, siue improbando.

4. Ut autem sensum orationis teneamus, oportet verborum, & phrasium, seu formularum loquendi significationem habere præcognitam. Unde linguarum peritia studiosis necessaria est. Sensus enim, in sermonis cum rebus, & conceptibus auctoris convenientia consistit.

5. Nec tamen sufficit significationem communem vocum & phrasium intelligere. Multi enim obscure loquuntur, & scribunt. Scripta etiam veterum injuria temporis alicubi vitata sunt. Et quæ perspicua fuerunt eo seculo, in quo scripta sunt, & iis, quibus lingua qua autor usus est, veracula fuit, posteris tamen, qui aliis loquendi formulis assueverunt, obscura reperiuntur. Hac enim de causa, Scripta sacra Veteris Testamenti, in lingua Hebræa, aut ex ea in nostram verbatim tradita, nobis plurimis in locis obscura sunt. Multa etiam in omnibus scriptis, si per se spectentur, ambigua sunt. Quod ex eo oritur, quod maxima pars vocabulorum, quæ longe pauciora sunt quam res, ad plura aliquo modo diversa significanda adhibeantur.

6. Quocirca opus est nonnullis uti mediis, quibus ad sensum obscurum aut ambiguum explicandum, & definiendum, dirigamur. Media autem illa generatim duplicem considerationem complectuntur, nempe eorum quæ orationi extrinseca sunt, & orationis ipsius. Ut à priori oriamur.

C A P. II.

Præcepta hermeneutica, à consideratione eorum quæ Orationi extrinseca sunt.

1. **O**bservandum est quis loquitur, seu cuius sententia quam interpretari aggredimur Deus an homo; principalis autor, an minister vel Amanuensis; præceptor, an discipulus; popularis differtor, an strictus, & severus dilquitor; Magistratus, an subditus; nobilis an plebeius; eruditus, an rudis; bonus, an malus; an propriam personam gerat, an verò alienam induat, seu histrionem agat, &c. De quibus omnibus regula est, *Unumquemque ad statum, conditionem ingenium, & studium proprium, accommodate loqui.*

2. Scire autem possumus quis loquitur, 1. Ex proprio, aut aliorum testimonio, cum nulla ratio suspicandi subest, quod falsum aut fictum sit.
2. Ex ipsa materia, & notis ei impressis, quibus autor seipsum indicat. Sic ex notis intrinsicis sacrae Scripturae impressis, divina illius origo innoscitur, & Deum illius autorem esse probant Theologi. Et ex scriptis humanis judicare possumus de ingenio, eruditione, studio, & moribus auctorum, ut de causa per suos effectus, de arbore per fructum.

3. Quum

3. Quam autem multa Scripta autoribus fidei tribuantur, cura adhibenda est, ut spuria à legitimis discernamus. Spuria autem existimanda sunt, 1. Si Autor lingua & phrasi utatur, quæ seculo illo quo scripsisse perhibetur, non conveniunt. Hoc argumento probant eruditi, multa Scripta quæ nomine Patrum antiquorum veniunt, eorum non esse, sed aliorum quorundam, qui post eos vixerunt. 2. Si pugnent cum aliis scriptis indubitatis ejusdem Autoris. Ut manifestum est Scripta apocrypha non esse à viris *scriptis*, quia in multis à Scriptis canonicis dissentiunt. 3. Si ex historia probata, aut chronologia, ostendi potest, eum non esse Autorem qui obdicitur.

4. Considerandum deinde est, *ad quos loquitur* Autor: ad quoslibet promiscue, an ad studiosos illius rei quam tractat; ad superiores, inferiores, an æquales, ad amicos, an adversarios. Et expendendum quid, & quomodo, homines, ad tales personas, in tali argumento, loqui soleant. Sic aliter Christus Phariseos, justitiæ propriæ opinione turgentes, alloquutus est, aliter eos qui peccati sensu tangebantur. Et qui ad philologos, ac doctos loquitur, horum lingua & stylo loqui verisimilius est. Hinc quæ Deus *ἀνθρώποις* in sacris literis protulit, ut cum membra corporea & affectus humanos sibi tribuit, *ἵνα πάντες* intelligenda esse docent Theologi. Regula igitur generalis hic est, *Unumquemque ita ad alios loqui, ut ab illis possit intelligi, utque propositum suum apud eos consequatur*; nempe ut eos instruat, delectet,

delectet, ad agendum incitet, aut aliquid simile. Nisi aliqua ratione constiterit, hoc ipsi propositum fuisse, ut lectores inutiliter turbaret, et laudem profundæ ac mysticæ Scientiæ aucuparetur (ut à vanis quibusdam scriptoribus factitatum est) vel denique voluisse rem ad tempus absconditam esse, & ab eventu patefieri, prout Spiritus Sancto in prophetiis tradendis, visum est.

5. Perpendendum est *qua de re* Autor loquitur. Et considerandum, quid consentaneum cum eo loqui, qui de tali re tractare velit; ita qualem modum tractandi res ipsa admittat, et requirat. Hinc canon vulgaris, *Verba accipienda sunt secundum materiam subjectam*. Sic cum Paulus Apostolus dicit se factum esse omnia omnibus, facile apparet, cum non esse factum idololatram, aut idololatris, aut quidvis aliud quod malum esset morale, quia, eo in loco, de solis rebus adiaphorais loquitur.

6. Considerandum est, *quisnam finis* fuerit *scopus loquentis*: ubi regula est, *Verba ultra scopum non esse accipienda*. Videndum igitur quâ occasione, aut consilio, Autor sic locutus sit; et probandum, vel refutandum, an ad objectionem diluendam; an nude aliquid explicandum susceperit, an ad agendum hortetur, &c.

7. Cognoscitur autem consilium Autoris 1. In inscriptione, aut procemio, si fuerit. 2. Si nulla inscriptio aut præfatio, considerandum est quidnam summam collineat maxima pars eorum quæ ab eo dicuntur.

8. Expendatur etiam *quo animo*, & affectu
quatur. Serione, seu ex animi sententia, an joco,
ex arbitrio alieno, seu (ut dici solet) *licenæ*
arvens, aut ex opinione vulgi: Utrum ex in-
tento, an per occasionem, & ex accidenti; sub
aliena persona, an sua; exercitii, an docendi gra-
tia; ut dubitans, an ut decernens; ex accurata
inspectione, an leviori intuitione.

9. Illud etiam observandum, *qua lingua &*
stilo utatur; Lingua vernacula, an peregrina;
stilo oratorio, historico, poetico, an simplici.
Quod enim in una lingua, aut stilo, asperum, in
alio auribus gratum est.

10. Aliter etiam sæpe habet autographum
Autoris, aliter interpretis versio. Unde regula,
præstat Autorem lingua propria loquentem legere,
quam versum in alienam: præstat inspicere au-
tographa quam apographa. Sic sententiam Sacrae
scripturae, luculentius ex fontibus Hebræis &
Græcis, sæpe intelligimus, quam ex versionibus.
Nec enim semper, in aliena lingua virtus & em-
phasis sermonis exprimi solet, aut potest: præ-
sertim cum interpres phrasin & stilum Autoris,
pro virili (ut communiter facit) imitari
studet.

11. De stilo autem judicare possumus si conside-
remus 1. Ad quem sermo dirigitur. Alio enim stylo
utitur, qui servos, liberos, subditos, alio qui pares
aut superiores alloquitur: alio qui intelligentes, a-
lio qui rudes. 2. Ex qua gente natus sit. Stilus enim
plurimq; idiomatis nativi redolere solet: ut in
Gallicis Scriptoribus reperiuntur Gallicismi, in

Anglicis Anglicismi, &c. 3. Quo seculo vixi
 Multo enim aliter locuti sunt antiqui Scriptores
 quam recentiores aut hodierni. Ut antiqui phi-
 losophi conceptus suos ænigmatis, & allegori-
 involvere solebant; Unde multi eos male in-
 tellexerunt. Et temporis progressu pleræq; lin-
 guæ mutantur. 4. Quo proposito scripserit
 Autor. Nam ob diversos fines, stilus est histo-
 ricus, oratorius, vel satyricus, humilis vel sub-
 limis, acroamaticus, vel exotericus, &c. 5. De
 quib; quosnam præceptores imitetur. Aliter
 enim loquuntur ecclesiæ Patres, qui in philoso-
 phando Platonem secuti sunt, aliter scholastici
 qui Aristotelem.

12. Ultimo observandum est *ubi & quando*
 Autor locutus sit. Ut qui Patres intelligere
 vult, nosse debet historiam temporum in quibus
 vixerunt. Sic propter diversitatem tempo-
 ris, non pugnant illa verba Christi, Matt. 10
In viam gentium ne eatis, cum illis aliis, Mat.
 28. *Ite docete omnes gentes.*

C A P. III.

Præcepta ad singularum vocum intelligentiam spectantia.

Sequuntur præcepta, quæ ipsam orationem in se spectatam concernunt. Et primo quæ ad singulas voces, deinde quæ ad integram orationem intelligendam spectant. Ex ordine priori hæc notentur.

1. Prius tenenda est significatio vocum singularum, quam de integræ orationis sensu judicare liceat.

2. Hanc autem ut teneamus, in subsidium vocanda sunt Lexica, quæ definitiones nominales per vocabula synonyma tradunt, homonymias tollunt, & Etymologias, seu origines vocum declarant. Sunt autem Lexica vel communia, in unaquaque lingua, ut Latina, Græca, Hebræa, &c. vel huic aut illi arti peculiaris, ut Theologica, Juridica, Medica.

3. Deinde auxilium adhibendum est artium Philologicarum, puta, Grammaticæ, & Rhetoricæ. Sæpe enim sola consideratio Scriptionis seu Orthographiæ, quantitatis, accentus, generis, casus, &c. dubitationem de sensu tollit. Ista autem tradit Grammatica. Rhetorica vero docet tropicam significationem à propria discernere.

4. De

4. De Tropo autem regula magnopere noranda est, *Ut vocem nunquam tropice accipiamus, sine ratione valida*: Seu ne tropum fingamus sine necessitate: sed verborum proprietatem retineamus, dum tropum agnoscere cogamur. Secus enim vitari non potest, quin sensum alienum Auctori ascribamus.

5. Ratio autem efficax tropi agnoscendi erit.

1. Si, nisi tropus admittatur, verba, de quorum sensu quæritur, cum aliis ejusdem Auctoris, qui sapiens & sibi constans reputandus est, nullo modo conciliari possunt, sed aperta contradictio admittenda esset. Ut in illis verbis Christi sacram coenam instituentis, *hoc est corpus meum*, nisi tropum admittamus, plurimæ contradictiones sequentur, ut ostenderunt Theologi nostri, contra Pontificios & Lutheranos. 2. Si ipsa rei natura de qua agitur, proprietatem verborum retinere prohibeat, ut in his propositionibus, *Herodes est vulpes, petra erat Christus, hoc poculum est novum Testamentum*. 3. Quando historia, vel eventus ostendit verba non fuisse proprio sensu prolata: ut in vaticiniis sacre Scripturæ.

6. Cum autem non necesse sit eandem vocem, eodem semper sensu, etiam apud eundem Auctorem, accipere (quia aliter alibi significare poterit); nec ita ubique accipienda sit, ut ordinarie vel frequentius accipitur, quia in uno loco potest in sensu singulari accipi; regula tenenda est Terrulliani; *Oportet secundum plura intelligere pauciora*: & unum dictum, ne alia multa evertat,

evertat, secundum omnia reliqua potius, quam adversus omnia, accipiendum est, nisi ratio specialis prohibeat.

7. Tenenda est relatio inter subjectum, & attributum. Per hoc enim illud describitur : & hoc per illud specificatur, & restringitur, in propositione affirmante ; extenditur vero ad ultimum per negationem in negante. Ut cum dicitur *ira est cos fortitudinis*. Subjectum ostendit attributum *cos* non significare lapidem, sed intelligendum esse de incitamento ad fortiter agendum.

8. Conferenda vox est cum aliis quibuscum construitur, tum antecedentibus, tum consequentibus. Sic cum vox *homo* adjunctam habet vocem *pictus*, aut *mortuus*, aliter significare intelligitur, quam ubi cum voce *justus* aut *doctus* construitur.

9. Conferenda etiam est cum vocibus parallelis : id est, quæ easdem res aut similes significant. Ut in hac propositione, *justitia Dei est per quam punit rebelles*, *justitia* significat, non inculpatam agendi rationem cum creaturis rationalibus in genere, sed justitiam vindicatricem, ut sequentes voces affinis significationis ostendunt.

10. Conferenda porro erit cum vocibus oppositæ significationis : tum enim, si de rebus oppositis agitur, quod ex scopo judicandum est, quo sensu una vox intelligenda est, in opposito intelligetur altera. Ut cum Christus reprehendit Smyrneneses, Apoc. 3. 1. *Quod no-*
men

men haberent tanquam viverent, mortui cum essent, quoniam constat mortem non naturalem, sed spirituales seu animi intelligendam esse, oppositionis ratio postulat, ut intelligatur etiam vita, non naturalis, sed spiritualis.

11. Considerandum etiam est, quo sensu vox accipi soleat à bonis Auctoribus : præsertim in illa disciplina, quæ de rebus illius generis agit. Sic terminos Metaphysicos optime cognosces ex Metaphysica, Theologicos è Theologia, Logicos è Logica. Eadem enim vox aliud vulgo, aliud in hac vel illa disciplina significat.

12. Denique considerandum est utrum vox materialiter accipiatur, an formaliter ; collective, an distributive ; aut alio aliquo ex diversis modis significandi, quos enumeravimus supra, parte com. cap. 14.

C A P. IV.

Præcepta ex integræ orationis consideratione desumpta.

1. **U**Nius orationis, si Autor talis existimandus sit, ut & noverit quid dixit, & data opera decipere nolit, unicus sensus est quærendus. Sapiens enim, & bonus Autor, unicum intendit, & à mendacio ac ambiguitate abstinet.

2. Unius

2. Unius tamen orationis sensus sæpe compositus est ; ut in locutionibus parabolicis, in quibus unum aliquod tanquam typus vel signum dicitur, & aliud per ipsum significatur. Ut cum Christus dicit, *ego sum panis vita*, sensus integer est, *sicut panis vires restituit, & vitam naturalem conservat, ita ego restituo vitam spiritualem, eamque augeo & conservo.*

3. Variæ autem sunt sensuum differentię ab interprete distinguendæ, & attendendæ ; ut quis, quibus in locis, amplectendus sit, inter noscat. Præcipuæ sunt quæ sequuntur. Primo, alius est sensus *identicus & realis*, cum illa quæ sola ratione distinguuntur, idem reipsa esse dicuntur, seu esse eandem entitatem. Alius *formalis*, cum duo plane idem esse intelliguntur sine ulla distinctione, nisi in voce. Sic in sensu reali, seu identico verum est, *justitiam in Deo esse misericordiam* : duo enim illa attributa Dei, sicut & omnia reliqua, sunt realiter ipsa divina essentia. Sed in sensu formali verum non est : quia formalis ratio justitiæ non est formalis ratio misericordiæ.

4. Secundo, alius est sensus conjunctus, seu compositus (alia tamen significatione, quam in sectione secunda sumitur), cum unum alteri convenit, quando, & quatenus illud alterum est tale : vel cum duo eidem tertio, simul tempore conveniunt. Ut homini *virtus ratiocinandi, figura corporea, doctrina* : Hæc enim omnia ei simul conveniunt. Alius est sensus divisus, cum unum alteri convenit, non quatenus, & quando est

est tale, sed sub alia ratione, & alio tempore. Vel cum duo, aut plura alicui conveniunt, non eodem tempore, sed vicibus alternis. Sic in sensu diviso verum est *sedentem stare, cæcum videre, claudum ambulare, eundem hominem esse pium & impium*. De sensu tropico & proprio supra dictum est.

5. Cum unusquisque verborum suorum optimus interpretes censendus sit, enitendum est, si fieri poterit, Autorem per seipsum explicare. Istud autem tentabimus, primo, si in ipsis verbis Autoris insistamus, observando orthographiam, syntaxin, interpunctionem, casus nominum & verborum, &c. Item si ne aliquid omissum, aut delendum, siue illud ipsius Autoris, siue transcriptoris, culpa acciderit, siue propter ellipsin, aut pleonasmum. Deinde ex collatione plurium editionum si fuerint, videndum est an variæ lectiones sint; & si sint, utra cum proposito Autoris magis consentiat. Denique spectandus est contextus, hoc est præcedentium & sequentium ordo, & cohæsiō.

6. Secundo, alia ejusdem Autoris scripta aut dicta inspicienda sunt, & conferenda: siue de eadem re, siue de simili, siue denique de dissimili tractent. Si de eadem re, illa vel omnino eadem est, vel ratione, & modo tradendi, diversa. Locorum de re prorsus eadem, & eodem modo tractantium, collatio prodest, ut videamus quid Autor frequenter & perseveranter dicat, eoq; magis confirmabimur de illius sententia. Illud enim potius amplectendum est quod sæpius, quam quod semel aut rarius dixit.

7. Multis

7. Multis autem modis potest una & eadem res exprimi ; nempe aliter in una lingua, aliter in alia, aliter cum quis ex instituto loquitur, aliter cum ex occasione tantum, uno in loco brevius, in alio prolixius ; nunc accurate, nunc populariter ; interdum dubitando, alias definiendo, & demonstrando ; quandoque didactice ad discipulos, quando elenctice ad Antagonistas. Et ante motas controversias, securius, & negligentius loquuntur autores, ut doctores Christiani ante exortas hæreses ; unde hæretici plurima ab illis dicta arripuerunt, tanquam sententiæ suæ faverent, ut Pontificii, & Tremuli enthuasiæ. Sed post excitatas controversias, cautius agunt, ne errantibus affines videantur. In his igitur boni interpretis officium est, unius defectum alterius perfectione corrigere, & de sensu Autoris ex illis dijudicare quæ ex instituto, didactice, sedato animo, accurate, & majori cautela dixerit, quam ex iis quæ secus. Contra facere Sophistæ & calumniatoris est.

8. Locorum generalium collatio cum specialioribus ita instituenda est, ut lucem sibi mutuo conferant, non autem unus alterum evertat. Generalia autem per specialia exponenda sunt, non contra. Ab his enim ad illa affirmative valet sequela, non vicissim. Calumniatores igitur & Sophistæ sunt, qui in generalibus latent, & ex illis specialia evertere conantur, expressiora Autoris verba dissimulantes.

9. Locos similes seu parallelos conferre utile est. De similibus enim simile iudicium faciendum.

Et

Et similia se mutuo illustant: ut sacramenta Veteris Testamenti illa quæ sunt Novi. Idem præstat dissimilium collatio. His enim dissimilia conveniunt. Accuratè tamen dispiciendum est quousque loca similia aut dissimilia talia sint. Hoc est, non debemus solam similitudinem arripere; dissimilitudinem prætereuntes, aut contra, ut fatere solent sophistæ.

10. A contradictione Autor, quantum fieri potest, liberandus est. Et omnia illius dicta, pro virili concilianda. Calumniatoris enim est in contradictionibus & absurdis adversario affingendis, laborare. Si vero Autor idem alibi affirmet, alibi neget, & quidem ita aperte, ut nulla interpretandi præcepta conciliationem suggerant, si temporis intervallum intercesserit, quo præsumere licet eum sententiam mutasse, quod posterius ab eo dictum est, amplectemur. Posteriores enim cogitationes sapientiores sunt. Sic à scripto Autoris adhuc juvenis, merito provocabis ad alia ejusdem viri facti, & per eruditionem & experientiam validioris adjudicandum. Non igitur tytonis lapsus eidem veterano exprobrandus est. Si temporis intervallum minus notabile fuit, è didacticis potius, quam ex elencticis, ex acroamaticis, quam exotericis, ex illis quæ deliberatius dixit, quam ex raptim congestis judicandum est.

11. Nulla in bono & gravi Autore tautologia admittenda est, nec uspiam putandum eum quicquam plane frustra, & nullo consilio scripsisse. Adeoque ubi sententiæ valde similes immediate,
aut

ut parvo intervallo obtingunt, differentia aliqua exquirenda est, si inveniri possit. Si autem omnibus mediis interpretandi adhibitis, nulla apparet, videndum num ex vehementi affectu idem sæpius dixit.

12. Porro non tantum verba Autoris, sed etiam gestus, & actiones, observare convenit, nec enim sermonem sæpe interpretantur. Sed ex silentio nihil de mente Autoris dijudicandum est. Non enim quisque omnia animi sui cogitata exponit. Nisi quod, si occasionem aliquid dicendi, & multo magis, si necessitatem habuisse visus est, nec tamen dixit, nulla autem ratio à circumstantiis excogitari potest, cur mentem rederet, probabile æstimandum est eum non ita sensisse.

13. Ratio & summa horum omnium, quæ de pluribus dictis Autoris conferendis notavimus, hæc est. Quæ in specie & expressius dicuntur, explicant ea quæ generatim & laxius, locis prolixius brevioribus interpretatur; item similis similem, contrarius contrarium, & omnino clarior obscuriorem. Ut in novo Testamento, multa luculentius traduntur, quam in veteri. Iniquus igitur interpretes est, qui unum aliquod dictum Autoris in sententiæ suæ patrociniū rapit; quæ vero alibi ab eo dicuntur prætervolat. Pauci enim uno & eodem loco totam mentem suam exponere solent; nec ullus, si materia latior fuerit, omnia quæ ad illius explanationem necessaria sunt, una aliqua sententia aut ratiocinatione complecti potest.

Z

14. Quicquid

14. Quicquid per apertam & legitimam consequentiam, ex quovis dicto Autoris elici potest (nisi rationem habeamus eum pro tali habendum qui, quæ cum dictis suis connexa sunt non perspexit), id eum sensisse putandum est. Præceptum istud sine omni exceptione amplectendum in sacrae Scripturae interpretatione. Nihil enim ex verbis spiritus sancti deduci potest quod ipse non clarissime vidit. Sed homines pro sua infirmitate, multa dicunt & scribunt, ex quibus sequuntur quæ si observassent, admittere non visissent. Nec insolitum est, casu aliquem verum dicere, nempe implicite, & per consequentiam.

15. Denique Commentarios, si qui sint, confutulemus. Bonus autem commentator est, qui linguae in qua Autor, & materiae de qua scripsit, non sit imperitus, nec veritati adversarius. Et ad ipsum recte intelligendum adminicula supra memorata adhibenda sunt, si opus fuerit. Quanquam commentarii nomine minime dignus sit, qui non est & clarior facilius ipso textu.

CA

C A P. V.

*recepta ad modum interpretandi
spectantia. Versionum ratio.*

Si quædam in Autore, quem enarrandum
susceperis, omnibus interpretandi admi-
nulis adhibitis, dubia remanserint, in meliorem
rem illa accipienda sunt. Nec sensus falsus
absurdus cuiquam ascribendus est, sine ma-
nifesta ratione.

2. Ne igitur ex altera parte calumniator sis,
altera, ad aliorum errores connivere videa-
re, per omnes exponendi rationes eundem est,
quid veri, quid falsi, verbis Autoris subsit,
ad sententiæ tuæ adversetur, quid eam non
negat, quid concedere possis, quid non, clare
elicetur.

3. Regula etiam hic est diligenter tenenda,
excusandum, vel defendendum, leviores ratio-
nes sufficiunt; ad accusandum, & damnandum,
requiruntur gravissima. Ad posterius enim re-
feruntur rationes quæ positive & evidenter
rem probant; ad prius sufficiunt illæ quibus
inducitur illud non probari.

4. Si rationes evidentes interpretem, ad sen-
tentiam aliquam Autoris damnandam, trahant,
illa reprehendenda est, persona intacta, nisi
inde ingenii dolosi & improbi convinci possit.

Verbis enim asperioribus nihil proficimus, si adversarii animum magis à veritate alienum reddimus.

5. Ne tamen zelo veritatis destitui videamur, utque alii à dogmatis perniciosius studiosius cavent, si cum fidei aut pietatis hoste manifeste nobis res sit, asperius eum tractare convenientius malum ipsius animum, tum etiam sententiam quam tuetur exitialem indolem ad vivum exponendo.

6. Si omnibus interpretandi mediis adhibitis verba quædam Autoris duplicem sensum admittant, quorum neuter cum veritate pugnet, utrumque modo accipi possunt. Aut videndum est si unico sensu generali comprehendi queant. Rarius enim plures sensus disparati, ab Autoris scienti & bono intenduntur. Plures autem ordinati, sunt partes tantum unius totalis: sensus subordinatus est pars illius cui subornatur.

7. Enitendum est, ut sensum integrum, adæquatum Autoris consequaris. Secus enim finem Hermeneuticæ imperfecte attinges. Huius enim finis est, ut totam Autoris mentem integras, quatenus eam verbis exprimit.

8. Ubique tamen ratio æquipollentiæ habenda est, quæ, ut supra diximus, est orationum verborum discrepantium, convenientia in sensu. Hæc autem observabitur, 1. Si subiectum vel prædicatum, vel utrumque, & eorum modificationes ubi opus fuerit, voce vel phrasi synonyma, quæ clarioris significationis sit, permutetur. Ut

anc propositionem, *Nemo me impune laceſſet*,
 e permutaveris, *Si quis me offenderit, aut provo-*
verit, pœnam feret. 2. Si vox impropria, aut
 phraſis figurata ad propriam, & ſimplicem redu-
 tur: ut *Herodes eſt vulpes*, id eſt, *aſtutus, &*
alignus. *Surdo canis*, id eſt, *frustra mones*, aut
ades. 3. Si vocem aut phraſin ex ſe ambiguam,
 eum ſenſum determinemus, quem percipimus
 o Autore intentum. Ut ſi dicas ſenſus huius
 ſciti, *Nemo Deum vidit unquam*, eſt non tantum
 minem unquam eſſentiam divinam oculis cor-
 poreis vidiffe, ſed etiam neminem eum oculis
 ſentis perfecte cognoviſſe. 4. Si quando ordo
 calis verborum obſcuritatem parit, eorum
 conſtructionem oſtendamus, & in eam formam
 edigamus, qua facilius & certius intelligantur.
 t *Deus erat ſermo*, Joh. 1. 11. id eſt, *Sermo erat*
Deus: Nobilitas eſt unica virtus, id eſt, *Sola vir-*
us eſt nobilitas.

9. Ratio æquipollentiæ obſervandæ hoc axio-
 mate continetur, *Qui unum ponit ex æquipollen-*
tiâ, alterum etiam ponit; & qui unum tollit,
alterum tollit. Hoc eſt, qui unum ponit, perinde
 eſt, ac ſi aliud poſuiſſet; & aliud ponit ex con-
 ſequenti. Ut qui dicit *Herodes eſt vulpes*, idem
 dicit ac *Herodes eſt verſutus, ſubdolus, & ma-*
gnus.

10. Triplex autem eſt interpretatio, alia in
 qua ſenſum Autoris ipſi percipere, vel etiam aliis
 exponere contendimus; alia per quam ipſius ſer-
 monem, ex una lingua, in aliam, vertimus, in
 hunc finem, ut qui linguæ in qua ſcripſit, aut
 locutus;

Verbis enim asperioribus nihil proficimus, si adversarii animum magis à veritate alienum reddimus.

5. Ne tamen zelo veritatis destitui videamur, utque alii à dogmatis perniciosis studiosius cavent, si cum fidei aut pietatis hoste manifeste nobis res sit, asperius eum tractare convenientius malum ipsius animum, tum etiam sententiam quam tuetur exitialem indolem ad vivum expellendo.

6. Si omnibus interpretandi mediis adhibitis verba quædam Autoris duplicem sensum admittant, quorum neuter cum veritate pugnet, utriusque modo accipi possunt. Aut videndum est si unico sensu generali comprehendere queant. Rarius enim plures sensus disparati, ab Autoris scienti & bono intenduntur. Plures autem ordinati, sunt partes tantum unius totalis: sensus subordinatus est pars illius cui subornatur.

7. Enitendum est, ut sensum integrum, adæquatum Autoris consequaris. Secus enim finem Hermeneuticæ imperfecte attinges. Huius enim finis est, ut totam Autoris mentem integre agas, quatenus eam verbis exprimit.

8. Ubique tamen ratio æquipollentiæ habenda est, quæ, ut supra diximus, est orationum verborum discrepantium, convenientia in sensu. Hæc autem observabitur, 1. Si subiectum vel prædicatum, vel utrumque, & eorum modificationes ubi opus fuerit, voce vel phrasi synonyma, quæ clarioris significationis sit, permutetur.

anc propositionem, *Nemo me impune laceſſet*,
 & permutaveris, *Si quis me offenderit, aut provo-*
verit, pœnam feret. 2. Si vox impropria, aut
 phraſis figurata ad propriam, & ſimplicem redu-
 tur: ut *Herodes eſt vulpes*, id eſt, *aſtutus, &*
malignus. *Surdo canis*, id eſt, *frustra mones*, aut
inades. 3. Si vocem aut phraſin ex ſe ambiguam,
 eum ſenſum determinemus, quem percipimus
 Autore intentum. Ut ſi dicas ſenſus huius
 eſt, *Nemo Deum vidit unquam*, eſt non tantum
 neminem unquam eſſentiam divinam oculis cor-
 poreis vidiffe, ſed etiam neminem eum oculis
 mentis perfecte cognoviſſe. 4. Si quando ordo
 calis verborum obſcuritatem parit, eorum
 conſtructionem oſtendamus, & in eam formam
 edigamus, qua facilius & certius intelligantur.
Deus erat ſermo, Joh. 1. 11. id eſt, *Sermo erat*
Deus: Nobilitas eſt unica virtus, id eſt, *Sola vir-*
tus eſt nobilitas.

9. Ratio æquipollentiæ obſervandæ hoc axio-
 mate continetur, *Qui unum ponit ex æquipollen-*
tiis, alterum etiam ponit; & qui unum tollit,
alterum tollit. Hoc eſt, qui unum ponit, perinde
 eſt, ac ſi aliud poſuiſſet; & aliud ponit ex con-
 ſequenti. Ut qui dicit *Herodes eſt vulpes*, idem
 dicit ac *Herodes eſt verſutus, ſubdoluſ, & ma-*
gnuſ.

10. Triplex autem eſt interpretatio, alia in
 ſenſum Autoris ipſi percipere, vel etiam aliis
 exponere contendimus; alia per quam ipſius ſer-
 monem, ex una lingua, in aliam, vertimus, in
 hunc finem, ut qui linguæ in qua ſcripſit, aut

locutus est, imperiti sunt, cogitationes ejus intelligant. Quæ si scriptis fiat, versio & translatio dicitur. Alia qua res, de quibus Autor loquitur definimus, seu distribuimus, per attributa, quæ ab eo non sunt posita : aut distinguimus, ac dividimus in partes, & species. Aut denique rationes propositionum, quæ ab eo nude exprimuntur proferimus. Hæc operatio *commentatio* seu *compositio* vocatur. De prima jam diximus. De tertia inferius dicemus. De secunda nunc restat pauca subungere.

11. In interprete, hoc est in translatore, tria virtutes requiruntur. 1. Peritia utriusque linguarum illius ex qua, tum illius in quam redditur est. 2. Cognitio mediocris materiæ, quæ a Autore transferendo tractatur. Secus enim non nisi casu, ubique recte vertere potest. Siquidem non semper sciet quænam voces aut phrasæ, illa lingua in quam versurus est, ad vivum exprimant significationem verborum quæ habent vertenda. 3. Requiritur fides : hoc est, ut a omni fraude, & partium studio alienus sit. Si enim verba Autoris juxta genuinam earum significationem reddet ; sive sensus pro se & suæ fecerit, sive iisdem adversetur. Qui aliter facit Autorem vel calumniatur, vel injuste errores & infirmitates ejus celat, & lectori illudit : adeoque si sciens & volens mala fide interpretetur, mendax est, & impostor.

12. Non tamen necesse est, ut definitionum teneat omnium terminorum qui in textu vertendi inveniuntur ; neque ut integrum sensum singulorum

rum propositionum percipiat, sed tantum, ut
 sensum literalem (ut dicitur) intelligat. Exem-
 pli gratia, καὶ εἶδον ἐκ τῆς θαλάσσης θηρίον ἀνα-
 ῥῆνον ἔχον κεφαλὰς ἑπτὰ καὶ κέρατα δέκα. Qui
 linguam Græcam & Latinam callet, satis in-
 structus est ad hæc verba sic transferenda, ut
 transferri debent, *Et vidi bestiam e mari ascen-*
dentem, quæ habebat capita septem, & cornua
decem; licet non intelligat quid per bestiam
 intelligatur, ejusque septem capita, & cornua decem,
 ut per mare, & ascensum ex eo, significetur;
 verum scilicet bestia proprie dicta, an aliquid
 aliud, puta homo, aut principatus aliquis, aut
 denique quisnam homo, aut principatus. Sufficit
 certus sit, non aliter vere & exacte reddi posse.
 Translatoris enim est, solummodo voces & phra-
 ses synonymas, seu æquipollentes adhibere.

13. Neque necesse semper est verbum verbo
 reddere. Istud enim proprietas lingue in quam
 transfert, non semper patitur. Siquidem omnis
 lingua sua habet idiomata. Sed sufficit si voces
 & phrasas usurpet, quæ prorsus idem significare
 aptæ sint, cum illis quas in textu invenit. Unde
 non tantum licitum, sed etiam necessarium est,
 voces quasdam adhibere, quibus nullæ in eo
 respondent: ut in lingua Hebræa ubique fere
 est ellipsis verbi substantivi, in propositionibus
 ordinariis; quod in Anglicana omitti nequit. Et
 ex adverso necesse est quasdam interdum demere:
 illas scilicet, quarum æquipollentes, in lingua
 substituenda, sensum mutarent, aut male sona-
 rent. Necesse etiam aliquando est, alium situm

verborum eligere, propter easdem rationes ut taceam de casu, genere, & syntaxi mutanda.

14. Gratia, & emphasis, & tota virtus & efficacia textus vertendi, quantum fieri potest exprimenda est. Hæc autem consistit partim in oppositis vocibus deligendis; partim in tropis & figuris rhetoricis; partim etiam in ordine verborum, & partium sententiarum, & orationis decursu suaviter fluentis. Eam igitur in omnibus interpretes æquiparare studebit.

C A P. VI.

Præcepta Analytica & Critica generalia.

Sequitur ut præcepta Analytica, & Critica tradamus, quibus docemur partes, siue universales sententiæ, siue totius tractatus, resolvere, & iudicium de utroque & illis quæ ad ea pertinent interponere. Utriusque generis præcepta, ac repetitiones inanes vitandas simul proponemus.

I. De Autore sententiæ, aut operis resolvendi considerare licet, quis, & qualis fuerit; nomen, genus, vitam, ingenium, studium, mores, dotes acquisitas, occasionem & rationes scribendi de materia vero resolvenda, dignitatem, difficultatem, utilitatem, necessitatem & jucunditatem

Quorum

Quorum comprehensio proœmium & *prolegomena* dicitur.

2. Postquam materiam resolvendam perlegimus, & sensum Autoris per præcepta hermeneutica intelleximus, observandum imprimis est, quodnam sit thema seu argumentum ab Autore tractatum, quis modus tractandi, adeoque quidnam resolvendum sit.

3. Thema vel est simplex, vel complexum. Thema simplex tractatur definiendo, dividendo, varieque describendo, ac illustrando. Unde materia ex ejus tractatione resultans, ab analytico resolvenda, est complexio omnium notionum, & propositionum quibus ab Autore explicatur.

4. Thema complexum tractatur, tum partes illius explicando, ut in tractatione thematis simplicis sit; tum connexionem aut disjunctionem earum demonstrando, confirmando, aut refellendo. Unde in hac parte posteriori, quæ thematis complexi, qua complexum, propria est, materia emergens resolvenda est complexio plurium rationationum, probationum scilicet, refutationum, responsionum ad objecta, &c.

5. Modus tractandi ab Autore usurpatus, vel erit *didascalicus*; seu doctrinalis, quo nudi conceptus mentis ad alios tantum instruendos; vel patheticus, quo affectus animi ad alios movendos, hoc est similes affectus in illis ciendos, exprimuntur.

6. Unde pro differentia affectuum varia erit oratio. Nempe vel *gratulatoria*, qua Autor gaudium

gaudium de prospera alterius fortuna testatur ; vel *lamentatoria*, qua dolorem, de sua, aut aliorum fortuna adversa, effundit ; vel *eucharistica*, qua gratitudinem de beneficio accepto exprimit ; vel *concitatoria*, qua adversus aliquem alios concitat ; vel *conciliatoria*, qua inimicitias & dissensiones diluere conatur ; alio nomine *irenicon* dicitur : vel *consolatoria*, qua alios in adversis solatur ; vel *laudatoria* aut *vituperatoria*, quam Rhetorici genus demonstrativum vocant : vel *deliberativa*, qua suadet aut dissuadet ; sub qua idcirco continentur orationes hortatoriæ & dehortatoriæ : vel denique *juridicialis*, qua accusat aut defendit. Sub hac continentur orationes apologeticæ.

7. Miscentur autem sæpius themata ista, & isti modi agendi, in eodem tractatu ; adeoque ab analytico diligenter secernenda, & distinguenda, per materiæ distributiones ; quæ si generales sint, in initio proponendæ ; si speciales, in progressu notandæ sunt.

8. Partium doctrinæ ratio reddenda est, per reductionem uniuscujusque quod dicitur (sepositis illis quæ facillima, & observatione minus digna), ad aliquem locum communem, seu imponendo illi aliquam notionem secundam.

9. Et cum hæc tria in materia resolvenda occurrant, Oratio, conceptus, & affectus Autoris, Analysis triplex esse poterit, Grammatica, rhetorica, & logica. Analysis Grammatica circa etymologiam, compositionem & syntaxin verborum ; rhetorica circa tropos & figuras, &
omnia

omnia media pathetica ; logica circa argumenta explicantia, & probantia exercetur. Et cum loci communes, seu notiones secundæ, in omnibus his disciplinis tradantur, ad aliquam ex illis, singula ad singulas referenda sunt. Puta quæ Grammaticam spectant, ad Grammaticas ; quæ rhetoricam, ad rhetoricas ; quæ logicam, ad logicas.

10. Unde, quæ Autor dicit in actu exercito, seu in particulari, Analyticus ad actum signatum, seu ideam communem reducet. Ex. g. Autor describit rem, per ea quæ illius sunt partes, causæ, subiectum, adjuncta ; vel accuratius definit per attributa, quæ sunt genus, & differentia ; & variis modis eam distinguit, distribuit, ac dividit : Propositiones variis probat argumentis, artificialibus vel inartificialibus, probabilibus vel necessariis, à posteriori vel à priori, &c. Non tamen dicit se, per ista attributa, aut argumenta, eam tractare : quin forte de illis minime cogitat, sed recta mentem in res ipsas dirigit. Analyticus igitur illa omnia expresse notare debet ; dicendo hic rem describi per partes, causas, subiectum, adjuncta ; hic definiri per genus, & differentiam ; hic distribui per causas, effecta, subiecta, vel adjuncta ; hic dividi in species ; hic thesin probari vel refutari, argumento hujus aut illius ordinis, &c. Ut in exemplis ad calcem hujus operis exhibitis videre est.

11. Sed notiones Grammaticæ & Rhetoricæ non nisi insigniores notandæ sunt ; illæ scilicet quæ singularem orationis virtutem & gratiam con-

continent, aut quæ minus obviæ sunt tyroni, aut lectori parum erudito.

12. Ordo resolvendi duplex esse poterit. Alter si Autorem *κατὰ πόδας* sequamur; nempe ubi ordinem naturalem & accuratum ipse observat; vel cum ordinem qualemcumque ab eo observatum deferere, minus auditori, aut lectori commodum visum fuerit. Alter, cum ad ordinem naturalem ab Autore neglectum, heterogenea ubique miscente (ut si hic adjunctum aliquod rei, deinde causam efficientem, proxime aliud adjunctum, tum causam finalem, posuerit), omnia reducimus. Quod quidem operosius erit, sed brevius fiet.

13. Analysis alia simplex, & pura est, in qua partes materiæ ab Autore positas nude indicamus, & distinguimus, nihil addendo aut reprehendendo. Alia est quæ Genesin admixtam habet; nempe, ubi cum Analysis omnium quæ ab Autore dicuntur, aliquid de nostro adjicimus. Quot autem modis illud fieri possit proxime dicemus.

C A P. VII.

*De Commentario, & Crisi, sub qua
continentur & Apologia, &
Elenxis.*

1. **C**UM analysi, aut ex ea, tanquam occasione, primo instituere licet Genesin Exegeticam, seu expositionem: scilicet si omnia aut nonnulla quæ in opere resolvendo occurrunt, nude, hoc est, certis propositionibus explicemus, juxta præcepta genetica thematis simplicis tractandi: definiendo scilicet, & dividendo terminos qui ab Autore adhibentur; sive rerum quæ illis substernuntur naturas, causas, effecta, partes, subjecta, adjuncta, cognata, & opposita exponendo.

2. Eos tamen terminos seligere convenit, qui explicatione indigent. Et eas res, quæ nude ab Autore memorantur, quarum cognitio difficilior, & utilior est. Plurima enim ubique, in aliorum dictis & scriptis, occurrunt, quæ explicationem nec exigunt, nec merentur.

3. Secundo, instituere etiam possumus Genesin Syllogisticam, seu probativam: nempe si propositiones ab Autore sine probatione positas, argumentis confirmemus. Utrumque tunc præcipue agendum est, cum materia aliqua insignior definitionibus,

nitionibus, divisionibus, & theorematis, seu aphorismis, succincte traditur.

4. Si thema quod explicandum assumimus, simplex fuerit, sub eadem ratione explicari debet, quam apud Autorem fortitur: si complexum, sub iisdem terminis quibus ab eo exprimitur, confirmandum est. Secus enim aliquid aliud tractabimus, aut tractare videbimur, quam quod tractandum est: nec auditoris aut lectoris expectationi satisfaciemus. Ut si quis hujus propositionis *Δὲ ὅμᾶς ἡμενθῆται ἀνωθεν*, oportet vos *gigni denuo* vel *renasci*, terminos explicandos, vel veritatem demonstrandam suscepit, convenit ut mutationem illam spirituales, cujus necessitas hic asseritur, sub notione *παλιγγενεσίας* explicet & probet.

5. Falsas sententias, aut quæ in se dubiæ sunt, hoc est, de quibus justas causas dubitandi habemus, probandas non suscipiemus. Sicut nec illas quæ omnibus, aut plerisque notæ sunt.

6. Qualecunque thema fuerit, cavendum est ne ab eo longius excurramus. Sed orationem ita componere studendum est, ut omnia quæ dicimus, manifestam habitudinem ad ipsum gerant.

7. Tertio, si Autor quibusdam argumentis aliquid explicavit aut probavit, alia tamen omisit quæ adhiberi possunt aut debent, possumus & illa addere. Et sic quæ ab eo imperfecte tradita sunt, perficere. Atque hæc omnia ad rationem commentarii pertinent.

8. Quarto,

8. Quarto, si bonus Autor ab adversario aliquo impetitus fuerit, possumus veritatis ab eo traditæ patrocinium suscipere, quod *Apologia* & *vindicie* dicitur. Apologia autem instituenda est, veritatem ulterius confirmando, rationes pro ea adductas defendendo, exceptiones & omnes rationes oppositas diluendo, & calumnias refellendo. Videndum tamen est, ut solius veritatis vindices simus, nec quæ temere, aut contra rationem ab Autore dicta sunt, defendere aggrediamur, sed ea rejiciamus, tanquam inutilia, & quibus causa non indiget, veritatis duntaxat fulcimento contenta. Item ne infirmis rationibus eam tutemur.

9. Quinto, adjicere etiam nonnunquam debemus quædam quibus probetur, & laudetur Autoris virtus in differendo: ut elegantia in dicendo, *εισβολή* in explicando, acumen & judicium in demonstrando, ac refutando. Ut majori in pretio sint quæ ab Autore traduntur; eoque diligentius expendantur.

10. Sexto denique, eorum quæ minus recte traduntur, correctionem & *ελεγχήν* instituemus. Præsertim ubi totus aliquis tractatus contra veritatem componitur; maxime si error in religione, aut moribus, sub specie veritatis, incautis obtrudatur.

11. Non enim omnibus erroribus refutandis operam impendemus, sed vel perniciosos, aut qui his statuminandis eliguntur: aut qui eximiam aliquam veritatem evertunt, licet sine detrimento fidei aut honestatis. Aut qui incommodum aliquod *externum*

ternum adferre possunt; quales sunt errores in Medicina, & artibus mechanicis: aut denique quorum confutatio, ingeniis discentium majorum cum fructu exercendis inserviat.

12. Veteres igitur & obsoletæ controversiæ non sunt revocandæ; novæ, quæ futes, & paucis tractantur, sunt negligendæ; quæ à multis, & doctis, si inutiles sint cum honore sepe- liendæ, hoc est, breviori reprehensione dimit- tendæ; quæ plane absurdæ, & monstrosæ, risui & contemptui exponendæ.

13. Versatur autem elenctica, si generationem spectetur, vel circa sermonem & voces, vel circa materiam quæ illis significatur. In vocibus reprehendimus, si obsoletæ, sine ratione confictæ, ambiguae, obscuræ, aut quocunque modo ineptæ; in sermone, si subdolus, & fallax sit.

14. In materia reprehendendæ sunt definitio- nes, divisiones, aut distinctiones vitiosæ, & in- utiles; ostendendo in aliquam ex legibus, quæ his operationibus mentis imperant, impingere.

15. Deinde sententiæ falsæ, quæ pro veris re- ciuntur, argumentis in partem oppositam ad- ductis. Dubiæ vero quæ pro certis assumuntur, ostendendo rationes quæ pro illis adferuntur, non concludere. Item rationes infirmæ in patrocinium veritatis adductæ, ostendendo pro causa nihil facere. Denique responsiones imprudentes, debiles, ac inutiles ad rationes adversarii solvendas, ostendendo eas veritatem non vindicare, aut etiam ledere.

16. Virorum doctorum & gravium dogmata junioribus non sine gravi ratione convellenda sunt. Et in modo contradicendi, modestia & reverentia est adhibenda. Quibuscunque etiam sermone disputationis reciprocamus, ita nos gerere convenit, ut non contra personas, sed errores eorum movere videamur. Et leviora errata non sunt rigide exagitanda.

17. Denique in sententiis, non tantum alienis, sed etiam nostris examinandis, laborandum est; cum in earum examine, majori severitate utendum. Nec nos pudere debet sententiam mutare, si sobolem mentis nostræ necare, cum ratio ita iubet.

18. In methodo, reprehendenda est Crypsis incommoda, nempe quæ intelligentiæ officit, ordinis naturalis neglectus apud peritos (quot modo modis ab eo disceditur, ex illis colligi potest, quæ supra dicta sunt de Genesi Methodi parte 1. sec. cap. 10.) & ejusdem apud rudes usurpatio, quando alius captui eorum magis congruit.

C A P. VIII.

De Analyfi tractationis Exegeticæ.

CUM tractatio genetica, alia sit thematis simplicis, alia complexi, & Analysis sit resolutio eorum quæ per Genesin componuntur, alia erit Analysis tractationis exegetica, seu argumentorum, vel notionum resolutio quibus

thema simplex tractatur ; alia propositionis se-
 thematis complexi ; alia denique rationum quibus
 ipsa probatur, vel refellitur, quando ita eam
 tractari contingit. In quibus omnibus, brevitatis
 causa, quæ ad Crisin speciatim, præsertim Elenxi
 spectant, una cum ipsa ratione Analyseos tra-
 demus.

1. Videndum imprimis est, quomodo them-
 quod tractatur, ab Autore appelletur. Utrum
 unica voce, an pluribus ; voce propria, an tro-
 pica : & utriusque ratio reddenda est, si mod-
 ratione nomen inditum sit ; ut quod propria
 simplex defuit, aut si extitit, minus commod-
 fuit ad rem designandam. Quandoque enim voc-
 tropica, clarius, & efficacius res exprimitur, quan-
 propria. Et si res composita sit, recte pluribus
 vocibus quæ singulas partes notent, appellatur.
 Si vero sine ratione nomen rei tractatæ impos-
 tum sit, error ille notandus, & aliud in locum
 illius substituendum. Etymologia etiam, si ab
 Autore omissa, addenda est.

2. Proxime dispiciendum est an definitio ali-
 qua rei tractatæ, ab Autore tradatur ; & utrum
 illa sit nominalis, an realis. Et si realis, utrum
 essentialis an descriptiva, universalis, & adæquata
 an particularis tantum. Et quocunque vitio labo-
 ret, vitium illud notabitur, adjecta etiam ratione
 cur à nobis reprehenditur. Si autem minus ac-
 curata sit, non propter ignorantiam, aut incog-
 tantiam Autoris, sed ex proposito, scilicet volum-
 res facilius, ab eo cui tractatus destinatur, capi
 possit, vel ut Autor apud eum, finem certum
 affe-

sequatur, ratio cur sic instituitur, cum laude,
ut vituperio, prout merebitur, reddenda est.

3. Speciatim vero in definitione essentiali
videndum est, utrum per genus proximum, an
remotum, per differentiam primam, an secun-
dam, seu consequentem tradita sit : & cur Au-
tor genus remotum, aut differentiam secundam
adhibuerit : nempe utrum ex ignorantia, an ex
necessitate, an ex proposito ; & hujus postremi
ratio examinanda est.

4. Observandum etiam est, utrum differentia
tributum simplex & absolutum sit, an com-
plexum, aut respectivum. Et si complexum,
partes illius expendendæ ; & ostendendum (si id
Autore non jam præstitum sit), quomodo
e simul differentiam constituent. Si respecti-
vum fuerit, videndum est quinam sint termini
hujus respectus, puta objectum, causa, subje-
ctum, &c.

5. Deinde observanda sunt reliqua argu-
menta exegetica quibus thema tractatur : ut
scilicet, puta materia, forma, efficiens, exemplar,
instrumenta, finis, conditiones ; adjuncta inter-
na, & externa, circumstantiæ ; cognata & op-
posita ; paria, imparia, similia, & dissimilia.
Sæpius quidem in descriptione unius rei omnia
adhibentur. Sed quæ occurrunt, notanda
sunt, & quæ perperam adhibentur, corrigenda,
quæ desunt addenda, si additione ista, aliquid
et volumenti tractatui accedere possit.

6. Sed si thema quod tractatur accidens, aut
modus sit, aut privatio, videndum quodnam illi

subiectum Autor assignaverit, & utrum illud proprium sit, an commune; inhæſionis, an ad hæſionis, pro adjuncti differentia. Si res composita sit, videndum quasnam partes, seu quasnam principia componentia ipsi tribuat. Si relatum quodnam fundamentum, & quem terminum relationis posuerit. Si actio, à quo agente profectam dixerit, quosnam illius terminos, à quo & ad quem assignet, & quem modum ei tribuat. Si signum, quodnam signatum; si actus, cuius potentia respondere dicit; si actus terminatus fuerit, quodnam illius obiectum statuatur.

7. Videndum quasnam divisiones vel distributiones thematis tradiderit, utrum generis species, speciei in individua, aut aliqua alia quæ sub ea continentur, & solis accidentibus differunt an totius essentialis, aut integralis, in partes; aut subiecti in adjuncta, aut adjuncti per subiecta causæ per effectus, aut effectus per causas. Utrum sint immediata, & adæquata rei divisæ; an ipsæ ex a quo convenient, an vero alteri, aut uni proprie, & formaliter, alteri aut reliquis, tropice & analogice.

8. In tractatione thematis singularis resolvenda, non quæremus definitionem essentialen nisi ubi de Deo agitur (multo minus divisio, aut distributio; licet ubi plura individua ejusdem nominis sunt, distinctio eorum instituenda sit). Sed causæ efficientes, & adjuncta sive accidentia. De his autem illud imprimis videndum, quasnam propria sint, quasnam communia. Et si individuum quod describitur persona sit, observandum quosnam

quosnam parentes, præceptores, aut tutores, qualemnam indolem, quale ingenium, quales mores, vitam & studium, quam fortunam, & mortem, ipsi Autor tribuat, &c.

9. Distinguendæ sunt digressiones à partibus principalis tractationis. Item transitiones ab una parte ad aliam, exordium, & epilogus, de quibus etiam, ut de reliquis omnibus censuram ferre licet, sive probando, sive improbando.

C A P. IX.

De Analyfi & Crisi thematis complexi seu unicæ Sententiæ.

A Nalyfis thematis complexi est examen unicæ sententiæ, seu propositionis, nulla habitatione argumentorum, quibus veritas illius probatur, vel falsitas detegitur. Adeoque de ea institui potest, sive nude ponatur, sive syllogistice tractetur. Huic autem exercitio dirigendo sequentia præcepta inserviunt.

1. Expendendum primo est, sitne propositio simplex an composita. Si simplex reperiatur, considerandi sunt termini quibus constat, subiectum scilicet, & attributum. Item sintne illi simplices, an complexi: & si alter vel uterque complexus fuerit, distinguendum est principale subiectum, & principale attributum, à suis additamentis, & limitationibus: & quænam quam hæc ad illa gerant, ostendenda, juxta præcepta ana-

subjectum Autor assignaverit, & utrum illud proprium sit, an commune; inhæſionis, an adhæſionis, pro adjuncti differentia. Si res composita sit, videndum quasnam partes, seu quasnam principia componentia ipsi tribuat. Si relatum quodnam fundamentum, & quem terminum relationis posuerit. Si actio, à quo agente perfectam dixerit, quosnam illius terminos, à quo & ad quem assignet, & quem modum ei tribuat. Si signum, quodnam signatum; si actus, cuiusmodi potentia respondere dicit; si actus terminatus fuerit, quodnam illius objectum statuatur.

7. Videndum quasnam divisiones vel distributiones thematis tradiderit, utrum generis in species, speciei in individua, aut aliqua alia quæ sub ea continentur, & solis accidentibus differunt an totius essentialis, aut integralis, in partes; aut subjecti in adjuncta, aut adjuncti per subjecta causæ per effectus, aut effectus per causas. Utrum sint immediata, & adæquata rei divisæ; an ipsæ ex a quo convenient, an vero alteri, aut uni proprie, & formaliter, alteri aut reliquis, tropice & analogice.

8. In tractatione thematis singularis reſolvenda, non quæremus definitionem essentialem nisi ubi de Deo agitur (multo minus divisio, aut distributio; licet ubi plura individua ejusdem nominis sunt, distinctio eorum instituenda sit). Sed causæ efficientes, & adjuncta sive accidentia. De his autem illud imprimis videndum, quasnam propria sint, quasnam communia. Et si individuum quod describitur persona sit, observandum est quosnam

quosnam parentes, præceptores, aut tutores, qualemnam indolem, quale ingenium, quales mores, vitam & studium, quam fortunam, & mortem, ipsi Autor tribuat, &c.

9. Distinguendæ sunt digressiones à partibus principalis tractationis. Item transitiones ab una parte ad aliam, exordium, & epilogus, de quibus etiam, ut de reliquis omnibus censuram ferre licet, sive probando, sive improbando.

C A P. IX.

De Analyfi & Crisi thematis complexi seu unicæ Sententiæ.

A Nalyfis thematis complexi est examen unicæ sententiæ, seu propositionis, nulla habitatione argumentorum, quibus veritas illius probatur, vel falsitas detegitur. Adeoque de ea institui potest, sive nude ponatur, sive syllogistice tractetur. Huic autem exercitio dirigendo sequentia præcepta inserviunt.

1. Expendendum primo est, sitne propositio simplex an composita. Si simplex reperiatur, considerandi sunt termini quibus constat, subiectum scilicet, & attributum. Item sintne illi simplices, an complexi: & si alter vel uterque complexus fuerit, distinguendum est principale subiectum, & principale attributum, à suis additamentis, & limitationibus: & *quæ* quam hæc ad illa gerant, ostendenda, juxta præcepta ana-

lytica tractationis exegeticæ cap. præcedentem tradita. Ratio denique horum additamentorum reddenda est ; aut si contra leges adjiciantur reprehendenda sunt ; & vitium in specie notandum.

2. Considerandum deinde, an termini sui locos teneant, hoc est, an subjectum ante copulam, & attributum post eam locetur. Secus fuerit, transponendi sunt (ut supra in Hermeneutica præcepimus), modo intelligentia auditoris aut lectoris illud postulet.

3. Si propositio in modo imperativo, optativo aut potenciali expressa sit (in subjunctivo enim nulla integra propositio, sed tantum aliqua pars propositionis complexæ, quæ propositionem incidentem continet, exprimi potest) ; aut si forma interrogativa, admirativa, aut quævis alia, quæ affectum expresse significat, proponatur, ad sententiam æquivalentem modi indicativi, quicquid in ea categoricum est, reduci debet.

4. Perpendendum est sitne affirmans an negans, juxta ea quæ supra dicta sunt, parte compositæ cap. 16. sect. 9, 10, 11. Et si cui, quæ vere negat, affirmans videri possit, aut vicissim, declaranda erit per aliam æquipollentem, quæ aperte negat, vel affirmat.

5. Perpendenda etiam est quantitas ; utrum scilicet propositio universalis sit, an particularis an singularis, an denique indefinita. Universalem autem æstimabimus, si notam universalitatis licet non positam, admittat, salva veritate. Particularem vero, si solam notam particularitatis

inde

indefinitam, si neutram. Singularis vero facile ex subiecto ipso internoscitur. Ex. g. Hæc est universalis, *homo est mortalis*, quia admittit ut nota universalitatis subiecto præfigatur : hæc vero, *medicamenta sunt sensui ingrata*, universalis non est, nisi de majori parte, sed stricte solum particularis ; quædam enim medicamenta sensui ingrata sunt. Hæc denique, *homo est species animalis*, indefinita est, quia neutram extensionis notam admittat.

6. Præterea, si propositio universalis deprehensa fuerit, videndum utrum universalis sit ratione subiecti, an attributi, an utriusque. An vero ratione temporis, & loci, an utriusque : & quotnam ex his modis universalitatis contineat. Item utrum sit universalis collectiva, an distributiva, & si distributiva sit, utrum distribuat in singula generum, an in genera singulorum : utrum omnia simpliciter distribuat aut colligat, an sub nota *omnis* aut simili solam magnam aut maiorem partem designet, per exaggerationem patheticam : ut cum Pharisei quærebantur, *Si Christum sinerent in populo docendo pergere, omnes in eum credituros*. Hoc est, multos, aut maiorem partem, & tot quidem, ut residui illis instar nullorum forent.

7. Si propositio composita sit (in ea autem resolvenda præcipua opera locanda est, quippe quæ resolutionis maxime capax, & indiga), considerandum est, ad quamnam speciem compositæ referenda sit : & propositiones simplices quas complectitur, distinguendæ, & seorsim expendendæ,

dendæ juxta præcepta jam data.

8. Qualiscunque autem fuerit, simplex a composita, universalis an particularis, &c. videntum, sitne vera, an falsa, an plane dubia. Et si vera, an simpliciter vera sit, an tantum secundum quid, seu cum limitatione; si posterius fuerit, limitatio omissa, aut subintellecta addenda. Si penitus falsa, rejicietur: & falsitas illius si opus sit, ostendenda; rationes vero pro ea adductæ diluendæ, juxta præcepta elenctica supra tradita. Si postquam omnia media adhibuimus, ad veritatem vel falsitatem illius determinandam, dubia maneat, explodenda est tanquam inutilis.

9. Videndum etiam de connexionione terminorum, si simplex propositio fuerit, & partium, composita; utrum illa necessaria sit, an contingens, an solum possibilis. Item si falsa sit, utrum necessario falsa, an possibiliter vera: & rationes horum omnium, quicquid ex iis reperietur reddenda.

10. Videndum denique, quod ad qualitatem attinet, sitne obscura, an perspicua, seu evidens: & utrum per se evidens sit, adeoque axiomata & principium, an ex alia notiori pendeat. Obscura si fuerit, talis erit vel propter tropum vel propter vocem ambiguam, aut insolentem novam scilicet, vel exsoletam; aut phrasin vel modum loquendi minus familiarem. Ut autem ista intelligentiæ impedimenta tollantur, ad propriam, consuetam & familiarem formam reducuntur: & ratio tropi reddenda est.

11. In propositionibus patheticis, quibus una cum affirmatione aut negatione, affectus aliquis significatur, licet quoad voces simplices sint, quales sunt petitoria, deprecatoria, imprecatoria, interrogativa, admirativa, & plurimæ id genus aliæ, semper in plures resolvendæ sunt. Quarum una aut aliquæ actum mentis, ejusque objectum indicant, reliquæ affectum animi, unum, aut plures exprimunt. Et si forma loquendi per se varie significet, sensus ex materia subjecta, scopo loquentis, & reliquis mediis interpretandi supra expositis, eruendus est. Ex. g. hæc oratio, *Quis dabit salutem Israelis venire ex Zione*, Psal. 14. ult. propositio optiva est: at, *Quis me eripiet ex isto corpore mortis*, Rom. 7. 24. est non tantum optantis, sed lamentantis, & ejulantis, sub onere naturæ corruptæ.

12. Tandem videndum est, quot propositiones utiles ex sententia explicata deduci possint. Quod in solis fere sententiis complexis, compositis, & patheticis fieri potest. Sumi autem possunt non tantum principales, & quæ directe in sententia continentur (in propositione autem composita, præsertim copulativa, plures istiusmodi esse possunt); sed etiam implicitæ, indirectæ, incidentes, & subservientes, hoc est, quæ principalem explicant, aut etiam probant, ut in causalibus fit. Exempla ad calcem hujus operis vide.

C A P. X.

De Analyfi & Examine Textus Syllogistici.

A Nalyfis textus syllogistici, est explicatio, & examen rationum quibus propositio aliqua confirmatur, vel refutatur; de qua sequentia præcepta observanda sunt.

I. Ante omnia videndum est quænam sit quæstio, vel thesis quam Autor probandam aut refutandam suscepit: & à rationibus, quibus vel explicatur, vel confirmatur, aut refutatur, discernenda est. Ut autem inveniamus, videndum num expresse posita sit ante rationes quibus tractatur, an vero post aliquam præfationem, aut unam vel alteram rationem; an, in propositione causali, cum una aliqua ratione, aut in adversativa cum responsione ad objectionem, complice-tur, ut non raro accidit. Videndum etiam, num sæpius post alias & alias rationes, repetatur: & utrum iisdem semper terminis, an cum immutatione aliqua. Et si posterius contingat, perpendendum est, num mutatio illa sit in solis vocibus, an etiam in sensu: & utrum differentia ista ullam mutationem in quæstione inferat. Contingit enim thesin non totam simul, sed per partes, hic & illic, inter rationes misceri: aut alibi partem ejus principalem poni, alibi vero limitationes. In quocasu integra thesis, cum omnibus quæ ad eam per-

pertinent , est colligenda, seu omnia illa in unam propositionem componenda.

2. Si plures theses tractentur, aut plures partes unius compositæ, distinguendæ illæ sunt. Et videndum est, utrum omnes iisdem argumentis probentur, aut refellantur, an vero singulæ singulis.

3. Examinanda est thesis, quæcunque tandem fuerit, secundum quantitatem, & qualitatem, juxta præcepta capite præcedenti tradita. Et si termini illius exegeticè tractantur, ut non raro contingit, tractatio ista resolvetur juxta rationem Analyseôs tractationis exegeticæ, cap. 8. præcedenti expositam.

4. Considerandum est de causa aut occasione quæstionis, item de illius necessitate & utilitate, sitne aliqua, an nulla, magna, an exigua. Et quicquid de his rationi consentaneum videbitur, notandum est.

5. Videndum etiam an quæstio proposita, finem propter quem instituitur, adæquet ; an vero eum excedat, aut infra subsistat. Hoc est, an plus minusve concluditur, quam ad finem controversiæ obtinendum necessarium sit. Si alterutrum contingat, quæstio rectificanda est, & ad finem suum adaptanda.

6. Si varix quæstiones successive agitentur, ut in prolixioribus tractatibus fieri solet, videndum est an Autor ordinem idoneum & debitum observaverit, eum scilicet in quo sequentia præcedentibus vim & lucem adferunt. Si ita fieri comperiamus, laudanda est Methodus, & suis rationibus

tionibus probanda. Si vero secus fiat, error illi notandus est, & ratio ejus reddenda.

7. Secernenda etiam est quæstio de voce, & quæstione de re; & si prior sit, de ea lector monendus est; & ratione ostendendum, talem esse item distinguenda est quæstio incidens, & subsidiaria, à principali.

8. Proxime videndum est, de argumentis, quibus quæstio concluditur, sintne scilicet inartificialia, à testimonio divino, vel humano; an artificialia, è loco intrinseco; an ex absurdo; an denique ex concessis adversarii. Si à locis intrinsecis sint, notandi sunt illi loci. Quod ut fiat, conferendum est medium cum partibus quæstionis, ut inde appareat quamnam habitudinem ad alterutrum ex illis gerat, nempe, causæ, an effecti; subjecti, an adjuncti; generis, an speciei, aut differentię, primæ, vel secundæ; an definitio sit; totius etiam, an partis, cognati, an oppositi, &c. Item utrum rationes efficaciter concludant, an debiles & inutiles sint. Si prius fuerit, laudandæ sunt, & ulterius si opus sit, aut suppetat, confirmantæ: si posterius ἀνεκολυθία seu infirmitas earum ostendenda est, & monendus lector ne illis fidat. Denique si concludant, utrum necessario seu ἀποδευκνῶς, an solum probabiliter.

9. Si vis & sequela argumentorum non facile appareat, opus erit ea ad formam reducere, & si aliqua ex præmissis ab Autore subticetur, illam supplere: præsertim vero illud faciendum erit, si de alicujus ex iis efficaciam, & sequela, quæstio cum quoquam incidat. Si vero facile apparet, sufficit

sufficit Enthymematicæ ea resolvere ; aut etiam singulis propositionibus cum nota causali, expressa, vel implicita, proponere.

10. Quandoquidem autem idem argumentum varias formas admittere poterit, puta hypotheticam, vel categoricam, item formam hujus vel illius figuræ, ita semper formandum est, prout ad conclusionem quam luculentissime inferendam inserviat, modo tamen naturæ terminorum, & propositionum, nulla vis inferatur.

11. Videndum est, an aliqua ex præmissis novo argumento confirmetur, quod prosyllogismus vocatur : & eodem modo de illo. ac de reliquis procedendum est. Item an prosyllogismi propositio aliqua novo prosyllogismo concludatur, & sic deinceps. Sæpius enim varii sunt syllogismi concatenati, quorum posterior priorem confirmat, ut in Sorite. Et quandoque utraque præmissarum peculiari argumento concluditur, ut in Dilemmate.

12. Notandæ sunt prolepses, hoc est, occupationes, seu exceptiones quibus Autor occurrit, & satisfacit. Hæ igitur primo seorsim proponendæ ; & deinde ostendendum est quomodo ad eas Autor respondeat. Idem præstandum de objectionibus, sive argumentis pro parte opposita adductis : Et ambæ, si opus sit, in formam redigendæ sunt. De responsione autem videndum est, utrum aliqua ex præmissis negetur, an consequentia Enthymematis, sive connexio propositionis hypotheticæ : & quæ
ratio

ratio negationis adferatur : an vero distinctionem adhibeat ; & quibus membris constet, an utrumque expresse, an alterum tantum, altero subintellecto, tradiderit : illudque quod sup-
 primitur exprimendum est.

13. Denique digressiones, & tropi aut figuræ rhetoricæ, si quæ fuerint insigniores, notandæ, & ad suos locos referendæ. Et hæc de Analyfi & Crisi.

Logicæ specialis Pars tertia, quæ Didactica est.

C A P. I.

Præcepta generalia ; De Docente & Discente ; De Mensura & Modo docendi.

1. **Q**UI cogitationes suas recte formavit, scientiam quam ipse acquisivit, ad alios propagare, providentia divina eo vocante, tenetur. Unusquisque enim erga alium beneficus esse debet. Melius autem beneficium alteri præstare nemo potest, quam si eum de rebus cognitu necessariis instruat, ab errore tueatur, aut jam errantem in viam veritatis reducat. Deinde alios instruendo, scientiam nostram augemus, & confirmamus. Hinc etiam ad majorem diligentiam excitabimur, ut rectius unumquodque ipsi percipiamus, ne, si quid vitii in cogitatis nostris inveniat, multorum reprehensionem subeamus.

2. Do-

2. Docenda sunt non quælibet, sed quæ docenti & discenti cognitu tum utilia, tum aliquo modo necessaria sunt. Unde multum reprehendendi, qui in rebus nullius vel exigui momenti tradendis, & quæstionibus futilibus ventilandis vitam & operam perdunt, & bonis discendi ingeniiis, ad præstantiora à Deo concessis abutuntur.

3. In docente requiritur primo, ut quæ alii traditurus sit, ipse probe teneat, quantum rei ipsius natura, & mentis humanæ imbecillitas patitur. Deinde ut varia rerum multarum notitiis imbutus sit, ut pro omni occasione, quælibet dubia à discipulo proposita solvere queat. Tercio requiritur peritia linguarum in quibus scientiam est traditurus; ut quæ recte mente percepit, perspicue & apte eloqui possit. Denique requiritur prudentia, ut quid cuique, quantum, quomodo & quo ordine tradendum sit, intelligat. Quibus omnibus continetur id quod *dexteritas* in docendo vocatur.

4. In discipulo requiritur primo ætas debita, ut nec maturius, nec serius ad hujus vel illius artis studium admittatur, quam illius acquirendæ aliquo modo capax sit. Et juvenus quidem docilis est; senem vero tam difficulter erudies quam annosam arborem transplantaveris. In eo enim oppositæ opiniones altas radices egerunt, ingenium ipsi tardum, memoria novis impressionibus retinendis minus apta. Deinde requiritur non tantum ingenium, saltem mediocre, sed etiam amor doctrinæ, & studii ac laboris patientia

scientia, (sine quibus nemo ad eximium scientiæ gradum ascendere poterit) ut sic defectum ingenii ac memoriæ diligentia compenset. Tertio requiritur, ut ad scientiam imbibendam, quæcumque demum sit, præparatus fuerit, peritiam linguarum; & priusquam studium philosophiæ capeßat, præcepta rhetorica, & logica, aliquantulum teneat. Ut nihil dicam de cognitione principiorum communium, & facultate ratiocinandi ad maturitatem perducta, quæ neo posita est, ut connexiones seu consequentias propositionum percipere valeat.

5. Docendum est, pro modulo discantis; non quantum ipse tenes, sed quantum auditor capere potest, non ingenii & eruditionis ostendendæ, sed alios erudiendi causa.

6. In modo docendi requiritur imprimis facilitas, quæ in brevitate cum perspicuitate præcipue sita est; ut sic, cum voluptate auditor auribus quæ ei proponuntur; nec se defatigatum, sed ad reliqua cognoscenda accensum percipiat. Requiritur etiam veritas, hoc est, oratio rebus conformis; ut quæ omnia sponte fluere videantur; nihilque affectatum, confectum aut coactum appareat. Requiritur denique perfectio & plenitudo, ut nihil, ad rem, de qua sermo instituitur, intelligendam, audiens desideret.

7. Traditio alia viva voce fit, quæ maxime idonea est ad scientiam simul ingenerandam & affectus movendos; modo materia de genere cathetico fuerit. Ad quam accedere debent homines convenientes, qui virtuti Sermonis aliquid

addere possint, ut in Rhetorica docetur. Aliis scriptis instituitur, ad absentes, & posteros docendos. In hac majorem accuratorem adhibere debemus; cum scripta ad plurium manus venire & examini severiori obnoxia sint.

8. Deinde alia est *Acroamatica* (ut ex titulo Physiologiæ Aristotelis vocatur; hanc enim Acroasin Physicam appellavit), ingeniis acutioribus accommodata; alia *Exoterica*, seu popularis, ad captum vulgi attemperata. Alia *Didactica*, qua rem aliquam explicamus, definiendo dividendo, & varie describendo; alia *Apodictica*, qua veritatem rationibus confirmamus. Alia *Elenctica*, qua falsa refutamus, aut minus recte tradita corrigimus, aut denique inventi addendo, imperfecta perficimus, de quibus supra actum est.

9. Ex his autem prima est fundamentum secundæ: qui enim quæ pertinent ad explicationem rei recte tenet, facilius rationes inveniet quibus veritas propositionum quæ de ea fieri possint, confirmetur. Et utraque, tum prima tum secunda, est fundamentum tertiæ. Omnis enim Elenxis falsi, aut vitiosi, per intuitionem veri & recti dirigitur. Præstat etiam tractatione didactica, & apodictica, tractatione elenctica. Illæ enim omnibus necessariae sunt; hæc solum errantibus aut qui in periculo errandi versantur. Præstat etiam extruere veritatem, quam falsitatem destruere, & majorem ingenii virtutem requirit.

C A P. II.

De præcipuis Sermonis didactici virtutibus.

IN his omnibus docendi modis, cum eo fine scribimus & loquamur, ut alii nos intelligant, nulla potior Sermonis nostri virtus erit, quam *perspicuitas*. Per hanc enim lector vel auditor attentus redditur; & celeriter, ac cum voluptate, imbibit quæ dicuntur.

2. Perspicua autem erit oratio, si voces rebus significandis aptas adhibeamus, nempe usitatas, proprias, & quæ distincte ac determinate significant; obsoletas autem, & ambiguas vitemus; item & tropicas, nisi per usum propriæ quodammodo evaserint, hoc est, idem in significando præstant, tanquam essent propriæ. Deinde si voces aptas recte etiam construamus. Ordinatio enim verborum intelligentiam multum vel promovet, vel impedit.

3. Si vero voces vel phrasés ambiguas alicubi usurpare cogamur, scilicet, quia tales in hac vel illa materia passim & dudum in usu fuerunt, (quo morbo omnes fere disciplinæ laborant) distinguendæ sunt diversæ earum acceptiones; ostendendum quænam ex illis loco præsentī congruat. Voces autem obscuræ definiendæ

4. Popularis quidem doctor, vocibus & for-

mulis loquendi, vulgo usitatis, contentus esse solet : & frequenter tropos & figuras admiscet. Sic enim, variis imaginibus objectis, affectu moventur. Analyticus vero, seu Actioamaticus simplicitate gaudet, & omnia eo refert, ut conceptus suos, & res, quam luculentissime perceptioni audientis exponat ; nec de auribus oblectandis est sollicitus. Veritatis enim oratio simplex est. Nec tamen elegantiam & nitorem sermonis aspernatur, nisi quatenus cum perspicuitate consociari nequit.

5. Secunda virtus Sermonis didactici est *brevitas*. Cum enim in eo finis unicus sit intelligentia, quicquid extra eum adhibetur, vitiosum tenetur : & frustra fit per plura, quod fieri potest per pauciora. Superflua prolixitate multum de vita, & labore nostro, tum nobismetipsis, tum auditori, & lectori perdimus. Cavendum tamen ne dum brevitati studemus obscura aut mutila sit oratio.

6. Brevitati autem studendum est, tum in singulis partibus, puta in definiendo, dividendo distinguendo, enunciando, argumentis proponendis, & diluendis ; & sententiis compositis concinnandis ; tum etiam in tota oratione selecto tractatu. Magnis enim voluminibus opprimuntur discipuli, & tædio afficiuntur ; multi etiam à studiis artium deterrentur, quia ad finem pervenire sperare non possunt. Danda igitur opera in scribendo, & dicendo est, ut multa potius quam multum dicamus ; seu, ut paucis multis complectamur.

7. Tertia virtus est adæquatio Sermonis ad res, hoc est, totam veritatem, quantum fieri potest, semper exprimamus : ut in definiendo totam rei essentiam utcunque complectamur ; in dividendo omnes partes vel species ; in distinguendo, omnes vocis significationes, & omnes sententiæ sensus ; in enunciando, ut attributum de subiecto in tota extensione, quam, salva veritate, admittit, efferamus ; in causâ assignanda, ut integram, & adæquatam exhibeamus. Secus enim rem imperfecte tractabimus, auditores imperitos in periculum errandi inducemus, tanquam illa pars veritatis quam à nobis subiceri perspiciunt, falsi aliquid aut dubii contineret : peritos vero offendemus.

8. Non tamen necesse est, ut unica sententia etiam composita, ista semper præstemus. Sæpius enim veritas gradatim, & per partes manifeste distinctæ, proponenda est, & in singulis per se perpendendis, animus auditoris detinendus est. Sed in singulis propositionibus, quæ vel explanationis, vel probationis gratia efferuntur, adæquate loquendum est. Et in quovis thematè tractando, nihil quod ad illius intelligentiam requiritur omittendum est. Sive danda sunt opera ut auditor vel lector nihil desideret, nec ullibi implicitus ac dubius relinquatur.

9. Quarta virtus est *cautela*, scilicet, ut ab omni modi vocibus & loquendi formulis abstinemus, quibus auditor vel lector minus exercitatus, in errorem inducatur ; licet per se alio-

quin vere significare, & in sanum sensum exponi possint. Præsertim ubi tutiores voces aut phrasæ facile se offerunt, quibus res ipsa satis declaratur. Exemplum sume ex antiquis doctoribus Christianis, qui patrem æternum, *principium & originem* filii (voce generaliori) potius quam *causam* appellare voluerunt : ne, si causæ vocabulo usi fuissent, occasionem infirmioribus præberent putandi filium esse creaturam, aut minorem patre.

10. Quinta virtus est *constantia* in docendo sive ut omnes partes doctrinæ consentiant. Ubi nullibi contradictoria efferamus ; quod multis sui ipsorum obliti, in diversis partibus, non tantum suorum scriptorum & sermonum, sed etiam ejusdem tractatus, aut orationis, fecerunt.

11. Sexta denique virtus est *ordinatio*, seu *εὐταξία*, de qua supra in Genesi, & Analytice satis jam diximus. Ubi regula est, ut sequentia à præcedentibus dependeant, & lucem sentiantur. Adeoque à facilioribus & notioribus auspicandum est, & ex his ad difficiliorum gradus faciendus. Sic enim libenter & cum voluptate discipulus hauriet & prosequetur quæ ei proponuntur.

C A P. III.

De singularum vocum usu, & Definitionibus ac Divisionibus exprimendis.

Distinctis vocibus res distinctæ, sunt appellandæ. Contra facere, est ambiguitatem parere, & auditorem incertum relinquere.

2. Quæ eadem sunt, iisdem nominibus vocandæ sunt, aut si pluribus vocemus, indicare debemus nos plures illas promiscue usurpare. Necus enim, si de eadem re sermone continuato, nomen mutemus, occasionem auditori dabimus existimandi nos de nova aliqua re loqui.

3. Cum plures voces, seu phrasæ, eidem rei exprimendæ se offerunt, meliorum delectus est habendus; meliores autem sunt quæ magis propriæ, distinctæ, & usitatæ.

4. Plures etiam affinis, aut parum diversæ significationis adhiberi utiliter possunt, ad rem perfectius exprimendam; ut si dicas *amicitiam esse mutuam quandam, efficacem, & apertam benevolentiam; formam vel modum materie esse, quod eam afficit, & determinat, ita tamen ut extra eandem existere nequeat.*

5. Si nulla vox usitata, rei exprimendæ sufficiat, periphrasi utendum est: vel brevitatis causa voces sunt fingendæ; sive derivando ab iis quæ in usu jam sunt, sive eas componendo, juxta

Proprietatem derivationis, & compositionis linguæ cujusque. Vel ex aliis linguis aptiores mutabimur. Ut qui Latine scribunt è lingua Græcâ, quæ omnium copiosissima est, plurimum adsciscunt.

6. Licebit etiam significationem vocum castigare, eam vel extendendo, vel restringendo modo auditerem vel lectorem moneamus, nos tali sensu illas sumere.

7. Ut sermo rebus melius congruat, simpliciter simpliciter, compositæ compositionis, positivæ affirmantibus, negativæ & primitivæ privantibus quantum lingua in qua loquimur permittit, exprimendæ sunt. Sic *ignorantia* rectius ad defectum notitiæ, quam *cacitas* ad defectum visus significationum adhibetur. Et *stabilitas* rectius usurpatur ad indicandum id quod moveri aut mutari nequit, quam *immortalitas* id quod semper vivere. Linguarum tamen conditio hoc nec semper, nec etiam ut plurimum patitur.

8. Si res multa includit, quibus omnibus simul ne quidem generaliter exprimendis visum petit, à potiori quod in eo est, designabitur. Sic casus nominum apud Grammaticos, Dativus & Ablativi dicuntur; quia sæpius dandi, & afferendi significationem gerunt.

9. Cum autem omnia quæ à docente proponi possunt, vel explicatione obscuri, vel divisione complexi, vel probatione incerti aut dubii, vel denique solutione ejus quod objicitur, contineantur, de singulis præcepta didactica, quæ à modo conceptus & res exponendi spectant

adi possunt: verum pauca aut nulla jam re-
ant, quæ in doctrina Geneseos & Analyseos
non tradita sunt, aut ex jam traditis col-
gi possunt. Idcirco breviter indicanda sunt.

10. In definitionibus præsertim realibus, bre-
ve, perspicuum, & exquisitum dicendi genus
requiritur. Perspicuitas tamen brevitati ante-
cedenda est.

11. Si genus proximum proprio nomine ca-
reat, assumendum erit nomen generis remoti,
cum differentia qua illud limitatur. Ut *Angelus*
est mens finita à corpore libera.

12. Cum plures species immediate, aut ex
quo intervallo, definiendæ sunt, nimis diligentia
esset in singulis definitionibus genus expresse re-
ponere, sed sufficiat pro eo ponere *id*, vel *aliquid*,
aut similem vocem generalem. Ut si quis affectus
animi definiret, superfluum esset de singulis dicere
quod *affectus* sit. Istud enim ex definitione primi,
aut ex titulo, facile intelligitur.

13. In divisione aut distinctione, si unum è
membris proprio nomine careat, denominandum
erit per negationem alterius, non obstante quod
res positiva utrumque sit. Sic lex dividitur in
scriptam, & *non scriptam*; & verbum Dei in
ὡς ἔστιν, & *ἀγνοεῖν*.

14. Si plura sint membra propriis nominibus
destituta, numerabilibus, quæ ordinalia vocan-
tur, appellabimus. Ut figuram syllogismi primam,
secundam, tertiam, quartam: sic etiam Gram-
matici declinationes, & conjugationes.

15. Cum tot sint membra, ut omnia enume-
rare

rare impossibile, aut nimis longum, aut non necessarium sit, post aliquot enumerata, reliqua phrasi aliqua generali complectimur: ut *Si quæ alia sint. Et id genus reliqua*, aut ejusmodi.

16. Si simile quid adferatur ad rem illustrandum, debet illud esse clarius re ad quam elucidandum adhibetur; si cum vulgo nobis res sit aut tyrone, à sensibilibus ducendum est; si cum doctis, ab intellectualibus. Debet etiam in eo, in quo instituitur comparatio, quam maxime convenire; in reliquis non necesse est, ut conveniat. Licet etiam, in aliorum defectu, à rebus fictis, aut etiam impossibilibus, similitudines ducere, ut in parabolis fit.

17. In exemplis requiritur brevitās, accommodatio ad res, & utilitas; hoc est, ut rem aliquam cognitu utilem, & insignem, si fieri potest, per se exhibeant, & sic duplicem fructum simul adferant.

C A P. IV.

*De Enunciationibus & probationibus ef-
ferendis.*

1. **P**Erinde est, quem locum nomen subiecti & attributi obtineat, nisi attributum nomine substantivo significetur. Tunc enim post copulam locandum est, ad ambiguitatem cavendam. Rectius tamen semper copulam sequitur, etiam cum adjectivo exprimitur. Et rectius verbum adjectivum post, quam ante subiectum ponitur. Sic enim ordo loquendi ordinem concipiendi imitatur.

2. Ubi

2. Ubi idem attributum pluribus subiectis attribuitur, aut eidem subiecto plura attributa, subiectum vel attributum commune semel exprimendum est. Ut, *Nox, & amor, vinumque, nihil moderabile suadent. Deus est justus, & misericors.*

3. Particulæ exclusivæ, restrictivæ, causales, & ejusmodi, ita in propositionibus locandæ sunt, ut facile appareat supra quam partem cadant.

4. Licet omnes propositiones obscuræ explicandæ sint, & quæ dubiæ probandæ; ubi tamen ratio facilis est, sufficit eam breviter indicasse. Nec semper integri syllogismi adhibendi sunt, sed Enthymematis, propositionibus hypotheticis, & causalibus, propositio probanda, una cum sua ratione combinanda est. Quin & illa sæpe reticere potest, postquam semel & iterum jam posita est, & sola ratio auditori ostendenda. Velocior enim est mens quam lingua; & in audiente, facile tum conclusionem, tum alteram ex præmissis suppressam ipsa supplebit.

5. In rebus tamen practicis maximi momenti, post singulas rationes, conclusionem ingeminare multum confert ad affectum movendum.

6. Et quando auditor quid in oratione conclusio, quid probatio sit, aut de consequentia, dubitat, vel cavillatur, integer discursus formandus est.

7. Cum plures rationes ad propositionem aliquam concludendam necessariae sunt, quarum una alteram semper confirmat, licebit vel incipere à proxima,

proxima, & in remotissimam desinere, quæ per se, aut auditori satis nota est: vel incipere à remotissima, & ex ea proximam inferre, & ex hac aliam ipsi proximam, dum tandem præcipuam conclusionem inferas. Ut si probes corpus Christi non fuisse sub speciebus panis & vini, in prima Eucharistia ab ipso administrata. potes vel priori modo sic procedere: *Corpus Christi non fuit sub illis speciebus, quia non fuit tunc productum: productum tunc non erat, quia multos ante annos productum fuit: si enim id quod ante triginta annos productum erat, tunc productum fuisset, idem simul fuisset & non fuisset, quia omnis productio est à non esse ad esse.* Vel posteriori sic: *Nihil simul est & non: ergo quod producit, præ priori instanti quam quo producit, non est: Christi corpus multos annos productum fuit, antequam ipse cœnam instituit; ergo non fuit tunc productum. Adeoque nec fuit sub speciebus panis & vini.*

Sed de his omnibus, quæ ad usum logicæ spectant, & præcedentibus tractatibus complexi sumus, forte plus satis. Restat tantum ut exempla aliquot subjiciamus. Geneseos exempla ubique occurrunt, in omnibus Scriptis, & Sermonibus. Solius igitur Analyseos exempla erunt necessaria. Præsertim cum hæc proponi non possunt, quin ratio Geneseos materiæ resolutæ appareat.

primum Exemplum sit *Analysis Definitionis Sacrae Scripturae*, à Professoribus Leidenſibus tradita, *Synopſi Theologiae, Diſp. 3. Sectione 2.*

Definitio ſic ſe habet.

Sacra Scriptura eſt ſyntagma, ſeu digeſtum ſacrorum librorum, à Deo, per ſervos ſuos, divinitus afflatoſ, pro cuiuſque temporis, & populi ſalutem, ratione, literis, linguaque, ab iis maxime intelligentiſ, originaliter conſcriptorum, totique Eccleſiæ commiſſorum, ad communem, & perpetuam, de ſalutari veritate, nempe de Deo, ejuſque benevola & benefica voluntate inſtitutionem, fidelioſemque verbi & voluntatiſ ejuſ conſervationem, ulteriorem propagationem, & certioſem corrupti reſtaurationem.

Analysis.

RES quæ hic definitur, eſt *Sacra Scriptura*: quæ cum certa ſpecies Scripturæ generatim ſpectatæ ſit, innuit differentiaſ eſſe Scripturæ, nempe, aliam eſſe ſacram, aliam, non ſacram, ſeu communem. Scriptura non-ſacra eſt, quæ aliis quam ſacris uſibus inſervit, ut conceptibus humanis, & rebus incognitiſ, abſentibuſ, & poſteriſ patefaciendiſ; & in artibuſ, ſcientiis, ac hiſtoriis tradendiſ, & commerciis inter abſenteſ adhibetur. Sæpe etiam ad uſuſ vanos, & noxiuſ trahitur. Sacra vero Scriptura illa eſt, quæ uſui ſacro adhibetur. Uſuſ autem rei ſacer eſt, cum ad Dei cultum, & obſequium, immediate inſervit,

vit, adeoque ad animarum beatitudinem. Desinitio constat genere & differentia. Genus est *syntagma*, aliter *digestum*, hoc est, compositum quoddam ex variis libris, seu tractatibus, compactis, & dispositis. In quo convenit cum aliis syntagmatis, & digestis. Hic autem innuitur libros sacros, non tantum unum totum constituere, sed etiam in eorum collectione, ordinem aliquem observatum esse, nempe, quod libri veteris Testamenti præcedant, novi sequantur. Et in utroque Testamento, vel ordo temporis, quo singulæ partes scriptæ sunt, vel ordo rerum quæ scribuntur, prout serius vel ocyus evenerunt, quantum illis qui eas digesserunt, liquere potuit, servatur.

Differentia per quam distinguitur ab aliis scriptis, varia est, & varia scripturæ attributa complectitur. Prima sumitur à partibus seu libris qui syntagma hoc constituunt. Verum hæc differentia est tantum generica, communis aliis voluminibus, seu codicibus.

Secunda sumitur ab attributo essentiali propria horum librorum, nempe, quod sint sacri. Eiusmodi autem sunt, partim à materia, hoc est, rebus per eos significatis, quæ præcipue divinæ sunt, partim à fine, quatenus ad Deum specialiter ordinantur; partim ab origine, seu principio, quod est Deus ipse, ut sequentia ostendunt. Hæ duæ differentiæ simul sumptæ, unam adequatam & propriam constituunt; qua hoc syntagma ab omnibus aliis distinguitur. Attributum tamen istud essentiali proprium declarati-

one indiget; & idcirco in sequentibus ulterius describitur.

Tertia igitur differentia sumitur à causis efficientibus, quibus ostenditur libros illos sacros esse ratione originis. Causæ efficientes duorum sunt generum, principales & instrumenta. Causa efficiens principalis est Deus. Ab eo enim ut primo & principe Autore, libri illi sunt. Siquidem ipse voluit & decrevit seipsum, & voluntatem suam, hominibus, per Scripturam, patefacere. Deinde in tempore, usus est ministerio hominum, ad libros illos conscribendos, quod in sequentis membri explicatione patebit. Instrumenta fuerunt, non Angeli, sed homines. Hi autem describuntur ex adjunctis duobus. Prius est relatio quam gerebant ad Deum, *servorum* scilicet, seu *ministerorum*, tum viva voce docendo, tum etiam scribendo. Posterius est receptio seu passio *afflatus Divini*, hoc est virtutis Spiritus Dei, per metaphoram *afflatus* dictæ, per quem mentes eorum edoctæ fuerunt de rebus scribendis, & gubernatæ à Deo, ut nihil scriberent, nisi quod menti & voluntati ipsius consentiret: nihil falsum, nihil inutile; utque in mensura & modo scribendi, captui hominum semper se accommodarent. Deinde & excitati, & vocati ab eo sunt, ut scriberent, seu ut revelationes quas acceperant, literis consignarent. Unde nihil ex motu proprio, in toto hoc opere, fecerunt. Scriptio autem hæc, quæ causarum illarum effectus fuit, per se describitur. 1. Ab objecto vel fine *cui*; variis enim populis destinata est, nempe populo Israelitico, &

& illis ex Ethnicis, qui veritatem salutarem agnoscere nituri erant sub lege; & Christiano, ac omnibus qui ad eos aggregandi erant, sub Evangelio.

2. Ab adjuncto temporis: quod scilicet non tota uno die, anno aut seculo, perfecta fuit, sed variis seculis, à tempore Moſis, ad Apostolum Johannem; ex quibus hic postremus ex scriptoribus Canonis, ille primus exitit.

3. Ab adjuncto linguarum, in quibus perfecta est. Accidit enim scriptioni, quod in hac vel illa lingua fiat, & materiæ, quod hac vel illa lingua significetur. Declarantur autem in specie linguæ illæ, scilicet, quod tales fuerunt, quæ maxime ab illis, quibus sacra hæc scriptura destinata est, intelligi possent, Hebræa, & Græca: quarum illa populi Israelitici propria, hæc inter alias gentes maxime communis. Ubi in voce *lingua*, duplex est tropus. Primo enim *lingua*, per metonymiam instrumenti pro effecto, significat *loquelam*, quæ lingua, tanquam uno organo, (alia enim concurrunt), peragitur. Deinde per metonymiam signati pro signo, *loquela* ponitur pro characteribus visibilibus; calamo & atramento formatis, qui sermonem immediate, & deinde res per eum significatas, denotat.

4. Ponitur consequens quoddam hujus scriptionis, quod etiam medium ad finem illius obtinendum est; quod libri illi, sic scripti, toti Ecclesiæ commissi sunt; non autem solis doctores; scilicet, ut omnes fideles ex illis de voluntate Dei certiores fierent.

Quarta differentia à materia horum librorum desumitur, quæ complectitur, 1. Deum ipsum, secundum

secundum naturam, & operationem suam, circa creaturas, spectatum. 2. Voluntatem Dei ad homines pertinentem, quæ erga eos in specie est benevola & benefica, & continet tum ea quæ gratuite vult illis largiri, tum ea quæ ab illis vult præstari. In utriusque enim benevolentia & beneficentia elucet. Unde materia scripturæ credendis & faciendis continetur.

Eadem materia commendatur ab attributo communi, nempe, veritate, per quam significationi sui, in Scriptura f. etæ, respondet, sive vere se habet prout significatur. Vel dicendum est, hujus materiæ declarationem in Scriptura commendari à sua veritate, per quam rebus significatis respondet. Deinde ab utilitate maxima, utpote quæ æternam nostram salutem spectat; unde *salutaris* dicitur.

Quinta differentia sumitur à finibus, qui varii sunt. Primus est ecclesiæ & hominum ad eam aggregandorum institutio, in via salutis, & iustitiæ. Hæc autem declaratur & specificatur, extensione ipsius exhibita dupl. 1. Ratione subiecti, quod omnes homines ad quos Scriptura pervenit, præsertim membra Ecclesiæ comprehendit, non autem solos Doctores, ut dicunt Pontificii; omnes enim tenentur ex ea discere. 2. Ratione temporis, quod institutio ex Scriptura semper haurienda sit, omnibus seculis, ad finem mundi.

Finis secundus est, ut veritas salutaris fidelius ab Ecclesia, adeoque certius, & tutius conservetur. Quod enim memoriæ humanæ committitur, facilius amittitur.

Tertius est ut eadem veritas latius propagetur. Multi enim possunt veritatem scriptam legere quibus institutio viva voce non obtingit.

Quartus est veritatis per introgressum error amissæ, aut obscuratæ, restauratio, aut recuperatio: dum scilicet doctrinæ hominum, a scripturam sacram, tanquam ad normam veritatis, exiguntur.

Exemplum secundum sit Justificationis Evangelicæ descriptio, ab Apostolo Paulo tradita, Epistola ad Rom. cap. 3. a vers. 21. ad 27.

Textus.

21. **N**unc vero absque lege justitia Dei per fide[m] re[st]a[re]facta est, comprobata testimonio legis, ac prophetarum;

22. Justitia, inquam, Dei per fidem Jesu Christi, in omnes, & super omnes qui credunt non enim est distinctio.

23. Omnes enim peccarunt, & deficiunt a gloria Dei.

24. Justificantur autem gratis, id est, eiusdem gratia, per redemptionem, factam in Christo Jesu.

25. Quem proposuit Deus, ut esset placamentum per fidem in sanguine ipsius; ad declarandam justitiam suam per remissionem precedentium peccatorum, ex Dei tolerantia.

26. Ad declarandam, inquam, justitiam suam presenti tempore, ut sit justus, & justificans eos qui est ex fide Jesu.

Analys

Analysis.

21. **T**Hema hic simplex est, nempe, *justificatio* hominis peccatoris coram Deo. Ubi in initio, particula adversativa *nunc vero*, indicat eam esse contrariam justificationi quæ esset ex lege, sive quam Judæi ex lege quærebant, & adepturos se sperabant. Vel, quod non obstante impossibilitate justificationis per legem obtinendæ, obtineri tamen eam alio modo, aliisque mediis.

Describit autem & definit Apostolus Primo, *justitiam* illam per quam peccator justificatur, hoc est, justus coram Deo censetur, & tractatur ab eo tanquam *justitia* personali justus esset, 21, 22, 23. Deinde justificationem ipsam, quæ per & propter hanc *justitiam* obtinetur, requis versibus.

Quod ad primum attinet, *justitiam* scilicet, per & propter quam peccator justificatur, describitur primo negative, quod *non sit ex lege*, sed per alias causas & media. *Non* autem esse *ex lege*, idem est, ac non esse ex obedientia hominis peccatoris legi præstitâ; sive *ex iis* quæ legem, non ex operibus legis, id est, quæ lex præscribit, quæ phrasis equipollens est supra 20.

Deinde affirmative, seu positive, variis modis. Et primo ex Autore, Deo. Est enim *justitia Dei*, opposita ad *justitiam* ex lege, quæ est *justitia* hominis propria, & personalis, ab ipso præstitâ. *Justitia* autem Dei vocatur, quia ab eo solo pa-

ratur, sine nobis; & gratis offertur, & confer-
 rur. Est etiam alio sensu iustitia Dei, quia
 Christo *θεω*, qui Deus est, nostri causam
 præstita est, ut alibi testantur sacræ literæ. Sed
 prior sensus amplectendus, quia simplicior est, &
 magis obviu, in se autem verissimu.

Secundo, ab adjuncto patefactionis, scilicet
 per Evangelium. Ubi innuitur aliud illius ad-
 junctum, seu una differentia generica, nempe
 quod talis sit, ut nemo mortalium quidquam
 unquam de eo percepisset, nisi à Deo fuisse
 revelata.

Patefactio autem illa sub administratione le-
 gali concessa, describitur à causis instrumentali-
 bus, quibus usus est Deus ad iustitiam illam pa-
 tefaciendam, nempe, tum ipsa lege, hoc est
 scriptis Moysi, tum etiam unanimi consensu re-
 liquorum prophetarum, qui omnes uno ore con-
 sentiunt; iustitiam illam quæ peccatorem iustifi-
 cat, non esse peccatorum propriam, seu non à
 eo operari, sed per Messiam futurum obtineri.
 Unde lex tantum indicat iustitiam quæ iustifica-
 dum scilicet, tota unumquemque accusat peccata
 & damnat; adeoque iustitiam per eam acquiri
 non posse, aliaque opus esse iustitia pronunciat.
 illa vero pars legis quæ ritus sacros præscripsit
 redemptorem venturum; & iustitiam iustifican-
 tem æque ac sanctificantem, per illum solum esse
 obtinendam indigitabat.

22. Repetit Apostolus quod dixerat de Au-
 tore huius iustitiæ, ut lector illud attentius per-
 penderet.

enderet, tanquam in hac materia maxime notandum ; Deinde tertio eam describit à subjecto cui convenit, seu confertur, nempe credentem in Christum Jesum : Hoc est, eum amplectentem, & in eum recumbentem ad justitiam hanc absolutam (ut ita dicam) per eum obtinendum, sensu injustitiæ & reatus sui eo adactum. Ubi & conditio à Deo requisita ad justitiam illam adipiscendam ponitur, nempe *fides* in Christum. nihil enim aliud, aut majus, à peccatore postulat.

Additur autem hic extensio, secundum quam, justitia hæc, subjecto jam indicato, nempe credenti, convenit, & largitur. Omnes scilicet, qualescunque, Judæos pariter ac Ethnicos, qui ex sensu miseriæ suæ, ad hanc justitiam confuunt. Ubi Apostolus operose rem exprimit, multiplicata phrasi affinis significationis, dum dicit justitiam hanc esse *eis πάντας in*, id est, *ad*, vel *propter* omnes, & *ἐπὶ πάντας* super omnes qui credunt. Prior indicare videtur justitiam hanc conferri (omnibus, quibus annuntiatur Evangelium) ex conditione fidei : posterior, actu possideri ab omnibus qui credunt. Vel prior tantum significat conferri justitiam illam in credentes ; posterior vero aliquid amplius denotat, nempe, usum illius quam maximum, quod eos ut hostis tegat, & exornet, vel ut galea, aut clypeus defendat.

Universalem illam collationem hujus justitiæ omnibus credentes, primo illustrat Apostolus, & amplificat, dum dicit *nullam* esse in hoc negotio

gotio *differentiam*, seu discrimen unius aut alterius, Ethnici, aut Judæi, modo in Christum credant: seu omnium credentium conditionem esse parem.

23. Deinde probat hoc argumento. Si omnes homines peccarunt & deficiunt in Deo glorificando per obedientiam perfectam, tum iustitia quæ iustificat datur omni credenti, sine discrimine. At verum prius: Ergo. Major subticetur tanquam facile nota. Et nititur huic principio. Omnes qui peccarunt morte digni sunt, vita vero & iustitia isthac sunt indigni. Ergo si indignitas omnis credentis, puta Judæi, non obstat quominus hujus iustitiæ particeps fiat, nec obstat indignitas alterius, puta Ethnici. Minor expresse ponitur. Estque propositio composita contingens, & universalis: non tamen copulativa, licet partes ejus conjunctione & cohæreant. Conjunctio enim illa hic, non copulat res disparatas: quia peccare & deficere in Deo glorificando, non sunt disparata, sed consentanea. Prius enim posterius in se continet. Et igitur hic potius illativa est, quam copulativa. Et sensus integer est. *Omnes peccarunt, adeoque defecerunt à gloria Dei: vel, omnes peccando defecerunt.* Deficere autem à gloria Dei, est eam non assequi ut finem, prout debuerunt. Quo etiam innuitur, neminem eam intendisse per naturam lapsam.

24. Sequitur altera pars materiæ, nempe, iustificatio ipsa; cujus (si active sumatur, prout actu

actu judiciali Dei Reſtoris), primo innuitur obiectum; ſi paſſive, ſeu ut forma quædam moralis perſonæ juſtificatæ, ſubjectum, nempe, homines peccatores, hi enim ſunt οἱ δικαιούμενοι quos innuit Apoſtolus initio verſus 24. ut patet ex collatione verſus præced. cum quo conſtruitur.

Secundo, Cauſæ efficientes exponuntur: & primo negative, quod nulla earum in nobis ſit. Juſtificantur enim peccatores δωρεάν, gratis, id eſt, ſine cauſa ulla ex parte ſui. Deinde affirmative. Ubi cauſa principalis eſt Deus, ut manifeſte innuitur. Cauſa proegumena in Deo ipſo, eſt ejus gratia, per quam propenſus eſt ad ignoſcendum & parcendum peccatori. Cauſa procatartica, ad hoc quaſi inducens, eſt procuratio redemptionis, per Chriſtum Mediatorem, quæ, ſi integre accipiatur, eſt illa ipſa juſtitia, de qua præcedentibus verſibus, quæ datur per imputationem credentibus.

25. Inſiſtit Apoſtolus in procuracione hac deſcribenda. Et primo, ſi verbum προέδεσσο propoſitum Dei ſignificat, ſic habemus cauſam hujus procuracionis ſupremam, ſeu præparantem, nempe propoſitum Dei, de Redemptore ſubminiſtrando, & mittendo, ut redimeret. Si vero ut à Tranſlatoribus Anglicis accipitur, patefactionem, ſeu exhibitionem hujus propoſiti denotet, ſic vox illa adjunctum exprimit. Sed priorem ſenſum potius amplectimur, quia in illo accipitur, Ephes. 1. 9. Nuſquam vero alibi, quod ſciam, in poſteriori, quando actum divinum ſignificat. Secundo

ponitur medium procurationis, passio seu mors Christi, quæ indicatur, dum sanguinis illius mentio fit. Hujus autem medii virtus & dignitas exprimitur, cum Christus dicitur *placamentum*, hoc est, sacrificium expiatorium, quo Deus iratus ob peccatum, placatur. Tertio ponitur medium, quo peccatores fructum hujus procurationis consequuntur, fides nimirum; cujus & objectum immediatum seu formale præcipuum memoratur, scilicet, ille ipse sanguis, hoc est, Christus ut patiens, & moriens. Sub hac enim ratione præcipue, fides in eum recumbit. Quarto additur finis, licet inadæquatus, nempe, ut Deus ostenderet suam justitiam, utque illa facta testis maneret. Sic enim ostendit se esse, non tantum misericordem, sed etiam justum, qui noluit peccata condonare, nisi placamenti illius interventu, siue pœnam à Christo, credentium sponse, exigendo. Unde justitiæ hujus actus quidam in specie ponitur, nempe *remissio peccatorum*, & speciatim eorum quæ ante Christi mortem admissa sunt. Cujus & additur causa proegumena in Deo, nempe *tolerantia*, per quam pœnam peccato debitam differt. Hic autem occupat objectionem. Deus condonavit peccata ante mortem Christi: Ergo hæc non fuit causa procacitica remissionis, nec per eam Deus placabatur. Tacite respondet Apostolus Deum non ita remisisse peccata illa, tanquam qui nullam injuriæ per ea factæ compensationem expectaret: sed tantum pœnam peccatoribus non inflixisse, & id quidem ex intuitu satisfactionis futuræ per Mediatorem passurum.

26. Repetit Apostolus cum additamentis quibusdam quæ de fine hujus procurationis dixerat. Et 1. Dicit finem esse, ut Deus hoc tempore præsentis, nempe postquam Christus passus esset, justitiam suam in condonando demonstraret. 2. Ut hæc duo simul acquireret, nempe, exercitium suæ justitiæ, & absolutionem credentis : adeoque gloriam justitiæ & gratiæ conjunctim ostenderet.

Exemplum tertium, sit Analysis Capitis 15. Epist. ad Romanos, ad v. 36.

THema quod hic tractatur est complexum generis didascalici, nempe hæc propositio, *mortui resurgent*. Hanc Apostolus multis rationibus confirmat, & præcipuas contra eam objectiones adversariorum diluit. Et hinc occasionem sumit resurrectionem describendi. Adeoque multa miscet exegetica, quæ, quia propositum nunc est exemplum dare Analysis orationis syllogisticæ, vel omitemus, vel breviter expediemus. Quoniam vero multa ex argumentis Apostoli, prima fronte, non videntur concludere, notandum est verisimile omnino esse eos qui resurrectionem negabant, immortalitatem etiam animæ negasse, adeoque & spem omnem beatitudinis post hanc vitam sustulisse. Adeoque Apostolum non tantum hic probare resurrectionem corporis, sed totius hominis, scilicet tum animæ tum corporis beatitudinem perfectam, post hanc vitam.

Ab

Ab initio capitis ad v. 12. continetur præfatio, qua in memoriam Corinthiis revocat Evangelium quod illis prædicaverat, hoc est, qualem doctrinam tradiderat. Hanc autem describit, primo ab adjunctis, quod Corinthii eam amplexi sint, & ei etiamnum adhærebant, v. 1.

Deinde à differentia specifica, quod salutaris sit iis qui eam per fidem recipiunt, & retinent, v. 2.

Tertio à præcipuis quibusdam illius capitibus, seu partibus (obiter etiam mentione facta divinæ originis), quarum prima est de morte Christi pro peccatis hominum, v. 3.

Secunda, de illius sepultura ; Tertia, de resurrectione, tertio die post mortem, v. 4. Hos autem articulos fidei commendat à certitudine, utpote in Scripturis V. T. traditæ, v. 4.

Quarta est de apparitione postquam surrexerat, qua etiam veritas resurrectionis ipsius comprobata fuit. Distinguit autem illam apparitionem, ostendens multiplicem fuisse, variis personis, & variis vicibus factam ; ut primo Cephæ seorsim, deinde omnibus Apostolis simul : quos duodecim vocat, licet Judas tum decrat, quia duodenarius eorum numerus fuit ab initio suæ vocationis, v. 5. Tertia vice, amplius 50 fratribus, quorum plerique adhuc vivebant, & testari poterant ; Quidam vero, in fide salutis, per salvatorem viventem obtinendæ obdormierant, v. 6. Quarta vice Jacobo : quinta rursus omnibus Apostolis simul, v. 7. Ultima vero sibi, de quo humiliter loquitur, propterea quod hostis Religionis Christianæ olim fuerat, v. 8, 9. Commendat tamen gratiam

gratiam Dei per quam factus fuit Apostolus sedulus, nec sine fructu, v. 10. Et perinde esse dicit, qualesnam aliquando fuerint, qui Evangelium annunciabant; ac repetit quod dixerat de hac doctrina ab Apostolis prædicata, à Corinthiis vero recepta, v. 11.

Et his omnibus continetur primum argumentum quò thesis confirmatur: *Quam doctrinam vos certis & firmis rationibus moti, recepistis, eam debetis constanter retinere.* At firmis rationibus inducti hanc doctrinam resurrectionis, una cum aliis capitibus religionis Christiana jam recepistis. Ergo eam retinere debetis. Et hæc de Exordio.

Sequitur probatio Theseos, & Elenxis Antitheseos adversariorum. Hanc autem primo redarguit, tanquam audacem, & absurdam, per quæstionem, *quomodo dicunt quidam inter vos non esse resurrectionem mortuorum?* Deinde refutationem aggreditur, & simul veritatem oppositam confirmat. Et primo pro Thesi sic arguit, v. 12. *Si Christus resurrexit, est resurrectio mortuorum:* at Christus resurrexit, ut potest ex iis quæ jam dicta sunt, in Præfatione, & sic ab omnibus illius servis prædicatur. Ergo. Illatio est à singulari ad particulare. Deinde directe contra Antithesin, v. 13. *Si nulla est resurrectio mortuorum, neque Christus resurrexit.* At falsum posterius: Ergo & prius. Argumentum ex absurdo.

V. 14. Probat minorem: *si Christus non resurrexit, vana est nostra prædicatio, & vana est vestra fides.* At neutrum est admittendum. Ergo. Arg. à duplici absurdo. Con-

Confirmat porro Minorem, v. 15. *Si Christus non surrexit, omnes Evangelii pracones sunt falsi testes de Deo*, tanquam filium suum suscitasset è mortuis, quem non suscitavit. *At falsum posterius.* Nam ego & reliqui Christi Apostoli, veritatem testimonii nostri, de resurrectione Domini, multis miraculis confirmavimus. Hoc Corinthiis subintelligendum relinquere videtur.

Denique repetit primam confirmationem Minoris primi syllogismi, v. 16, 17. Et addit aliud absurdum quod ex errore adversariorum sequitur, nempe, Corinthios & omnes Christianos adhuc esse in statu peccati, nec justificati, nec sanctificati. Et hoc est argumentum primum à resurrectione Christi ductum.

Secundum ducitur ab alio absurdo, v. 18. *Si nulla est resurrectio mortuorum, & nulla beatitudo post hanc, tum omnes qui hactenus mortui sunt in Christo, hoc est, qui in eum crediderunt cum spe salutis per eum obtinendæ, & fidem ac spem illam ad extremum halitum retinuerunt, omnes inquam illi perierunt. At absurdum & monstruosum hoc; Ergo & illud falsum.*

Tertium sumitur ab alio absurdo, v. 19. *Si nulla est beatitudo post hanc vitam, vel si anima cum corpore perit, adeoque nihil remaneat post dissolutionem corporis, quod ipsi redintegrato denuo uniatur, & hominem constituat vivum, tota spes nostra in Christo concluditur hujus vite terminis: At non sic se res habet. Probatur minor, quia, si sic res esset, miserrimi essemus om-*

nium

hominum : partim propter afflictiones & molestias, quibus præ reliquis obnoxii sumus ; partim, quia tum spem maximæ beatitudinis frustra foveremus ; seu à maxima spe excideremus, quam alii non conceperunt. Hæc subtrahenda relinquuntur, tanquam quæ facile cogitationibus Corinthiorum se offerrent.

Redit ad primum argumentum, supra v. 12. adductum, & ipsum confirmat & illustrat, ostendendo primo quomodo resurrectio mortuorum, cum resurrectione Christi connexa sit ; scilicet, primo ut antecedens, tum tempore tum dignitate, ad resurrectionem generalem. Hæc enim de causa, primitiæ mortuorum, scilicet, resurgentium dicitur, metaphora sumpta à fructibus qui prius maturescunt, & spem faciunt messis integræ, v. 20.

Deinde ut causa, Christus enim moriendo, & resurgendo, obtinuit ut dominus & iudex esset vivorum & mortuorum : & cum jam vivat, potest suos ad vitam, reliquos ad iudicium excitare. Hoc autem illustrat comparatione facta Christi ad Adamum : quæ primo generaliter exprimitur, v. 21. deinde expressius, v. 22. Comparatio ostendit analogiam inter utrumque in effectis dissimilibus ; Scilicet, quod sicut per hominem, puta primum Adamum venit mors, ita per hominem, nempe Christum *ἡ ἀνάστασις* venit resurrectio mortuorum. In quo elucescit sapientia & bonitas Dei, per hominem restituentis eos quos homo perdiderat.

Tertio repetit, quod innuit, de ordine inter
resur-

resurrectionem Christi & reliquorum, nominatio
vero fidelium: quod Christus primus resurgit,
ut causa & Autor resurrectionis suorum; & de
inde illi resurgent. Et sic objectionem occupare
videtur. *Si omnes per Christum resurgant, cur
non jam resurrexerunt?* Respondet, unumquem-
que suo ordine resurgere debere; & expedire
ut primum locum teneat Christus resurrectionis
Autor, v. 23.

Secundo temporis memorat, quo mortui ex-
suscitabuntur, nempe, cum Christus redibit ad
judicium extremum, ibid.

Adventum illum describit primo à consequen-
tibus seu effectis. Quod 1. Tunc erit finis mun-
di, & administrationis regni mediatorii in terris.
2. Tunc traditurus sit regnum illud Deo patri,
tanquam perfectum, & absolutum. 3. Tunc ab-
olebit omnem potentiam adversariam, finemque
impositurus sit omni potestati derivatæ, tum
civili, tum ecclesiasticæ, v. 24.

Redit ad illud quod dixerat v. 23. Oportuisse
Christum multo citius resurgere quam fideles,
nempe, ut regnum administret in his terris, us-
que dum omnes suos & suorum hostes aboleve-
rit & prostraverit, v. 25. Quorum ultimus erit
mors corporis, v. 26.

Hinc quartum argumentum. *Christus abolitu-
rus est omnes hostes populi sui. At mors est unus
ex hostibus illis. Ergo, etiam mors abolebitur:
& fideles ab ea liberabuntur; quod fieri aliter
nequit quam per resurrectionem.*

Probat Christum regnaturum, donec omnes

inimicos subegerit ; quia Deus pater omnia ei subjecit. Quod tamen limitate intelligendum docet, scilicet, excepto Deo ipso. Is enim hanc potestatem Mediatori dedit, v. 27.

Ponit quartum consequens adventus Christi, nempe, quod tum iudicio exacto, & regno Mediatorio absoluto seu consummato, ipse filius, ut homo, & Mediator, subjicietur Deo patri : hoc est, non amplius reget ut nunc, sed regetur. Cujus rei ratio, à fine redditur, ut scilicet, sic Deus sit omnia in omnibus : hoc est, ut immediate regnet, & fideles omnes eo immediate fruantur. Cum nunc in his terris ecclesiam regat per Mediatorem, & sancti cum eo communionem habent per media externa, quæ Mediator ille supeditat, v. 28.

Argumentum quintum ab alio absurdo. *Si mortui non excitabuntur, frustra baptizarentur, qui pro mortuis baptizantur. At posterius est absurdum.* Ergo. Obscurus hic locus est. Baptizari enim pro mortuis varie significari aptum est. Nos in eorum sententiam cedimus, qui hac phrasi intelligunt, baptizari in fide hujus veritatis, quod mortui in Christo non in nihilum, aut pulverem redacti sint, sed superstites maneant secundum animas, adeoque denuo vivificabuntur, v. 29.

Sextum argumentum sic procedit, *Si mortui non resurgent, frustra nos Christiani tot periculis & miseriis nos quotidie exponimus.* Pathetice illud effertur per quæstionem, v. 30.

Supponit Christianos, multis periculis & æ-

rumnis

humis obnoxios esse, propter fidem Christianam, & spem futuræ salutis per Christum. Hoc autem illustrat suo exemplo, gravissima protestatione affirmans se quotidie mori; hoc est in mortis periculo versari, & vitam vivere, quoad ea quæ externa sunt, quæ mors potius fit quam vita. Metaphora hyperbolica, v. 31.

Deinde frustra se ad pugnandum cum bestiis expositum fuisse Ephesi, quali poenæ damnati sæpe sunt, ab Ethnicis pii, ab fidem Christianam. Alii intelligunt conflictum quem ibi habuit cum idololâtris, quos, quia contra omnem rationem agebant, bestiis comparat. Hinc

Ultimum argumentum, Si nulla est vita post mortem, stultum esset, majus quid curare, quam voluptatē corpoream & animale, in vita presenti, juxta dogma porcinum Epicureorum: Nulla cura pietatis, aut immortalitatis, post hanc vitam, esset habenda. Adeoque omni religioni renunciandum, v. 32. Atqui hætenus argumenta quibus certitudo resurrectionis ostenditur.

Sequitur parænesis, cum reprehensione. Ubi quatuor monitiones proponit. Prima est, ut ab errore caveant, & in specie ab illo, quo resurrectio negatur, de quo in præsentī agit; Secunda ut caveant à commercio, seu societate malorum, & errantium. Probat ab eo cavendum esse ab effectu qui ex eo sequi solet, quod scilicet, per ipsum corrumpan-
tur homines, & errores imbibant; sive è via veritatis seducantur. Hoc autem confirmat dicto Menandri poetæ, hexametro Iambico,
com-

comprehenso ; *καὶ ἐλέγξουσιν ἡμῶν ἡμεῖς ὁμιλίας κακὰς,*
v. 33.

Tertia monitio est, ut evigilent è securitate carnali, ad studium justitiæ. Quarta, ut caveant à vitiis, vel ut rationem vitæ corrigant. In his vero omnibus tacite incusat eos de zeli defectu adversus errores, & pro veritate ; de securitate, seu defectu metus circa pericula spiritualia, de torpore in studio justitiæ, & pietatis. Et hæc vitia supponit in quibusdam regnare. Et sic ab adjuncto describit. Causam autem cur in quibusdam regnant, assignat ignorantiam affectatam Dei. Addit autem finem quem sibi proponit in ista reprehensione, ut scilicet, pudeat eos qui Christiani essent, vitia ista inter eos locum habere. Unde & argumento implicite utitur, ad monitiones illas urgendas ; scilicet vitia illa ejusmodi esse quorum eos pudere debeat, sive quæ in dedecus illorum, & professionis Christianæ injuriam, cedant. Tacite igitur ad pœnitentiam hortatur. Est enim pudor, dolor quidam de malo turpi, vel probroso, v. 34.

Occurrit objectioni. Concipi nequit (inquiēbant adversarii veritatis, & qui per eos seducebantur), quomodo mortui suscitabuntur, & quali corpore prodibunt è sepulchris. Ergo, stultum est resurrectionem sperare, v. 35.

In objectionē ista solvenda, occasionem sumit late differendi de resurrectione, oratione partim exegetica, partim syllogistica. Quam quia nimis longum esset resolvere, hic finem hujus exempli faciemus.

*Exemplum quartum sit Explicatio sententiae
quae habetur Epist. ad Gal. cap. 5. v. 24.*

*Οἱ ὅτι τῶ χειρῶν, τὴν σάρκα ἐσαύρωσαν οὐκ τοῖς παθί-
μασι καὶ ταῖς ἐπιθυμίαις.*

*Qui autem (alii enim) sunt Christi, carnem cruci-
fixerunt, cum affectibus & concupiscentiis.*

CONSIDERATIO hujus propositionis duplex esse
potest, alia absoluta, & per se; alia relata,
habita scilicet ratione contextus, & ordinis quem
servat ad materiam de qua hic tractat Apostolus.

In priori consideratione, explicandæ sunt par-
tes, & earum connexio. Partes sunt subjectum,
& attributum.

Subjectum continetur his verbis, *οἱ ὅτι τῶ χειρῶν*,
illi qui sunt Christi. Subintellige homines. Nec
enim alii sunt Christi, in sensu præsentis. Homi-
nes vero qui sunt Christi, in genere sunt, qui
Christum salvatorem, & Dominum suum profi-
tentur, Verum cum plurimi istiusmodi sint, qui-
bus non convenit crucifigere carnem suam, ideo
distinguendi sunt in eos, qui tantum profitentur
Christum esse salvatorem, & Dominum suum, &
se esse illius subditos & in eum credere; re ipsa
tamen, & sincero animi affectu, tales non sunt;
& in eos qui vere tales sunt, adeoque peculiari
ratione sunt Christi, & Christiani, vere in eum
credentes, vere eum diligentes, verum obsequium
ipsi offerentes.

Attributum reliqua parte propositionis expri-
mitur, & continet expresse quidem effectum sub-
jecti,

ecti, implicite vero adjunctum ipsius, quatenus homines denotat; sed differentiam quandam propriam, & specificam, quatenus denotat verum & genuinum Christianum, nempe, dispositionem ad effectum illum præstandum.

Effectus iste est actus quidam; in quo considerandum est primo objectum circa quod occupatur, deinde actus ipse. Objectum exprimitur primo generaliter, seu ut totum quoddam; deinde per partes. Priori modo nomine carnis significatur. Caro autem hic, pravam dispositionem naturæ humanæ denotat, præcipue propensionem ad malum. Propensio illa *caro* vocatur per Metalepsin. Primo enim caro ponitur pro toto corpore, per synecdochen partis principalis seu majoris, deinde totum corpus pro cura illius inordinata, per Metonymiam adjuncti, vel potius objecti: denique inordinata cura corporis, & eorum quæ ad ipsum pertinent, pro tota inordinatione hominis, per synecdochen speciei. Unde distinguuntur alibi cupiditates carnis & mentis, Ierem. 2. 3. Et inquinamenta carnis & spiritus, I. Cor. 7. 1. Caro igitur complectitur omnes declinationes malas, & actus seu motus tum internos, tum externos, qui ex illis oriuntur. Per partes autem prava illa dispositio describitur quæ hic sunt. 1. *παραπόρροια* *passiones*; & complectuntur omnes illas propensiones malas, & motus inde orientes, quibus & animus & corpus miseri patitur, & pœnam in ipsis vitiis suis fert; quales sunt ira indebita, vindicta, malitia, invidia, &c. 2. *ἐπιθυμίας*, *concupiscentia*, seu cupiditates

tates inordinatæ, nempe, omnes prosecutiones illicitæ rerum quæ hominibus bonæ, & jucundæ videntur; ut intemperantia, avaritia, ambitio & quæ sub his continentur. Quanquam & hæc passiones appellari possent, quatenus cum dolor & cruciatu conjunctæ sunt. Ambæ vero numeri plurali exprimuntur, ad multitudinem earum indicandam.

Actus qui circa ista omnia occupatur, *crucifixio* dicitur, quæ metaphorice ponitur, pro abolitione carnis. Quod tamen non simpliciter, sed cum limitatione intelligendum est. Non enim simpliciter & perfecte inclinationes malas deviciunt Christiani etiam optimi, in hac vita; imò tamen vicerunt, & debilitarunt, ne in eos dominium amplius exerceant. Dominium autem sublatum est, eo quod in veris Christianis est propositio validior ad oppositum bonum, quæ ita se ordinat, & ut plurimum exierit, ut motus mali vel præveniant, vel iisdem oblucentur, sub ratione mali turpis, seu prohibiti ac illiciti; vel, quando impetu eorum obripiantur, prælio reintegrato, in eos insurgunt, ac firmiter statunt iisdem resistere, dum plenam victoriam consequantur.

Indigitatur autem ista voce crucifigendi, *crucifixio* cur caro in credentibus intereat, seu emoriatur nempe, mors seu crucifixio Christi, per quam Deo impetravit, ut virtus Spiritus sancti in omnibus Electos exiret, ad vim peccati retundendam, in omnes regentos, ad eandem magis imminuendam, dum tandem penitus extinguatur. Per mortem

mortem etiam Christi, credentes, tanquam argumento motivo excitantur, & per fidem virtutem quasi hauriunt ex ea, ad carnem mortificandam.

Denique hac voce innuitur modus hujus actus à credentibus præstiti. Quod sicut Domini, tunc temporis, in servos suos delinquentes, ira, vindicta, & odio perciti, eos crucis supplicio damnarunt; ita veri fideles odio peccati, & sensu offensæ in Deum, & damni in seipsos, ex eo consequentis, sancta quadam severitate, & vindicta, contra ipsum agantur. Et sicut Judæos incredulos nihil placare potuit, nisi ut Christus crucifigendus traderetur; ita illi nunquam quiescunt, dum à servitute peccati liberantur. Adeoque crudelitate quadam in ipsum sæviunt.

Quod ad qualitatem hujus propositionis, & connexionem partium attinet, primo, est *universalis*, tum ratione subiecti; omnes enim qui sunt Christi, carnem crucifigunt; infantes quidem & pueri regeniti inclinatione, adulti vero actu; tum ratione partis attributi, nempe objecti actus mortificandi carnem: Qui enim veri sunt Christiani crucifigunt totam carnem, & omnes illius motus, non autem partes tantum aliquas.

Deinde, est *necessaria*; crucifigere enim carnem necessario convenit omnibus qui peculiari, & salutari relatione ad Christum pertinent. Si quidem relatio illa fundatur in regeneratione, per quam imago Dei, per & propter Christum, in peccatore restituitur. Imago autem illa, quæ in propensione animi ad bonum spirituale sita

est, in adultis se exerit, per fidem, & resipiscen-
tiam, quibus fidelis peccato, serio se opponit.
Per fidem enim amplectitur Christum, & in eum
recumbit ut à servitute & labe peccati liberetur
per pœnitentiam peccatum exodit, de eo dolet,
& illud mortific re statuit.

Tertio, est propositio *de præterito*; adeoque
indicat Electos prius peccato renunciaſſe, quam
ad Christum pertineant, jure fœderali; licet
jure electionis ejus sint, etiam cum carni serviunt.
Peccato enim valedicendo, illius esse incipiunt, &
veri Christiani fiunt.

Quarto, est propositio *limitata*, licet limitatio
non exprimatur. Quod enim dicitur eos qui sunt
Christi crucifixisse carnem, &c. intelligendum
est, quod non viribus naturæ id præstiterint,
sed gratia divina tum excitante, tum adju-
vante.

Quod ad considerationem respectivam hujus
sententiæ attinet, palam est, eam referri ad præ-
ceptum supra datum v. 16. De ambulando in
spiritu, & de non implendis cupiditatibus carnis.
Estque ratio quædam movens ad illud observan-
dum. Et hoc vel simili argumento formari potest.
*Id, sine quo non potestis vos vere Christianos pro-
bare, sedulo vobis studendum. At, nisi in spiritu
ambuletis, & carnis cupiditates implere recusatis,
non potestis vos probare veros Christianos; non
potestis esse Christi; non constabit vos illius esse:
Ergo summo studio in spiritu ambulandum, &
carni resistendum. Probatur Minor, Omnes qui
sunt Christi crucifixerunt carnem: Ergo Si carni*

indulgetis, non constabit vos esse Christi. Referri etiam potest hæc sententia ad id quod dicitur de fructibus spiritus v. 32. Si enim omnes qui sunt Christi crucifixerunt carnem, & omnes illi Spiritum Christi habeant, necesse est illos fructus spiritus, qui ibi referuntur, in illis succrescere. Unde particulam 3, quæ communiter discretiva, aut expletiva est, hic redditur per *enim* à Theodoro Beza.

Porismata hujus Sententia.

1. **L**icet omnes homines & omnes creaturæ, dominio & regimini Christi salvatoris subjiciantur, sunt tamen quidam, qui peculiari ratione illius sunt ; nempe illi, qui eum ut Redemptorem, & Dominum amplexi sunt.

Hinc consecutarium : Non omnes homines sunt Christi, ratione illa speciali. Innuitur enim hic distinctio eorum qui ejus sunt, & eorum qui non sunt.

2. Omnes homines per naturam, post lapsum, sunt corrupti, & dispositi ad malum : & speciatim ad ea inordinate prosequenda quæ sensibus grata sunt, cum neglectu mentis, eorumque quæ felicitatem illius spectant. Item ad ea quæ honorem apud homines adferre possunt, mentem vero vel parum perficiunt, aut inanem tantum delectationem ei adferunt. Quod ejusdem generis est, ac corpori indulgere. Unde caro in iis dominari innuitur.

3. Ex carnali illa inclinatione, varii motus inordinati, seu vitiosi oriuntur, partim averſationis, partim proſecutionis. Qui concupiſcentiæ & paſſiones hic vocantur.

Speciatim vero homines, cum à Deo deſecerunt, & ſœlicitatem in illius obſequio & ſocietate non quæerunt, multa alia quæ vacua ſunt, & vana, quin & illicita, ac turpia ſectantur, quibus appetitum famelicum ſaturare ſtudent. Hoc enim vox concupiſcentiæ indicat.

4. Ex motibus illis, & actionibus malis, multum patitur homo carnalis; quippe turbatur, cruciatur, & inquietus redditur. Multo enim labore circa objecta prohibita exercetur; nec tamen unquam voti compos fit.

5. Omnes illi, qui Chriſtum, ut Redemptorem, & Dominum, ſincero animi affectu, amplexi ſunt, adeoque veri ſunt Chriſtiani, è ſervitute carnis, & omnium illius motuum, evaſerunt. Eſtque vis peccati in illis fracta, ne amplius dominetur. Carnem enim cum ſuis motibus oderunt, iſdem reſiſtunt, eos vincunt. Et licet ſæpe quibuſdam ex motibus illis cedant, ſemper manet in illis diſpoſitio ſeu propenſio ad reſiſtendum.

Hinc moritur vis peccati, cum peccator ſe ab eo avertit, ad Deum vero ſe convertit. Vivit enim & viget peccatum, dum ipſi obtemperamus.

6. Virtute à morte Chriſti per fidem hauſtâ, fideles carnem ſuperant, non viribus naturæ ſuæ.

Hactenus exempla aliquot è scriptoribus sacris dedimus. Subjiciamus nunc alia quedam è profanis. Sit igitur Exemplum quintum Analysis primæ Sectionis Libri 1. Seneca De Ira.

Textus.

EXegisti à me, Novate, ut scriberem quemadmodum posset Ira leniri. Nec immerito mihi videris hunc affectum præcipue pertinuisse, maxime ex omnibus tetrum, ac rabidum. Cateris enim aliquid quieti placidique inest; hic totus concitatus, & in impetu doloris est: armorum, sanguinis, suppliciorum fervens, cupiditate minime humana: dum alteri noceat, sui negligens; in ipsa irruens tela, & ultionis secum ultorem tractura avidus. Quidam igitur ex sapientibus viris iram dixerunt brevem insaniam. Aque enim impotens sui est, decoris oblita, necessitudinum immemor; in quod cæpit pertinax, & intentæ, rationi consiliisque præclusa, vanis agitata causis, ad dispectum æqui verique inhabilis, ruinis simillima, quæ super id quod oppressere, franguntur. Ut autem scias non esse sanos quos ira possidet, ipsum illorum habitum intueri. Nam ut furentium certa indicia sunt, audax & minax vultus, tristis frons, torva facies, citatus gradus, inquieta manus, color versus, crebra & vehementius acta suspiria; ita irascentium eadem signa sunt. Flagrant, & micant oculi, multus ore toto rubor, exastuante

ab

ab imis præcordiis sanguine ; labia quatuntur
dentes comprimuntur , horrent ac subriguntur
capilli ; spiritus coactus, ac stridens, articulorum
seipso torquentium sonus, gemitus, mugitusque
& parum explanatis vocibus sermo præruptus, &
complosæ sæpius manus, & pulsata humus pedibus,
& totum concitum corpus, magnasque minas
agens, fœda visu & horrenda facies depravan-
tium se, atque intumescentium. Nescius utrum
magis detestabile vitium sit, an deforme. Cetera
licet abscondere, & in abdito alere : ira se præ-
fert, & in faciem exit, quantoque major est, hoc
effervescit manifestius. Non vides, ut omnium
animalium, simul ad nocendum insurrexerunt,
procurrant note, ac tota corpora solitum quie-
tumque egrediatur habitum, & feritatem suam
exasperent ? Spumant apri ora, dentes acuntur
attritu ; taurorum cornua jactantur in vacuum,
& arena pulsu pedum spargitur ; leones fremunt,
instantur iratis colla serpentibus ; rabidarum
canum tristis aspectus est. Nullum est animal
tam horrendum, tamque perniciosum natura, ut
non appareat in illo, simul ira invasit, nova
feritatis accessio. Nec ignoro ceteros quoque af-
fectus vix occultari. libidinem, metumque, &
audaciam dare sui signa, & posse prænosci. Ne-
que enim ulla vehementior intra cogitatio est, que
nihil moveat in vultu. Quid ergo interest ? Quod
aliis affectus apparent, hic eminet.

Analysis.

HIC habes præfationem totius operis: deinde Iræ descriptionem. Præfatio exponit occasionem scribendi, rogatum, scilicet, Novati, ut de Ira lenienda scriberet: quem eo nomine laudat, quod non sine ratione illud exigeret. Rationem autem declarat propter quam quivis hunc affectum merito extimescat, & remedia contra eam quærat: & simul descriptionem illius aggreditur, qua fœdum habitum ac faciem iratorum depingit. Sumitur tota ex illius natura & effectis. Notandum autem quæ de ira hic dicuntur non omnia ei simpliciter convenire, sed tantum prout vehementiori gradu in quibusdam erumpit.

Primo igitur eam comparat cum reliquis affectibus, & illis omnibus deteriorem esse pronunciat: tum fœditate, tum dementia. Hoc innuitur cum *affectum maxime* ex omnibus *tetrum*, & *rabidum* dicit. Generica sunt hæc Iræ attributa, & omnia reliqua vitia, quæ in ea conspiciuntur, quodammodo continent. Ratione tamen aliqua Iræ propria dicit, quia in ea maxime apparent. Rabidam autem vocat, similitudine ducta à canibus rabie correptis. Tetram autem quia deformitas quædam est creaturæ rationalis, eamque depravat & horridam reddit.

Pejorem reliquis probat, dissimilitudinem ostendendo. Quod reliquis affectibus primo aliquid placidi & quieti insit, hoc est, non adeo
vehe-

vehementes seu violenti sint, nec adeo hominem turbant, neque adeo noceant. Hic vero nihil placidi aut quieti habeat. Hoc autem longe prosequitur. Et 1. Dicit esse vehementissimum ac rapidissimum animi motum, qui totum hominem concitat, & perturbat. 2. Esse dolorem quendam impetuosum. Dolor autem Iræ est, de injuria accepta, vera, vel apparenti. 3. Esse cupiditatem vehementem vindictæ, & ultionis. Unde sanguinem sitire innuitur, hoc est vulnera alteri infligere, aut vitam auferre; & (quod hujus cupiditatis effectus est) instrumenta ultionis cupit, & arripit. Speciem etiam hujus cupiditatis designat, negans esse humanam, tacite vero affirmans belluinam esse, & rationis expertem. Gradum indigitat, dum fervere dicitur, metaphorâ ab aqua, vi ignis concitata. Incalescit enim per iram sanguis, & omnes spiritus animales & humores in motum violentum cientur, & perturbantur, seu miscentur. Effecta etiam hujus cupiditatis ponit. Primum negativum est, quod hominem sibi negligentem reddat, hoc est, omni cura sui commodi, & suæ conservationis, privat. Alterum positivum, quod eum in maxima & manifesta pericula, & damnum sibi ipsi inferendum adigat. Adeo ut irati, dum de aliis ultionem sumere aggrediuntur, seipsos etiam ulciscantur.

Confirmat ista omnia dicto quorundam sapientum qui Iram *brevem insaniam* seu *furorem* appellarunt. *Brevem* quidem, quoniam ab insaniam solum duratione differt. Probat esse insaniam
quan.

quandam, ostendendo eadem ipsi cum ea convenire, & sic alias proprietates, & effectus iræ tradit, tum internos, tum externos. Primus effectus internus est, quod sit impotens sui, hoc est, hominem sui impotentem reddit, ut actiones suas regere nequeat. Secundus, quod per eam decori obliviscatur iratus, nec dubitat turpia admittere. Tertius, quod etiam consanguineorum & affinium immemores reddat: ut nec illis parcere, aut eorum consiliis auscultare poterit. Quartus, quod pertinacem in proposito efficiat, & intentum ad id exequendum. Quanquam hoc ad locum concomitantis, seu adjuncti referri possit. Quintus, quod exercitio rationis hominem priveret: adeo ut nec ipse cogitare possit quid faciendum sit, nec aliis recte suadentibus obtemperare, vel nulla vel levi causa cieatur, rationem nullam vel veri vel æqui habet; sed in vindictam & ultionem ruat. Et sic repetit quod de impetu iræ prius dixerat: & eleganti ac efficaci similitudine illustrat ædificiorum ruentium, aut ejusmodi. Ut enim illa super id quod opprimunt, franguntur, ita etiam iratus dum ultionem capere festinat, seipsum sæpe perdit.

Proxime ostendit esse insaniam quandam, ex effectis externis, sive signis quæ ipsi cum insania communia sunt, idque propositione relativa, seu comparativa, cujus protasis continet signa & effecta insanix quinque generum. Quædam in vultu & facie apparent, ut audacia insolens, minæ, tristitia, torviras: quædam in gradu; ut concitatio, seu celeritas sine ratione: quædam
in

in manibus; ut inquietudo, & pueriles motus: in colore mutatio; in pectore suspiria crebra, & vehementer acta. Apodosis vero eadem aut similia iræ tribuit, ut 1. In oculis quasi incendium. Flammæ enim aut igni similes evadunt. Unde flagrare & micare dicit. 2. In toto ore, multus rubor. Utriusque causam assignat, nempe, æstuationem sanguinis in corde; unde & ipse, una cum spiritibus animalibus, ad exteriores partes corporis, erumpit. 3. In labiis tremor. 4. In dentibus compressio, & attritus, vel allisio. 5. In crinibus rigor. 6. In respiratione angustia, & stridor. 7. In articulis violenter motis, & detortis, sonus. 8. In voce gemitus, & insoliti clamores; & aliquando sermo præceps, & parum articulatus. 9. Manuum complosio. 10. In pedibus, pulsatio humi. 11. In toto corpore motus concitatus, & supplicii comminatio in eum quem ulcisci aggreditur. 12. In facie, scæda depravatio, & tumor.

Ex his omnibus coniectarii loco infert, dubium esse utrum magis detestabile vitium sit Ira, an deforme. Hoc est, utrum magis menti bene dispositæ, an oculis sit ingratum. Sensus autem est utrique maxime displicere.

Deinde, ex jam dictis secundam differentiam inter iram, & reliquos affectus colligit, quod hi occultari possint, illa se aperte una cum sua sceditate ostendat: & quo vehementior sit, eo apertius. Sic autem novo argumento probat eam esse deteriorem, in hunc modum: Illud vitium pejus est, quod minus potest occultari: At ira est
 talis,

talís, præsertim ubi vehementior est. Ergo ira omnium affectuum pessimus est.

Minorem probat ostendendo in omnibus animalibus, cum ira aguntur, & ad nocendum insurgunt, præcedere signa manifesta. Signa illa generatim declarat, quod tota eorum corpora solitum habitum deponant, & novum induant. Iræ etiam effectum quoddam in brutis notat, scilicet, feritatis exasperationem: hoc est, quod per eam, novum feritatis gradum acquirant, & majori impetu ad nocendum ferantur. Hoc autem illustrat & confirmat inductione variorum animalium ira concitatorum. Ut 1. In Apris iratis, signa iræ sunt, oris spumatio, & dentium attritus. Hujus posterioris finem innuit esse, ut sic acutiores fiant ad laniandum. Quod tamen metaphorice dicitur, similitudine ducta à pugnantibus, qui gladium, mucronem aut sagittas acuendo, se ad opus illud mortiferum parant. 2. In Tauris signa sunt, cornuum jactatio in vacuum, scilicet in aere; & arenæ, seu pulveris, vel cœni sparsio. Hæc actio declaratur causa instrumentali, ejusque operatione, nempe, pulsu pedum. 3. In leonibus est fremitus seu rugitus. 4. In serpentibus inflatio colli, hoc est, colla eorum intumescunt, quasi vento inflata. 5. In canibus rabidis, qui & ira aguntur, signa in specie non præfert, sed tantum generaliter dicit aspectum eorum esse tristem, hoc est, terrificum.

Et his continetur tertium argumentum, quo probat iram esse pessimum affectum. Ille affectus

Etus pessimus est, per quem animalia illa quæ maxime metuenda, & ad nocendum natura sua maxime propensa, (qualia sunt ea, quorum jam meminerat), majorem feritatem induunt: at per iram, animalia istiusmodi, magis fera evadunt. Ergo ira pessimus, nocentissimus, ac terribissimus affectus est.

Denique limitat, & perfectius exponit secundam differentiam iræ & reliquorum affectuum, per occupationem. Posset enim aliquis obijcere, Cæteros etiam affectus se prodere, & raro ac difficulter occultari. Ergo hæc differentia nulla est. Probatur Antecedens, primo exemplis, seu inductione trium affectuum, nempe, libidinis, seu impuri amoris, metus, & audaciæ. Inductio hic perfecta non est: sed non necesse est, ut perfecta sit; quia satis est ad differentiam supra datam evertendam, si aliquot ex affectibus reliquis sese prodant. Secundo probatur ratione. Omnis cogitatio vehementior immutationem aliquam in vultu efficit: Omnis affectus seu passio est vehementior quædam cogitatio: Ergo, mutationem aliquam in vultu efficit, eoque signa sui dat. Hujus argumenti, sola Major exprimitur. Ducitur autem à definitione subjecti conclusionis. Per cogitationem enim intelligit quemlibet animi motum, qui, si vehementior sit, affectus, vel passio dicitur. In definitione igitur cogitatio est genus, vehementia vero illius differentia est, per quam differt affectus à motu animi sedato & quieto. Vel dicendum est, affectum vocari cogitationem vehementem, quia

quia ab ejusmodi cogitatione oritur. Unde *me-*
lium in argumento est causa efficiens proegume-
 na. Respondet, concedendo cæteros etiam affe-
 ctus se prodere in vultu, & partibus externis.
 Affirmat tamen veram esse differentiam quam
 posuit; nempe, quod, cum reliqui affectus per
 signa sui appareant, ira multo magis appareat, &
 raro aut nunquam occultetur.

Exemplum sextum

Sit Analysis oda decima lib. 2. Carm. Horatii.

REctius vives, Licini, neque altum
 Semper urgendo, neque dum procellas
 Cautus horrescis, nimium premendo
 littus iniquum.

Auream quisquis mediocritatem
 Diligit, tutus caret absoleti
 Sordibus tecti, caret invidenda
 sobrius aula.

Sæpius ventis agitur ingens
 Pinus, & celsæ graviore casu
 Decidunt turres, feriuntque summos
 fulmina montes.

Sperat infestis, metuit secundis,
 Alteram sortem bene præparatum
 Pectus: informes hyemes reducit
 Jupiter: idem

Summovet: Non si male nunc & olim
 Sic erit: quondam cythara tacentem
 Suscitatur musam, neque semper arcum
 tendit Apollo.

E e

Rebus

Rebus angustis, animosus atque
 Fortis appare : Sapienter idem
 Contrahes, vento nimium secundo,
 turgida vela.

Analysis.

THema quod hic tractatur, complexum est, hæc scilicet sententia, *Mediocritatem, & animi equabilitatem, in utraque fortuna, prospera, & adversa, esse servandam.* Eam tractat, partim subiectum, nempe mediocritatem, & animi constantiam, explicando, partim veritatem totius probando.

Primo virtutem hanc describit, ab oppositis, nempe extremis, quibus media est, & in eo positam esse innuit ut neque ex altera parte, semper alta & sublimia appetamus, & prosequamur; neque ex altera, vili & ignominiosa fortuna contenti simus. Utrumque exprimit, primo per allegoriam ductam à navita prudenti, qui neque semper medium mare tenet, sed urgente tempestate, portum commodum quærit; neque, ut eam effugiat, littus incommodum, seu periculosum appellit. Ubi medium mare, *altum* vocatur, per Metaphoram, propter profunditatem, quæ à fundo ad superficiem metiendo, altitudo est. Innuit autem utrumque vitium hominibus proclive esse. Et causam prioris tacite insinuat esse audaciam, posterioris vero pusillanimitatem, seu animi dejectionem. Utramque, similibus in allegoria usurpatis, illustrat; nempe, ut nautæ nimis fidentes, mare æstuosum aliquando tentant; aliquando

quando tempestate territi & fatigati portum incognitum, aut periculosum amplectuntur.

Hinc probat medium illum animi affectum esse servandum, argumento (quod primum est) à simili, vel pari. *Sapiens navis gubernator neque audax est, mare ventis commotum tentando, neque meticolus, aut impatiens tempestatis, litius incommodum appellendo. Ergo. Nec sublimior fortuna querenda, nec abjecta admittenda est.* Est & hic secundum argumentum. *Vita rectior & tutior est eligenda: at hæc rectior & tutior est, quæ in animi moderatione & æquabilitate consistit.* Rectiorem autem vocat, non quod opposita vivendi ratio ullatenus recta sit; sed per Meiosin, intelligit esse optimam, & unice eligendam; quod ex collatione oppositæ magis apparet. Declaratur igitur illa animi dispositio per attributum genericum, nempe rectitudinem, seu commoditatem.

Deinde eandem animi virtutem declarat sermone proprio. Ubi, virum sobrium in concreto, qui hujus virtutis subiectum est, describit primo per attributum genericum, quod sit mediocritatis amans. Et mediocritatem commendat à dignitate, dum, per metaphoram, *auream* vocat. Secundo negatione oppositorum; quod scilicet neque ex altera parte sit sordidus, ac miser, nec ex altera, profusus, seu prodigus. Utrumque negat facta instantia in forma & conditione domicilii. Quod nec ædibus absoletis utatur, quæ contemptui sint, nec nimis sumptuosis, quæ invidiam aliis cieant. Hinc aliud attributum viri sobrii tradit, quod sit tutus à periculis quibus alii ob-

noxii sunt, scilicet ab ignominia, contemptu, & invidia. Ex his plura argumenta erui possunt ad thesin principalem confirmandam.

Tertium igitur sic potest formari. *Mediocritas in omnibus rebus*, in quarum usu per defectum aut excessum peccare solent homines, *est observanda*. At *aquabilitas & constantia animi*, in *quavis fortuna*, *est mediocritas*. Ergo. Probat Major. 1. Quia mediocritas *aurea* est, hoc est, magni pretii, & dignitatis. 2. Quia qui mediocritatem servat, *tutus* est à periculis, quibus alii obnoxii sunt.

Quartum ducitur à pari. *Sobrietas in usu rerum externarum*, puta, commoditatis habitandi, *observanda* est, & observatur à viro sobrio & sapienti. Ergo, *Etiam animi constantia in quavis fortuna*.

Quintum argumentum speciatim militat contra elationem animi in prospera fortuna, quæ est vitium per excessum. Et ducitur à consequentibus, seu effectis; quæ allegorice exprimuntur, per inductionem similium. *Sicut ingens seu alta pinus*, (per synecdochen speciei, pro quavis arbore procerâ) *sæpius concutitur ventis*, quam humiliores arbores, aut etiam evertitur, aut frangitur; *Et sicut alta turres graviori casu decidunt*, quam ædificia mediocris altitudinis; *Sicut denique fulmina percutiunt montes altiores*, cum imi colles intacti servantur: *Ita etiam qui fortuna prospera abutuntur, in graviores misérias incidunt*; ut in inopiam, & contemptum. Ergo, Si incommoda illa cavere velimus, *Equabilitas animi in prospera fortuna servanda est.* Tertio,

Tertio, virtutem hanc describit ostendendo actus quos exerit in utraque fortuna, nempe, in adversis *spem* melioris futuræ, in prosperis *timorem*, seu cautelam deterioris : quorum causam dicit esse animum bene dispositum ; quem, *pectus bene præparatum* vocat, per Metonymiam subiecti, quia animus affectus illos spei & metus in corde exercere creditur ; cor vero in pectore continetur.

Sextum argumentum sequitur, quod à mutabilitate rerum humanarum, seu potius à vicibus divinæ providentiæ sumitur : & speciatim intenditur ad *spem*, & fortitudinem animi, in adversis, fovendam. *Si res non semper male cedant, non est despondendum animo in adversis : At verum prius.* Ergo. Minor continetur his verbis, *Non si male nunc & olim sic eris.* Probatur à pari. *Non semper est hyems* (quam deformem vocat ab effectis, quia terram pulchritudine, aerem luce, mare tranquillitate spoliatur), sed suo tempore redeunt ver, & æstas, Jove sic ordinante. Ergo, *Neque fortuna semper erit adversa.* Eandem etiam illustrat similibus. Cantores & poetæ sicut nec semper canunt, ita neque semper tacent ; nec Apollo semper jaculatur. Ita nec semper res tuæ erunt acerbæ.

Ultimo in loco eandem descriptionem à diversis actibus sumptam repetit, sed sub forma hortationis, seu præcepti, nempe, ut in adversis fortitudinem animi exerceat Licinius. Ubi conditionem afflictam *res angustas* vocat, per Metaphoram ; quia in ea, homo dubius est propositi,

& difficultatibus coarctatur, ut viatores in via angusta. Hominem vero fortem *animosum* appellat, quia plus animi exercet & ostendit: Cum timidi & pusillanimi semimortui sint. Ex altera vero parte, ne in prospera fortuna (quam ventum nimium secundum, per aliam Metaphoram nuncupat) efferamur, & in illius usu modum excedamus, ad superbiam, luxum, &c. Quod eleganti similitudine à navatoribus ducta exprimit. Sicut enim illi vento nimis secundo, vela contrahunt, vel demittunt, ne vi illius navis evertatur; ita etiam hominis sapientis est, sobrie, & humiliter, in prosperis esse affectum. Estque hic repetitio & ampliatio primi argumenti, & allegoria in metaphoræ continuatione.

Exemplum septimum

Sit Analysis Orationis Aeneæ ad socios, postquam periculum naufragii effugerant, Aeneid. Lib. I.

Textus.

O Socii (neque enim ignari sumus ante malorum)
O passi graviora, dabit Deus his quoque finem.
Vos & Scylleam rabiem, penitusque sonantes
Accestitis scopulos; vos & Cyclopia saxa
Experti: revocate animos, mœstumque timorem
Mittite. Forsan & hac olim meminisse juvabit.
Per varios casus, per tot discrimina rerum,
Tendimus in Latium: sedes ubi fata quietas
Ostendunt: illic fas regna resurgere Troje.
Durate, & vosmet rebus servate secundis.

Analysis.

Analysis.

THema hic complexum est, generis pathetici, nempe, consolatorii, & horratorii ad illas virtutes, quæ à viris bonis, in adversa fortuna, exercendæ sunt, scilicet, fortitudinem, fiduciam, & patientiam. Occasio orationis fuit tempestas illa gravissima, quam nuper sustinuerant. Objectum cui dirigitur, vel, si mavis finis *cui* (uti in Scholis vocatur) sunt socii, quos hic in initio compellat.

Sententia quæ confirmatur, continetur his verbis, *Revocate animos, mæstumque timorem mittite*, v. 5, 6. *Durate, & vosmet rebus servate secundis*, v. 10. Ex quibus colligitur hæc propositio adversativa copulativa; non obstantibus omnibus malis, quæ passi estis, *Fortitudo, fiducia, & patientia vobis fovenda est*, seu bono & alacri animo esse debetis. Singulas phrasas quod attinet, primo hortatur ut *animos revocent*, qui dudum jam sub recenti tempestate, toti in sensu calamitatis & periculi defixi, & dolore ac metu occupati erant. Jubet igitur ad lætiora se convertere. Deinde speciatim hortatur, ut *timorem deponant*, & gaudium ac spem animis concipiant. Timor autem declaratur ex adjuncto, nempe, concomitante affectu, *mæstitia*. Ejus enim objectum est malum impendens apprehensum aut statim futurum, quodque idcirco mox erit præsens: unde tristitiam causat. At cur, periculo cessante, timorem dimittere jubet? R. Partim, quia, animus per metum turbatus sensum periculi etiam

præteriti, præsertim gravioris, retinere solet, nec statim sedatur : partim, quia, experientia unius periculi, metum alterius secuturi nonnunquam incutit. Tertio hortatur, ut *durent*, hoc est, constanti animo ferant res adversas. Deinde, ut servant vel reservent se meliori fortunæ, his malis successuræ ; hoc est, meliorem sperent, & expectent : quanquam hic argumentum continetur, ut statim dicemus. Hactenus propositio : sequuntur argumenta, quibus res in ea significatæ suadentur.

Primum argumentum ducitur ab adjuncto calamitatum, sive præsentium, quarum sensu dolabant, sive futurarum, quarum metu dejici poterant, nempe, quod finem habituræ sint, cujus causam assignat Deum ; & sic procedit ; *Deus, pro sua bonitate & clementia, finem dabit nostris calamitatibus : Ergo nec de præsentibus immodice dolendum est, nec futuris metuendum.* Probat antecedens, tum à paribus, tum etiam à majori ; A paribus ; cum dicit *non esse ignaras ante malorum* ; id est, priorum malorum. Hoc est, præsentem calamitatem non esse novam : liberatos eos fuisse è prioribus miseriis, ac periculis ; adeoque è præsentibus ac futuris esse liberandos. A majori vero, cum addit *O passi graviora.* Deus vos eripuit à majoribus periculis. Ergo liberabit ex his, & reliquis quæ restant adeunda. Antecedens probat Inductione, seu instantiis maximorum periculorum, quæ tuti evaserant ; ut Scyllæ & Charybdis in mari Siculo, (cui propter maximum æstus, rabiem tribuit, per Metaphoram hyperbolicam),

bolicam), saxorum Cyclopiorum, id est, quæ à Cyclopibus, in visceribus Ætnæ, obsidentur, aliorumque scopulorum, vehementibus undis sonantium.

Argumentum secundum ducitur ab adjuncto, vel effectu recordationis præsentium calamitatum, nempe, voluptate, quæ ex ea consequetur. Et sic procedit. *Quorum memoria postea voluptatem adferet, nec ea immodice dolere, nec extimescere debetis. At præsentium calamitatum memoria, postea voluptatem adferet.* Ergo. Minorem ponit solum ut probabilem, quia res futuræ plerumque incertæ sunt, addita limitatione *for san.*

Argumentum tertium sumitur à fine, vel consequente horum malorum; quod scilicet, omnibus hisce tentationibus fortitudinis, & patientiæ, defunctis, tandem quietas sedes, & novum regnum habituri sint, & sic formari potest: *Calamitates illæ fortiter & patienter sunt ferendæ, quæ in jucundissimo rerum statu desiturae sunt: At tales sunt quibus nunc premimur.* Ergo. Ubi primo memorat afflictionum quas patiebantur, *casus* appellando, quia in sortem suam cadebant; & *discrimina*, quia eventus semper anceps apparuit. Declarat etiam ab adjunctis, scilicet, multitudine, & varietate. Deinde conditionis inquietæ, dum patria pulsi novam regionem quærebant. Tertio consequens ponit; possessionem Italiæ, & in ea statum quietum, ac lætum. Cujus causam dicit esse fata, hoc est, consilium Deorum. Addit etiam illic regnum Trojanum nuper eversum, renovatum iri.

Ultimum

Ultimum argumentum ducitur ab effectu fortitudinis & patientiæ, quod per has virtutes servabunt semetipsos ad meliorem fortunam : cum si animis desponderent, & fatiscerent, dolore, & metu, vitam suam paulatim quasi expenderent, adeoque vel in via morerentur, vel calamitate confecti, ad tantorum bonorum fruitionem inepti evaderent. Argumentum igitur sic procedit. *Per quas virtutes vosmet servabitis ad multorum bonorum fruitionem, illas nunc exercere debetis : At per fortitudinem, patientiam, fiduciam, &c. vosmet servabitis ad maximorum bonorum fruitionem. Illas igitur virtutes exercete.*

Plurima alia exempla adjicienda essent, si singulorum præceptorum Analyticorum usum exemplis illustrare necessarium foret. Verum cum ad eum ingenium, eruditio, & exercitatio præcipue requiratur ; & ex his quæ jam dedimus, modus quo reliqua præstanda sint, haud difficulter intelligi possit, hic tandem finis esto.

Protheoria Philosophiæ & Disciplinarum in genere.

Protheoria Philosophiæ est consideratio naturæ, causarum, partium, & adjunctorum Philosophiæ ipsius, & disciplinarum, quæ sub ea continentur: quam ideo cum systemate Logicæ conjungimus, quia ad hanc pertinet, omnia illa tradere, quæ viam ad reliquas disciplinas sternunt. Quædam etiam hic explicantur, quorum cognitio ad controversias, de natura, & objecto Logicæ ipsius, proxime in Elencticis dicenda sunt. Ex g. In illis quæritur, *sitne Logica disciplina speculativa, an practica, scientia, an ars*: Hic autem explicatur, quid sit cognitio *speculativa & practica*, quid *scientia & ars*.

C A P. I.

De Natura Philosophiæ.

1. **P**hilosophia, si vocem spectemus, amorem vel studium sapientiæ significat. Appellationi occasionem dedisse Pythagoram ferunt:

runt: qui cum sapientiam rem arduam, nec adeo vulgarem, ac à nonnullis jaëtabatur, perspiceret pro sua modestia, se non σοφον sapientem, sed φιλόσοφον, sapientiæ amicum & studiosum professus est. Unde viri eruditi qui prius σοφοί, sapientes, φιλόσοφοι dici cœperunt; & eruditio, quæ prius σοφία, sapientia, Philosophia dicta est.

2. Si vero rem ipsam, ad quam significandam adhibetur, attendamus, *est comprehensio omnium notitiarum, de rebus scitu dignioribus, & difficilioribus, quæ lumine & industria naturali, ab homine, in hac vita, acquiri possunt.*

3. Objectum igitur Philosophiæ, sunt res à nobis scibiles in hac vita; non quidem omnes, sed illæ tantum quæ difficilius sciuntur, seu quæ à capitu vulgi remotiores sunt, & quæ digniores sunt ut exquirantur, & sciantur: scilicet quarum cognitio homini utilior & jucundior est. Unde artes communes, quæ mechanicæ, & serviles dicuntur, in censum Philosophiæ non admittuntur.

4. Philosophiæ origo proxima est lumen, & industria mentis humanæ. *Proximum* dico, quia origo suprema est Deus, à quo tanquam causa prima, omnis cognitio fluit. Per *lumen naturale*, notitiam principiorum per se evidentium, intelligimus; per industriam vero, exercitium sensuum, experientiam, & ratiocinationem, & omnes actus mentis quibus cognitio rerum acquiritur.

5. Hinc patet discrimen Philosophiæ, & Theologiæ *supernaturalis*, seu fidei Christianæ. Hæc enim ex institutione, seu revelatione divina est; illa ex indagine humana. Hujus principia, & se-

mina

na quædam nobis per naturam insunt ; illius ve-
 principia extrinsecus adveniunt. Hæc sola ra-
 one nititur, illa solo testimonio divino.

C A P. II.

De Cognitione speculativa & practica.

1. **D**E Philosophia considerata præcipue
 sunt, partes, causæ, & adjuncta. Par-
 tes, quæ materiæ rationem obtinent, aliæ sunt
 minores, quæ veluti materia remota sunt ; aliæ
 majores, quæ proxima.

2. Partes minores, seu materia remota, sunt
virtutes intellectuales acquisita. Virtus intellectu-
alis, generatim, est, per quam mens recte de rebus
judicat. Cui opponitur *vitium* mentis, cujus ra-
 tione male judicat, aut impotens est ad judican-
 dum. Dividitur primo in *speculativam & practi-*
cam ; deinde in *ingenitam & adventitiam.* De-
 notat autem tum habitum, seu facultatem, quæ
 permanens est, tum actus qui inde oriuntur : pri-
 us tamen præcipue ; verum in sequentibus utrum-
 que intelligendum est.

3. Virtus Mentis *speculativa*, aliter *contempla-*
trix, & theoretica, à *θεωρεῖν* spectando, dicta, est
per quam cognoscimus rem solummodo ita esse, vel
non ; ut solem esse majorem terra, & circa eam
 indefinenter moveri. Sive quæ solum naturam,
 affectiones, & causas rerum contemplatur. Pra-
 ctica vero est, *per quam judicamus de rebus, ut à*
nobis faciendis. Unde natura sua operationis ali-
 cujus

cujus nostræ directrix est, & præcepta ac regulæ operandi tradit.

4. *Objectum* igitur cognitionis *speculative* sunt res, quæ vel nullatenus à nobis fieri possunt; quarum cognitione, ad eas efficiendas, non dirigimur. Sic cognitio corporum, & motuum celestium, in nobis pure speculativa est; quia nec corpora illa nec efficere, nec movere possumus. Et cognitio motus cordis, arteriarum, & pulmonum, concoctionis cibi in stomacho, & jecinoris licet rerum ejusmodi sit, quas efficimus, speculativa tamen est, quia per illam non dirigimur ad eas efficiendas, aut variandas, sed pariter fiunt à doctore & ignaro.

5. *Objectum* vero cognitionis *practice*, sunt res quas, is, in quo est, efficere potest, & quarum cognitione dirigitur ad eas efficiendas. Velest enim modus operandi à cognitione illa præscriptus. Ut cognitio pingendi imagines solis, & astrorum.

6. Operatio cognitione practica directa, & gubernata, seu quæ judicio practico conformis est, *praxis* appellatur. Unde semper voluntaria est, nempe, actio vel ipsius voluntatis, vel potentia alicujus quæ imperio voluntatis regitur, puta cognitio noscitivæ, appetitivæ, aut locomotivæ.

7. Cognitio practica, & praxis, vel est *moralis*, vel *artificialis*. Cognitio practica *moralis* est judicium de iis quæ honesta sunt, vel inhonesta. Praxis vero est actio vel operatio, judicio isti conformis, & ab eo regulata. Cognitio practica *artificialis* est judicium de illis efficiendis, quæ per se, nec honesta sunt, nec inhonesta, sed præcise spectantur.

tur ut utilia, aut jucunda. Praxis vero est operatio iudicio isti conformis, seu ab eo directâ.

8. Cognitio practica, tum moralis, tum artificialis, vel est vera, vel erronea: praxis autem prout iudicio vero vel erroneo conformatur, seu ab eo profluit, *recta*, vel *vitiosa* dicitur. Sic vera est cognitio practica moralis, per quam agnoscimus *sum cuique esse reddendum*; erronea & falsa, per quam quidam existimarunt *αυτοχρησται*, in quibusdam circumstantiis, esse licitam. Cognitio practica artificialis vera est, quæ unumquodque opus ita efficiendum esse docet, ut ad finem suum aptissimum esse possit. Erronea quæ secus. Et praxes morales rectæ, sunt actiones virtutum; vitiosæ, & malæ, sunt actiones vitiorum. Praxis artificialis recta, est quæ regulis artis conformis; vitiosa quæ contra.

C A P. III.

De Intelligentia & principiis cognoscendi.

1. **S**UPRA divisimus virtutem intellectualem in ingenitam, seu innatam, quam omnes per naturam habent; & adventitiam, quæ ab aliis causis est. Virtus mentis ingenita est vel *Intelligentia*, vel *facultas* ratiocinandi. Intelligentia, quæ ab Aristotele *νοῦς*, Intellectus dicitur, hoc in loco non facultatem intelligendi generatim significat; nec etiam quamlibet perspicaciam; sed illam duntaxat facultatem, per quam principiis cognoscendi assentimur.

2. *Prm.*

2. *Principium cognoscendi*, opposita ad principia effectiva, constitutiva, directiva, & motiva, (de quibus in Log. parte com. actum est,) aliud est *simplex*, nempe quævis x Idea simplex, quæ per se evidens est; ut ideæ *esse*, & *non esse rei*, & *nihili*; ista enim nulla definitione declarari possunt: aliud est complexum, quod late quidem significat quamlibet veritatem, ex qua alia deducitur, aut deduci potest, sive ipsa aliunde demonstrabile sit, sive non; sic Deum esse, est principium omnis religionis, licet multis rationibus demonstrari possit: stricte vero, ut hic, *veritatem per se evidentem denotat*. Unde & ἀρχή, *principium* dicitur, quoniam origo & initium est omnis cognitionis discursu acquisitæ: Et ἀξίωμα, quia per se assensum meretur: Item *propositio immediata*, quia nullo medio opus est ad connexionem terminorum, quibus constat, indicandam. Et κοινὴ ἐννοια, *notio communis*, quia omnibus qui usum mediocrem rationis habent, inest, vel nota est.

3. Ad assensum igitur principiorum, quæ stricte talia sunt, nihil aliud requiritur, quam ut percipiamus quid termini, subjectum scilicet & attributum significant: hoc enim si percipiamus, connexio vel repugnantia illorum statim apparet. Ut si sciamus quid sit *esse*, & *non esse*, & quid *simul*, statim assentiemur huic veritati, *nihil potest simul esse & non esse*.

4. Principiorum *correlata* sunt conclusiones, seu consecutaria, quæ ex illis deducuntur: quibus idcirco semper sunt priora, & notiora; & eorum assensum

assensum causant; quamvis non per motum physicum; sed tantum per suam evidentiam, mentem ad illum determinant.

5. Dividuntur principia, primo in ea quæ sunt *absolute prima*, & quæ non. *Absolute prima* sunt quæ nullo modo demonstrari possunt; scilicet, nec à priori, seu per causam; nec à posteriori, per signa vel effecta; nec *dià rē ad dūctū*, seu ex absurdo; qualia sunt illa duo, *Nihil potest simul esse & non esse: Quidlibet est vel non est*. Horum enim nec causa ulla, nec signa, aut effecta assignari possunt; nec quicquam magis absurdum est, quam propositiones oppositæ, quæ illis contradicunt. Summa enim & immediata est repugnantia inter *esse*, & *non esse* ejusdem rei, quam mens per sensum quendam intellectualem immediate, & ex seipsa, percipit.

6. Quæ *absolute prima non* sunt, ratione aliqua notiori declarari possunt; sed quia nulla declaratione indigent, utpote cum omnes illis facile assentiantur, idcirco inter principia numerantur. Ex. g. Illud, *Totum est majus sua parte*, definitionibus *totius*, *partis*, & *majoris* declarari possunt. Totum enim partem quamlibet continet, & aliquid amplius: majus autem est, quod plus continet. Quia tamen omnes, qui mediocri rationis usu pollent, ista sciunt, nihil opus est, ut per ea hujus sententiæ veritas probetur. Alia declarari possunt ex absurdo: ut *nihil est causa sui ipsius*. Patet enim ex eo, quod alioqui, idem esset prius & posterius seipso; & sic esset antequam esset, adeoque esset quando non est, sive simul esset,

esset, & non esset, quod absurdissimum est.

7. Secundo, ex principiis quædam sunt *universalia* quæ de omnibus, aut plurimis rebus pronunciant; qualia sunt illa, quæ supra diximus, & alia infra memoranda. Alia *singularia*, quæ de rebus singularibus loquuntur, & per experientiam, vel intellectualem, vel sensibilem innotescunt. Sic omnia quæ in nobismet ipsis, aut extra nos, immediate percipimus, inter principia numeranda sunt. Quicquid enim experientia communis, aut sensus bene dispositus, & non impeditus dictitat, id eo nomine pro vero habendum est; nec de eo dubitari potest, quin omnis cognitionis nostræ certitudo tollatur. Per se igitur evidens est, *Nos cogitare, velle, nolle, amare, & odisse, ignem esse calidum, solem esse lucidum, & alia innumera istiusmodi.*

8. Tertio, alia sunt *communia* omnibus disciplinis; qualia sunt illa quæ supra tradidimus, Log. Spec. Parte 1. cap. 7. Alia singularum disciplinarum propria; ut in Logica, *Definitio recipitur cum re definita*: in Ethica, *Bonum præstantius minus præstanti anteferendum est*: in Geometria, *Si æqualibus æqualia addas, tota erunt æqualia.*

9. Quarto, alia sunt *speculativa*, quæ conclusionibus disciplinarum speculatricium probandis inserviunt; ut in prioribus exemplis: alia *practica*, quæ conclusiones practicas probant. Ut in Ethica, *Deus est colendus; Quod tibi fieri non vis, id alteri ne facias*: in Artibus, *Unumquodque opus ita esse faciendum, quo maxime ad finem suum utile*
esse

esse possit. Virtus autem mentis, quæ principia moralia, seu ethica agnoscit, & amplectitur, *σωτηρίας* dicitur, quasi facultas *conservatrix* primarum veritatum, quibus mores reguntur. Item *Lex natura, & conscientia naturalis*.

10. Quinto, alia sunt *vera*, ex quibus veræ conclusiones oriuntur; alia *falsa*, ex quibus falsæ: quæ idcirco Græci *ἀπὸ τοῦ πρώτου, prima falsa*, appellant. His per se mens dissentit: ut, *Aliquid simul est & non est; Aliquid est causa sui*.

11. Sexto, ex veris principiis, quæ sola proprie principia sunt, alia sunt *necessario vera*, seu quæ non possunt esse falsa; ut in superioribus exemplis: alia *contingenter tantum vera* sunt, seu *verisimilia*: ut *Omne corpus lucidum calorem produciens extra se, esse ignem*: ex quo probabiliter inferitur solem esse ignem. Et *omnis amat suos*, ex quo deducitur matrem amare suam prolem.

12. Denique, alia sunt *intrinseca* veritati quam probant; scilicet, quæ ex quovis loco eruuntur præter testimonium; alia *extrinseca*, nempe, testimonia Dei, aut creaturarum. Quicquid enim Deus testatur, necessario verum est; & quod homines fide digni testantur, *verisimilius* est esse verum.

CAP. IV.

De Scientia.

1. **C**ognitio *adventitia* alia est immediate *infusa* à Deo, ut cognitio rerum divinarum in Prophetis & Apostolis; alia *acquisita* per discursum. Et hæc rursus vel obtinetur per principia intrinseca, vel per extrinseca. Quæ acquiritur per principia intrinseca certa, & evidentia, *scientia* dicitur; quæ vero per illa quæ non sunt plane certa, *opinio* vocatur. Quæ per principia extrinseca, nempe, testimonium divinum, vel humanum, *fides* nuncupatur.

2. Est igitur *scientia*, *Cognitio rationi intrinseca ac certa innixa*; sive per rationem istiusmodi acquisita. Quod ratione acquiratur, ab intelligentia distinguitur: quod rationi intrinsecæ innitatur, à fide: quod rationi certæ, ab opinione. Definitio illa tum habitui scientiæ, tum actibus sciendi aptari potest. Actus enim sciendi est assensus veritati datus propter ejusmodi quam diximus, rationem. Habitus vero est proclivitas quædam assentiendi, per actus illos producta. Unde *scientia* ab Aristotele definitur, *ἔστι ἀποδεικνύειν τὴν ἀληθείαν*, *Habitus demonstrandi* veritatem aliquam, *ex principiis necessariis*, hoc est, certis & indubitatis; adde tamen à loco intrinseco petitis, id est, quovis loco præter autoritatem.

3. De *scientia* consideranda sunt, *Objectum*, *causa*, *proprietas*, & *species*. *Objectum* scientiæ,

tia, τὸ ἐπισυνδυάζειν, aliud est *incomplexum*, aliud *complexum*. Prius complectitur 1. Subiectum conclusionis, de quo aliquid scitur. 2. Attributum, seu affectionem, quæ de subiecto scitur. 3. Medium, per quod, hoc de illo scitur. Ex quibus, duo priora sunt obiectum pure terminativum actus sciendi: tertium vero est obiectum motivum, per quod mens inducitur ad connexionem, aut disjunctionem priorum agnoscendam. Ut in Somatologia, subiectum in genere est substantia materialis; attributa, seu affectiones sunt, quæcunque de ea firmiter demonstrantur, ut gravitas, levitas, lux, opacitas, figura, motus, &c. Media vero sunt illa omnia, quibus hæc attributa de substantia materiali demonstrantur.

4. Obiectum scientiæ *complexum*, partim sunt conclusiones quæ sciuntur; partim principia, ex quibus conclusiones deducuntur. Illa obiectum *materiale*, & *quod*; hæc *formale*, & *quo*, in Scholis appellantur. Totale igitur obiectum scientiæ, est connexio attributi cum suo subiecto, quatenus à ratione certa & interna pendet, sive per eam innotescit, quæ propositione causali continetur: Ex. g. hæc connexio, *Quia terra inter corpus solis & luna è diametro sita est, luna patitur ecl. p̄s̄.*

5. Ad scientiam igitur non sufficit, quod percipiamus affectionem convenire subiecto; sed insuper requiritur, ut rationem aliquam veram, & certam teneamus, quæ ostendat eam ipsi convenire. Unde non omnes qui lunam obscurari vident, scientiam habent de eclipsi lunæ; sed illi

tantum qui rationem, seu causam intelligunt, propter quam obsecratur.

6.. Etque ratio illa, *causa scientiæ propria*. Reliquæ enim quæ ad illius productionem concurrunt, ut facultates intelligendi, ratiocinandi, sensus, & experientia, sunt omnium fere virtutum intellectuum communes. Causa tamen est, non physica (actus enim scientiæ ab ipsa mente, ut à causa physica elicitur), sed moralis, nempe objectiva, & inductiva; dum per suam evidentiam, mentem trahit, & determinat, ad conclusionem scientialem inferendam.

7. Proprietas scientiæ, prima & præcipua, est *evidentia*, seu *perspicuitas*. Per eam enim mens evidenter, seu clare percipit rem hoc vel illo modo esse. Unde à fide etiam divina differt; quod licet fides scientiam certitudine, non tantum æquet, sed etiam superet, semper tamen est obscura: eo quod rationem intrinsecam, hoc est, à re ipsa desumptam, non reddat, sed in veracitate dicentis acquiescat.

8. Ex hac proprietate sequitur alia, nempe, *jocunditas* singularis, per quam menti plane satisfacit, eamque quietam efficit, ut ulteriorem rei notitiam non desideret. Ea enim est mentis, seu rei intelligentis indoles, ut causas, & rationes rerum certas, & evidentes, ardentissime expetat. Illis igitur adeptis, seu perceptis, maxime delectatur. Quod autem scientia intellectum *ἀποτάσσεται* reddat (ut loquitur Aristoteles), hoc est, adeo firmum, & stabilem, in agnitione veritatis, efficiat, ut ab ea nullo modo divelli queat, scientiæ quidem

dem vera convenit ; non tamen ei proprium est, sed commune ipsi cum fide divina.

9. Quod ad differentias seu species scientiæ attingit, alia est tantum *apparens*, cum quis putat id esse evidenter verum, quod tamen falsum est : aut rationem evidentem veritatis se tenere, cujus tamen compos nondum factus est. Multi enim falsis aut dubiis opinionibus pertinaciter adherent, tanquam essent omnino evidentes, ac certæ : & sæpius pro scientia venditur, quod mera est opinio.

10. Alia est *vera*, quam supra descripsimus, & varie distinguitur. Primo ratione veritatis ipsius, seu conclusionis quæ scitur ; deinde ratione medii quo acquiritur. Priori modo, alia est scientia *negans* ; per quam scimus rem non esse talem, eo quod evidenter percipiamus non posse ita esse ; vel absolute, vel in præsentibus circumstantiis, seu suppositis illis quæ evidenter supponenda sunt. Sic certo scire possumus, non omnes motus & actiones brutorum animalium esse ab organis corporeis. & appulsu cujusdam materiæ ad extra. Alia est *positiva* seu *affirmans*, per quam scimus rem esse talem. Estque hæc priori longe nobilior : quia infinitis fere modis scire possumus rem non ita esse : adeoque mens in ea non acquiescit, sed avet porro percipere modum certum & definitum rei. Est tamen scientia negativa, gradus quidam ad positivam ; eo scilicet casu, quo ex negatione affirmatio opposita necessario sequitur. Ut si evidenter constet non omnes motus brutorum esse à materia, necesse est

est, ut quidam eorum sint à substantia immateriali.

11. Deinde *alia* est scientia per quam attributa essentialia, & affectiones, seu proprietates necessarias rei, evidenter percipimus: ut cum ex eo, quod hominem de variis rebus differentem audimus, certi sumus eum esse ratione præditum; & deinde ex eo quod ratione præditus sit, esse capacem disciplinarum, legi Dei obnoxium si inhoneste se gesserit, &c. Alia est, per quam accidentia quædam rei convenire cernimus; ut oportere hunc vel illum hominem esse doctum, quoniam certo novimus eum scælici ingenio præditum esse, & per multos annos literis operam dedisse. Prior præstantior est. Ex majori enim præstantia objecti, si illud evidenter percipiatur, prout in omni scientia necessario fit, præstantior est scientia, magisque appetitur à mente nostra, & eam magis perficit.

12. Tertio, alia est per quam scimus rem hoc vel illo modo esse, eoque modo esse debere, nec alio esse posse, ex ulla hypothese possibili: ut *Deum esse omniscium*, quia, est *Ens perfectissimum*. Alia per quam scimus rem ita esse, nec aliter esse posse, sed ex hypothese aliqua, quæ absolute mutabilis sit: ut lunam obscurari, si inter eam & solem terra è diametro interveniat. Absolute enim loquendo fieri potest ut nunquam interveniret, scilicet si Deus ita cursum utriusque ordinasset, aut etiamnum ordinaret.

13. Scientia, ratione medii per quod acquiritur, distinguitur in scientiam *stri*, per quam tantum

tum

tum scimus rem hoc vel illo modo esse; cur autem ita sit, per illud medium non percipimus; sive cuius medium est, natura sua, consequens, aut concomitans veritatis quæ scitur. Estque sapissime signum necessarium, vel effectus proprius. Signum enim contingens, & effectus communis non pariunt scientiam: Si: scimus in homine, præter molem corpoream, esse aliam substantiam, quæ *mens* appellatur: Et scientiam *διότι*, per quam scimus, non tantum rem esse (hoc enim in ea includitur), sed etiam *cur sit*; hoc est, causam tenemus propter quam attributum subiecto conveniat. Sic scimus spiritum appetere quæ ei bona esse videntur, & fugere quæ videntur mala, quia discrimina horum & illorum percipit. Hic etiam posterior præstantior est, quoniam totam perfectionem prioris includit, & aliquid ei superaddit.

14. Potest unus & idem actus sciendi, propter diversam rationem cui innititur, esse & *ὅτι*, & *διότι*. Et utrobique requiritur ratio adæquata, quæ perfecte rationem attributi cum subiecto ostendat: ad quam evidenter percipiendam plura quandoque sunt necessaria, quæ unam rationem adæquatam constituent. Ex. g. ut sciamus pios esse tutos in Deo, non satis est nosse Deum esse perfecte sapientem, & omnes vias scire quibus protegi possint; nec etiam esse omnipotentem, nisi addatur, esse salutis eorum studiosum: sed tria ista simul rationem adæquatam constituunt, & omnem dubitandi occasionem tollunt.

15. Scientia *ὅτι* innititur causæ cognoscendi; scientia vero *διότι* causæ essendi: ubi tamen vox

causa

causa late sumitur. Non enim semper est causa proprie dicta, sed sæpe analogica tantum. Sic unum attributum essentialiale, etiam rei simplicis (quæ idcirco non distinguuntur realiter, ut ad causam & effectum, proprie sumpta, requiritur), est ratio scientiæ de alio. Ut *rationalitas* in homine, *risibilitatis*, *docilitatis*, &c. Et in Deo *aternitas*, ac *independentia* est quasi causa cur necessario existit.

16. In scientia *διδως*, requiritur, ut causam teneamus proximam. Et in scientia *δρω*, quæ habetur per effectus, requiritur effectus proximus. Connexionem enim causæ remotæ cum effectū, aut effectus remoti cum causa, evidenter percipere non possumus, nisi causam & effectum intermedium percipiamus. Item in cognitione effectus, qui ex pluribus causis subordinatis pendet, non quiescit mens, dum ad causam primam, sive supremam ascendat. Sicut nec in cognitione effectus, qui à pluribus causis coordinatis pendet, nisi omnes illas causas, earumque influxum in effectum illum percipiat.

C A P. V.

De Opinione, Fide & Arte.

1. **O**pinio est assensus non plane certus, propter rationem intrinsecam duntaxat probabilem, seu verisimilem. Objectum illius complexum, cui assensus istiusmodi adhibetur, sunt propositiones omnis generis, de quibus non sumus plane certi, sive illæ veræ sint in se, sive falsæ, sive necessariæ, sive contingentes. Sæpe enim speciem veritatis fert,

ert, quod in se falsum est. Objectum vero *motivum*, seu medium ad assensum illum inclinans, est ratio aliqua verisimilis, seu probabilis, hoc est quæ magis videtur esse vera, quam falsa, non autem plane dubia.

2. Differt opinio à *dubitatione*, quod in dubitatione mens cum utramque partem per simplicem apprehensionem intuetur, in neutram inclinât, sed iudicium plane suspendit. A *suspensione* vero, quod per eam in alteram partem aliquo modo inclinât, non tamen absolute verisimilem esse statuit, ut in opinione fit, sed tantum magis verisimilem quam altera. Quamquam suspensio gradus quidam opinionis dici possit. Magis enim minusve inclinât mens ad assentiendum, & arctius vel remissius adhæret huic vel illi propositioni, prout rationes habet magis vel minus apparentes.

3. Opinio semper adjunctam habet *formidinem* aliquam partis oppositæ, seu ne res aliter se habeat, quam excludit scientia; aut saltem talis est, ut causa & ratio sit, si quis attente, & præiudicio deposito, perpendere velit, cur formidare debeat. Et hoc est quod aiunt in scholis, in opinione esse formidinem vel actuale vel virtuale.

4. Distinguitur opinio in *consultam*, qua quis, debita inquisitione facta, & omnibus quæ se offerunt accurate perpensis, statuit hoc vel illud esse magis verisimile: ut solem esse flammam: Et *temerariam*, cum levicula de causa, sine debito examine, aliquid statuitur; ut esse elementum ignis supra regionem aeris.

5. Major cognitionis humanæ pars opinativa est,

est, in hac vita ; propter imperfectionem nostram, qui causas & rationes rerum certas assequi non possumus. Causa vero cur opinamur non est in rebus ipsis. Omnis enim res, vel aliquam rationem & causam habet suæ veritatis ; vel immediate & per seipsam perceptibilis est. Unde de omnibus rebus certam & evidentem cognitionem habere possemus, nisi facultas, eas, earumque rationes recte inspiciendi, deficeret.

6. *Fides est assensus datus testimonio dicentis.* Testimonium autem, ut aliquid ponderis apud nos habeat & fidem faciat, debet esse ab eo, quem certo vel probabiliter, judicamus duabus virtutibus præditum, *scientia* rei de qua testatur, & *veracitate*, qua nolit, sciens & volens, mentiri, & fallere : aut saltem quem, in præsentibus circumstantiis, nihil inducere potuit ut falleret. Et in his virtutibus consistit autoritas testantis, cui fides innitur.

7. Fides quæ hominibus adhibetur, *humana* dicitur, estque magis vel minus certa, prout plures vel pauciores in eadem re testanda, consentiunt, & prout ipsi, propter scientiam, & veracitatem, magis vel minus fide digni sunt. Quo referenda est fides, quæ angelis testantibus datur. Quæ vero Deo testanti adhibetur, divina appellatur, estque omnino certa : quin certior quavis nostra scientia. Simpliciter enim impossibile est, ut Deus velit mentiri, aut nos in errorem ducere, quia est sanctissimus & veracissimus ; ipse autem falli nequit, quia est omniscius.

8. Fidei humanæ nullus aut exiguus est usus in
Philo-

Philosophia. Hæc enim, non autoritate humana, sed ratione nititur : Sed in historiis, judiciis, & contractibus adhibetur. Sicubi tamen veritas Philosophica, per testimonium Dei, in sacris literis, confirmari possit, ratio est, quoad certitudinem omnium optima, licet quoad evidentiam deficiat.

9. *Ars* aliquando facultatem naturalem, elegantem, & ordinate operandi, significat; quod sensu hirundo dicitur mira arte nidum conficere : quandoque quamvis cognitionem acquisitam : Et sic omnes disciplinæ *artes* appellantur. Hic vero, prout à reliquis virtutibus mentis, hætenus enumeratis, distinguitur, est *habitus efficiendi opus aliquod, quod præcise utile aut jucundum est*, non autem bonum vel malum moraliter.

10. *Objectum Artis* est *materia*, vel quasi materia circa quam ipsa exercetur; sive in quam formam aliquam, seu modum introducit. Operatio vero est formæ vel modi illius productio. Regula hujus operationis est dictamen rationis, sive idea in mente, de re facienda, & modo quo illa efficienda sit, ad certum aliquem finem. Finis enim modum operandi præscribit. Unde patet discriminem artis & naturæ. Hæc enim est principium operandi ingenitum rei quæ operatur, nec operatur ubique ex cognitione, multo minus ex ratione : illa vero est principium operandi adventitium; quandoque divinitus extra ordinem infusum; ut in Aholiabo, & Bezaleele, qui res sacras ecclesiæ Israeliticæ in deserto, artificiose paraverunt; ordinarie vero industria humana acquiritur;

tum ; & semper dirigente ratione operatur unde ab Aristotele, *μὴτὰ λόγῳ ἀλλ' ὁ πρῶτος* dicitur.

11. *Subjectum* artis est artifex : Cujus officium est, materiam, circa quam operaturus est, præcognoscere ; ideam rei faciendæ, & modi operandi præconcipere, seu in mente sua formare : formam denique aliquam in materiam introducere, juxta regulas artis. *Forma* autem illa, ab arte humana producta, nunquam est substantia, sed semper modus quidam, vel substantiæ, vel alius modi. Ut forma scamni est figura ; forma saltationis & cantationis, est modus quidam motuum, & sonorum. Unde qui harum artium periti sunt, saltare & cantare in numeros, & modos dicuntur.

12. Hinc ars opus aliquod naturæ præsupponit tanquam subjectum in quo operatur, & naturæ ministrat, seu ancillatur : vel applicando agentia naturalia passivis, adeoque occasionem operandi agentibus naturalibus præbet, ut cum agricola terram parat, & semina tempore opportuno injicit, vel in operationibus naturæ modum aliquem producit, quem natura, per se, assequi nequit : ut cum vocibus, quas per naturam homines edunt, modus articulationis, & variæ compositionis additur, sive ad exemplum eorum quod audiunt, sive per rationem propriam, sive etiam per præcepta Grammaticæ, Rhetoricæ, & Logicæ. Unde etiam ars naturam variis modis perficit.

13. Est præterea natura imperfectior, & ignobilior. Natura enim quatenus operativa, et

ars Dei, adeoque arte humana præstantior. Et operatur per veram efficientiam, seu influxum physicum: ars vero per directionem & influxum moralem. Natura est causa principalis artefactorum: ars instrumentalis, & adiutrix tantum. Natura per se sola, multa opera miranda producit: ars nullum per se opus producit, sine natura. Unde muti non possunt recte loqui, quia deficit in iis aut impeditur natura, ne quoquomodo loqui possint. Et qui non possunt sonos variare, musicæ incapaces sunt. Natura præstantiora opera edit quam ars, præsertim cum vitam producit, quæ omnem artem humanam, & etiam angelicam superat. Denique ars imitatur naturam, tanquam exemplar: ut dum incipit ab imperfectioribus, & simplicioribus, & inde ad perfectiora & composita procedit. Opera etiam sua, operibus naturæ conformat, quantum potest, & quousque ad finem assequendum conducit. Ut ars navicularia, in navibus efficiendis, piscium structuram imitatur, dum parte anteriore acutas efficit, remos à lateribus pinnarum loco adjungit, clavum in posteriori, pro cauda, per quam pisces se convertere, & motus suos inflectere solent.

14. Ex artibus quædam circa materiam crassam, & corpoream exercentur; & idcirco opus quod immediate producunt, post operationem relinquunt. Ut ars fabrilis, sutoria, &c. Quædam circa materiam fluxam, & transeuntem, quarum opera immediate cum operatione cessant. Quippe modum aliquem, in ipsis naturæ operationibus, & motibus, producunt; ut ars saltandi,

tandi, cytharizandi, cantandi, &c. Quædam opus suum producant extra artificem, ut in exemplis proxime datis : aliæ in artifice ipso ; ut ars logistica, Logica, &c. Denique quædam sunt liberales, quæ homines ingenuos decent, ingenium insignius requirunt, nec corpus fatigant, aut inquinant ; ut Grammatica, Rhetorica, Logica, Arithmetica, Musica : aliæ serviles dicuntur, quæ quoniam non requirunt multum ingenii, aut corpus infestant, ad vulgus & servos amandantur.

C A P. VI.

De Disciplina ejusque objecto in genere.

1. **M**ateria proxima Philosophiæ sunt variae disciplinæ, sed præstantiores illæ, quæ mentem humanam magis perficiunt, & ad felicitatem hominis magis conducunt, modo tamen ex lumine & industria naturali mentis proficiuntur.

2. Dicitur autem *disciplina* à discendo, quia nec cum homine nascitur, nec à plerisque, proprio Marte, sed docendo & discendo, acquiritur. Græci παιδείαν vocant à παις puer, quia ætas puerilis disciplinis imbibendis aptior est, illique addiscendis impenditur. Cæterum disciplina vox interdum significat actum docentis ; interdum cognitionem, per actum illum discenti communicatam. Nonnunquam etiam codicem, seu librum, in quo utrumque ex his per signa exhibetur. Et pro variis istis significationibus varie designari debet.

3. Primo

3. Primo modo, disciplina est *collectio multarum propositionum vocalium*, de uno aliquo objecto, certo ordine constantium, in hunc finem ut audiens in cognitione rerum significatarum deveniat. Et hæc quidem disciplina humana est. Divina enim non tantum in institutione vocali, sed etiam in illustratione mentis, & facultatis intelligendi largitione, consistit.

4. Secundo modo, Disciplina est *collectio variorum habituum*, quibus mens humana de certo ordine rerum, recte concipere, & differere disponitur. *Collectionem habituum* dicimus, quia unus habitus nullam disciplinam constituit, ut in Elencticis ostendetur. *Habituum* vero, potius quam notitiarum actualium, quia propter illos potius quam has, aliquis disciplinis imbutus dicitur. Hæ enim transeunt, illi permanent.

5. Tertio modo, Disciplina est systema, seu digestum multorum characterum quibus tum enunciationes, seu propositiones vocales, tum etiam res, earumque conceptus significantur.

6. Verum in secunda acceptione disciplinam hic sumitur; cujus idcirco *subjectum* est mens humana: Unde & virtus intellectualis dicitur, opposita ad virtutem moralem, quæ in voluntate præcipue residet. *Objectum* vero sunt res diversæ, eodem tamen pertinentes, nempe ad unum aliquod genus, aut unam speciem rerum, vel ad unum aliquem finem acquirendum (excipe Theologiam naturalem, quæ de Deo, qui est ens singulare disserit). Ut objectum Mathematicæ, sunt ea quæ sub quantitate continentur; Physicæ, ea quæ sub corpore naturali, ut plerisque placet; rectius,

omnes substantiæ. Et in Logica, objectum complectitur omnia, quorum cognitio, ad ratione recte utendum, est necessaria: in Ethica, omnia quæ cognitum necessaria sunt ad bene vivendum.

7. Varie distinguitur objectum Disciplinæ. Et primo quidem in *communi*, quod à pluribus disciplinis, licet sub diversa ratione consideratur; & *proprium*, quod ab una tantum. Ut Deus est objectum commune Theologiæ naturalis, & supernaturalis, quia utrobique de illo agitur, licet in hac ex revelatione divina, in illa, ex lumine naturali. Sed numerus est proprium objectum Arithmeticæ, quantitas continua Geometriæ.

8. Ab hac divisione non discrepat illa, per quam dividitur objectum in *materiale*, & *formale*. *Materiale* enim dicitur res quæ consideratur in disciplina, absolute & confuse spectata; ut in Medicina corpus humanum. *Formale* vero, eadem res sub aliqua ratione restricta, seu præcisa; ut in Medicina, corpus humanum, qua morbosum, & sanabile. Prius semper commune est, aut esse potest; posterius est proprium.

9. Alii dicunt objectum formale esse, id quod, in Disciplina, per, & propter se, attingitur; materiale vero esse id quod attingitur per, & propter aliud, scilicet, propter formale. Et sic conclusiones disciplinarum objectum materiale vocant; præmissas, seu principia formale. Sed rectius objectum disciplinarum, sub his rationibus, divideretur in pure terminativum, & motivum, seu inductivum. Nam, in Disciplinis, conclusiones, sive dogmata sunt, sive præcepta, solum terminant actum mentis; principia vero seu rationes movent, & inducunt;

ducunt; in Theoreticis quidem mentem ad assensum; in practicis vero animum ad complacentiam, vel displicentiam.

10. Tertio igitur, dividitur objectum in *remotum*, quod mediante alio attingitur; ut, in Logica, res quæ actibus mentis obijciuntur: & *proximum*, quod nullo mediante attingitur; ut, in eadem Logica, actus mentis. Huc referri debet distinctio objecti, in objectum *per se*, & *per accidens*. Ut, objectum per se Medicinæ, est corpus humanum; per accidens vero, corpus musici, aut Grammatici, qua tale est.

11. Quarto, dividitur in *totale*, seu *adequatum*, & *partiale*, seu *inadequatum*. Illud est totum quod in disciplina consideratur; & actibus illius commensuratur: hoc est pars quædam prioris; ut in Logica, objectum adequatum, sunt omnes modi sciendi simul, & quicquid ad eorum notitiam, & genesis, necessarium est: at definitio, vel syllogismus, est objectum tantum partiale.

12. Quinto denique, dividitur in *principale* & *secundarium*. Principale est, quod omnium eorum quæ in disciplina tractantur, nobilissimum in se est; aut cujus cognitio, vel effectio, primario intenditur. Ut in Logica, definitio, vel demonstratio. Secundarium est, quod minus præstat, & cujus cognitio minus intenditur; ut in Logica, cognitio terminorum simplicium. Atque hæc sunt præcipuæ considerationes objectorum in Disciplinis.

13. Quod de conclusionibus disciplinarum communiter dicitur, nempe, quod debeant esse universales, per se, & reciproce, & denique Methodice, seu recto ordine compositæ, abunde explicatum est in doctrina de Genesi. G g 2 CAR

C A P. VII.

De Causis efficientibus Philosophiæ & Disciplinarum.

1. **C**UM Philosophia sit collectio disciplinarum liberalium, eadem harum & illius *causæ* sunt *efficientes*. Sunt autem illæ, vel *primaria*, vel *secundaria*. Ex primariis *suprema* ac prima est Deus, qui fons est & largitor omnis sapientiæ creatæ, & omnis cognitionis qui homini utilis est. Multum vero sapientiæ communicavit Deus primo homini, vel per infusionem habituum immediatam, vel facultates adeo perfectas concedendo, ut iis immediate uti posset homo, ad multa, primo quasi intuitu, cognoscenda, & ad plurima alia per suam industriam, eamque minime laboriosam, investiganda. Nunc vero, eandem communicat, facultates easdem, licet multum debilitatas, continuando, & homines ad diligentiam & laborem excitando, ut cogniti nem rerum acquirere possint.

2. Causæ igitur *primaria subordinata*, sunt facultates illæ naturales quæ nobis à Deo ingenerantur. Sunt autem vel mentis vel corporis. Facultates mentis sunt, *ingenium*, & *memoria*. Ingenium, sive à genio, sive ab ingignendo dicitur, est promptitudo mentis ad apprehendendum & iudicandum. Promptitudo autem iudicii complectitur facultates *intelligentiæ*, & *ratiocinationis*: ex quibus, per priorem principiis quibusdam per se evidentibus assentimur; per posteriorem, varias conclusiones, ex principiis deducimus. Et sine his, non magis capax disciplinarum esset homo, quam bestia.

3. Sed ad disciplinas inveniendas necessarium est ingenium præstantissimum; ad excolendas & perficiendas, insigne; ad inventas addiscendas, mediocre: quod vero valde tardum est, ad Philosophiam omnino ineptum est. Utrum autem ingeniorum diversitas, ab inæqualitate naturali animarum, an à diversis corporum temperamentis profiscatur, problema esto.

4. Memoria triplicem facultatem complectitur, 1. *Promptitudinem* recipiendi rerum ideas, propter quam illæ facile menti imprimuntur. 2. *Tenacitatem*, per quam ideas, altas quasi radices in mente agendo, firmiter ipsi inhaerent. 3. *Facilitatem recognoscendi* res, quarum ideas prius in se recepit. Et hæc etiam facultates, in gradu saltem mediocri, omnino necessariae sunt, ut disciplinas acquiramus. Magis tamen necessaria est virtus judicandi, quam recordandi.

5. In corpore requiritur *integritas*, id est, *bona dispositio*: quæ partim in mediocri saltem sanitate, partim in integritate sensuum externorum, & phantasia, consistit: Ut sic laborem studiorum ferre possimus, & mens per sensuum Ministerium adjuvetur.

6. Facultatum igitur istarum usu disciplinæ acquiruntur, modo quis prudenter & sedulo illis utatur. Et per intelligentiam assentimur principiis primis seu veritatibus per se manifestis. Per sensum, tum internum tum externum, quorum actus *experientia* vocantur, percipimus multa singularia, tum intra nos, ut cogitationes & affectus animi nostri, tum extra, ut corpora plurima, eorumque partes, figuras, motus, ex quibus per facultatem ratiocinandi, multas veritates ante ignotas detegimus. Ex plu-

timis etiam singularibus, quæ similia esse deprehendimus, statuimus regulas, vel propositiones universales; & ex pluribus universalibus, universaliores.

7. Causæ adjuvantes sunt, primo *institutio*; sive illa viva voce docentis fiat, sive scriptis. Unde auditus & visus sunt præcipua instrumenta quibus disciplinas, ex aliis acquirimus. Secundo, omnia illa *motiva*, quæ homines ad disciplinas excogitandas & excolendas, impulerunt. Hæc autem præcipue tria sunt.

8. Primum est *necessitas*, seu *indigentia*. Natura enim non suppeditat omnia quæ ad vitam hominis necessaria sunt. Ubi igitur deficit, arte homo sibi prospicere cogitur. Ex. g. Natura non generat tunicam aut calceum; nec per eam, satis recte & expedite ratione utimur, definitiones, distributiones, & syllogismos conficiendo. Hinc homines ad vias inveniendas moti, quibus, per artem sartoriam, sutoriam, & Logicam, defectus illos supplere possent.

9. Secundum est *expetibilitas scientiæ*, quæ amorem sciendi accendit. Omnes enim natura scire appetimus. Partim, quia scientia est bonum quoddam, & perfectio mentis nostræ, eamque plurimum delectat: partim, quia per eam dirigimur ad recte agendum, & multa comparanda, quæ necessaria & utilia nobis videntur.

10. Tertium motivum est *natura ipsa*, & *conexio pulcherrima rerum*, quæ mentem in admirationem rapit, & ad causas & rationes earum investigandas incitat. Hinc Aristoteles, propter admirationem homines philosophari cœperunt.

CAP. VIII.

*Divisio Philosophiæ; sive De speciebus
Disciplinarum.*

1. **D**ividitur Philosophia, juxta diversas quas ambitu suo complectitur disciplinas, in *speculativam & practicam*: & disciplinæ, in *speculatrices, & practicas*. Disciplinæ speculatrices, quæ priorem Philosophiæ partem constituunt, versantur circa τὰ θεωρητὰ, id est, quæ à nobis tantum cognosci, non etiam fieri possunt, saltem vi cognitionis quam de illis habemus. Practicæ vero, quæ posteriorem constituunt, circa τὰ πρακτὰ occupantur, hoc est, circa ea, quæ à nobis fieri possunt, cognitione, quam de illis habemus, nos eo dirigente.

2. Disciplinæ speculativæ ad duos ordines reduci possunt, *Physicam, & Mathematicam*. Physica agit de substantiis. Et cum hæ duorum generum sint, *spirituales & materiales*, & sub utroque genere, plura adhuc genera inferiora comprehendantur, nempe, sub substantia spiritali, *Deus* optimus maximus, *Angeli*, & animæ rationales hominum, & si quæ alia sint; sub materiali vero, corpora animata, & inanimata, de singulis singuli tractatus instituuntur. Et qui de Deo agit, *Theologia naturalis* dicitur; qui de Angelis, *Demonologia, & Angelographia*; qui de anima, *Psychologia*; & omnes illæ sunt, præsertim tractatio generalis de spiritu, *Pneumatica & Pneumatologia*. Qui de corporibus

agunt, omnes, *Physica*, & *Physiologia* communiter vocantur; nos vero *Somatologiam* potius, vel *Somaticam* appellandam censemus. Singulis autem tractatibus, qui de singulis generibus corporum instituuntur, singula nomina reliquis conformia imponi possent, sicut & nonnullis imponuntur; ut cum tractatus de animalibus, *Zoologia* dicitur, tractatus de cœlo & corporibus cœlestibus, *Uranologia*, & sic de reliquis.

3. Disciplinæ *Mathematica* dicuntur, quæ de Quantitate tractant. Cum autem quantitas duplex sit, *continua*, & *discreta*, seu magnitudo, & multitudo, quæ de priori agit *Geometria*; quæ de posteriori, *Arithmetica* dicitur. His communiter accensent *Astronomiam*, *Opticam* & *Musicam*; ex quibus prima de affectionibus corporum cœlestium agit; secunda de linea visuali; tertia de modis & affectionibus sonorum. Sed minus recte prima & tertia ad Mathesin annumerantur, ut in Elencticis dicitur.

4. Disciplinæ practicæ, aliæ sunt *Ethicæ* seu *Morales*, aliæ, nullo nomine communi, nisi *artium* veniunt. Quod tamen ad omnes fere disciplinas à nonnullis, extenditur. Disciplinæ morales, de honesto & turpi tractant: sive de iis, quæ homo ex officio tenetur facere, & vitare. Ex quibus illa, quæ generatim docet officia communia omnibus hominibus, in quocunque statu, *Ethica generalis* dicitur; quæ præcepta & leges vitæ solitariae tradit, *Monastica* vocatur; quæ familias instruit *Oeconomica*; quæ respublicas, seu civitates, *Politica*.

5. Artes insigniores sunt, *Grammatica*, *Rhetorica*,

rica, Logica, & Medicina. Grammatica est ars recte loquendi in quacunque lingua. Rhetorica est ars bene dicendi, ad persuadendum. Logicam supra definivimus. Medicina est ars, per quam dirigimur ad sanitatem conservandam, & restituendam. Ex his autem tres priores *Organica* vocantur, quia instrumenta, aut quasi instrumenta parant, quibus reliquæ disciplinæ utuntur; & idcirco hæ principales nuncupantur. Et omnes quidem ope utuntur Grammaticæ & Logicæ: Ethica vero, in specie, Rhetoricam adhibet, ut affectus ad honesta sectanda, & turpia iugienda magis incitentur.

C A P. IX.

De Proprietatibus & Adjunctis Philosophiæ, & Disciplinarum.

1. **E**X affectionibus Philosophiæ & disciplinarum, quædam sunt absolutæ, quædam comparatæ, seu respectivæ. Affectiones absolutæ sunt *unitas, jucunditas, libertas, imperfectio, & utilitas*. Hæ enim singulis disciplinis, & toti Philosophiæ, absolute conveniunt; hoc est, sine respectu unius partis ad aliam. Comparatæ sunt, *Distinctio, subordinatio & ordo*.

2. Quod ad *unitatem* attinet, oritur illa in disciplinis speculativis, ab objecto, & modo quo illud consideratur; seu ab unitate objecti formalis. Adeo ut omnes illæ veritates ad eandem disciplinam referendæ sint, quæ idem objectum, sub eadem ratione consideratum, spectant. Ut
ad

ad Somatologiam, omnes quæ naturam, proprietates, & causas rerum naturalium, explicant. In practicis vero, oritur, ex fine proprio: ita ut omnia ad eandem disciplinam pertineant, quæ ad unum aliquem finem acquirendum inserviunt: ut ad Logicam, omnia quorum cognitio mentem dirigit in ratione sua regenda.

3. *Unitas* autem totius Philosophiæ provenit, partim à rebus, quatenus unius ordinis sunt, nempe, scitu difficiliore, & digniores: præcipue vero ex origine, quatenus omnes illius partes sunt ex lumine, & industria naturali. Unde omnes illæ veritates ad Philosophiam pertinent, quæ de rebus istiusmodi sunt, & ex illo principio innotescunt.

4. *Jucunditas* Philosophiæ, & disciplinarum est, per quam, dum rationes, connexiones, & causas rerum, & ordinem ac pulchritudinem universi exhibent, mentem humanam summe delectant.

5. *Libertas* est, per quam Philosophia & disciplina, non auctoritati humanæ, sed soli dictamini rationis astringuntur. Philosophus tamen Christianus, rationem suam, sacrarum literarum testimonio submittere debet: nec quicquam contra illud admittere, quicquid tandem ratio dixerit. Nec placita majorum, sine gravi ratione rejicienda sunt.

6. *Imperfectio* in duobus consistit. Primo, quod plurima ignoremus. Deinde quod de plurimis, quæ aliquo modo scire videmur, incertissimus. Non tamen, ut Academici statuere, omnia pro incertis habenda sunt.

7. *Utilitas*

7. *Utilitas philosophiæ & disciplinarum, varia est.* Primo enim, utiles sunt ad Deum in operibus suis agnoscendum, adeoque reverentiam ipsius animis hominum incutiendam. Philosophia igitur non est mater impietatis, aut Atheismi, ut quidam caulantur.

8. Deinde ad nosmetipsos dignoscendos, utilis est *Physiologia*, præsertim illa ejus pars, quæ de anima rationali præcipua nostra parte differit. Ad fines seu differentias bonorum & malorum utilis est *Ethica* : Sicut & ad jurisprudentiam. Ex ea enim omnes leges humanæ, quæ justæ demum & salubres sunt, originem ducunt. Ad Medicinam plane necessaria est notitia rerum corporearum, puta corporis humani, & seminum, succorum, plantarum, partium animalium, metallorum, &c. ex quibus medicamenta conficiuntur. Ad Theologiam denique naturalem, utilis est tota Philosophia, præsertim *Pneumatica*.

9. Utilis etiam est Philosophia Doctoribus Ecclesiæ, ad quæstiones mixtas, hoc est, quæ partim philosophicæ, partim theologicæ sunt, definiendas. Ut an personæ S. S. Trinitatis realiter distinguantur ab essentia divina. Hæc quæstio definiri nequit, nisi teneamus quid sit *essentia*, quid *persona*, quid *distinctio realis* ; quod præstat Philosophia. Deinde ad veritatem contra doctos adversarios defendendam. Deniq; ut facilius mysteria fidei ipsi recipiant. Qui enim rationes rerum, quæ ante oculos quotidie obversantes habet, non capit, facile percipere potest, non esse cur illa ideo rejiciat, quod rationes & modi eorum lateant.

10. Quod ad *distinctionem* disciplinarum inter se attinet,

attinet, distinguuntur illæ præcipue ab objectis formalibus. Adeo ut illæ veritates, quæ de diversis objectis tractant, aut de eodem, sub diversa ratione formali, ad diversas disciplinas pertinere censendæ sint. Ex. g. Quæ de substantiæ immaterialis natura, & causis loquuntur, ad Somaticam, vulgo Physicam: quæ de quantitate continua, ad Geometriam: quæ de mente secundum naturam spectata, ad Psychologiam; verum quæ de ea dirigenda ad veritatem, Logicæ considerationis sunt: quæ de ea dirigenda ad honestatem, in Ethica tractantur.

11. *Subordinatio* disciplinarum est, per quam una ab alia pendet, quod tribus modis fit. 1. Ratione objecti: nempe cum objectum inferioris continetur in objecto superioris, ut species sub suo genere, pars sub toto. 2. Ratione principiorum; cum principia superioris ad conclusiones inferioris demonstrandas inserviunt. 3. Ratione finis; cum finis disciplinæ inferioris ordinatur natura sua, ut medium, ad finem superioris.

12. Ratione objecti & principiorum, omnes disciplinæ subordinantur (ut quidam volunt) Metaphysicæ, quæ agit de Ente in communi, ejusque affectionibus, & principia universalissima proponit, explicat, & confirmat: nos vero hac ratione Logicæ subordinari dicimus. Quia de Ente in communi, & attributis rerum communissimis, in Logica agendum est. Nec necesse est, aut expedit, quæ in illa traduntur, alibi repetere, nisi in transitu, & ex occasione.

13. Sed ratione objecti, & principiorum, una disciplina, speciali quodam modo subordinari alteri dicitur, cum subjectum illius, à subjecto ejus cui subordi-

subordinatur, differt solum per accidens aliquod. Sic Optica Geometriæ subordinatur. Hæc enim agit de lineis generatim ; illa vero de linea visuali, & quidem ex principiis prioris. Similiter Medicina, quæ agit de corpore animalis, ut sanabile est, subordinatur Physiologiæ ; quatenus hæc de corpore animato, præsertim humano differit. Unde (ut vulgo dici solet) *ubi desinit Physicus incipit Medicus*. Et ejusmodi subordinatio, subalternatio in scholis dicitur. Juxta quam etiam dividuntur quædam disciplinæ, in subalternantes, & subalternatas.

14. Ratione finis, omnes disciplinæ subordinantur Ethicæ. Hujus enim finis est bene & beate vivere, ad quem omnes actiones, & res humanæ referri debent. Omnia enim hominis bona, eo, natura sua tendunt. Unde Ethica est disciplina architectonica, & omnibus reliquis, modum & mensuram præscribit : hoc est, ut omnes ita instituantur, quo, ad felicitatem generis humani, maxime inserviunt. Sicut Logica architectonica est, quoad modum procedendi, ut veritatem assequantur.

15. Ordo disciplinarum, per quem una est alia prior, posterior, aut collateralis, triplex assignari licet : nempe, dignitatis, generationis, & tractationis. Ordine dignitatis, ratione objecti & finis simul, prima est Theologia naturalis, quæ de Deo differit. Succedit Pneumatica, deinde Somatica, proxime Ethica & Mathesis. Ratione vero finis, prima est Ethica ; sequitur Theologia naturalis, proxima est Pneumatica & Somatica ; ultima Mathesis, quæ præcipue ad artes Mechanicas promovendas inservit.

16. Ratione

16. *Ratione Generationis, seu Inventionis, si ordinem quem homo observare debet, spectemus, prima est Ethica. Ante omnia enim considerare tenentur homines, qua ratione bene seu honeste vivendum sit : & quisnam sit ultimus actionum suarum finis. Si vero de ordine quem homo, jam ab integritate primæva lapsus, observavit ; artes quæ victum & amictum immediate & peculiari modo concernunt, prius inventas esse putandum est. Deinde Somatica. Circa res enim corporeas artes illæ versantur, deinde Mathesis : proxime vero Psychologia, Ethica, Theologia naturalis, & Logica. Quem vero ordinem in his postremis, observarunt primi aut antiqui earum autores, nec facile, nec necessarium est dicere.*

17. *Quod ad ordinem tradendi, seu discendi attinget, illæ disciplinæ prius tradi debent, quæ ea continent, quæ prius sunt cognoscenda : unde primo omnium opera danda est disciplinis organicis, Grammaticæ, Rhetoricæ, & Logicæ. Et prius agendum de generibus, quam de speciebus ; ut de spiritu & corpore in communi, quam de hoc aut illo spiritu in specie. Item in speciebus collateralibus tractandis, ex.g. spiritu & corpore, de ea prius agendum, cujus cognitio ad cognitionem alterius maxime conducit. Sin neutrius cognitio cognitionem alterius promovet, ordo tractandi arbitrarius erit. Denique cum tyronibus, & qui iudicii infirmitate laborant, ordo facilioris intelligentiæ, (quem nonnulli, non satis recte, ordinem doctrinæ, oppositæ ad ordinem naturæ, appellant), observandus est. Sed de his satis.*

Finis Protheoriæ Philosophiæ.

Addit.

*Additamenta ad Logicæ communis Cap. 3.
Paragraphum octavam. Adde continuo
quæ sequuntur.*

Proprium enim si generatim spectetur, aliud est, quod aliis communicari repugnat, seu quod ita uni alicui convenit, ut nulli alii convenire possit; ut Deo æternitas à parte ante, infinitas, immensitas, immutabilitas, &c. Et ejusmodi propria essentia sunt. Aliud, quod licet aliis convenire potuit, de facto tamen nulli alii convenit; ut in prioribus exemplis. Cæsar enim primus imperator Romanorum fuit, potuit tamen alius quidam primus fuisse.

*Ad Logicæ specialis partem primam, De Genesi,
Cap. 4. post Parag. 6. insere quæ sequuntur,
& integra fiat Paragraphus, sic:*

7. **Q**uodlibet enim totum, quæ tale est, declaratur, seu describitur mentione facta partium omnium, saltem sub ratione aliqua generica, & unionis. Pars autem sigillatim, & ut pars, describitur, ostendendo cujusnam totius pars sit, & quodnam officium, seu usum in eo præstat, præsertim si organica fuerit. De ea etiam inquire potest, sitne essentialis, an integralis, quem situm ad reliquas partes, & qualem unionem cum illis obtineat, nempe, physicam, an moralem, seu relativam.

Ibid.

Ibid. Cap. 9. Paragrapho 5. Adde continuo quæ sequuntur.

SI igitur, in disputationis progressu, quæstio seu conclusio repetenda veniat, cavendum ne varie loquamur, nunc plus nunc minus dicentes; prout à Cartesianis, in quæstione de usu sensuum in scientiarum acquisitione, factum est. Hi enim quandoque dicunt *sensibus non nimis fidendum*, quod facile conceditur; alias vero, *omnia quæ sensus dicunt*, quatenus per illos præconantur, *pro incertis esse habenda*, quod concedi non debet. Voces quidem mutare licet, modo tamen per eas idem semper significetur.

Ad Logica specialis partem 2. Cap. 7. post Parag. 2. inserte quæ sequuntur & fiat Paragraphus nova.

3. **C**UM Exegesis singularum partium instituitur, cavendum est, ne partis unus explicatio alterius explicationem absorbeat, aut ad se trahat: sive opera danda est, ut nihil de singulis dicatur, nisi quod illis, prout à reliquis distinguuntur, peculiare sit. Unde quæ de pluribus communiter dicenda, simul in principio, ante singularum expositionem, expedienda sunt.



944

estio
a ne
es;
um
nim
um,
que
ur,
et.
eas

ag.
hna

in-
ni-
at,
de
uis
ri-
te